



GOVERNMENT OF INDIA
DEPARTMENT OF ARCHAEOLOGY
CENTRAL ARCHAEOLOGICAL
LIBRARY

CLASS _____

CALL No. 398.8 A.K.D.

D.G.A. 79.





खड़िया अलौंग

A KHARIA SONG BOOK

WITH A PREFACE

By

W. G. ARCHER

29835 कबतीबकड़

डब्लू० जी० आर्चर, आई० सी० एस०


जतरू खड़िया

दाऊद डुंगडुंग

ओडो:

मनमसीह टेटेदोहोय

398.8



जतरू खड़िया

छापाकड़

काथलिक छापाखाना

रांची

१९४२



**CENTRAL ARCHAEOLOGICAL
LIBRARY, NEW DELHI.**


Acc. No **29845..**

Date **26/6/61..**

Call No **398.8/ A.K.D..**

TO

BHUPATI BHUSHAN AND AMALA MUKHERJI



PREFACE

The present collection, of which a small forerunner appeared in 1941, is a first attempt to record the oral poetry of the Kharias and preserve it in book form. As such, it may be called the first Kharia book, for it prints for the first time in Kharia language a subject-matter which is essentially Kharia in origin and outlook.

There are two services which such a book may render. At the present time, the Kharias are drifting towards that 'loss of nerve' which Mr. Verrier Elwin has diagnosed as the malady of many tribes in India. They have not as yet reached the final despairing state of the Bhuiyas and their cohesion as a tribe may yet avert this worst of all possible evils. But if the malady is to be averted, it can only be by a new accession of tribal pride, a new perception that, in its main essentials, the Kharia way of life is the best way of life for the Kharias. For this purpose, the printing of the tribal songs is by no means irrelevant for it demonstrates to the tribe that their poetry has a general and public value. It publicly asserts the importance of Kharia poetry, and it shows that if certain Kharias can collaborate in a book and thus proclaim an enthusiasm for their way of life, there is no reason why others should not share their interest or recover their zest.

But there is a further way in which the book may help the tribe to keep or regain its poise. By printing the poetry in Kharia, it has given a temporary stability to the tribe's language, a current definition of what the Kharia language is. This, for the moment, may seem a small matter, but to a tribe the importance of its own

Recd. from N. S. Munda, Secy. of M. B. B. S. 13/6/48 P. 1/4

language cannot be exaggerated. It is from the tribe's reaction to its world that a tribal language springs. It transmits the tribe's traditions and forms a fundamental part of its way of life. To weaken this language is to weaken the tribe and, conversely, to strengthen its language is to stimulate the tribe. If this book helps to invigorate spoken Kharia and also to stem its decline into ganwari, it will to that extent have aided the Kharias to remain themselves.

Acknowledgments.—Of the songs collected, the greater number were recorded for me during 1940 and 1941 by Babu Manmasih Tetetohran and Babu Daud Dungdung, both of Simdega village, and by Babu Jatru Kharia of village Tarloya, police station Raidih. These songs were supplemented by collections made during the same period in Gumla, Raidih and Palkot thanas by the Kharias whose names are given in the appendix. The work of collection was throughout marked by great enthusiasm and in kindling it, Mr. R. H. Lines, I.C.S., Rai Sahib S. K. Aikath, Mr. Munilal Singh, Babu Gopal Mahton and Babu Bishram Trofimov Toppo played important parts. The task of collating the songs and preparing the manuscript for the press was done by Babu Jatru Kharia under my general supervision, while in the last and crucially important stage of seeing the book through the press, the Rev. H. Jacquemotte S.J. and Brother Raphael Indwar gave invaluable help. To this fusion of efforts, the book owes its present form.

W. G. ARCHER

सूचीपत्र

| | | | |
|------------------------|-----|-------|------|
| जेरिब पाङू | .. | १— | ३५ |
| फागुन पाङू | .. | ३६— | १०६ |
| हलका पाङू | .. | ११०— | १६७ |
| फगुन पाङू | .. | १६८— | २१७ |
| माःघ्रेल लेरंग आः पाङू | .. | २१८— | २८४ |
| कसा सींगाः | .. | २८५— | ३६७ |
| असारी पाङू | .. | ३६८— | ४६६ |
| करम (कुआरी) पाङू | .. | ४७०— | ५०४ |
| कुवारी पाङू | .. | ५०५— | ५५६ |
| करम अलोंग | .. | ५५७— | ६७० |
| करम लहसुवा | .. | ६७१— | ६६७ |
| जदुरा अलोंग | .. | ६६८— | ७७६ |
| देशावेल | .. | ७८०— | ८१४ |
| कसासिंग कुःडिंग | | | |
| लहसुवा | .. | ८१५— | ८६० |
| कसा कुःडिंग | .. | ८६१— | ८८४ |
| ठोयोळ | .. | ८८५— | ९०३ |
| कुआरी जतरा | | | |
| लहसुवा | ... | ९०४— | ९५७ |
| ठड़ीआ | .. | ९५८— | ९६३ |
| बिहा अलोंग | .. | ९६४— | १०३३ |
| कुरंग | .. | १०३४— | १५२८ |
| बुभौवल | .. | १— | ४४६ |

THE HISTORY OF THE
CITY OF BOSTON

FROM
1630 TO 1800

BY
JOHN B. BOWEN

VOLUME
I

1800

1800

1800

1800

1800

1800

1800

1800

1800

1800

1800

1800

1800

1800

1800

1800

1800

1800

1800

1800

1800

1800

1800

1800

1800

1800

1800

1800

जेरिब पाडू



१

- १ बेरा: बोंगतेल ते गोड्भूंग ते छेकायोओ: की ।
हारे दाईया रोमोड् डाअ: गूरना लाअ: सिई: ॥२॥
- २ राजा: बोंगतेल ते गोड्भूंग ते छेकायोओ: की ।
हारे दाईया रोमोड् डाअ: गूरना लाअ: सिई: ॥२॥

२

- १ एला: परिया ते बाबू ।
बोंगतेल लेखे ओंएज गामो: ॥२॥
- २ अम्पा: परिया ते बाबू ।
कोलेए: लेखे टोंएज् गामो: ॥२॥

३

- १ सम्पड़ेना रे राजा बेचु सींघ ।
लीला घोड़ा एनेम युंडतेम ॥२॥
- २ भांवर पहार जोंगोड् गोड्की ।
लीला घोड़ा एनेम युंडतेम ॥२॥

४

- १ जोगी रे जोगी
जोगीयअ: डेरा तेनतोन सुम्बो: ते ॥२॥
- २ तुम्बा: डाअ: ऊठोब रे जोगी
जोगीयअ: डेरा तेनतोन सुम्बो: ते ॥२॥

५

- १ बेड़ो को मुऊ:सिंग ताएज्
काँसा गा: नगेरा सोधोम ताएज् ॥२॥
- २ सेले जोहारे कौड़ी बिजला
काँसा गा: नगेरा सोधोम ताएज् ॥२॥

६

- १ अखड़ा को कुहड़ कूटा:
तोबलुंग ते धूड़ी लेंग गा चोलता ।
- २ लेरेएः कोनघेर एबोओता
तोबलुंग ते धूड़ी लेंग गा चोलता ।

७

- १ आपा जोई आपागाअः राईज
ईज को ऊमिज चोना आपा जोई बाँगसिंग राईज ।
- २ बाँगसिंग राईज आपा ऊम कोंगना ऊम छन्देना
ईज को ऊमिग चोना आपा जोई बाँगसिंग राईज ।

८

- १ बेर आरे की दिरोम बोओः
राजी ते तारोः ।
- २ कूँआर साहेब आरे की
दिरोम बोओः राजी ते तारोः ।
- ३ हेले गोड्ना राजा
मोओःभी तोओः ते डाका गोड़े ।

९

- १ बेर भाईया डुरगुःड गुंडरी बुयोओः
गुंडरी लोसरेगा चोलता ।
- २ बाबु भाईया गुंडरी बुयोओः
गुंडरी लोसरेगा चोलता ।

१०

- १ बरिया भाई ला हांथी तोबलुंग ताय
गोली मेलायोओकी ।
डाअः भीःतर ते पेरेबां, हांथी तोबलुंग
ताय गोली मेलायोओकी ।

- २ आना राजा कोले: कोन्धेड तारना
भी:तर दिलकेता ओन्डोरे ।
रेमाखोओ: हीरा राजा गोएज् गोड्की
दिलकेता भी:तर ते कोन्धेड तोरोओ:ता ।

११

- १ गुचु एबोओ: नापे कोनघेर जरा: डांड ते ॥
२ मोओभी डांड ते जूहा एबोओ:ताकी
गुचु एबोओ: नापे कोनघेर जरा: डांड ते ॥

१२

- १ कोनोन भेरे अरब डुऊ: कीम् मनी साय राजा,
मराठा लडाई इघय रोओ: चोनाम ॥२॥
२ माँ आपा बोंग टुवर कीम् मनी साय राजा,
मराठा लडाई इघय रोओ: चोनम् ॥२॥

१३

- १ आतु चोनम बाबु जोई
खिरोम ओमपाय भोरे सिई: ।
२ एंगनम आबु चोनम बाबु
खिरोम ओमपाय रोओ:नो भोरे सिई: ।
३ हाय रे इघय पारोनम बाबु
खिरोम ओमपाय रोओ:नो भोरे सिई: ।

१४

- १ बेरा: पलकी माँ
दिरोम बोओ: चोलता, माँ दिरोम बोओ: चोलता ।
२ राजा: पलकी माँ
दिरोम दिरोम बोओ: चोलता, माँ दिरोम दिरोम बोओ:
चोलता ॥

१५

- १ बोरोल आवना जेऊ
लडा लडा एबोओ: ना नॅग, संगो भूमारी,
धूक धुकी जियोम ना नॅग येबता साँगो भूमारी ।

- २ खोड़ीआः तिमसोंग किनिरअः सोंगोल साँगो भूमारी,
धूक धुकी जियोम ना नॅग गेबता साँगो भूमारी ।
३ लोओःखाः चूकाः सोओःतो बेलोम, साँगो भूमारी,
धूक धुकी जियोम ना नॅग गेबता साँगो भूमारी ।

१६

- १ बेर भाईया सोंग डाअः ऊडते
हजारो गुदनु ते तरते ।
२ बाबु भाईया सोंग डाअः ऊडते
हजारो गुदनु ते तरते ।

१७

- १ आडेल डाअः गर गरायता
भाई नोमते आतु उलाय डोठोब ।
२ चैत लेरांग गर गरायता
भाई नोमते आतु उलाय डोठोब ।

१८

- १ भिमीर भिमीर खाडु चोलता
मोने मोन अबनाम लोदो मोहतो ।
२ सावन भदो खाडु चोलता
मोने मोन अबनाम लोदो मोहतो ।

१९

- १ गुगुं ते जताने बोई जोई
लोओःडो बरखा नो डेना ।
२ कुआर कातिक ते बरखा डेना
गुगुं ते जताने बोई जोई ॥

२०

- १ एनमाअः को गुडलु समय
गुंजरे गुंजरे ऊडेम माधो ।
२ सावन भादो ऊपजाय
गुंजरे गुंजरे ऊडेम माधो ॥

२१

- १ घोल ऊबर जोड़ा गामोब तुरिया
बेटी नोम कान्डाय बोओः जोमकी ।
- २ बेटी भोले नो लरिका बेटी नोम
कान्डाय बोओ जोमकी ॥

२२

- १ आतु चोनाम लेरेएः कोनघेर
ओमपाय भोरे गोइसिईः ।
- २ सासुराईर चोनाम लेरेएः कोनघेर
कोइलो ओमपाय भोरे गोइसिईः ।

२३

- १ होजेः हेके भगीना
हिलो डोलो बोकोब केःएता ।
- २ ऊबर तिईः ते कोनसेल की
हिलो डोलो बोकोब केःएता ।

२४

ईयेंअः बोकेर नाईगं को
ईजं ते बाअःठी जो ऊम गामते ।
नानडोम तेको बिहाना को बिहायोएज्
ईज तेको बाअःठी जो ऊम गामते ॥

२५

ई ठंका ठोड़े बेटी रुजुइ
भोरोम लेरेएः भेरे,
मोओभी मयोंग ते बेटी नूनू हिलेता ।
ई ठंका ठोड़े बेटी रुजुइ
भोरोम लेरेएः भेरे ॥

२६

इना बेटी जोरोब जोरोब तम्
ईयेंअः कायोम ओन्डोर डोड़े रो चोनाम् ।

(८)

ईयँअः कायोम बेटी राजी टपाय सिईः
ईयँअः कायोम ओन्डोर डोडे रो चोनाम् ॥

२७

बेराः सोलोः कतोर बाड़ी चोलता २
राजाः सोलोः कतोर बाड़ी चोलता
बेराः सोलोः कतोर बाड़ी चोलता ।

२८

डांड राईज् आः कौआः किनीर
ते बोरोल योंना डेलकी गगोंयअः
मलाः बोंग ।

२९

आलू बीरू ते राजा
मोओःभी तोगाः लोओःढो डाकायोओः की ।
मोओःभी तोओः ते राजा
मोओःभी तोगाः लोओःढो राजा
डकायोओः की ॥

३०

घोरना सुम्बोओः सुम्बोओः ते,
जोकोर को राआः-राआः की ।
मोओःभी तोओः ते कोडिल की,
जोकोर को राआः-राआः गोओड की ।

३१

ऊबर धारो सोनोराःगा तरावरी राजा,
बाकेन कोडरू ते तारोब ।
चँवरा ला कोडरू अमाः बोकोब तेगा
पूर ते तारोः ।

३२

बेरोड्ना से हरमजदी,
पागोंडाः कुन्डूः इयमता ।

३३

मुरकुन्डाः सिलोःता कोनघेर
बोंगतेल तोनों गुर गोङ्की ।
भीमिर भिटा डाअः गिमते
बोंगतेल तोनों गुर गोङ्की ।

३४

आमते किमिन जुंगतींग
गुङ्लूआः डुबु
बोनेता नो ऊम्बोः ॥

३५

एलाः भुन्डूवाआः राजा
अमाआः पुर गा जेरी-ब गोओ-ड की ।
भुन्डु पुर
अमाआ पुर गा जेरी-ब गोओ-ड की ॥



फागुन पाडू



३६

कोनोन भेरे बिहा कींग गीताअः ना
को गियाल रोअः लाअःता । २।
गीताः ना को गीताअः कींग गोरेज मेयाअः
गियाल रोअ लाअता ।
भोरोम भेरे बिहा कींग,
गीताःअना को लेरेअ रोःलाअता ।

३७

टुनटी बिह ते इ कोनथेड तोरोःता
कोको पाको कुहू ते गा लामते ।
कीःते डीसाः ते टुनटी बीर आईज
कोको पाको कुहू ते गा लाम ते ॥

३८

इंगते बोई बैज कीम ला, तेरे तिगाः
मुःधी मुन्देरा बैना ।
आमते बोई तीः उम मेलाइंग
तेरे तिगाः मुःधी मुन्देरा बैना ।

३९

हारे हारे डिडा दादा सोरी सांगों दादा मेलाय
रोः दुयोब ।
इंज दादा ठुकू चोनइंग सोरी सांगों दादा मेलायरोः
दुयोब ।

४०

कोनोन गा कीमीन कोनोनडुः ओडेंग बार लोरेंग
योता ।
गोरेज मेयाः कीमीन की ओडेंग बार
को बोई लोरेंग बोः योता ।

(१४)

४१

आता कोचा ते आईज डेम राजा,
रानी नोम राजा लोडोगा चोलता ॥
भीःतर मोहोल ते आईज डेम राजा रानी
नोम राजा लोडोगा चोलता ।

४२

बीरु २ बुली ताम कोनघेर ला जराः
ओलेम रोःनो बुयेम
लुवा जराः योंगेम लाअ,
आमाः लैज नोम लोरेंग बोः लाःना ।

४३

कुडा भरीया ते कोनसेल कानबैड़ी
नोम गुर गोडकी ।
आता कोनघेर बुंग आवकीकीम
कोन सेल कानबौड़ी नोम गुर गोडकी ।

४४

दादा ला दादा नो दादा कोड़ीयाः घोती
पभरा ते मेलाय रोः टुयोब ।
कोड़ीयाः घोती समय भेइर गा
गुरना तेरे भया समय जो चोलकी ।

४५

आतु रोः चोलकीम राजा घोड़ा ते राजा
मेलाय रोः टुयोब ।
चाईबासा चोलकीम राजा
घोड़ा नोम ते राजा मेलाय रोः टुयोब ।

४६

तुरी ला बोयो कोन्डेंगाः छाता ला
बैकाय गोडेम ।

(१५)

कोन्डेंगा: छाता ला डा: बानचाय
कोन्डेंगा: छाता बैयकाय गोडेम ।

४७

बेरा: बेटडोमला साबा राना यीमी
कीन्दरे कीन्दरे मान्दड़ी बजैते ।
राजा: बेटडोमला साबा राना यीमी
कीन्दरे कीन्दरे मान्दड़ी बजैते ।

४८

आतु ताय डेलकीम कौवा: बेलेङ्गनोम
को कौवा: ओगुर टुयोब ।
मुनु:सींग ताय डेलकीम कौवा:
सुन्दर बेलेङ्ग नोमते उबगुर टुयोब ।

४९

पांचो भाई की पांचो परगन ते राइज
नोमपे ते आ:पे हिलेना तेरे ।
आनींगा: राजी ला आनींगा: जिमागा
आनींगा: राइज ला आ:पे हिलेना तेरे ।

५०

सीकी सीकी ला सीकी ला कोनथेड
गाम गोडेम ला कोनोथेडा: गीनींग ।
कोनोथेडा: गीनींग मुइंज कोचीया
गाम गीडेम ला कोनोथेडा: गीनींग ।

५१

की:ते रो: बोई झाला फुला नाम दीरोम दीरोम
बोई समय नोम चोलता ।
डिन्डा भेईर गा झाला फुला नाम दीरोम
दीरोम कोनसेल दीनो नोम चोलता ।

(१६)

५२

भोरोम कोनोसेल ते आबु
गीलेम बोयो लेरे:ना तेरे ।
आखीर को बोयो आमा: लेबुगा
आबु गीलेम बोयो लेरे:ना तेरे ।

५३

लुवा पो:दा जोगोंर भांडा जोगोंर भांडा
नोमपे लुसुई डोम गोडकी ।
कोनसेल होय कीम लुवा पो:दा
कोनघेर होयकी जोंगोर भांडा नोमपेते लुसी गोठो: माय ।

५४

बीर सुम्बो: ते रो नो माँ जोई
बीर यो के गेनू जो उमला:ता ।
इंग को माँ जोई उमींग आवना
बीर योता लेमेड जो उम ला:ता ।

५५

आतुवा: महरा कोनसेल
खोड़ी खोड़ी बुली खोरता ।
दही रो तोम लेंग धो:के
खोड़ी खोड़ी बुली खोरता ।

५६

मुनु:सींग ताय डेलकीम बेड़ो
योलो:सींग ते योलो: गोडकीम ।
इना बेड़ो योलो: कीम
दुनिया ते येंबलुंग टुयोब ।

५७

आतु वा: बेतुड कोनसेल
फभरा ते लुवा केजना चोलकी ।

गीयाल जो उम लाःकी कोनसेल ते
लुवा केजना चोलकीम ।

५८

आतु ताय डेलकीम कोलेः
आम को कोलेः इ गा रोः लामतेम ।
लुवा दार ते लुवा बेलोंग सीःहीनते
कोलेः चोनाम लाः लुवा जाराः योंगेम रो अबनाम ।

५९

आता कोनसेल आः कोंडूः डोम
तबकार दार बोःते गुर गोडकी ।
लेरेः कोनसेलः कोंडूः डोम
तबकार दार बोःते गुर गोडकी ।

६०

कीःते रोः बोयो मोन मोन ते रोडेम
इंग को बोयो आमाः तेगा आवनाइंग ।
घोल मेमोन ते बोयो रोडेम इंग को
बोयो आमाः तेगा आवनाइंग ।

६१

बेरला बोयो होरी एबोःता
फागुन ते धुड़ी बेरोड गा चोलता ।
माहा कोनधेर होरी एबोःता
तोबलुंगते धुड़ी लेङ्ग गा चोलता ।

६२

आता बीर ते लुवा बेलोंगता
आना से कोनसेल लुवा रोः योंःना ।
सीरलोंगा बीर ते लुवा बेलोंगसीः,
आना से कोनसेल लुवा रोः योंःना ।

६३

हाथी सोझोब ला कुंवार साहेब हाथी
तोबलुंगते लाःधे डोम गोडकीम ।
भोले आँमी डोमकीम कुंवार साहेब
हाथी तोबलुंगते लाःधे डोमकीम ।

६४

आतु रोः चोलताम दादा इंग को दादा
आम बुंग गा चोनाइंग ।
बीरु बुलीना चोलताम नो दादा
इंग को दादा आम बुंगा चोनाइंग ।

६५

कोंडूः ते पांगोडे गाम तींग लाः
इंग को कुज्ना चोलताइंग ।
आमाः लेरेः कोनसेल कोंडूःते
मेलाय के लेरेःना चोलताम ।

६६

आता भया घोड़ा सोगोंः
घोड़ा याः फुदना गुर गोडकी ।
बाबु भया घोड़ा सोगोंः
घोड़ा याः फुदना गुर गोडकी ।

६७

आमते को बोई गीयाल जो उम लाःता
माँयोंग नोम ते हीलेगा चोलताम ।
माँयोंग नोमते डालेम कोनसेल
नुनु नोम को हीलेगा चोलता ।

६८

ओम्पाय को बोई भोरे सीः
आमते को बोई बेहार रोः लंघाये ।

(१६)

इंग ते को बोई बाइज नाम लाः
आमते को लांघय रोः गोडींग ।

६६

होजेः को दादा बेराः छाता,
छाता तोबलुंग ते बाँकलुयाः टोंइयाँ ।
इघाय योता बोइ इयाँः छाता
छाता तोबलुंग ते बाँकलुयाः टीहलो ।

७०

उ छाता बेराः छाता
उ छाताः कीःते रोः गीनींग ।
उ छाता लोरेंग बोः योता
उ छाता कीःते कीःते रोः गीनींग ।

७१

चोचा ला कोनयेड आम हेकेम
लारोः दारु ते डेलुवा एबोःताम ।
आम ज्जीमी डोमकीम चोचा कोनयेड
लारोः दारु ते डेलुवा एबोःताम ।

७२

कोसोर ओमपाय खीरोम ते
बेराः जीडी र्लु ते तुडाः डोडतेज ।
ओजे ला भोरा कोनघेर कोसोर
खीरोम ते तुडाः डोडतेज ।

७३

ओमपाय सीतील ते ला बोयो
कीलकीला कोनयेड तोरोःगा डेलता ।
कांडोंग रो केडोंड ते योके
कीलकीला कोनयेड तोरोः गा डेलता ।

७४

ई कोनोयेड तोरोःता बोयो
खीरोम बाईर डाः ते ।
पीयो कोनोयेड तोरोःता बोयो
खीरोम बाईर डाःते ।

७५

रांची रो लोहरदागा
कोड़ी बोः ताय कुंवा आइज ।
डाः ओलना चोलकीम बोई
कोड़ी नोमते कुबडूंग डोडेम ।

७६

आज्जी नोम को यारतेज
घांये ला बोयो ओर्येग ओलेम ॥
दादा नोम जो उमबोंडीज
घांये ला बोयो ओर्येग ओलेम ॥

७७

आम बोयो डोडना डेलकीम,
इंग तेको बोयो बेकार योतेम ।
इंग बोयो उमींग चोना,
इंग ते को बोयो बेकार रोः योतेम ।

७८

दादा ला दादा इंग दादा
हुकु कंडाय उमींग गा रोः लाःना ।
इंयाः घाड दादा बीहा ओलकाम
हुकु कंडाय उमींग गा रोः लाःना ।

७९

कीःते डीसाःते बोयो सीलोःताम,
तुम्बा ते डाः डोड काइंग नो उम्बोः ।

(२१)

ढेइर डीसा:ते कोनसेल सीलो:नाइंग
तुम्बा ते कोनसेल डा: डोड काम ।

८०

रांची या: कोनोन साहेब आमते
कोबेसा लागाय गोडे ।
गाड़ी ताय आरे की रो दुरबील
बुंग योयो: चाह दार कोनोन डा: योता ।

८१

डांड रोछोबा: कौवा: की बीर
रोछोब यों: यों:ना चोलता ।
गोंगगोइ ते योके जोंढराते योके
बीर रोछोब यों: यों:ना चोलता ।

८२

आतु ताय डेलकीम भादलीब
खीरोम ते डा: उडना डेलकीम ।
सोमोलपुर ताय डेलकीम भादलीब
खीरोम ते डा: उडना डेलकीम ।

८३

बेरला बोयो कोनोन कोनसेल ओबसोंगोब
गीनींग डोम ते ओयेंग टुयेम ।
माहा कोनघेर कोनोन कोनसेल ओबसोंगोब
गीनींग डोम ते ओयेंग टुयेम ।

८४

ई कराइंग भाई गोपी नाथा राजा
कुडा भोरी ते खोदीया नाइंग डुबे गोडकी ॥
आम आमी डीमकीम गोपी नाथा राजा
कुडा भोरी ते खोदीया नाइंग डुबे गोडकी ।

८५

आतु रो: चीनाम ला बोयो
 बेड़ो को योलो: गोडकी ।
 सोसुराईर चोलतम ला: बोयो
 बेड़ो को योलो:ता ।

८६

होबने तो: को बोयो सोरी सागों
 आवकीनांग आब को बोयो मेलै गोठोब ।
 अब को बोयो मुईज ताय उबार होयकीम
 तांग को सोरी सांगों ते बोयो मेलाय गोठोब ।

८७

आमा: लेखे लो लोरेंग लेबु इंग को
 बोइनी उमींग मां रो: कुये ।
 खोड़ी खोड़ी बुलीकींग पो:दा
 पो:दा बुलीकींग, आमा: लेखे लेबु गा उमींग कुये ।

८८

आतु ताय डेलकीम कौवा:
 खोड़ी खोड़ी तोरो: खोरताम ।
 मुनु:सींग तै डेलकीम कौवा:
 खोड़ी खोड़ी तोरो: खोरताम ।

८९

उ समय डींड़ा समय डींड़ा समय नोम
 कोनसेल की:ते तो: आवना ।
 डींड़ा समय नोम कोनसेल चोलकानकी
 डींड़ा समय नोम कोनसेल की:ते तो: आवना ।

९०

आता कोनसेल आ: जीड़ोय खोमसो
 चुंडा: गो:भुंग ते इरीब टुयो ।

लेरे: कोनसेल आ: जीड़ीय खोमसो
चुंडा: गो:भुंग ते इरीब टुयो: ।

६१

आतु ताय डेलकीम बांसा कोनथेड्
कुर कुर कोनथेड ते तारो रो डोठो: ।
मुनु:सींग ताय डेलकीम बांसा कोनथेड्
कुरकुर कोनथेड ते तारो: रो डोठो: ।

६२

आता कोनघेर आ: कोनसेल गो:भुंग
ते नवा जनम होइकी ।
लेरे: कोनघेर आ: कोनसेल
गो:भुंग ते नवा जनम होइकी ।

६३

है आमा: लेरे: कोनसेल कोड़ी या:
लुतुय नोम जोरोम गोडकी ।
बाकीर कु:डींग चोलकीम बोयो इ कोड़ी
या: लुतुय नोम को जोरोम गोडकी ।
है आमा: लेरे: कोनसेल कोड़ी
या: लुतुय नोम जोरोम गोडकी ।

६४

आतु रो: चोलताम बोयो इंग ते को
बोयो डोडेम नो उम्बो: ।
डोडना को बोइ डोडींग, मानोम आपनोम
ते आबु गा रो: गामेम ।

६५

डीसा: रोछोब तेरोब नो दादा इंग को दादा
उंमीग गा रो: आवना ॥
इंग को दादा छाडी गोडनाईंग
इंग को दादा उमींग रो: आवना ।

६६

मुसा को बुढ़ा पे: जो उम्बोड़ीज
बेतोड बूंग को इघय रो: ला:ता ।
कुदा कोलोंग लाडे से बुढ़िया
योगेनांग रो गीता जोम नानांग ।

६७

आतुवा: साहेब डेलकी बिरुते
लाम लाम एबो: ना डेलकी ।
खाजार ते मेलायो: पोड़ोंग ते
मेलायो: बांडोते बन्दुक बूंग तारो: ।

६८

लै लै के डेलकींग सीलो: के डेलकींग
आना से आजी बासी डा: तेरेम ।
बेतोड डा: बूंग इघाय रो: ला:ता
आना से आजी बासी डा: तेरेम ।

६९

है इयां: कोनोन बोकेरींग,
कि:ते डीसा:ते सीलो:ना चोलसी: ।
ओमपाय सितील ते सिलो:ता
तामा उम्बो: लो:ढो गा डेना ।

१००

बुलीज ना चोलकीम लुवा कोचा
बाडके: नोमतो तोबडीर यों गोठो: ।
घैं से ला बोयो बडके:ते ओलना
बडके: डोमते तोबडीर यों गोठो: ।

१०१

है इयां: कोनोन बेटोंग ते
कायोम बूंग ओबसोंग डोम गोडकी ।

(२५)

तोरेज कुन्डा बूंग बुयोज मुइंग
कायोम-बूंग ओबसोंग गोठोइज ।

१०२

ठीसा गोडे ला नावागढ़ याः साहेब
केवभी बीर ते लाम लाम एबोःना ।
आम यीमी डोम कीम नावागढ़ याः
साहेब केउंभी बीर ते लाम लाम एबोःना ।

१०३

एनमागाः बेतोड कोनसेल टुनटी साःते
रोजे रो ओलेम ।
टुनटी साःते गाजेम रो मानडा
बोसी डाः बायेम रो योंगेम ।

१०४

माघा लोः ते हेलैकीम, आमते को
बोइ गियाल जो उम लाःता ।
आमाः लेखे लेरेः कोनसेल
माघा कालोब ते गियाल जो उम लाःता ।

१०५

धेंसे मानोम आपनोम बोइ आतू
चोलकी माय धेंसे रेमाः ओलेम ।
एले को बोइ मामु नोम हेके ले
धेंसे बोइ रेमाः ओलेम ।

१०६

माघा कालोब ते हेलैकीम, माघा
राः राः सुयोब नो कोनसेल ।
कोनसेल कियाः मुगोम ते आबु चोनाम
बोयो योये की लाः घोगे रो डोडे माय ।

१०७

आना आना बोई पुडूब रामना, ठेटिकाः
धोःके होटोरगा चोनाम ।
आना आना बोयो कुम्बा गीताःना
कुम्बा भीःतार ते हीले हीले एबोःना ।

१०८

बेरनी याः बूदा सुंबोः ते आता लेबू
रोः इयाम ता ।
छता धोगे लोंगोंय गोडे, बेरनी याः
बूदा सुम्बोः ते लेबू कुंडूः इयाम ता ।

१०९

कोनसेल की बोंग बोयो कुःढींग कुःढींग बुलीकीम
दुरू कारै बोयो दुकू कांडै आबू गारोः लामेम ।
आमते बोयो कोनघेर की लाडा साफय की
दुरू कारै बोयो दुकू कांडै आबू गा रोः लाःनाम ।

हलका पाडू

११०

इंगते बेटा बजनाम लाः,
लुवा जराः हीलाय रो तेरींग ।
दारु डेबना को उर्मिंग पालते,
डोको २ हीलाय रो तेरींग ॥

१११

डुगुरडुगुर कंडाय बोः
बोरोल पाको लुजे रो योंगे ।
गोरेज मेयाः कंडाय बोः
बोरोल पाको लुजे रो योंगे ।

११२

नेते कोनसेल सोःलुई नो ठेकेता
भाड़ी लुवा जराः केचोड् गा चोलता ।
माइकी गोसोंया उर्मोंग लडाते ॥
लुवा जराः केचोड् गा चोलता ।

११३

लेंच लेंजे कोन्सेल आः नुनु डोमको
भोले बोः योता ।
माइकी गोसोंया उर्मोंग लडाते,
लेंच लेंजे कीन्सेल आः नुनु डोमको
कुडेल गुड योता ।

११४

बेसे दादा तीः ते मेलाय
सोरी सांगो दादा मेलाय टुयते ।
आमते दादा बेकार योतींग
सोरी सांगो दादा मेलाय टुयते ।

११५

सोरे माला कोकरो, कीतुर ते
कुदाय गा डोडते ।
गोरेज मेया: कोकरो कीतुर ते
कुदाय गा डोडते ॥

११६

बेलोंग लुआ नो मां आडी या:
सु:खो गुर नो जोमता ।
तोहोनबो: इडिब नो मां आडी या:
सु:खो गुर नो जोमता ।

११७

ओम्पाय बेडा ते ई योके ओके आरे कीम
गोबिन्द साय राजा ।
ओम्पाय बेडा ते हीरा योके आरे कीम
गोबिन्द साय राजा ॥

११८

आबु गीलेम तेलेंगा ईया: बेटाईंग
भरिया चोलता ।
ईया: बेटाईंग कुवारा, ईया: बेटाईंग
भरिया चोलता ।

११९

कोन्डेंग बुदा लिसोय लोसोय,
बीरु तोबलुंग ते जन्म डोठो: ।
हरियारो कोन्डेंग बुदा,
बीरु तोबलुंग ते जन्म डोठो: ।

१२०

बेर भया होली एबो:ता फागुन
ते धूडी लेंग गा चोलता ।

बाबु भोइया होली एबोःता
फागुनन ते धूड़ी लेंग गा चोलता ।

१२१

खीरोम सीतील ते राजा,
रानी याः सींगार गुर नो गोडकी ।
गोरेज मेयाः राजा, रानी याः
सींगार गुर नो गोडकी ।

१२२

उःफे एकड़ी कोः ते, तारे से
मंगेना महतो ।
लास डांड ते कोम तुझों, तारे से
मंगेना महतो ॥

१२३

इ कराम भाई गोपीनाथ राजा,
भरिया ते भाई बेसेरा छुःटे गोडकी ।
रेमागे भाई गोपीनाथ राजा
भरिया ते भाई बेसेरा छुःटे नो गोडकी ।

१२४

उःफे कोनी ढोंटी ते डोडे से
मलारीन कोनसेल ॥
काडोंग तारनाः थोंग, डोडे से
मलारीन कोनसेल ॥

१२५

नागपुरिया ते ठिसा योः,
आता बिरु ते लाम लाम एबोःता ।
आता बिरु ते लिला खजार,
आता बिरु ते लाम लाम एबोःता ।

१२६

बंडा हाथी रे रतल साहेब,
इयारी जोरायोब मोबिन्द साय राजा बुंग ।

भोले जॉमी जगायोब रतल साहेब,
इयारी जोरायोब गोबिन्द साय राजा बूंग ।

१२७

मुरगु शहर ते, पोखरा
लायोब नो राजा ।
होडोम पोःदाः जेः ठीसे योब,
पोखोरा लायोब नो राजा ।

१२८

साम सुन्दर राजा ते,
बेर रोः नो महुरा तेरोः ।
हीरा राजा गोब की,
बेर रोःनो महुरा तेरोः ।

१२९

जोरगर रे बून्दा,
हारेकीम मारेदा डांडते ।
सातो टोला कुम्हरिया,
हारेकीम मारेदा डांडते ।

१३०

आराम ते रेमाः खोब,
घांटी टंगाल भेड़ाते तारोब ।
मेयां ते रेमा खोब,
घांटी टंगाल भेड़ाते तारोब ।

१३१

एनमागाः आकाल नो मां,
मुरुन तीड़ेइल यार नो गोठोः ।
इघाय रोः बोरोल ना नींग मां,
मुरुन तीड़ेइल को यार नो गोठोः ।

१३२

तुम्बाः डाःरे जोगी भया,
तुम्बाः डाःते आबु रोः हीलायेम ।

तुम्बाः डाः को सोना डाः,
तुम्बाः डाः ते आबु रोः हीलायेम ।

१३३

बेर भया हंकर साहेब घोड़ाः
रेशेम गुरनो गोडकी ।
बाबु भया हंकर साहेब घोड़ाः
रेशेम गुर नो गोडकी ।

१३४

जोलो याः डिडा कोन्सेल, कुटुवाँ डांड
सांगसांग रंगायते ।
भोले आमी जगायोब कोन्सेल कुटुवा डांड
ते सांगसांग रंगायते ।

१३५

कुंवारी भेंसी तोबलुंग ते,
दलाय दलाय बांकुलुई टोंयां ॥
आतु कुयेम बरोया राजा,
दलाय दलाय बांकुलुई टोंयां ॥

१३६

भांखीरामाः लुघोम,
यारे बेटी घीड़ी २ गामते ।
भांखीरामाः लुघोम, भोरोम लेरेः भेरे
यारे बेटी घीड़ी २ गामते ।

१३७

डोम्बा बीरा बीरु ते ग्रंटा डोकोकी,
कासीर आः कोन्सेल छेका डोम गोडकी ।
कोन्सेल आः कारयों आंटा डोकोकी,
कासीर आः कोन्सेल छेका डोम गोडकी ।

१३८

साहेब आरे की बीरू ते,
हारे बीरू कीनीरते लाम लाम एबोःकी ।
दारू गोली समा कराय बेहेरा,
हारे बीरू कीनीरते लाम लाम एबोःकी ।

१३९

साहेबाः लेखे बंका, कारी कीनीरते
लाम लाम एबोःता ।
होडोम टोलाः जेः ठीसायोब,
कारी कीनीरते लाम लाम एबोःता ।

१४०

जोराग बृन्दा डांडते,
बेर भया बाहा जोरायोब ।
जोराग बृन्दा डांडते,
कोनोन भया बाहा जोरायोः ।

१४१

कोयनारा रसीका भया,
रायमूली कनिया रोकाय डोम गोडकी ।
तेर गोड़े भया चालीस रूपीया,
रायमूली कनिया रोकाय डोम गोडकी ।

१४२

डांड रजिया भयारे,
डांडे २ लाम लाम एबोःता ।
डांड हरिना तारना थोंग,
डांडे २ लाम लाम एबोःता ।

१४३

राजा हो राजा आता राजा,
उ नागपुरते जोगोंर भण्डा सुमोब ।

राजा हो राजा दुब राजा,
उ नागपुरते जोगोर भंडा सुमोब ।

१४४

कुवाँर साहेब आरे की,
आठासी पनारी हीले गोडकी ।
राइजाः लोभ बूंग आरे की,
आठासी पनारी हीले गोडकी ।

१४५

आता राजा घोड़ा कुदायते,
भुनुर को भ्रमर भ्रमर गामते ।
हंसा राजा घोड़ा कुदायते,
भुनुर को भ्रमर भ्रमर गामते ।

१४६

बेराः गोली गाय,
कोइरीयाः कुवाँते डूबे गोडकी ।
राजाः गोली गाय,
कोइरीयाः कुवाँते डूबे गोडकी ।

१४७

आता कोनघेर पाडूता,
छाड़ी कोनसेल लोडोगा डेलता ।
लेरेः कोनघेर पाडूता,
छाड़ी कोनसेल लोडोगा डेलता ।

१४८

नायगोम कोनसेल हरमजाबी,
उबार उसाल आः चेपुआते हीलाय गोठोः ।
कुंडूः नोम चेहेंर चेहेंर,
उबार उसाल आः चेपुआते हीलाय गोठोः ।

(३६)

१४६

आता भया हंसा बुयोः,
हंसा ते सोना मोरे सीः ।
बाबु भया हंसा बुयोः,
हंसा ते सोना मोरे सीः ।

१५०

हायरे गन्दुरा मोदी,
बुली खोरकीम मलंग राइज ।
तीन साय ओरेज लदाय,
बुली खोरकीम मलंग राइज ।

१५१

पाइलकोःटा शहर ते,
कोन्डेंगाः घोरेना तोरोः ।
जुग जीतेकीम कम्पनी,
कोन्डेंगाः घोरेना तोरोः ।

१५२

आता भया सीलोंःता, कैज
गोडे भया ओरेज लोयो गोडकी ।
कोनोन भया सिलोःता, कैज
गोडे भया ओरेज लोयो गोडकी ।

१५३

मां गाः भुलूते डोकोकी,
उलटे पलटे नुनु उडते ।
मां जोई आदड़ो कुंङूः,
उलटे पलटे नुनु उडते ।

१५४

हायरे इयांः अराबडूः,
डोको ठांङो आतु रोः कुइना ।

बेटा जनम डोडींग लाः,
 धांगर गोती कामुंडंग रो योंगीग ।
 बेटा जनम डोडींग लाः,
 खीलडाः ते रोमोड डाः गुरना ।

१५५

पोखेरा जे लायोब,
 चारियो कोना तारदी दगाय ।
 भोले र्थीमी जगायोब,
 चारियो कोना तारदी दगाय ।

१५६

राजा पोखेरा लायोब,
 हायरे पोखेरा भोले शोभाय ।
 रानी भीरी हीरी एबोःता,
 हायरे पोखेरा भोले शोभाय ।

१५७

लेरेः कोनसेल ते,
 आबु गीले बोयो लेरेःना तेरे ।
 आखीर को आमाः लेबुगा,
 आबु गीले बोयो लेरेःना तेरे ।

१५८

भंवरो आः पांडे गनपति राय,
 दीरोम दीरोम राइज ते तारोः ।
 सम्भराय डोडेम गनपति राय,
 दीरोम दीरोम राइज ते तारोः ।

१५९

माँ जोई नो दुलारो,
 इ जनम तेरोब नो माँ जोई ।
 कोलोन भेरे अराबडुः,
 इ जनम तेरोब नो माँ जोई ।

१६०

इधाय इधाय डोमोन सींघ,
बांकीर बरगाँव उजड़ेकी ।
सम्भराय डोडे डोमन सींघ,
बांकीर बरगाँव उजड़ेकी ।

१६१

चोल गोडनाम हरी राय,
कोनोर डाँड़ लोः ।
सेंग गिनिल लोःदो निसाव ।
चोल गोडनाम हरी राम साय कोनोर डाँड़ लोः ।

१६२

किःताःते ठिसाते बीरू आः पियो कोनथेड्,
किःताःते (ठिसा योः) डेनाकी रसीका ।
मोःभी तोःते ठिसायोः बीरू आः पियो कोनथेड्
सोमता पतार ते डेलकी माय रसिका ।

१६३

बेराः जोंगोर पेछौरी,
बरंगी याः चलन धोखोब हो राजा ।
राजाः जोंगोर पेछौरी,
बरंगी आः चलन धोखोब राजा ।

१६४

देसे बेटी बेरोडना,
बीरू टेटेंगा सगाईना लामते ।
गोरेज मेंयाः बेटी बेरोडना,
बीरू टेटेंगा सगाईना लामते ।

१६५

कोइरीन बेटी रोसडोम ओबसोंगते,
दौड़ा धोःते रो खोड़ी बुलीना चोलता ।

गोरेज मेयाँ: ओबसोंगते,
दौड़ा धो:ते रो खोड़ी बुलीना चोलता ।

१६६

हीयो रे गोला ओरेज्,
शिशियो घाट ते छेका डोम गोडकी ।
हीयो ओरोज चवॅरा ओरेज्,
शिशियो घाटते छेका डोम गोडकी ।

१६७

की:ते मोनते बोयो रोडेम,
ईग को बोयो आमा: ते गा चोनाईंग ।
बार मोनते बोयो रोडेम,
इजो बोयो आमा: ते गा चोनाईंग ।



फगुन पाडू

१६८

ओँ से बोई जीड़ोय नोम
उमिंग तेरे दादा तुडा रो: तेरींग ।
मुसा को एका देसी तुडा छोड़ाय
माइंगा: रो तेरींग ॥

१६९

डुरीब को बोइ बेलोंग सी:
आना से बोई हीलाया चोनानांग ।
गोरेज मेया: डुरीब को बोइ बेलोंग सी:,
आना से बोइ हिलायना चोनानांग ।

१७०

हाय इंआ: बोकेरींग इंगते को
आजी जो उम गामते ।
गोरेज मेया: बोकेरींग इंगते को
आजी जो उम गामते ।

१७१

हारे २ डिंडा दादा इमेरे रो: दादा
कंडाय रो: ओलेम ।
मुसा को एका देसी तुडा छोड़ाय
माइंगा: ओलींग ।

१७२

बेरला बोयो कोनघेर को कोनसेल किया:
गिता: चाड़ी ते ओडो गा डेलताम ।
कोनसेल किया: गिता: चाड़ी रिगिबिगायता,
बेरला बोयो लोडो गा डेलता ।

(४४)

१७३

आतिज बार गे किमिन की,
ओड़ेंग बार को लोरेंग डा: योता ।
ओड़ेंग बार को तरकेलेंगता,
ओड़ेंग बार को लोरेंग डा: योता ।

१७४

सेरिगा रामे कंडायबो:,
ढिरि रीरी गामे भेरे सीरे रो योंगेम ।
भोड़ीये गीमे कोयोये ठापागे,
ढिरि रीरी गामे भेरे सीरे सो योंगेम ।

१७५

आतिज बोई, आराम की,
हो गा: दादा निगा लेखे योता ।
मायकी दादा डमिंग लाडते
हो गा: दादा निगा लेखे योता ।

१७६

करीगर होयकीम कुम्हार भाई
खपरा ओ: बंगला इकुड सुन्दर ।
इकुड जॉमी मंहमायोब बा कुम्हार भाई
खपरा ओ: बंगला इकुड युंडते ।

१७७

उबार घोल महिना,
जितया करम ते बेर बेवा कराये ॥२॥
बहिन नाइंग कानसी: भाइंग बेतोड डा:,
जीतया करम ते हिन सेवा कराये ॥२॥

१७८

एनमागा: दोसोंइ डांडते,
हरियर तरदी सलगेताज् ॥२॥

दोसोंइ डांडते बोनतेल, भेड़ा गुरकी, दीरोम-
बो: चोनाम रे दोसोंइ डांडते ॥२॥

१७६

चाह बगान खोलायोब कम्पनी,
गोदाम भला सोभायता ॥२॥
तोबलुंग ते महा कोठी तुता ते कोनोन कोठी
गोदाम भला सोभायता ॥२॥

१८०

हरे गाड़ी चोलता हरे गाड़ी चोलता,
पहिया पहिया गाड़ी चोलता ॥२॥
तुबलुंग ते लोहा तुता ते तिमसोंग डा:,
पहिया पहिया गाड़ी चोलता ॥२॥

१८१

कुपुंग रामना चोलकीम नो कोनसेल
लुवा दारु सुम्बो:ते भुमैर एबो:ताम ।
मो:भी तो: ते चोलकीम नो कोनसेल
लुवा दारु सुम्बो:ते भुमैर एबो:ताम ।

१८२

आता कोनसेला: बिन्डा
सुन्दर तपकार बो:ते उगूर टुसी: ।
कोनोन कोनसेला: बिन्डा,
सुन्दर तपकार बो:ते उगूर टुसी: ॥

१८३

पाइलको:टा: ते डोंगी डा:
डोंगी डा: हलका गा डेलता ।
पूजा कराये पूजारी
डोंगी डा: हलका गा डेलता ।

(४६)

१८४

आनी बेंटी भरिया खुटी नगर पीजना: घाड ।
खुटी नगर डमाडोल होयकी,
खुटी नगर पीजना: घाड ।

१८५

कोलेड पिजना चोलकीम नो बोई,
भिमिर भिमिर डा: नो डेलता ।
जोनो: जपुड चोलकीम नो बोई
भिमिर भिमिर डा: नो डेलता ॥

१८६

आना से कंडायबो: बुन्डा लो:,
रायमुनी कोनथेड यों: गोठो:की ।
मेयागा: बेरा ते आना से कंडायबो:,
रायमुनी कोनथेड यों:मयतेज की ।

१८७

कुबुड कुबुड कोनसेल रोवा ओनना चोलता
गूंगू तोबलूंग ते जिलपी ओखोड सी: ॥
मेयागा: बेरा ते रोवा ओनना चोलता
गूंगू तोबलुंग ते जिलपी ओखोड सी: ॥

१८८

आमा: लेखे आवकींग बोइ
तांग गा: बुढा गोडकींग ।
मेमोन दिनो सिंगार आवकी
तांग गा: बुढा गोडकींग ।

१८९

- १ थामकेल कुम्हारीया
हारेकीम मरा: डाँड़ते ॥
- २ परगना ते रेमा खोब
हारेकीम मरा: डाँड़ते ॥

१६०

- १ लुंगटू रे बागेसेरा
किःते कुनईज कुजकीम इन्दो डाँड़ते ॥
- २ बागेसेरा ऊजड़े की
किःते कुनईज कुईजकीबार इन्दो डाँड़ते ॥

१६१

- १ गोन्दोल सिंघ बेहरा हिरा तेरोः ॥
जगरनाथ साए महाराज पटा बेलायोः ॥
- २ सहर घटी ते पटा बेलायोः
गोन्दोल सिंघ बेहरा हिरा तेरोः ॥

१६२

- १ खड़िया कोन्सेल कोड़ा कोनघेर आः ते
बघीमा डाँड़ ते दूकु चोलकी ॥
- २ भोले ओंमी बेबरोठोब खड़िया कोन्सेल
बघीमा डाँड़ ते दूकु चोलकी ॥

१६३

- १ हाय रे ओसेल भण्डा नाईंग
भोरे रोः युँडते ॥
- २ हाय रे ओसेल भण्डा नाईंग पाःटो भण्डा
हाय रे पाःटो भण्डा नाईंग भोले रोः युँडते ॥

१६४

- १ कोड़ाः ते दुकुकीम कुलम
हाय रे रुसूंग कोलेः भण्डा नोम लुसू डोमकी ॥
- २ कोन्सेलडुः होयकीम् कुलम
हाय रे रुसूंग कोलेः भण्डा नोम लुसू डोमकी ॥

१६५

एते बेटी तुकीरो यारे कुलाः बीराः
कन्डाय बोः बलुआ जाइते

मायकी, गोसोंयः ऊर्मींग ठकायते कुलाः वीराः

कन्डाय बोः बलुआ जाइते ॥

इःफोन कोना ते मड़ील डाः सोधोमताएज्

कोयो डाः डेलताएज्

इना रोः बोई भाईया ते ऊलहाय डोइतेम्

कन्डीजनाबार बोई, एंगनाबार

भाईयाते आबु उलहाय ।

आइल डाः सोधोमता कोयो डाः डेलता,

भाईयाते आबु उलहाये ॥

१६६

छडीकिम बोई कोनसेल बेराः ते

बोई लेरेःना चोनाम ।

लेरेः कोनघेर कन्डाय उनोग्रोः बेराः ते

बोई लेरेःना चोनाम ।

१६७

१ भडांर कोना ते तिरिब डाः डेबताएज्

यारे यारे गामतिग लाः दारू बोःते रोः जपाःताम्

उभरोंगः आः तिरिबडाः बारू जो ऊम्बोः ।

१६८

कोनोन बेटी नो माँ

सुन्दर बोःते गुर जोमकी

कोनोन बेटी याः बिन्डा नो माँ

सुन्दर जराः बोःते गुर जोमकी ॥

१६९

देव ओमपाय सितिल सितिल

खजार चोल गोडकी ॥

योय सेरे भोरा बेटा

खजार चोल गोडकी ॥

(४६)

२००

हो तुरिया देव ओमपाय सितिल ते
लामलाम एबोःता ।
कोनोन भाईया ला देव ओमपाय सितिल ते
लामलाम एबोःता ॥

२०१

रायलेंग गढ़ राजा, रायलेंग गढ़ नोम जोंगोड गोडकी,
बसाली गाय नोम आंजोर ओलोः हीरापुरते भुईहारी
तोलोः ॥२॥

२०२

सनोर छातार आः लोगोंय ते,
दिरोम बोः चोनाम बरोया राजा ।
बेटनोम को जुवान आईज,
दीरोम बोः चोनाम बरोया राजा ।

२०३

हीरा पुरिया राजाते रेमागेपे,
केना बीरूते लामलाम एबोःना ॥२॥
केना बीरूते खाजर अरबोंःता,
केना बीरूते लामलाम एबोःना ।

२०४

डिन्डा नो ओनमोः कोनसेल,
खोड़ीते मेचेर मेचेरगा चोलता ।
डिन्डा नो ओनमोः कोनसेलते,
आबु गिलेम बोयो लेरेणःना तेरेम ।

२०५

बरोया राजा तपकर सुम्बोःते राजा,
रेसेम हिलायते ॥२॥

(५०)

थाम साय बरोया थाम गोली मेलायते,
तपकर सुम्बो:ते राजा रेसेम हिलेताएज् ।

२०६

इन्दी योरेल बोयो, योरेल योकी,
कोनसेल को बोयो रागोम चोलकी ।
घाय से बोयो योडेना चोनाम,
कोनसेल को बोयो डामकी नो उम्बो: ।

२०७

पाडू कोनघेर पाडूता,
लेरेए: कोनसेल लोडोगा डेलता ।
अबडिब ते पाडूता,
सिंगकोय मुला:ते लोडोगा डेलता ।

२०८

कोनसेल आ: साका जोमो: कोनघेर,
बोकोब आ: टिहली नोम लेको:गा चोलता ।
आले रे कोनघेर जोइ,
मेंया: ते पातर न तेरे,
राजा ओ:ओ दरबार धोगे रो डोइ ।

२०९

आता कोनसेल आ: बिन्डा,
तबकर सुम्बो:ते उगुर टुइयो ।
कोनोन बेटी आ: बिन्डा,
तबकर सुम्बो:ते उगुर टुईयो ।

२१०

बंबेड़ा दुरा ते राजा,
एकड़ी साय भरिया की थके कीमोंए ।
डेरा कराय बासा कराय,
एकड़ी साय भरिया थके कीमोंए

(५१)

२११

हारे हारे सुंधमारीन कोनसेल,
ओमपाम ते चोंडेज काडोंग तारना रो चोलता ।
भोले जींमी बेबरोठोब
ओम्पाय ते चोंडेज काडोंग तारना चोलता ।

२१२

सकुर डाः डोलोंग घाटते लेबु इघाय तुबडाः डोमकी २
तोबलुंगते लेबु तुबडाः योःकी;
तुताते जोड़ा डोलोंग छेकाः ओछोः ।

२१३

कायर उलाः दुरंग भेलोब भेलोब,
ओरसिंग उलाः ठुपा ठुपा . . . हारे हाय ।
ई योता २ बोयो कुईजताम,
ई योता २ बोयो लेरेःना लासीः ।
घन्टा सोधोमता रडंग रडंग,
वेजांग सोधोमता घिङ्केता ।
होजे योता २ बोयो लेरेःता,
होजे ओन्डोर २ बोयो कुईजता ।

२१४

बंगकलुइ रे भाइया
राजा लेखे कचहरी डोकोताम ।
बंगकलुइ रे भाइया,
पोखरा हिङोते, कच्छरी डोकोताम ।

२१५

गुंजरेता गुंजरेता तेलंगा,
बरेछा गुंजरायते हिरापुर राईजते ।
उःफे तेलंगा, माघरी कौवाः लेखे
गुंजरेगा डेलकी ।

(५२)

राजी डोडना: थोंग तेलेंगा,
माधरी कौवा: लेखे गुंजरेगा डेलता ।

२१६

हारे हारे लुवा टोला: पाड़ा भाइकी,
रुसूंग ओसेल भण्डा ते बेर मुहम डोठो: ।
कोनघेर होईकोन कोनसेल होई होईकीम,
रुसूंग ओसेल भण्डा नोमते मुहम डोठो: ।
लामेपे, कालो सूंगगुडे,
रुसूंग ओसेल भण्डा ते बेहार नो डोठो: ।

२१७

आलु बिरुते सकोय ईयामता सकोय तोरो:ता ।
ओले से माँ सुमसुम बरेछा,
सकोय तोरो:ता, सकोय ईयामता ।

॥ माःघ्रेल लेरंग आः पाडू ॥



२१८

देरो दादा तिर्गींगते मेलाये,
सोरी सागों दादा मेलाय टुते ।
आमते दादा आसेद कदराय,
सोरी सांगो दादा मेलाय टुते ।

२१९

हारे हारे डिन्डा दादा
ई भेरे दादा कन्डाय ओलेम ।
ईंग को दादा चोनाईंग डीयर डुःना,
ई भेरे दादा कन्डाय ओलेम ।

२२०

तारदीयेम माँ हरीयारो बियोम तरदीये
हरीयारो सरीथा बाये ।
ईंग को माँ चोलसी खोएज सारना
हरीयारो बियोम तरदीये, हरीयारो सरीथा बाये ।

२२१

अतीज ताय आरेकिम अपा समुद्र पारो गंगा पारो,
पारो डेलकिम अपा ।
बेराः गमना बेराः ऊतुनना बेराः जो ऊम्बोः अपा,
हिरापुरते आमगा थानी डोकोकिमगा अपा ।

२२२

बेरोडना से हरमजाबी
पांगोडाः कुन्डुः ईयम ताएज ॥२॥
कुन्डुः हकोन नीके सुखे
पांगोडाः कुन्डुः ईयम ताएज ॥२॥

(५६)

२२३

पलामु कोइलो भोरे की
सोनोर आः टाईनी तुडाः डोमना लाःसीः
पलामु कोइलो ॥२॥
योय से झोरा बेटा
सोनोर आः टाईनी तुडाः डोमना लाःसीः ॥२॥

२२४

हाय रे गन्दुरा भोदे
बीरोम बोः चोनाम मलांग राईज ॥२॥
ऊःफे साए खडू ओरेज
बीरोम बोः चोनाम मलांग राईज ॥२॥

२२५

साहेबाः गुड वॅकड़ा
कोलेड किनिर ते लामलाम एबोःता ॥२॥
बिलींगबिरा ते ताम्बू खुटायोः
कोलेड बिरू ते लामलाम एबोःता ॥२॥
केसेलपुरीया राजा
जवान भरिया की थाकेना लाःसीः ॥२॥
बन्दूक ऊम चलायते राजा
जवान भरिया थाकेना लाःसीः ॥२॥

२२६

मैना रे मैना ऊबर जोरी मैना
अमाः घड रे मैना सोनोर आः पिजरा ॥२॥
ऊबर जोरी रे मैना सोनोर आः पिजरा
अमाः घड रे मैना सोनोर आः पिजरा ॥२॥

२२७

लारोः बेराः गामते की
लारोः सुम्बोः ते जागीर होएकी मोए ॥२॥

(५७)

लारो: बोरोलना गामो: की
लारो: सुम्बो: ते जागीर होएकी मोए ॥२॥

२२८

कायर बगैचा लगायोब अपा
एनेम ऊला: एनेम हारा ऊम सोभेते ॥२॥

२२९

तोमने कन्डाय ओलकायोब अपा,
जोल मुन्दरोम एनेम ऊम मुंडते ॥२॥

२३०

कोएनारा: सुपाई महतो
बोहिला कोन्सेलडु:ते सगोई ओलो: ॥२॥
बोहिला कोन्सेलडु: लेदेम लेदा:
बोहिला कोन्सेलडु:ते सगोई ओलोब ॥२॥

२३१

सिलो:ना चोर्लकिंग ला: डा: ऊठोएज
लुवा जरा जॉखोएज ला:
जीयोम पोंगोर बो: ला:की ॥२॥

२३२

हारे हारे नेडा
भोरे जॉरी नेडा हे:जोना ला: सी: ॥२॥
डिन्डा नेडा चोल कनकी
भोरे जॉरी नेडा हे:जोना ला: सी: ॥२॥
झिका मुन्दरा चलान होएकी
हारे नेडा हे:जोना ला: सी: ॥२॥

२३३

मुरगू शहर ते पोखरा लायोब राजा
परगनिया ते हाँ:को तेरोब, पोखरा लायोब राजा ॥२॥

(५८)

२३४

जोरागाः बिन्डा डांड ते
हारेकिम मरदा डांड ते ॥२॥
थाम टोला थाम कुम्हारिया
हारेकिम मरदा डांड ते ॥२॥

२३५

हांथी एनेम कुबार साहेब
हांथी एनेम खड्ड लाःघे ते ॥२॥
जोड़ी हांथी गोएज गोडकी
हांथी एनेम खड्ड लाःघे ते ॥२॥

२३६

चंबरा हांथी गोएज कनकी
हायरे नरागढ़ जोंगोड गोडकी ॥२॥
राजाः हांथी गोएज गोडकी
हायरे नरागढ़ जोंगोड गोडकी ॥२॥

२३७

ऊलामल डांड ते राजा
तिलासरी बोकोबकेः गुरना लाः सीः ॥२॥
तारदी गोरोडे राजा
तिलासरी बोकोबकेः गुरना लाः सीः ॥२॥

२३८

आजी आः भोरे पांगोड कुन्डूः
खोड़ीते ईयम गा चोलताएज ॥२॥
लेबुई नापे पांगोडेपे
केलोम बोः पांगोडेपे ॥२॥

२३९

कुदड़ी बोंग लायोः गइंता बोंग लायोः पोखरा,
कुडूना बोंग बान्धों कोंगोंः ॥२॥

(५६)

हो पोखरा युंठो: हंसा एनेम युंठो:
बान्धो गेरवा एनेम युंठो: ॥२॥

२४०

कांसा पि:तोड़ोआ: किया:
किया भोरे सुन्दरोम तेरोब ॥२॥
राजा रानी की किया:
किया भोरे सुन्दरोम तेरोब ॥२॥

२४१

हारे कम्पनी पाएजकोम
कांवरू दूरा ते लड़ाईयोब् ॥२॥
तार ढंगलायोब पाएजकोम
कांवरू दूरा ते लड़ाईयोब ॥२॥

२४२

कोनोन बेंटीआ: बिन्डा सुन्दर बो:
तपकर सुम्बो: ते गूर जोमकी ॥२॥
लेरे: कोनसेल आ: बिन्डा सुन्दर बो:
तपकर सुम्बो: ते गूर जोमकी ॥२॥

२४३

बिसी झूलेना चोलकिम रे भोगता
चन्दनी तोबलूंग ते भोले युंठोब ॥२॥
भोले आंमी बेबरोठोब भोगता
चन्दनी तोबलूंग ते भोले युंठोब ॥२॥

२४४

हायरे लाल जमादार
हायरे भरिया ईयमता ॥२॥
केलोम आंमी बेबरोठोब जमादार
हायरे जमादार भरिया ईयमता ॥२॥

२४५

बेर भाईया तारो: लिला खजर ते
काईन कोम् ते डोड् कनो:
ला: लूवा केजूना चोलता ॥२॥
बाबु भाईया तारो: की लिला खजर ते
काईन कोम् ते डोड् कनो:
ला: लूवा केजूना चोलता ॥२॥

२४६

चवड़ा: डा: आजोड् की
गन्दरी कडोंग हे:जोना ला: सी: ॥२॥
मुरडागा: नेडाते कोसोर गोड्की
गन्दरी कडोंग हे:जोना ला: सी: ॥२॥

२४७

दिनो दिनो कलिकत्ता
गोएजूना बोरोलना सिंगारते ॥२॥
गोरेज् मेया: कलिकत्ता
गोएजूना बोरोलना सिंगारते ॥२॥

२४८

भाईया रे भाईया हारे भाईया
भाईया: धोती जरिया ते मेलय डोमकी ॥२॥
भाईया: धोती समय भोरे
जरिया ते मेलय डोमकी ॥२॥

२४९

अनी अनी पाएज् कोम्
चलान की मोए चंगडा राईज् ॥२॥
गोरेज् मेया: चपरासी की
चलान की मोए चंगडा राईज् ॥२॥

२५०

हिरा राजा हिराः मलाः बोंग
 सोमधी जोड़ेयोः ॥२॥
 बेटनोम् जवान नेडा होएकी
 केलोम बोः सोमधी जोड़ेयोः ॥२॥

२५१

लेरेः कोनघेर कोन्सेलाः तिईः
 मिलाय गोड़ेम् मूरुन डांड ते ॥२॥
 मेयागाः नेडा ते तिई
 मिलाय गोड़ेम् मूरुन डांड ते ॥२॥

२५२

हायरे बेटोड् कोन्सेल
 भरिया ते लुवा सुम्बोः ते चोलता ॥२॥
 गियल जो नो ऊम लाःता
 भरिया ते लुवा सुम्बोः ते चोलता ॥२॥

२५३

हाय रे सुंधमारा कोनघेर
 भरिया ते चोडेज् कडोंग तरना चोलता ॥२॥
 गियल जोनो ऊम लाः ता कोनघेर
 भरिया ते चोडेज् कडोंग तारना चोलता ॥२॥

२५४

कुरुमाय लोहरडगा
 हजारो रानी कुःडींग लगायोःकी ॥२॥
 लेरेः एबोः कीमोए
 हजारो रानी कुःडींग लगायोःकी ॥२॥

२५५

तुम्बा ओखोठोब् जोगी भाईया
 ओले होन्ताए तुम्बाः डाः ॥२॥

तुम्बाः डाः सोनाः डाः
ओले होन्ताए तुम्बाः डाः ॥२॥

२५६

तोमकुई ला भाईया
लोःखाः कलसा बयोः ॥२॥
बिहा शादी होएता भेरे
लोःखाः कलसा बएकाएम ॥२॥

२५७

कारीगर होएकीम् तोमकुई भाईया
खपरा ओओः जिमोब् केलोम बोः युंठोब् ॥२॥
केलोम बोः जिमी बेबरोठोब् तोमकुई भाईया
खपरा ओओः जिमोब् केलोम बोः युंठोब् ॥२॥

२५८

मलाराः कोलेज्
सुन्दर साए राजा ओन्डोरेपे ॥२॥
मलाराः कोलेज् ढेला सोरेंग
ओन्डोरेपे सुन्दर साए राजा ॥२॥

२५९

हथियाः चोना ते बँडिया
तिगाः कचिया गूर कनकी ॥२॥
मानोम ते डोड़िग बँडिया
तिगाः कचिया गूर कनकी ॥२॥

२६०

ओमपाय भरिया ते भाईया
ईना देबरी तेम् ॥२॥
आङेल डाः गरजेता भाईया रे
ईना देबरी तेम् ॥२॥

(६३)

२६१

मोघेर तिरिब नो माँ
हायरे सोना डाः गिमना लाःसीः ॥२॥
एनेम तिरिबाः नो माँ
हायरे सोना डाः गिमना लाःसीः ॥२॥

२६२

किःते कायर ओनोब राजा
ऊःफे साए कायर नोम जागीर होएकी ॥२॥
मोलोय एकड़ी कायर ओनोब राजा
ऊःफे साए कायर नोम जागीर होएकी ॥२॥
किःते बासा चोलकिम् राजा
हंसा राजा घोड़ा ते ओबसोंगोब ॥२॥

२६३

किःते पटाईन पटायोब राजा
हंसा गेरवा लेंग गा चोलता की ॥२॥
मोलोए एकड़ी पटाईन पटायोब राजा
हंसा गेरवा लेंग गा चोलता की ॥२॥

२६४

मोईनी कड़रु सुरुम चोलकी
थाम भाईया की हेःजो तेकी ॥२॥
कोठा भिःतर ते सुरुम चोलकी
थाम भाईया की हेःजो तेकी ॥२॥

२६५

कारड् काट् भरिया बेराः भरिया
दीरोम बोः चोलता ॥२॥
राजाः भरिया राजाः भरिया
दीरोम बोः चोलता ॥२॥

२६६

बाबु ला लोहोर सिघ
आटा तोबलूंग ताए मराः तारते ॥२॥
किनिर भाईया चोल कनकी
आटा तोबलूंग ताए मराः तारते ॥२॥

२६७

ओमपाय आः हेमडूः ते ऊबडूः ते
बोर्कोरिंग सिलोःना चोलता ॥२॥
सिलोः काऐज कोन डेलता
कोरोब कोरोब मचीला ते डोकोता
बेरोडना बोकेर होन लोटा डाः ॥२॥

२६८

बेलोंग लुवा नो माँ
अडीयाः मोनसुःखो गूरता ॥२॥
मोःझी तोःते नो माँ
अडीयाः मोनसुःखो गूरता ॥२॥

२६९

डिन्डा नो कोनसेल
खिरकी दूरा ते ईयमता ॥२॥
ओओ दूरा जोड़ेयोब
ओगाः हेःजो तेम ॥२॥

२७०

आतु चोनाम ला दीगवार
पोःदा नोम जोंगोडकी ॥२॥
पोःदा बुलीना चोलकिम ला दीगवार
खोड़ीनोम जोंगोडकी ॥२॥

२७१

ओओ योये माँ जोई
ओओ नोम जोंगोडकी ॥२॥

(६५)

महा बेटी ते डोड कनो: अरामकुन्डु:
ओओ घोये माँ जाई ओओ नोम जोंगोडकी ॥२॥

२७२

आतु चोलकीम ला लेरे: कोनघेर
अखड़ानोम जोंगोडकी ॥२॥
मो:झी तो: ते डेलकीम ला लेरे: कोनघेर
अखड़ानोम जोंगोडकी ॥२॥

२७३

अता बेटी या: बिन्डा
सुन्दर तपकर तुताते गुर जोमसि: ॥२॥
कोनोन डु: बेटी या: बिन्डा
सुन्दर तपकर तुताते गुर जोमसि: ॥२॥

२७४

लम लम चोलकीम पदूमन साए
बीरु सुम्बो: ते जूता बोंग तारोब ॥२॥
भोले जीमी बेबरोठोब पदूमन साए
बीरु सुम्बो: ते जूता बोंग तारोब ॥२॥

२७५

ए तुरीया,
बेटीनोम ते तुरीया बोकेर डोम डोठो: ॥
माए की बेटी ऊर्मिग ठकाए ते
बेटीनोम ते तुरीया बोकेर डोम डोठो: ॥

२७६

बेरा: हाँथी गोइज गोडकी
हरे नावा गाढ़ को जोंगोडकी ॥
राजा: हाँथी गोइज गोडकी
हरे नावा गाढ़ जोंगोड गोडकी ॥

२७७

भन्डारी ला कुलम
बनिहार ते चलाय गोडेम ।
कुदा ओननाः थोम
बनिहार ते चलाय गोडेम ॥

२७८

ई गामेम ला गोपीनाथ साए राजा
जड़िया ते गमछा नोम गूरकी ।
हाँको गोड़े ला राजा
जड़िया ते गमछा नोम गूर गोडकी ॥

२७९

डुग डुगिया ला खड़ी
ऊबर जोड़ी नगेरा बुगे ।
ज्रींमी बेबरोठोब बीरू राजा
ऊबर जोड़ी नगेरा बुगे ॥

२८०

डिण्डा भैंसी तोबलूंग ते
दलाय दलाय बँकुलूय टोंया ॥
भीखे कुयेम बरोया राजा
दलाय दलाय बँकुलूय टोंया ॥

२८१

हिरापुरीया खड़ी राजा
आबु गुरना तेरेम ॥
बरोया खड़ी राजा
भीखे कुयेम बँकुलूय टोंया ॥

२८२

नैगोम भैया ई बिलमतेम
बन्डा डुन्डा लुवांग ते जबकाय ।

कुन्डुः हकोन बुईनाः थोम
जबकाये नैगोम भैया ई बिलमतेम ॥

२८३

छेछरा कुन्डुय ते तुनी काये
ई बिलमतेम तूरिन कोनसेल डूः ॥
कुन्डुः हकोन बुईनाः थोम
तुनी काये छेछरा कुन्डुय तूरिन कोनसेल डः ॥

२८४

आतु ताय डेलकीमोंय कांसा बंकलुई
योः योंना आरेकीमोंय ॥
मुनुःसिग ताय आरेकीमोंय कांसा बंकलुई,
ओमपाय सिनिंग ते योंः योंगा आरेकीमोंय ॥



कसा सींगा:



२८५

महा हांथी रे रासाल सहेब
सांगो जोडेयोब गोबिन्द साय राजा ।
भोले यीमी बेबरोठोब रासाल सहेब बूंग
सांगो जोडेयोब गोबिन्द साय राजा ।

२८६

मोलोय भायिंग, मोलोय गोठांग परेगाना ।
राइज नोमते आबु हिलेना तेरे ।
राइज नोमपे अम्पाः सोमपे तेगा,
राइज नोमपे ते आपेः हिलेना तेरे ।

२८७

डाः सितीलते डोकोकिम रे पेरबां, हांथी
तोबलुंग ताय राजा गोली बूंग तारोः ॥२॥
एंगना एंगना राजा पाइलकोःटा शहर,
पाइलकोःटा ते राजा लोरेंग डाःयोता ।

२८८

बेरला खड़िया बेटा घोड़ा तोबलुंग ते
चाँवर धुकाय गा डेलता ।
खड़िया बेटा राजा होयकीम गुनेगा
राइज ते मंडेयोब ॥२॥

२८९

एबोः नापे लेरेः कुल्डु नैंग,
उ समय कीःते तोः अबना ।
उ समय डीडा समय,
उ समय कीःते तोः अबना ।

(७२)

२६०

डिंडा गे कोनसेल
खीरोकी दुवारते इयाम तैज ।
ओः दुवारी कीम ओगाः फिकीर,
डिंडा गे कोनसेल खीरोकी दुवारते इयाम तैज ।

२६१

ए, मोहान बड़ाइक सोरेंगाः गढ़,
तेरोब हो तेनतोन सुम्बोःते ।
भोले यीमी बेबरोठोब मोहान बाड़ाईक,
सोरेंगाः गढ़ तेरोब हो तेनतोन सुम्बोः ।

२६२

बेराः बुई बुई मैना ! बेटाईंग किमीनींग लेखे युंठोः ।
आपाः बुई बुई मैना ! बेटाईंग किमीनींग लेखे युंठोः ।

२६३

रीमी रीमी गे किमीन की,
ओड़ेंग बारगे लोरेंग डाः योता ।
तुकी नाबर गे किमीन की,
ओड़ेंग बारगे लोरेंग डाः योता ।

२६४

आना से कोनसेल इयाः भोंइसाः साड़ा ओन्डोरना ।
भोंइस नेंग चोलकी बिजुबन,
आना से कोनोसेल इयाः भोंइसाः साड़ा ओन्डोर ।

२६५

किःते रोः सीलोः नानांग जोड़ी भाई,
सीलोःना सीलोःना उरुम डाः गुरता ।
आना से चोना नांग जोड़ी भाई,
अजीयाः ते बसीडाः बोरना ।

२६६

खड़ खड़ी तोभलुंग लोहर साय ?
पाइकोम भायारे उम गा रोः मानेता ।
कम्पनीयाः हेपाडते पाइकोम को !
पाइकोम भायारे उम गा रोः मानेता ।

२६७

भीमीर भीट डाःनो गिमते
कोनकेः कोनकेः बुन्दा डाः ।
गोरेज मॅयाः बेर योये,
योये से बरोया राजा ।

२६८

बंकलुई रे भैया
राजा लेखन कछायरी डोको सीः ।
पोखरा सितिल ते
राजा लेखन कछायरी डोको सीः ॥

२६९

कोडेंगरे कोनोन कोडेंग, गोटा बीरुते जोरमेकीम ।
कोनोन कोडेंग लिसोय लोसोय, गोटा बीरु जोरमेकीम ।

३००

कुर्बार् साहेब आरे की, दीरोम दीरोम राजीते डोठोः ।
गोरेज मेयाः आरेकी, दीरोम दीरोम राजीते डोठोः ।

३०१

मुनगा हाराते डेजकाय गोड़ेम नो,
अंगडुजकय गोड़ेम ।
कोनसेलाः मलाः बाँग डेजकाय गोड़ेम नो
अंगडुजकय गोड़ेम ।

३०२

ओंमपाय जोडाः किलकिला तोरोःगा चोलता
कडोंगाः मलाः बाँग किलकिला तोरोःगा चोलकीम ।

(७४)

३०३

बेर भाईया सिलोता तोतोरे नोनोरे गामते ।
लेरे: कोनघेर सिलोता तोतोरे नोनोरे गामते ।

३०४

बेर भाईया सिलोता काजगोड़े भाईया
ओरेज लोयो गोडकी ।
कोनोन भाईया सिलोता काजगोड़े भाईया
ओरेज लोयो गोडकी ।

३०५

बरो जोड़ा बरोब तुरिया बेटीनोम को रंगोम चोलकी ।
गोरेज मेया: बरोब तुरिया बेटीनोम को रंगोम चोलकी ।

३०६

आबु बाबुरे जयमंगल बाबु, बाबुरे अमा: राजी होयना ।
राजी अमा: यीमागा:, राजीते हिलेना आबु तेरेम ।

३०७

गुडलु बीजोम ओजेसे जोड़ी भाई
आना से गुडलु बीडना: ।
बाबुते गामे से योड़ी भाई
ओरेजते योने रो: डोड़े ।

३०८

ऊ बेलासा कोनसेल कुडा: दरू डेबसी
हारेकींग याया अरेता नो उम्बो: ।
घायं पेसे यो डेनापे ऊ बेलासा कोनसेल
अरेसी: नो उम्बो: ।

३०९

हो हायरे लेरे: कोनघेर
तोंडेंगा: माला बायकायेम ।

(७५)

जाता कडोंग आः कालगा
बायकायेम लेरेः कोनघेर ।

३१०

साम सुन्दारी राजा ते
बेर बेर रे भाईया महुरा तेरोः ।
हिरा राजा गोएज गोडकी
बेर बेर रे भाईया महुरा तेरोः ।

३११

भगीनाः घड् रूतू बायकाय गोडे
ए सिबा पाडू ।
भगीना को ईकूड् लेरेः कोनघेर
रूतू बायकाय गोडे ए सिबा पाडू ।

३१२

बाएज् कीम् लाः कोनसेल तेरे तीगाः
मुःधी मुन्देरा बायना ।
गोरेज् मेंयाः बाएज् कीम् लाः रे
कोनसेल तेरे तीगाः मुःधी ।

३१३

ई कयोम बोंग हारेकीम कोनसेल
सोमोंग ते सुन्दरोम तेरोः की ।
कयोम केन्देर बोंग हारेकीम कोनसेल
सोमोंग ते सुन्दरोम तेरोब् ॥

३१४

आता कोनघेर पाडूता
छडी कोनसेल लोडोगा चोलता ।
लेरेः कोनघेर पाडूता
छडी कोनसेल लोडोगा चोलता ॥

(७६)

३१५

अलामल डांड ते राजाः
तीलासारी बोकोब केः गुर गोङ्की
मसाल तरदी येपे राजा की
तीलासारी बोकोब केः गुर गोङ्की ।

३१६

मलार आः कोलेज्
योये रे सुन्दर साय राजा ।
मलार आः कोलेज् ढेलका सोरेंग
योये से सुन्दर साय राजा ॥

३१७

डुगुर डुगुर डुर गूङ्
डिन्डा बेटा ठोःठी बोंग तारोः ।
हाय रे चुंगडाः गोङ्झंग बोःते
डिन्डा बेटा ठोःठी बोंग तारोः ।

३१८

हायरे लेरेः कोनोसेल
कोचा ते कुसू तांञ्ज् गामतेम ॥
गोरेज् मॅयाः कोनोसेल
कोचा ते कुसू तांञ्ज् गामतेम ॥

३१९

कुदा कोलोंगआः बोंग कोनसेल
रागोम नो चोलता ॥२॥
गोटा तेरना लेरेः—ता
रोःनो ला तेरना रगोम—जोमता ॥२॥

३२०

आनी से मा बॅकलुई तारना,
बॅकलुईयाः कलगा ईकुङ् युङ्ते ।

बँकलुई तारता, तारता कलगा बायेनिंग,
बँकलुई कलगा केलोम बो: युँइते ॥

३२१

तपकर सुम्बो: ते आरेकी लेरे: कुलम,
इया: बेटाईंग एबो:ता ।
घायते तेनते रूनू रे झूनू
तपकर तूता ते आरेकी लेरे: कुलम ॥

३२२

सोनोर मू:ठी तरावरी राजा,
बाकेन कडरू ते तारो: ॥
सोनबिरा दोसोंए डाँड ते,
सोनोर मू:ठी तरावरी राजा
बाकेन कडरू ते तारो: ॥

३२३

हीरा राजा हीरा: बोले
सोमधी जोरायो: ।
बेटनोम को जुवान की
हीरा: बोले सोमधी जोराये ॥

३२४

सका पोयोर बंग डो:कीम राजा
हांथी ते डोइ कनोब् कोलंगपुर ऊकुबना ।
बेटनोम ते ऊकुफोब् छपायोब्
हांथी ते डोइ कनोब् कोलंगपुर ॥

३२५

कोनोन मोनोन कोनसेल ते
आबु गिलेम दादा लेरे:ना तेरेम ।
आखिर को अमा: लेबुगा
आबु गिलेम बोयो लेरे:ना तेरेम ।

३२६

सिरकी केएज्ना चोलकीम बोई
ऊम पालेम बरोया राईज ।
गोरेज मेंया: चोलकीम बोई
ऊम पालेम बोई बरोया राईज ॥

३२७

ए रूसूंग कोकरो सुलेसे कोकरो
जीयोम नोम चोना ।
गोरेज मेया: कोकरो
जीयोम नोम चोना ॥२॥

३२८

होजे: बेरा: बिज्डोम, बोरिंग ला: तेरे नो ऊम्बो: ।
होजे: बिराना: बिज्डोम, बोरिंग ला: तेरे नो ऊम्बो: ॥

३२९

कोनोन भेरे बिहायो:की
गिता: ना को गियाल रो: ला:ता ।
बिहाना को बिहायो:की
गिता: ना को गियाल रो: ला:ता ।

३३०

डिन्डा बारु नो बोई ओनमो: बारु ।
इडिब जो कलकल मेया: जो कचकच
डिन्डा बारु नो ओनमो: बारु ।

३३१

ईया: बेटिंग ते इना रो: कोनघेर ऊमेम जाबूतेम् ।
ईया: बेटिंग आ: रेशोम फुदेना
ईना रो: कोनघेर ऊमेम जाबूतेम् ॥

३३२

मुरुन जो बोंगकी गाली जो पा:की
इधय रो नना दिनो नंग चोना ।

जाती लाः जाती भलाय रोः साती
इघय रोः नना दिनो नंग चोना ॥

३३३

बेराः रुसूंग झन्डा
हीरा पूर ते झिलमिलाय गा चोलता ।
राजाः ला रुसूंग झन्डा
झिलमिलाय गा चोलता ॥

३३४

सिंगकोय तारोब् बेलासा कोनसेल
केन्दोरनोम ते झड़ी पोटा तेरोब ॥
गोरेज मॅयाः बेलासा कोनसेल
केन्दोरनोम ते झड़ी पोटा तेरोब ॥

३३५

हारे करम हरा ईयाः डिन्डा भेरे
आबु ओनमोंः नाम ।
आम जो डिन्डा ईज जो डिन्डा
ईयाः डिन्डा भेरे आबु ओनमोंः नाम ॥

३३६

आना बोकसेल कान्डराएज् बाड़ी
ऊमींग चोलना बाःठी जुराः तोःते ॥
कान्डराएज् बाड़ी लेदेम लेदाः
ऊमींग चोलना बाःठी जुराः तोःते ॥

३३७

रुसूंग ओरेएज् ते ओबसोंगे भगिना
कोनोन कूलाम आः थोम कन्डाय लामना ।
सोंगोलपुर ते कन्डाय आईज्
कोनोन कूलाम आः थोम कन्डाय लामना ॥

३३८

अराब डुः कन्डायबोः
बोरोल पाको ते लछोः रो योंखोः ।
अराब डुः कन्डायबोः
बोरोल पाको ते लछोः रो योंखोः ॥

३३९

हारे हारे डिन्डा दादा
सोरी सांगो दादा मेलाय टुतेज् ।
आम ते दादा बेकार योतीज
सोरी सांगो दादा मेलाय टुतेज् ॥

३४०

ईज ते बोई बाएज् नम लाः
लुवा जराः हिलाय रो तेरिंग ।
गोरेज मॅयाः बाएज् किम लाः बोई
लुवा जराः हिलाय रो तेरिंग ॥

३४१

डोलोंग ते खण्डा लावके ता
कोईल सितिल ते कोलेएज ताकी ।
योये हो हिरा राजा
कोईल सितिल ते कोलेएज ताकी ॥

३४२

कोनोन कोनसेल महा कोनघेर
हायरे कोनसेल ईयाम रेःता ॥
मान्डा भीःतर ते सेईरगा लोङ्गा
हायरे कोनसेल ईयाम रेःता ॥

३४३

कोनसेल आः सका ओंखोब रे कोनघेर
बोकोब नोमाः टोहीला लोरेगा चोलता ॥२॥

माएकी गोसाईया ऊमिज लडाते
बोकोब नोमा: टोहीला लोरेगा चोलता ॥२॥

३४४

ए गंगाजल
तोमलेंग आ: छली गुड कुँवा:डा: ॥२॥
योये से गंगाजल
तोमलेंग आ: छली गुड कुँवा:डा: ॥२॥

३४५

कवाई एबो:नापे रे पाएज् कोम्
चटीया: डाँड ते ॥२॥
मो:भी डाँड ते जुवा एबो:की मोंय
कवाई एबो:नापे रे पाएज् कोम चटीय: डाँड ते ॥२॥

३४६

ऊ:फे पलटन पाएज्कोम
गेधनी कौवा: गुड् मेंडरेगा डेलताकी ॥२॥
थाम साए गोली: मेलायो:की
गेधनी कौवा: गुड् मेंडरेगा डेलताकी ॥२॥

३४७

रेंडे गुडलु ऊबजायोब
इना सोमधी रागोम गोड्किम् ॥२॥
सावन भादो ऊपजायोब
इना सोमधी रागोम गोड्किम् ॥२॥

३४८

लोको साए बोकतोर साए
ताबकर दल्लु सुम्बो: ते भुमारी एबो:ता की ॥२॥
राजा: ओओ: ते केलोम ओमी बेबरोठोब
ताबकर दल्लु सुम्बो: ते भुमारी एबो:ता की ॥२॥

३४६

थामकेल आघोरमिया
जोड़े खजर ते तारो: की ॥२॥
योये पेसे थामकेल आघोरमिया
जोड़े खजर ते तारो: की ॥२॥

३५०

लवंग आ: कोतका बायोब् रे पाएजकोम
तार गोड़े पाएजकोम आमते बेर मनहा ते ॥२॥
राजा: मुगाम ते बायोब रे पाएजकोम
तार गोड़े पाएजकोम आमते बेर मनहा ते ॥२॥

३५१

आपा: अरबडु: किम लोहोर सिंघ
मरहठा इघय लड़ेना चोलता ।
आपनोम को चोलकी चतरा गढ़
मरहठा इघय लड़ेना चोलता ।

३५२

बेरा: ला महा बेटडोम
घोड़ा तोबलूंग ते चाँवर डोलेगा चोलता ।
राजा: ला महा बेटडोम
घोड़ा तोबलूंग ते चाँवर डोलेगा चोलता ।

३५३

ई लम लम चोलकीम भाईया
कुन्डाबा: भाईनोम ते तारोब ॥२॥
किनिर लाम लाम चोलकीम भाईया
कुन्डाबा: भाईनोम ते तारोब ॥२॥

३५४

बेरा: ला भागीना कुन्डू:
सुरली गाय ते तारो: ॥२॥

राजाः ला भागीना कुन्डूः
सुरली गाय ते तारोः ॥२॥

३५५

बन्डा हांथी ला रखल साहेब
सहिया जोरायोब् गोबिन्द साय राजा बुंग ॥२॥
भोले जीमी बेबरोठोब् ला रखल साहेब
सहिया जोरायोब गोबिन्द साय राजाबोंग ॥२॥

३५६

कोएनाराः लेरेः कोनघेर कुलम्
राएमुली कन्डायनोम लुसुइ डोमताएज् ॥२॥
ओले होनताय ऊबर एकड़ी रुपैया
राएमुली कन्डायनोम लुसुइ डोमना लाःसीः ॥२॥

३५७

पोखरा लायोब राजा
हायरे पोखरानोम भोले रोः युंठोः ॥२॥
रानी भीरी हिरी एबोःता
हायरे पोखरानोम भोले रोः युंठोः ॥२॥

३५८

बेरनीयाः सोनोंग लगायोब्
झोरा रे बेटा ॥२॥
बीरू केशेलपुर ते
बेरनीयाः सोनोंग लगायोब् झोरा रे बेटा ॥२॥

३५९

भाईया ते ठिसाये
बिरंदा किनिर ते लम लम एबोःना ।
बिरंदा किनिर ते लीला खजर
भाईया ते ठिसाये लम लम एबोःना ।

३६०

बाहर बरोया: पाएज्कोम कुलम की
 भी:तर बरोया ते ताम्बू तोम्बगोनो:की ॥२॥
 हिरापुरीया राजा चोलकनकी भी:तर बरोया
 पाएज्कोम कुलम की ताम्बू तोंम्बगोनो:की ॥२॥

३६१

कुटुमा ताय बेरोडकिम राजा
 पाएज्कोम की ऊमय गा रो: मानेता ॥२॥
 आमा: मोन सुऊ:खो चोलकिम राजा
 पाएज्कोम की ऊमय गा रो: मानेता ॥२॥

३६२

रासम बो: साय एबो: नापे लेरे: कोनघेर
 ऊ समय कि:ते तो: आवना ॥२॥
 ऊ समय माँ दुलार गुड आईज्
 रासम बो: एबो: नापे लेरे: कोनघेर ।
 ऊ समय कि:ते तो: आवना ॥२॥

३६३

लेरे: कोनघेर ला
 कोनसेल ते तीई: मेलाय गोठोब मुरून डाँड़ ते
 गोरेज मेयाँ:
 कोनसेल ते तीई: मेलाय गोठोब मुरून डाँड़ ते ।

३६४

ऊ:फे कोनिया ढोंटी ते
 डोड डोडेम री मलारीन कोनसेल ।
 काडोंग तारना
 डोड डोडेम री मलारीन कोनसेल ।

३६५

गेबताएज् गेबताएज् बीरू भाँकोय
 मुईज्डा: फेनिगा हे:जो ना ला:सी: ।

फफा फेनिगा लेंग चोलताएज्
मुईज्डाः फेनिगा हेःजो ना लाःसीः ।

३६६

बेर कमते मुईज्डाः साः
चावड़ा बाड़ी लेदेम लेदा ।
माँ कमोः मुईज्डाः साः
चावड़ा बाड़ी लेदेम लेदा ।

३६७

बगड़ायोब बाबू रे हजूरे
राईज नोम को ओड़ोःओ गा चोलता ।
राईज नोम को अमाः सोपेगा
राईज नोम को डूबे गा चोलता ।

३६८

कूपुंग रामना चोलकिम बोई कोनसेल
लूवा सूम्बोः ते भुमैर कुईजतम् ।
गियल जोनो ऊम्बोः कोनसेल
लूवा दाह सूम्बोः ते भुमैर कुईतजम् ।

३७९

हारे लेमेड् डुः कोनोसेल
कोड़ी नोमाः लुतुय ते सुरूम डोडते ।
मोःभी तोः ते लेमेडतम कोनोसेल
कोड़ी नोमाः लूतुय ते सुरूम डोडते ।

३७०

ओमपाय भरिया ते
कोनसेल ते इना ऊलहायोब ।
आडेल डाः गरजेता
कोनसेल ते इना ऊलहायोब ।

(८६)

३७१

केसेलपुर आः राजा
घोल साय भरिया लोयो गा चोलता ।
डेरा ये बसा ये राजा
घोल साय भरिया नोम लोयो गा चोलता ।

३७२

धांयपे ला थाम साय पराधीया
ऊःफे खाधना खजर चोलकानताएज् ।
देव ओमपाय सितिल तिज् ।
देव ओमपाय जो डाः तिज्
खजर मलके गा चोलताएज् ।

३७३

आता घाट ते डकायोः की
बेचू सींघ तोलडोम कोन गोएज् की ॥
रुचु सोरेंग ते डकायोः की
बेचू सींघ बेरी बोंग तोलडोम की ॥

३७४

आता बगाईचा
सालु मैना चरे बेरे ।
रानी बगाईचा
सालु मैना चरे बेरे ॥

३७५

सोनबिराः दोसोंय डाँड़ते
कड़रु तरनायगा डेलता ।
गोरेज् मेयाः कड़रु
तरनायगा डेलता ॥

३७६

सोनबिरा चोलकीम् राजा
सोनाः कोम ते मेलायोब ।

(८७)

सोन बिरा दोसोंय डांड ते
सोना: कोम ते मेलायोब ॥

३७७

दीरोम बो: कुइजनाम बेटिज
रा:आ राआ: लेको: ता रो गुरता ।
गोरेज मेया: कुइजतम नो रे बेटिज
रा:आ राआ: नोम लेको: ता रो गुरता ॥

३७८

लम लम आबु चोनम साहेब
मेय: ते बोकोब नोम ओगुर डोमना ।
कोनोन थाना महा थाना
मेय: ते बोकोब नोम ओगुर डोमना ॥

३७९

मोलोय मोलोय रे मोलोय भाईया
मोलोय कोम ते मेलाय गोठो: की ।
खजर को चोल गोडकी
मोलोय कोम ते मेलाय गोठो: की ॥

३८०

पालीको:टा ते डोंगीय: डा:
डोंगीया: डा: साहर ते चोलता ।
पूजाये देव घरिया
डोंगीया: डा: साहर ते चोलता ॥

३८१

साहेब आरेकीमोय बिरू किनीर ते
हाय रे बिरू किनीर ते ।
लम लम एबो:ता मोय हायरे बिरू किनीर ते
लम लम एबो:ता मोय बिरू किनीर ते ॥

(८८)

३८२

रांची लोहरदागाः जोरी बेरी ओबसुते मोंय ।
साहेब हुकुम तेरोः जोरी बेरी ओबसुते मोंय ।

३८३

इना रे भोरा बेटा
डाः भीःतर ते इयाम ताम ।
राजा हीरा बोरते
डाः भीःतर ते इयाम ताम ॥

३८४

भीःतर ते रानी ईयम ता
बाहेर ते टोहीला सोधोमता ।
ओन्डोरेपे से पोःदाः लेबु की
बाहेर ते टोहीला सोधोमता ॥

३८५

तुरीअम्बाः भरानो
जोड़ी नागेरा सोधोमता ।
जींमी बेबरोठोब भरानो
जोड़ी नागेरा सोधोमता ॥

३८६

बाप रे अपाईज आः अरब डुः
जुंग जुंग कन्डाय मेलाय डोमता ।
तेर गोड़े ऊबर एकड़ी रूपया
जुंग जुंग कन्डाय मेलाय डोमता ।

३८७

बेर भाईया आतु चोलकी
कुलमडयाःआ रोमोनडाः गूरता ।
आम भाईया टोड़ी चोलकिम्
कुलमडयाःआ रोमोनडाः गूरता ॥

(८६)

३८८

बेरा: भरिया २ दीरोम दीरोम

बो: चोलता ।

राजा: भरिया दीरोम दीरोम

बो: चोलता ॥

खंजायो: सोय भरिया,

राजा: भरिया महल भीतर ते ईयमता ।

३८९

टोनटी बिरू ते ई कोन्थेड् तोरो:ता

कोको पाको, पाको तेगा लामते ।

गोरेज् मेया: कोन्थेड्

कोको पाको, पाको तेगा लामते ॥

३९०

हाय रे बेलोंग लूबा

अमा: सु:खो गुर जोमतम् ।

बेलोंग ना को बेलोंग किम्,

इडिब ते गूर जोमकिम् ॥

३९१

आता राईज ते राजा देवनाथ साय

पोथी पोढ़ेना पोढ़ेनाते राजा महुरा तेरो: ॥

डोएँसा नगर ते राजा देवनाथ साय

पोथी पोढ़ेना पोढ़ेनाते राजा महुरा तेरो: ॥

३९२

जेमेड् जेमेड् गोलगं ऊड्तेम,

बेँटिंग तेको ऊँमिंग तेरे, पेनियाय गोइना ।

आबु गारो: तेरेम मां, जेमेड् जेमेड्

गोलंग ऊड्तिंग, बेँटिनोम पेनियाय गोइना ।

३६३

हाय बनाय भरकुल पतर कीम
गोडेभूंग ते लीसाय लोसोय गा चोलतम ।
लुवा जराः बोःते पतर कीम
मेंयाः ते लीसाय लोसोय गा चोलतम ।

३६४

ए मामी जोई बेइटनोमते, मामी, शकोय डोडते ॥२॥
डोडते लाः डोड गुडु भगिना
बारो जोड़ा गिनिंग तेरे रो डोडे ॥ २ ॥

३६५

बिरू गेबता किनिर गेबता
गोंडलोः मुईजडाः गुनानी करायते
फेइनगा फंफलाः लेंग यारोः की
आपाः परिया गुनाईन करायते ।

३६६

धरमाः दुरःते कालो राजा
सारकोन सिंगकोय संगते ।
पंगोडे भाईया कालो राजाते
लोटाते धोगे रो काटा गुजुंग गे ।

३६७

पुरखा राजाः जोरमे ठांडो मेलाय
राजी बूलीना चोलकीम ।
किःते मेमोन बूलीकीम
थाके लोयो कोनकेल गा
हिरापुर डाम कीम ।

असारी पाडू

३६८

भरकुल रे भरकुल
तोबडिर आः मलाः बोंग
लोःखा गुडतेम ॥ २ ॥
मुरडाः दिनो ते
तोबडिर आः मलाः बोंग
लोःखा गुडतेम ॥ २ ॥

३६९

केडन यायअ कुडअ दारू डेवताएज्
यायअ आरेता नो ऊम्बो ॥२॥
हो कोनघेर यायअ लोडो लोडो तैएज्
यायअ आरेता नो ऊम्बो ॥२॥

४००

चुटाड डोम, कोम तुंजते
डाः भिःतर ते कुटोः तारते ॥२॥
महा डोम गोली गलते
रेंगोल तोबलुंग ते कुटोः तारते ॥२॥

४०१

बेरला रंथ ओंनते
तपकर सुम्बोः ते तोंगोंन की ॥२॥
चुटाड डोम रंथ ओंनते
भिल्ली मिली रंथ ओंनते ॥२॥
महा डोम रंथ ओंनते
भक्का मका रंथ चोलता ॥२॥

४०२

डाः ओलना चोर्लकिम कोन्सेल
केन्डोड अलोंग नो अलोंगता ॥२॥

मेयागा: नेडा ते
केन्डोड अलॉग नो अलॉगता
मुरडा:ते नो माँ डा: नो गिमते
केन्डोड अलॉग नो अलॉगता ॥२॥

४०३

कसीरा: कोनसेल भुती चोलता
घाट तेगा कबसेंग डोमकी लेरे: कोनघेर ॥२॥
मो:झी तो:ते अपा भुती चोलता
डोम्बाबिरा घाट ते कपसेंग डोमकी रे कोनघेर ॥२॥

४०४

एनमागा: गुडलू जेरिब
घुमरे घुमरे गोलाँग ऊडते रे लाडु महतो ॥२॥
एनमागा: गुडलू जेरिब
घुमरे घुमरे गोलाँग उडते कोनोर डाँड ते ॥२॥

४०५

सिंगकोय सुलो: रे पतर की
बेरोडना से हरमजादी
सिंगकोय सुलो: रे पतर की ॥२॥
ओन्डोरे से महाराज
सिंगकोय सुलते पतर की ॥२॥

४०६

बेरा: रूसूंग ओरेज
नीम हारा ते पि:जना चोलता ॥२॥
राजा: ला रूसूंग ओरेज
नीम हारा ते पि:जना चोलता ॥२॥

४०७

टोरटोरी केंडोड तोरो: ता
भूती लेबू कीते बिदा तेरते ॥२॥
बेड़ो योलो: नेडा भेरे
भूती लेबू कीते बिदा तेरते ॥२॥

४०८

बिन्ती कराय लेरे: कोनसेल जोड़ी
 कोनसेल रागोम गा चोलता ।
 काटा बिन्ती कराय लेरे: कोनोघेर
 जोड़ी कोनसेल नोम रागोम चोलता ।

४०९

ई देवता ते मानेतेम राजा पाइलको:टा ते
 सैकड़ो कड़रु ते संगतेम ।
 सात खन्डी देवता मनैतेम राजा
 पाइलको:टा शहर ते सैकड़ो कड़रु ते तारोब ।

४१०

इना रे कयार भोरी धासे नो गोडकीम ।
 चारियो सिनीग भबरेकिम
 इना धासे नो गोडकीम ।

४११

ई फिकीर करायोब डिन्डा कोनसेल
 खिरिकी दुराते इयाम ताम ।
 ओगा: फिकिर बंग उम्बो:
 कोनघेर फिकीर बंग इयामता ।

४१२

आबू इयामना कोन्डु:, मानोम को
 खिरोम सितीलते बिडा जा:ना चोलसी: ।
 गोरेज मॅया: बिडा जा:ना चोलकी
 आबू इयामना कोन्डु: ।

४१३

बिरु केसलपुरते एरण्डी या: कबटो
 लगाय गोडेम भोरा रे कोनघेर ।
 एरण्डी या: कबटो सात महला
 एरण्डी या: कबटो लगायेम रे भोरा कोनघेर ।

४१४

इंग को उमींग चोना
 बापरे बसिया राजी ।
 बसिया राजी ते को बन्धेना छन्देना
 बापरे उमींग चोना बसिया राजी ।
 ऊ राजी छोटानागपुर हैरे
 हिरा नागपुरः छोटानागपुर,
 गंगा नागपुर ।

४१५

बडी याः माँडोम डाः भ्रोलना चोलकी
 काडोंग ते योना तेरोः खाँखड़ाते योना तेरोः
 बोंगडाः ते बिन्डा बोंगगा तारोः ॥२॥
 बडी याः आपडोम लाम लाम चोलकी
 खजर ते चोना तेरोः, सेलहोब ते चोना तेरोः
 बान्डो ते कोतेका बोंग तारोः ॥२॥

४१६

बेराः ला कड़ह कुलम की
 हरियार किनिर ते आरञ्जोंःना चोलता ॥२॥
 राजा कियाः कड़ह ला कुलम की
 हरियार किनिर ते आरञ्जोंःना चोलता ॥२॥

४१७

ई कुसू बोंग राजा गोएज गोडकिम
 तिरिब लेखे सोधोम सोधोमता ।
 कुसू रंगा बोंग राजा गोएज किम
 तिरिब लेखे सोधोम सोधोमता ॥

४१८

सोनोराः सिनी रुपागाः रोडकोन
 सिलोःना कोनघेर, सिलोःना कोनघेर
 जियोम नोम कोईलता ॥२॥

लुदुर फुदुर तोबडा: धुचूर-धुचूर बिडा
ओने कोनसेल, ओने कोनसेल जियोम नोम कोईलता ॥२॥

४१६

ईघय बोरोल नानिंग ला नांगबॅसी राजा
ऊःफे मेमोन डा: ऊम गिमो: भोरे हिरापुर ते,
ईघय बोरोल नानिंग ला नांगबॅसी राजा ।
बसाली गाय ते जो ओबसोंगो:निंग
ईघय बोरोल नानिंग ला हिरापुर ते नांगबॅसी राजा ।

४२०

बेर राजा बौड़ाकिम
नाब कुजला हाँथी ते तारोब् ।
काटा बोकोब ते सोड़ोम
केके: बाँग तोलोब ।

४२१

धोंगर गोती चिरो तोनसील
बारसाँधे कन्डाय ओलते ॥ २ ॥
माँएँज जो ऊम्बो:
अपाएँज जो ऊम्बोडिज
बारसाँधे कन्डाय ओलोएँज ॥ २ ॥

४२२

कोंगको लेको कोनसेल रोवा ओनना चोलकी
बांकलुइ लेखे लियो कोयो होयता ।
गोरेज मेंया: रोवा ओनना चोलकी
बांकलुइ लेखे लियो कोयो होयता ।

४२३

छतर धोमे राजा
राइज नोम को मुःना रो: ला:सी: ।
राइज नोम को डम्बा डोल होएकी
राइज नोम को मुःना रो: ला:सी: ।

४२४

हरे आयो हरे अपा
 बारो जुग को कनियाँ लामोब ॥ २ ॥
 सादि बिहा करायोब समय चोलकी
 बारो जुग ते अपा कनियाँ लाम कायोब ।

४२५

आमा: थोंग नौ हर बोनतेल,
 गोटा कुदा लेटो ओं:ते ।
 धाँगर गोती चिरो जोती
 भङ्गी गा कुदा लेटो ओं:ते ।

४२६

बरोया जसपुर ते माँ जोई
 बिजली तारकेलेंग ता ॥ २ ॥
 डा: गिमो: माँ जोई
 भमा भम डा: गिमो: ॥ २ ॥
 भमा भम डा: गिमो: माँ जोई
 गोएजलो: नाईग भोरेकी ॥ २ ॥
 गोएजलो: नाईग भोरेकी माँ जोई
 बाँकलुई हिड़ो ते डोको सी: ॥ २ ॥
 बाँकलुई हिड़ो ते डोको सी:
 कॅडोड भोले भोले अलोंगता
 कॅडोड भोले भोले दुरॅगता ॥ २ ॥
 कॅडोड भोले भोले दुरॅगता
 बाँकलुई भोले भोले सिलो:ता ॥ २ ॥
 बाँकलुई भोले भोले सिलो:ता
 जामडो भोले भोले पटा काडते ॥ २ ॥
 जामडो भोले भोले पटा काडते
 डूँडलु भोले भोले बिडा छिटाते ॥ २ ॥
 डूँडलु भोले भोले बिडा छिटाते
 खाँखड़ा भोले भोले रोवा ओनते ॥ २ ॥

खाँखड़ा भोले भोले रोवा ओनते
ढेचूवा भोले भोले महतो चलायते ॥ २ ॥

४२७

आता कोचा ते...तिरिब ओडेफो:
आता कोचा ते डा: गिमो: ॥ हो आता कोचा ॥
नागपुर ते...तिरिब ओडेबफो:
नागपुर ते गिमो: डा: ॥ हो नागपुर ते गिमो: डा: ॥

४२८

इंगजो डिंडा आम जो डिंडा,
आना सहिया भोटांग चोनानांग ॥२॥
भोटांग राजी कामु कोन डेनानांग,
नागपुर एंगकोन डेनानांग ॥२॥

४२९

राजा जे गिलते राइज या: घाड गिलते, प्रजा को
खेती या: घाड गिलते माय ॥२॥
राजा को लड़ेता तरबाइर धो: कोन,
प्रजा को लाठी डंडा: धो: कोन ॥२॥

४३०

कोसोर उला: लेंगकी रो चोलकी
हिन धाय जियोम लेंगकी ॥ हो हिन धाय ॥
आते २ जियोम चोलता,
हिनते २ कायानोम लेंगता ॥ हो हिनते २ काया नोम ॥

४३१

आतु उनो:पे तोनसिल लुवांग, आतु २ सिनि
रोडकोन आतु चोलकीपे पांचो रे भाया ।
ओ: ते गा तोनसिल लुवांग, डांड ते गा सिनि
रोडकोन,आतु चोलकी पे पांचों रे भाया ।
हो आतु चोलकी पांचो रे भाया ॥

(१००)

४३२

कोनोन मोनोन सिंगकोय सुलोः,
आना कोनसेल डुरुङ्गना चोना नांग ॥ रे आना कोनसेल ॥
होबोः ते जोनोः, होबोः ते गा साःमु
आना कोनसेल डुरुङ्गना चोनानांग ॥ हो ॥

४३३

आना से बोइ चटी इन्दो चोनानांग,
योना बूंग इघाय योता ॥ हो योना बूंग ॥
भुड़ी लेबु गामतेकी इकुड सुन्दर योता
योना बूंग इघाय रोः योता ॥ हो ॥

४३४

मोइंग पाथाः गोलांग आवकी हिन गोलांग
जोङ्गेम रोः लाःता ॥ हो हिन गोलांग ॥
चिपाय सेरे भैया, ताजे सेरे भैया, गोलांग
इकुड सेबोल आइज ॥ हो ॥

४३५

सातो दुरा सातो खिरकी,
सातो दुरा सोलोः भाबर ते ॥ हो ॥
बेरोडना से बेटी तारदी नो दगाये,
सातो दुरा ते सोलोः भाबर ते ॥ हो सातो ॥

४३६

मुरुन जो बोंगकी गाली जो पाःकी
ईघाय रो नाना दिनो नंग चोना ।
याया जो गोएजकी तंतंग जो गोएज को
बेर रोः नाना खातिर तेरे ।

४३७

इडिब जो कचकच तुनबोः जो कचकच
हारे बरेंगी इ मेमोन तेरोब ॥

ओं:ना ऊडना ईजो ऊम कुइता
हारे बरँगी ई मेमोन तेरोब ॥

४३८

अहाँज बेटी आराम की, ऊगा: दादा ऊघय रो: योता
जना पातर गोरेज मँया: ऊगा: दादा ऊघय रो: योता

४३९

मां जोई दुलारो इ जन्म तेरोब ।
कोनोन भेरे अराब्, डु: मां जोई इ जन्म तेरोब ॥

४४०

ओँए से बेटी जिड़ोय नोम
ऊम्बो: दादा तुडा रो: तेरींग ॥
मुसा को दादा एकादासी की
तुडा मेलाय माँगा: रो: तेरींग ॥

४४१

सेनकोम जोरी नाना जोई सेरिगा रा: सी:
आना नाना चोनानाँग सेरिगा बोएजना,
आना नाना चोनानाँग सेरिगा रमना ।
ढीरी रीरी गामे भेरे कोचा ते सिरि ओँगैनांग
ओं:ना ऊडना इजो ऊम्बो: नाना
कोचा ते सिरि ओँगैनाँग ।

४४२

बरोया राजा: गुड केवरा
बेरजो ऊमाय ओनते ॥२॥
जसपुरिया: गन्डु राजा
बरोया राजा: गुड केवरा
बेरजो ऊमाय ओनते ॥

४४३

आजी जोई खाजर तारना बोंग मेंया: की ॥
 आजी जोई खाजर तारना बोंग जनवडीबा:
 लोयो आईज् ,
 आजी जोई काटा ईयाँ खीमे ।

४४४

आय कुलमडईज कुइजना, आना मां अपा योना डेना...
 मोय ॥ हो मां अपा योना० ॥
 इडिब् ते को उमोंय योयो:, तामा को योना
 डेना मोय ॥ हो तामा को योना डेना ...मोय ॥

४४५

मान्दडीते...आबु बुगे भाईंग,
 इंगते कुलडा: जाबते ॥ हो इगंते कुलडा: जाबते ॥
 कुलडा: बारुना ला: भाई
 कु:डींग कुज्ना चोनाइंग ॥ हों कु:डींग० ॥

४४६

आतीज् ताय डे...लकीम कांसारे बंकलुइ
 कोंडेङ्ग तोभलुंग ते डोको ॥ की हो कोंडेङ्ग० २ ॥
 मुनु: सिगताय डे...लकी कांसा बंकलुय
 कोंडेङ्ग तोभलुंग ते डोको की ॥ हो० ॥

४४७

हय दइया...आपा: साका रे,
 दुराते सिपाही डोको...सी: ॥ हो दुरा ते सिपाही० ॥
 आले सेरे सीपाही बही पट्टा योना तेरे,
 गोला ओरेज ओबयो गो...डींग ॥ हो-गोला ओरेज० ॥

४४८

सिलो: डांइते बेंटी जोइ, लोंगोय रो: योते ॥
 आसार सावन ते बेंटी, लोंगोय रो: योते ॥

४४६

उ जे: को बेरा: सिकिरा,
 गाम गोडे भाई सिकिरा: गि...निंग ॥
 सिकिरा: गि...निंग को भाई बण्डी कोनतांग,
 तेरे गोडेम भाई सिकिरा: गि...निंग ॥

४५०

बेर ला बो...यो चुलु उ:डेयोब
 हजारो काडोंग बभा...योब ।
 भोले ज्रीमि बेबरोठोब
 हजारो काडोंगते ता...रोब ॥

४५१

बेर ला बोयो, डा: भि:तारते मंगर ते तारोब ।
 सांगसांग रांगल बोयो, डा: भि:तार ते मंगरते तारो: ॥२॥

४५२

भोरा बोयो खिरोम सिनिंग ते, बनसी एबो:ताम ॥२॥
 बनसी डोइर तेज गोडकी, भोरा बेटा गुनाइन कराये ॥२॥

४५३

रानीया: पडसोर सुरुम चोलकी हिरा राजा ॥२॥

४५४

आता किनिर ते महरा, गाय गुपातेम,
 तिरीयो रियो रुतु पेडतेम ।
 मो:भी किनिर ते, गाय गुपातेम,
 तिरीयो रियो रुतु पेडतेम ।

४५५

कम्पनी तेलंगा हिलो डोलो,
 सोना टोपरी नोम गुर गोडकी ।
 भुइहर आ: (मया:) भुम राजा,
 सोना आ: टोपरी गुर गोडकी ॥

४५६

कोराम्बे या: बास देवता मछिन्दर देवता,
रागोम गा. चोलकी ।
पूजा कराय दुधा खड़िया मछिन्दर देवता
रागोम गा चोलकी ।

४५७

डा: लेखे फाफा डेलकी मोय,
बा: गुडलू ते यों: मोयो: की ।
सावन भादोते आरे किमाय फाफा,
बा: गुडलु ते यों: मोयो: की ।

४५८

बेर ला बोयो कोम तुंयोब,
डा: भि:तार ते मंगर ते तारोब ॥२॥
भगिना देवता कोम तुंयो:,
डा: भि:तार ते मंगर ते तारो: ॥२॥

४५९

हो छाता बेर: छाता, छाता ते भिलपी आईज ।
छाता को लेरे: कोनघेरा: हेके छाता ते भिलपी आईज ।

४६०

मारदा डिपाते भिलमिली कोनघेर को
लांघेताईज गामते ।
ओले से बोई नो बिती छाता इंगते डाले रो डोडे ॥२॥

४६१

बेरला बाबु बोनतेल गुपाते कुंवा बाड़ी
र:र:अ बाइर केवरा ते फो:ते ।
सोमता पतार ते बोनतेल युखो: गोले
भेरे केवरा ते फोखो: ।

४६२

आडेल डा: गरजे गा डेलता,
आना सोंया दारु बो:ते बानचेना ।
ओरतोनी: उला: ते बेलना बायेनांग
कोरको:टा उला: बंग डल डोम ननांग ।

४६३

बेरा: ला: रूसूंग ओरेज
नीमो हारा ते पिजना चोलता ॥२॥
राजा: ला: रूसूंग ओरेज
नीमो हारा ते पिजना चोलता ॥२॥

४६४

ए पोनोमोसोर तोबलूंग ते बांधो कोंगओब ॥२॥
लेबुकीया: मोड ते रोमोड डा: गुरता
ए पोनोमोसोर तोबलूंग ते बांधो कोंगओब ।

४६५

घोल उबर तोनोंग अपा
रुतु पेडतेम रुतु सोबधोमतेम ॥ २ ॥
तावा: गोंग गोंग पे: अपा
बेरते तेरिंग बेरते मेलाईंग ।

४६६

रूसूंग रे रूसूंग गाय नेंग
रूसूंग गाय नेंग किनिर ते आरजों:ना चोलकी ॥ २ ॥
आबु खेडेम किडो: आबु खेडेम बुगाम
मुसगा: जोरमे बछरू नेंग बेतोड बोंग गोएज् गोडना ।

४६७

बेरला: कुलाम भाईसी कछोब
रारा: भोरे केवरा ते फो:खो: ॥ २ ॥
कोनोन कुलाम भाईसी काछो:
रारा: भोरे केवरा ते फो:खो: ।

(१०६)

४६८

आता किनिर ते महारा गाय गूपातेम
तीरियो रियो रूतु सोधोमता ।
अखड किनिर ते महारा गाय गूपातेम
तीरियो रियो रूतु सोधोमता ॥

४६९

भागिना नैयां: कलगा ते
हीरा ओम्पाय तुडा: डोड्ते ।
योये रे भोरा बेटा
भागिना नैयां: कलगा ते
हीरा ओम्पाय तुडा: डोड्ते ।

करम (कुआरौ) पाडू

४७०

ए राजा दुबराज साए,
घोड़ा तोबलूंग ते,
तारकेलेंग गा चोलताम ॥
सोनबीला चोलकिम राजा दुबराज साए
घोड़ा तोबलूंग ते
तारकेलेंग गा चोलताम ॥

४७१

बाबु आः अपा डोम बोई आः माडोम,
कुङुः नोम को इया...मता ॥

४७२

हो कोनसेल दादा इंगते बोनतेलरोः गा...मते,
बोनतेल हेकिंग लाः कोनसेल रोडकोंगे रो सिलोःना,
हो-कोनसेल दादा इंगते बोनोतेल गामते ।

४७३

होन गामते लाः बोयो ते, पांगोडे,
इंग गामतींग लाः डुरुंगना चोल...ताइंग ।
मैयागाः कायोम ओन्डोरे से,
होन गामतीजलाः डुरुंगना चोल...ताइज ।

४७४

बेराः रूसुंग सिकोय, सुलेरे सिकोय मेया...की ।
राजाः रूसुंग सिकोय, सुलेरे सिकोय मेया...की ।

४७५

सिकोय अण्डा लामे कुलाम भया रे,
आजीयाः तोनमे कुङुः होय...की ।

गोरेज मेया: सिंकोय अण्डा लामे भया रे,
आजीया: तोनमे कुंडु: होय...की ।

४७६

करम दौड़ाते बेटी जोई, कुंडु नोम को इया...मता ।

४७७

इना कोनसेल...लोरोब भोरोब, इंआं कायोम
ओंडोर डोड़े रो चो...नाम ।

इंया: कायोम कोनसेल दुनिया ते छबाय यो:
इंया: कायोम कोनसेल ओंडोर डोड़े रो चो...नाम ।

४७८

बेरा: रूसुंग कोकरो सुले से
कोकरो पतार गोडताईज ।
राजा: रूसुंग कोकरो
सुले से सिंगकोय पतार गोडताईज ।

४७९

हारे दैया निंदारी कोनसेल,
हारे दैया लेमेड आ: लेमेड ।
गोरेज मेया: लेमेड आ: लेमेड,
हारे दैया निंदारी कोनसेल लेमेड आ: लेमेड ।

४८०

आना से बोई खुटी कु:डींग,
मो:भी कालोब ते छेकाडोम कीनांग ।
मो:भी इडीब ते खुटी कु:डींग
मो:भी इडीब ते छेकाडोम कीनांग ।

४८१

जोरला कड़रू ते ओमपाय छेकायो:
हायरे दैया रोमोड डा: गुरता ।
सावन भादो ते ओमपाय छेयायो:
हायरे दैया रोमोड डा: गुरता ।

४८२

इंग को उमींग चोना अपा हो बसिया राईज ।
बसिया राईज ड्डेना फंदेना
इंग को उमींग चोना अपा हो बसिया राईज ।

४८३

जाति जाति गामोब राजा
जाति नो की:ते तो: आवना ।
घोल उबार जाति करायोब राजा
जाति नो की:ते तो: आवना ।
गोइजकीम सीडकीम खोड़ी कीया: बंग
जाति नोम की:ते तो: आवना ।

४८४

लालु राजा दुबराज,
रानी या: राईज लुसुइ डोमताईज ।
रानी नोम अमा: जिमा ते,
राईज नोम ते लुसुइ डोमताईज ।

४८५

बेरा: बाय बाय कची बंगेला
कची बंगेला लोजो: गोडकी ?
कुवारं साहेब बायो: कची बंगेला
कची बंगेला लोजो: गोडकी ।

४८६

बेर गुडी डेम्बु केजते,
अबु गुडी अबु केजना तेरे ।
डेम्बु च:खना डबल डुबल,
अबु गुडी आबु केजना तेरे ।

४८७

तीले २ राजा बेव साय
गांगी जमुनी नोम लोजो:गा चोलताईज ।

(११२)

मोःभी इडीब ते राजा
गांगी जमुनी नोम लोजोःगा चोलताईज ।

४८८

देवान २ बोरिया देवान
खपरा ओः नो लोजोः जोमताईज ।
मोःभी तोहोन बोः ते बोरिया देवान,
खपरा ओः नोम लोजोः जोमताईज ।

४८९

ताताईंग ते तेरे भुंडोंग मारची,
दियो गोरेज डेलता ।
ताताईंग ते तेरे भुंडोंग मारची,
इंग नाना सोंगकोय डाः जोंगिंग ।

४९०

खीरोम सितील ते गेतुपानी,
आतु कुयेम राजा निरंग डाः ।
एगना से राजा गेतुपानी
पाइलकोःटा ते कुयेम राजा निरंग डाः ।

४९१

आजी जोई ।
डाली भिःतर ते तारदीयोब ॥
करम सुमोब आजी ।
आजी जोई डाली भिःतर ते तारदीयोब ॥
मुनगा हरा ।
अमाः तिज डोडेम नो इयाः तिज् आवना ॥

४९२

लेरेंग रे लेरेंग मुःरेल कीम
सिनकोम रे सिनकोम जुहा एबोःता ॥

मोःभी तोः इडिबते रे लेरेंग मुःरेल की,
सिनकोम रे जुहा एबोःता ॥

४६३

मोलोय कुलाम, मोलोय परगना
पुर नोम ते आबु हीलेना तेरेम ॥२॥
पुर आमाः-आमाः जीमा गा
पुर नोम ते आबु हीलेना तेरेम ॥२॥

४६४

अमाः लेखे आर्वाकिंग कुलाम
तँग गाः कन्डायबोः गोर्डीकिंग ॥
माँगाः कुन्डूम ते आर्वाकिंग कुलाम
तँग गाः कुलाम कन्डायबोः गोर्डीकिंग ॥

४६५

बीरू सितिल ते मासो रोःनो जाःना
लाःकीम यया जोई ।
किड़ोः तारसोड कोनोघेर तेंगोः ते रो डोडते ।
गोरेज मेयाः मासो रोःनो जाःना
लाःकीम यया जोई ।
किड़ोः तारसोड कोनोघेर तेंगोः ते रो डोडते ।

४६६

खिरोम पारो आः कोनोसेल दादा जोई
योए से दादा हो कोनोसेल
पारोना रो पारोना गा लामते ।
खिरोम ते कोड़ी पंको डाः रोःनो डेलता ।
योए से दादा जोई हो कोनोसेल
पारोना रो पारोना गा लामते ।

४६७

ई कुसु बूंग मोइजकीम राजा,
तिरिब लेखे बजा नो सोधोमता ।

कुसु रंगा बुंग गोइजकीम राजा,
तिरिब लेखे बजा नो सोधोमता ।

४६८

मघा डाँड़ ते कोले: रिरियायता, ।
तारे से सोने राम आमते बेर मना कराय ।
कोले: तारतार कलेगा बायोब कोनसेल,
अमा: बोकोब ते भोरे बोकोब सोखोब ।

४६९

आतु चोलकीम बोई जोड़ी कोनसेल,
ओलकाय गोडे बोइ लोटाते डा: ।
कोसु रंगाते हो जोड़ी कोनसेल,
ओलकाय गोडेम हो लोटा डा: ॥

५००

टोन्टी बीरू ते इ कोन्थेड तोरो:ता,
कोको पाको, पाको तेगा गामते ।
माँइ की कोडपुडू: उमिग लाडाते
कोको पाको, पाको तेगा गामते ॥

५०१

धिमिर धिमिर खाडु चोलता,
मने आवकीम कालो महतो ।
सावन भादो खाडु चोलकीम,
मने आवकीम कालो महतो ।

५०२

दिरोम बो : कुइजनाम बोई जोई,
रा:रा: नोम को लेको:ता रो गुरता ।
इन्दो डाँड़ते कुजताम बोई जोई,
रा:रा: नोम लेको:ता रो गुरता ।

५०३

बेर ला बोयो कोइला गोरोठोब,
करकड बिरुते मोः डोम नो चोलकी ।
नायगोम ला कुलम कोइला गोरोठोब,
करकड बिरुते मोः डोम नो चोलकी ।

५०४

आतु चोलकीम लेरेः बोयो,
खिरोम ओमपाय भोरे गा डेलतैज ।
हाय ससुरारि चोलताम रसिका
लेरेः कुलम खिरोम ओमपाय भोरे गा डेलता ।



कुवारी पाड़ू

५०५

डुहंगसोल ते तोमोंग गुडलु कोनसेल ?
गोरेज मेया: डुहंगसोलते गुडलु कोनसेल ।

५०६

होजे: को हेके भगीना,
हिलो डोलो बोकोबके: तोलसी: ।
उबार ति: कोनसेल जोड़े सी:,
हिलो डोलो बोकोबके: तोलसी: ॥

५०७

भगिना: सिंगारते हिरा ओम्पाय
तुडाखोब रो डोठोब ॥
छेकाये से भोरा रे बोयो, भगिना: सिंगार
ते तुडाखोब रो डोठोब ॥

५०८

संमपेड़नारे बेचू सिंघ,
लिला घोड़ा बिनुरे सोभाय ।
लिला घोड़ा गोइजकी,
भाँवरों बिरु जोंगोड गोडकी ॥

५०९

लेरांग रे मु:रेल की,
सिनकोम रे जुवा एबो:की ।
मो:भी तो: ते मु:रेल की
सिनकोम रे जुवा एबो:की ।

५१०

लेरांग झिल्लीमिली मु:रेल के,
इना लेरांग गहेना धोखो: ।

धेयान कराय लेपड़ा खड़िया,
तोबेगा गहन छुटेना ।

५११

योम ला बोयो छेकाय ला
मराः को लोडोगा डेलता ।
लमलम डाँड़ मराः
लोडोगा चोलता ।

५१२

खड़ खड़ी तुबलुंगते लोहर सिंघ
चोल कानकी बरवय राजी ।
गोरेज मेंयाः लोहर सिंघ,
चोल कानकी बरवय राजी ।

५१३

दिरोमबोः ओनेम तेलेंगा,
गाड़ी ओरेज लोयो गा चोलता ।
राजा हजुर ते तेलेंगा गाड़ी,
ओरेज लोयो गा चोलता ।

५१४

बेर ला बोयो सोबोरन साय,
होडोमाः बेटीते सुन्दरोम तेरोब ॥
आखीर को बोयो सोबोरन साय,
होडोमाः बेटीते सुन्दरोम तेरोब ॥

५१५

बेर ओलोः मरहट्टा बरांगी,
नागपुर ते जेहेल करायोब ।
नागपुर ते भिलीमिली डांडीया,
नागपुर ते जेहेल करायोब ॥

५१६

तुनबोःते गोब गोब बोई जोई
इडीबते कुःडिंग कुइजना चोलता ।
गियाल जो उम लाःता बोई जोई,
इडिब ते कुःडिंग कुइजना चोलता ।

५१७

बामडा दुराते राजा
नौ साय भरिया लोयो गोडकीमोय ।
डेरायेसे बासा येसे
नौ साय भरिया लोयो गोडकीमोय ।

५१८

आतु ताय डेलकिम कौवाः
मोघेर बेलेड उगुर टुयोब ।
मुनुःसिंग ताय डेलकिम कौवाः
मोघेर बेलेड उगुर टुयोब ।

५१९

मुकुरडा डोंगा घाट ते लेबुकी
इघाय तुडाः डोमकीमाय ।
योय से भोरा बेटा लेबुकी
इघाय तुडाः डोमकीमाय ।

५२०

बेर योयोः लेरांगते
छाता लेखे मुःरेल गा डेलता ।
कोनसेल योयोः लेरांगते
छाता लेखे मुःरेल गा डेलता ।

५२१

माइकी कोडपुडूः उमिंग लाडाते,
बेराःते बोई लेरेःना चोनाम ॥

आम्पाः को बोई भाई नो बोन्द
बेराःते बोई, लेरेःना चोनाम ॥

५२२

मुरगु शहर ते पोखरा लायोब नो राजा ।
हिरा राजा गोइज गोडकी, कोनोन राजा महुरा तेरोः ।

५२३

लेबु जनम मोइञ्जंगा जनम
इना आजी जोई रागोम चोलताम ॥
डाः भोरे काया कायोमता
इना आजी जोई रागोम चोलताम ॥

५२४

ऊःफे कोनिया ढोंटीते,
डोड कानोः मलारिन कोनसेल ॥
काडोंग रोःनो तारना,
डोड कानोः मलारिन कोनसेल ॥

५२५

चाँदवा घाट ते डेरा योः तोमलेंग खड़िया कुलामिंग की ।
किनीर २ पोड़ोब् लायोःपे रो जियोम बुयोःपे ।

५२६

डोम्बाते खांड़ा भलकेता
ओम्पाय सिनिंग ते लरेका होय की ॥
योय सेरे भोरा बेटा,
ओम्पाय सिनिंग ते लेरका लड़ाई होय की ॥

५२७

कुंटुवां रे बागेसेरा किःते एबोःकीपे
इन्दो कुःढींग ॥
तिन साय खेलडी ओडेफोब, साय एबोः
एबोः कीपे, इन्दो कुःढींग ॥

५२८

हायरे याया कंडायबो: बोरोल पाको ते
लुजे रो जोंगे ।
किड़ो:खेड मुछीया राजा की
राजी ते लुसुई कोन डोठो: की ।

५२९

- १ रो:डा: गढ़ पा:टो गढ़ पुरखा ठांड़ो
ओ होरे दाईया कुंडब मेलाय दुयोब ।
- २ सो:तो खन्डा बसाली गाय
बेरोड कोन हिरापुर ते डामकीम ।

५३०

- १ आमते नागो बेर रेमा:सी: धाय नागो चोनाम ।
- २ आम को नागो बेटी किया: गिता चाड़ी चोलताम
आमते नागो बेर रेमा:सी: धाय नागो चोनाम ।
- ३ आम को नागो बेटी किया: कालो
आमते नागो बेर रेमा:सी: ।

५३१

- १ खड़िया राजा सेम्भो राजा,
कुन्डु: नोम हकोन नोम पुर छपले की मोंए ।
- २ पोनोमेसोर सोरीते अगुर ते गुपा: ते

५३२

- १ कि:ते रो: लेरे:ननांग जोड़ी कुलम
आना से आजी डाय लामना ।
- २ आजी डाय तेरे बासी डा:
आना से आजी डाय लामना ।

५३३

- १ गुडलु डुलंगना गामते भेरे को बोई जला जपीडताम ।
- २ कोनघेरा: मन्डड़ी सोधोमता भेरे को बोई डीडिताम
रो योतेम ।

५३४

- १ बेरा: रूसुंग बोकोबके: केलोम:, बेरा: लहंगा सुडता
बोयो आ: केलोम बोकोबके:, बोईया: लहंगा सुडता ।

५३५

- १ भ्लाईर धोती नाईंग माँ बिन्डा बोकोबके: नाईंग सिडकी
आना से माँ लामना तेनतोन बो:ते गाय छन्देयोएज
आना से माँ होबो: तेगा लामना ॥

५३६

- १ अमा: जो ईआ: जो कोले: टोंया,
सोगेनांग नना सिगांर ननांग नना ।
२ अजा को दियोगा रो: डेलता अजा ते नाना तेरे
भूडोंग मरची दियोगा रो: डेलता ।

५३७

- १ आता बिरुते ओलोंग रो: सायते
ओलोंग साये कोनघेर ओलोंग रो: साये
भोड़ी डा: गिमते भेरे भड़ी चीज गा सुडता
२ कोन्डोंग बिरुते ओलोंग रो: सायते ॥२॥

५३८

- १ एबो: नापे ॥२॥ लेरे: बेटेंग की
उ समय की:ते तो: आवना ।
२ उ समय मां दुलार लेखे, एबो: नापे ॥२॥
लेरे: बेटोंग की,
उ समय कि:ते तो: आवना ॥

५३९

- १ ठुंठगु जरा: तुंगलुइज हारा
हिन हारा लुकु कीभींग बो: ॥२॥
२ तोबलूंग ते लेरे: कोनघेर केजता २ तेरते
तुताते लेरे: कोनसेल राम ओं:ते ।

५४०

- १ मैना ते मैना ते डोडकनो: देवसाय राजा
अम्मा: थोंग मैना सोनोरा: पिजरा
मनाते मैना डोडकनो: देवसाय ।

५४१

- १ खिरोमा: डा: ते राजा गिता: बेड़ा
आतु कुएम राजा लोरेंग डा: ।
२ एंगना २ राजा पैलको:टाते राजा लोरेंग डा:

५४२

- १ गोड्भूंग २ चोनाम रे तेलेंगा
कुण्डुम नोमते आबु हिलेना तेरेम ॥२॥
२ कुण्डुम नोमते मोंएज हजार रुपिया
कुण्डुम नोमते आबु हिलेना तेरेम ॥

५४३

ए होन गर्मातिग ला: बाबू ते पंगोडे
ईंग गर्मातिग ला: लेरे:ना चोलतेंग ।
गोरेज मॅया: गर्मातिग ला:
होन बाबू ते पंगोडे ईंग लेरे:ना चोलतेंग ।

५४४

बाएजकीम ला: को बोई तेरे तिगा: मु:धी
मुंदेरा बायना ।

५४५

भुका मका रंथ चोलतेंज: तबकर दारू ते छेका डोम की
सूगे रे गोसांई: तबकर दारू ते छेका डोम की ।

५४६

हो छत्ता बेरा: छत्ता,
हो छत्ता ते झिलपी आईज
हो छत्ता लेरे: कोनघेरा: छत्ता
हो छत्ता ते झिलपी आईज ।

५४७

हो गुंगु बेरा: गुंगु
हो गुंगु ते भिलपी आईज ।
हो गुंगु लेरे: कोनसेला: गुंगु
हो गुंगु ते भिलपी आईज ।

५४८

गुंगु ते जतानेम कोनसेल
कुन्डाब ते डा: आईज ।
भङ्सोंग ते ओखोडेम कोनसेल
कुन्डाब ते डा: आईज ।

५४९

- १ तेनतोन सुम्बो: ते गाय नंग छन्देयोएज
हारे दाईया बछरू नंग तोरो:तैज ।
- २ ओले से माँ जोई सिली सम्पड़े नंग
हारे दाईया बछरू नंग तोरो:तैज ।

५५०

- १ बेरा: ला कुही बेरा: ला बेसेरा
जरियाते कुही छु:टे गोडकी ॥२॥
- २ राजा: ला कुही राजा: ला बेसेरा
जरियाते कुही छु:टे गोडकी ॥२॥

५५१

- १ ई देवता मनेतेम ला कालो देवसाय
पैलको:टा सहार ते मोलोय
एकड़ी बोंनतेल नो तारोब ॥२॥
- २ सो:तो खान्डा: ते मनेतेम ला कालो देवसाय
पैलको:टा सहार ते मोलोय एकड़ी
बोंनतेल नो डेछोब ॥२॥

५५२

- १ ईना बेटी जोरोब जोरोब
ईजां: कायोम ओन्डोर डोड़े रो चोनाम ।
२ ईजां: कायोम राजी टपायो:
ईजां: कायोम ओन्डोर डोड़े रो चोनाम ।

५५३

आता किनिर ते महारा नैज गुपातम
तिरियो रियो रूतु पेडतेम ।
रोनोब किनिर महारा गुपातम
तिरियो रियो रूतु पेडतेम ।

५५४

ई कोनथेड तोरो:ता मो:भीतो: ते बिरू तुताते ।
भेंगराज तोरो:ता मो:भीतो: ते बिरू तुताते ।

५५५

कोनोन भरे बिहायो:
गिता:ना को गियाल रो ला:ता ।
गोरेज मेंया कोल योना
हनतिज उतिज अंकेलगा चोलता ।

५५६

गुतु रे भाँबरा सोलो:
पोडोंग ते ठंका ठोड़े गा डोडतेम ।
हाड़ी रे भाँबरा सोलो:
पोडोंग ते मेलाय गोड़े ।

करम अलौंग

५५७

हायरे कोरमो दिनो
एनमाः लेमेड जो ऊम डेलकी, कोरमो दिनो ॥२॥
माँ को जन्म तेरोः
आपा को कोरमो तेरोः
उ मेमोन लेमेड जो ऊम डेलता, कोरमो दिनो ॥२॥

५५८

चुंडाः गोडभुंग ते निपुर रनकेगा डेलता,
निपुर रनकेगा डेलता ।
हारे ईजांः जोड़ी नाईंग, हरे ईजांः सांगो नाईंग
चुंडाः गोडभुंग ते रनकेगा डेलता ॥२॥

५५९

करम २ गामोब रे कोनसेल
करम तोः इघाय डामना ।
सावन भादो चोल कानकी
कुवारे लेरांग करम सुमोइज ॥२॥

५६०

कुटवां रे बगेसेरा, बगेसेरा कनियां
बोरोःमोय । हो बगेसेरा कनियां बोरोःमोय ।
लमचंगीया पतर चंगीया आमते नोरे
कनियां तेरेमोय, हो आमते नोरे कनियां ।

५६१

रांचीयाः गोरा पलटन डुरुन्डा सहरते छेका
डोमकीमोय, हो डुरुन्डा छेका डोमकीमोय ।
महां रानी चिट्टी लिखा डांगोः
डुरुन्डा सहरते छेका डोमकीमोय ।

५६२

पाइलकोःटा ते मेलायोब राजा
आतु कुएम राजा नीभोरो डाः ।
रांची सहर चोलकीम लोहोरदगा चोलकीम
हिनते कुयेम लोरेंग डाः, राजा हिनते कुएम लोरेंग डाः ।

५६३

आरमाई पोखरा ते आंङील भोरे गोडकी,
हो आंङील भोरे गोडकी ।
उम पालेम देवीलाल सरदार,
आंङील भोरे गोडकी ।

५६४

लुन्डी डीझोंब लुन्डी डीझोंब
कयार लोंगोयते लुन्डी डींजते ।
बोकसेलाः थोंग लिला सरी लुतूइ, बोकेराः थोंग
गमछा, हो कयार लोंगोयते लुन्डी डींजते ।

५६५

मनोवा की को लुवा लुकु लेखे,
मेमोन २ जोरोम ताकी ।
दारु राः राः गुड मोकोः ताकी
हायरे मनोवा सोबरे सोबरे मोकोः ताकी ।

५६६

योना बूंग को दुनिया, दारु लोंगोय लेखे योता ।
टोला टोला ते दोकान लेखे, योना बूंग उम गा योता ।

५६७

सिरकी केजना बूंग को, मां जोई, अराबडूः होयकींग ॥
डांड आः तोंडेंग राः राः गुड, मां जोई, उपुंग डोडतेज ॥

५६८

बेराः गा गोला ओरेज,
(नीम) नीमो हरा पीजना गा चोलता ॥२॥

अपा: गोला ओरेज, नीमो हरा
पीजना गा चोलता ॥२॥

५६६

आमपा: परिघा को ओरेज ते मलांग ला:धेयो: ॥२॥
ओंय से मां ईञ्जां: कौडी डांडा: नाइंग,
मलांग ओरेज छेकाना चोलतैंग ।

५७०

ओंय से मां तुम्बा ते रुमकुब, इंग को मा
सिनी डेजना चोनाइंग ॥२॥
सिनी डेजींग, ओलींग ला:, मां, गुडलू बीजोम,
गोडा: बीजोम बिडींग ।

५७१

यो:लो:तीज ताय तिरीब डा: डेलता
कुडा बेलोम लेखे योता ।
ओ:डेलकींग ला: को
मुंजडागा: मोड गुड योता ।

५७२

की:ते रो: बोई किलिर२ नाम,
बोकोबा: कालगा लोरेगा चोलता हो ॥२॥
जनापतर बोई किलिर२ नाम,
बोकोबा: कालगा लोरेगा चोलता ॥२॥

५७३

की:ते रो: बोइ भालाफुला नाम
दिरोम समय चोलता ॥२॥
आमा: लेरे: बोइ इयां: लेरे: बोइ
पो:ठी डा: काडोंग लेखे छलकेगा चोलता ॥२॥

५७४

रा: रा: आरोना चोलकीम बेटी जोइ
तोमोंग योनबीड एंगना ला:की ॥२॥

(१३४)

ओले बेटी राः राः गर्मींग लाः को ईते तेरींग
हो, इते तेरींग, इजो उम्बोडेज ।

५७५

जसपुरिया राजा बेटा, सेइरगा रामना,
उम तेरते ॥२॥
रामना को तेरते, बराबाइर बखरा बोरते,
बराबइर बखरा बोरते ।

५७६

करमाः मलाः बंग जवा इंग जाःमायोज
जवा इकुड दगा तेरोब हो ॥२॥
आम ते जवा सेवा करायोज
जवा इकुड दगा तेरोब हो ॥ जवा इकुड दगा० ॥

५७७

नागफेनी डोंगा घाटते हिरा राजा
दरेशन करायते, हिरा राजा ।
पूजाये कलोगाः हिरा राजा
दरेशन कराय हो ॥२॥

५७८

बेटा जनम तेरोब आयो,
लोःखाः मन्दड़ीयाः घाड इयामता हो ॥२॥
बेटी जनम तेरोब आयो,
डोःरेङ्ग लुतूईयाः घाड इयामता हो ॥ डोःरेङ्ग० ॥

५७९

मुंजागा बेटी खिरोम पारो ओबसोंगोब खिरोम
भोरेकी नहियर मेलयडोमकी ॥२॥
खिरोम तोबलुंगते डोंगा, डोंगा तोबलुंगते लेबु,
लेबु आः रोमोड डाः गुरता ।

५८०

चोनाम चोनाम, चोनाम मैना पलामु राजी हो ।

चोनाम मैना पलामु राजी ॥

पलामु राजी केलोम २ कानियां, चोनाम मैना पलामु

राजी हो । चोनाम मैना पलामु ।

५८१

मुनगा जो ओनोब बादा,

हिन मुनगा बोरोल गोडकी हो ॥२॥

सिंगकोय सुलो: पतार की

हिन मुनगा सुहम चोलकी हो ॥२॥ हिन

५८२

एनमागा: डा: बारखा,

तोभलुंगते बांधो कोझो: हो ॥२॥

चावड़ा: डा: अजोड की,

बुवनु काडोंग हें:जोते ॥२॥ बुवनु

५८३

कयार कोचा बांधो कोंगते

सेमड़ी कोचा पोइनी चोलता हो ॥२॥

हिन बांधो पा: गोडकी,

डांड मोजलो: ते डा: चोलकी ॥ हो

५८४

मां आवना भेइर, अपा आवना भेइर रे, कुजना ले

एबो:ना लेरे: रे ॥ कुजना ले एबो:ना ले ॥

आयो गोज गोड(की)ना अपा गोज गोडना

घोल उबार बिपइत रो: होयना हो ॥

घोल ऊ:फे खिलपइत ॥

५८५

लेजतेम आयो, लेजतेम अपा इडीब

मेयां: आयो लेजतेम हो ॥ जाना पतार आयो० ॥

मुःनाइंग रो चोनाइंग लाः को आयो, उ राइजते
राइज उमिंग गामे रे । उ देश ते देश० ।

५८६

आखड़ा ते जोड़ी मन्बड़ी सोधोमता सोउनांज ते
इकुड लेमड डेलता हो ॥ सोउनांजते इकुड लेमेड० ॥
बेरोडना सोउनांज आना सोउनांज
सोरी २ कुःढींग कुजना निंग हो ॥ सोरी २ कुःढी० ॥

५८७

आमते कोनसेल बेर रेमाः सीः, धाय कोनसेल चोल
गोजना...रे, हो ॥ धाय कोनसेल चोल० ॥
भोरोम लेरेः भेरे आमते कोनसेल बेर रेमाः सीः
धाय कोनसेल चोल गोजना...रे, हो ।

५८८

रांची ते लड़ाई होइकी, डिगरी होयना नो उम्बोः ।
हो डिगरी होयना नो उम्बोः ॥
डिगरी को होयना लाः कुलम, जिनगी रे मुद्दाई होयना ।
हो जिनगी रे मुद्दाई होयनामोय ॥

५८९

आमीन जे डेलकी गोजलोःते एडते, (चावड़ा २
सिकरी डीजते ॥२॥)

साहेब ई नकल करायते ॥

आमीन जे डेलकी गोजलोःते एडते, चावड़ा २ सिकरी
डीजते । हो चावड़ा २ जरीब० ।

५९०

अपाः परिया ओल्लोंगाः ओः...रे,

बेटाः परिया खपराः ओः...हो ॥२॥ बेटाः परिया खपरा

अपाः परिया कमू उम चोलकी

बेटाः परिया कमू चोलकी हो ॥ बेटाः परिया कमू० ॥

५६१

हरे इजां: सहिया कुलम आतु चोलकी,
आतु उम्बो: हो ॥ आतु चोलकी आतु ॥
ससुराइर चोलकी जोड़ी, एंगभा:ना नो
उम्बो: हो ॥ एंगभा:ना नो उम्बो: ।

५६२

आबु लेजेम आयो, आबु लेजेम अपा,
लेजेमा: जो बेरा: दुरा चोनाइंग ॥ हो० ॥
आले सेरे आयो अपा, पुस माघ डेना तेरे,
गाड़ी डेबनाइंग भोटांग चोनाइंग ॥ हो० ॥

५६३

एनमागा: दिनो सोउनांज आते आवकीम, बोर बोर
बोरगा डेलताम ॥ सोउनांज बोर २ बोरगा० ॥
इयां: नहियर भोरे लेबु रे;
इंग सोउनांज एंगनाइंग नहियर रे ॥२॥

५६४

खिरोम सिनिंग आ: कोनसेल बड़ा ऊपर इकुन अंगुलडिडी
डोको २ योना लामते ॥ हो डोको २ ॥
किनकार कामु उतुनते, ससुर कामु एतोङ्गते
हिन भेरे कोलेज रो: ला:ता ॥ हो ॥

५६५

रायता रायता गामतेम बोइ,
करम दिनो इघाय डेना रे ॥२॥
सावन भावो कुहुड बेरोड की, कुवारते
करम सुमडोमता रे । कुवार ते ॥ सुमडोम करम० ॥

५६६

१. कोनोन मोनोन तपकर दाहते
तोभलूंग ते कोले: डोको की ॥ २ ॥

२, ओले से रे मां ईजा: का: कोम
तोभलूंग ते कोले: डोको सी: ॥ २ ॥

५६७

गुडलु पे: चकोडा: चा:खना सीरोंग सोटोंग
लेटो पे:, हो सीरोंग सोटोंग लेटो चा:खना ।
सीलो: ताय डेलकींग लाय लाय ताय डेलकींग
सिरोंग सोटोंग चखेना हो ॥ २ ॥

५६८

आतु आ: गोडभुंग संगोड लेबु
लुतुइ छाता बोंग युंडते ।
राजा: ओ: चोलकीम हाकिम ओ: चोलकीम
लुतुइ छाता बुंग युंठोब ॥ २ ॥

५६९

ची:को रे ची:को कुलम, बड़ी भि:तार ते लेवा
करायो: हो, बड़ी भि:तार ते लेवा करायो: ।
ना लेवा गोलेकी, ना लेवा बेलोमकी,
खीस बुंग चि:को कोनसेलते गोलते ।

६००

आयो गे डुलारो, आता पुरते गे आयो कनियां
जुङ्गोब, आता पुरते गे आयो कनियां जुंगोंब ।
धीरीजा धोगे रे बेटा, भोइंसी नागपुरे, रे,
बेटा, बेटा कनियां जुंगोइज ॥ २ ॥

६०१

ओसेल २ धोती नाइंग मां जोई,
धोती नाइंग इघाय कोडिल गोडकी ॥ २ ॥
डोबको काय रे धोबिनया कोनसेल,
धोती नाइंग इघाय कोडिल गोडकी ।

६०२

आखड़ा लखोब पोडछोल इकुड डिसाःरे,
करमा सुमोब मोःभी खोड़ी ते ।
करमआः सुम्बोः ते दौड़ा भोरे राः२,
दौड़ा ते तारदी नो सलगेता ।

६०३

कुन्दा रे कुन्दा महतो, भगिना ते कुन्दा बृंग तारोः ॥२॥
भगिना याः कुन्डूम ते कुंडूः आइज
भगिना इ दोसीयोः ।

६०४

रसुंग लोःखा लायता लायता भिगीया इंग ओनोएज
हारे भिगी राः २ बेड़ो मुःसींगकी नो जोरोम गोडकी ॥२॥
कोट कौया राः२ की, भिगी राः२ कोसोर की,
हारे भिगी राः२ गोइ, बेड़ो मुःसींगकी नो जोरोम गोडकी

६०५

डांडरजिया डिण्डा कोनघेर,
तबकार उलाः मड़ेवा सुमते ॥२॥
बिदा तेरे आयो बिदा तेरे अपा,
चोनाःथोंग राइज इकुड डिसाः ।

६०६

इ एबोः एबोःकीम रे नवागढ़ीया,
राइज नोम लुसुडोम गोडकी ।
जुवा एबोः एबोःकीम रे नवागढ़ीया
राइज नोम लुसुडोम गोडकी ।

६०७

आमते रे कोनसेल खांखड़ा धोखोः,
आमते कोनसेल बरगा रोः छोड़ाये ।

(१४०)

आमा: जोड़ी कोनघेर कोड़ा राइज चोलकी
आमते कोनसेल बेरगा रो: छोड़ाये ।

६०८

इ देवता बायोब हो राजा सिंग, दूरा ते
राजा बकेरा सुंगोब ॥२॥
राइज देवता बायोब हो राजा सिंग, दूरा ते
राजा बाकेरा सुंगोब ।

६०९

कोनोर दारु ते इ कोनथेड तोरो:ता
कोनोर दारु ते खोता बेलते ॥२॥
तारे से कोनोन कुलम रे
खोता चचा:की, पेनेर जो पिजकी ।

६१०

बुलकीम २ दादा
ओ:ते को केलोम रो: सेंबघोरोब ।
मुइंग मुडूब उठोब, उबार मुडूब उठोब दादा
ओ:ते को केलोम सेंबघोरोब ।

६११

सारकारी रोवा ओनना चोलकीम रे बोइ
सो:लुई भोरे सोखोब डेम्बू रा: रा: ।
आमते रे कोनसेल गियाल उम ला:ता
सो:लुई भोरे सोखोब डेम्बू रा: रा: ।

६१२

सुरेली ओरेजा: इजथांग रे,
जो:डागे आयो ओ: रो किनभार ।
जो:डागे आयो, जोडागे,
भिल्लीमिल्ली ओमपाया: डा: बुंग ।

६१३

एनमागाः डाः बरखा,
मधेसेर ते रगोज गोठोः ॥२॥
पुजाये रे कालो ओगाः,
मधेसेर ते रगोज गोठोः ।

६१४

एनमागाः बेतोड दादा,
मुइंग पाथा कोमसोर नो डुरुंगतींग ।
गोंगोएज डेयोइज डाः ओलना चोलकींग,
बोकेर नाइंग ते मोने उम लाःता ।

६१५

भिमिीर भिमिीर डाः नो गिमोः,
सिलोय सोकोय ओमपाय भोरे गोडकी ।
पबरो काये भोरा रे कोनघेर,
सिलोय सोकोय ओमपाय भोरे गोडकी ।

६१६

इना रे डिण्डा कोनसेल, नवाटोली
गोडभुंग छेका डोमकीम ॥२॥
छेकाना को छेका डोमकीम, कोंगको आः
बन्देना नोम लुमुडोम गोडकी,
कोंगको आः मुंगा नोम लुमुडोम गोडकी ।

६१७

इना ला बेवपरिया ओरेजते इ लाःधे डोडतेम,
ओरजते इ लाःधे डोडतेम ।
कोंगको ते ओंखोठोब घांट घुमैर घांटी
डेइंग ते तोलोब मराःगाः भाइल ।

६१८

बेरोडना से कोनघेर सिंगकोय नो मुलोः
भोइंस को चोलकी लुवा कालोब ।

बनुइ सिंगकोय रेंव भेंव सुलतेजमोय,
आमते कोनघेर लेमेड जुघाय होइकी ।

६१६

तेनतोन सुम्बोःते भोंइसी बथानीया,
अम्बेरा बोःते गयाः आरञ्जोःता २ ।
सेंग सेंग गाया, हिनकड़ाः लोःढो भोंइसी,
तिरीयो रियो रतू सोघोमता ।

६२०

धांय से रे कोनघेर ओःनाइंग ते यो डेनाम
तोमोंग भांडा ओखोड आइज ।
रुमांग योके सिंगार योके तोलोंग योके, इंगते
बाइजकीम हो तोलोंग ते रितयायकीम ।

६२१

भीमीर भिटा डाः रोः नो गिमते,
कोनोन कुलामिंगाः रुसुंग गामछा सुड गोडकी ।
कोनोन कुलामिंग चोलताएज सोसराइर
रुसुंग गामछा डोम सुड गोडकी ।

६२२

गौमुलाः चिःको दादा, बोनोरिया कुलमडायते
उनोः हो, बोनोरिया कुलमडायते उनोः ।
महा कइते इसरता दादा,
कोनोन कइते इकुड लेबुइता ॥२॥

६२३

जोड़ीर किया हडका, हिनते उनर अयीज,
हाय दैया जोड़ी कोनघेर अतू कुर्यींग ।
बाः रुमकुब कुर्यींग, सोना रूपा कुर्यींग,
हाय दैया जोड़ी कोनघेर अतू कुर्यींग ।

६२४

मुईगाः सिडीज राः राः,
 राः राः ते आबू केजना तेरेम ॥२॥
 किनकार तेरोः लुतुइ, बोकेर तेरोः,
 सांगसांग टिपा, कोडपुडूः भुड़ी सिंगार तेरोः ।

६२५

कोनकेः कोनकेः पोण्डोड इंग पुःखोइज,
 कोलेड कोण्डेंगाः पोण्डोड ॥२॥
 पुरेइन ऊलागाः खोलडाः इंग पोठोइज,
 डोड कानोः की राजाः पाइजकोम ।

६२६

अमाः केंडोर चोलकी टापू राइज,
 हरे कोनसेल हाल जो उम डांगते ।
 चिट्ठी लिखाय कुलम, पतर लिखाय कुलम,
 हारे देया हाल उम डेलता ॥२॥

६२७

रूचमुचिया बिरू कोडपुडूः नहियर नाइंग
 उम रोः नो योता ॥२॥
 मुनुःसिंग ताय मुःसिंग की, हरे इया
 नहियर भिल्लीमीली, इयांः नहियर भकामकायता ।

६२८

हो होरे तोमने नगर ते बेर डेछोः,
 तोमने कोंडेंग तोमने नगर ते ।
 सोना कोंडेज रूपाः डेःटोम
 तोमने नगर ते, बेर डेछोः, तोनमे कोंडेंग ।

६२९

पोखेरा हिडोते मुंज गा चपा राःसीः लहैर २
 मुये सेरे बोयो चपा राः राः लहैर लहैर ।

धाय सेरे कोनोन कुलाम केजकोन ओलेम लाः
मुये सेरे बोयो चपाः कलया लहैर लहैर ।

६३०

योयोःले कुडा सुम्बोः ते चंची कोनथेड
इकुड रनकेता हारे दया ।
धाय सेरे कुलाम नाईंग धोः कोन ओलेम कुडा सुम्बोः ते,
चंची कोनथेड इकुड रनकेता हारे दया ।

६३१

इनाः थोंग इयामताकीयार बोरिया डोमोनकुइ,
राईजाः थोंग इयामता बोरिया डोमोनकुइ ।
तेर गोडे राजा उबार परगना
वेशाः थोंग इयामताकीयार बोरिया डोमोनकुइ,
राईजाः थोंग इयामताइज ।

६३२

बेतोडाः तीरीब रे
आता कोचा डाः रोःनो गीमोः ।
सजयोः सजिया बेलाई पलगंकी
बेतोडाः तीरीब रे ।

६३३

रसुंग लोःला लाय कोन बांगेला बयोईज रे,
बांगेला भीःतार ते हटिया लगायोइज ॥२॥
धायसे रे कुलाम यो ओंडोर डेनाम बांगेला रे
बांगेला भीःतार ते हटिया लगायोइज ।
योना को योयोज दादा ओंडोर न जो
ओंडोरोइज, दादा बांगेलानोम लोरेंगडाः योता ।

६३४

गाःदाः साखीन घोरनाः,
भींगी भींगी लोरंगा डेलता ।

न झींगी लोकुता, न भींगी राःता हो
भींगी लोरेगा डेलता ।

६३५

जोःडागे कोनसेल जोड़, जोःडागे ओः दुवार,
जोःडागे किनभार दुवार ।
सुरली गायआः इजथांग रे
जीरी हीरी ओम्पायाः डाः बूंग ।

६३६

आम को मामी गोलांग रो गोलांग
बेइटनोम ते सकोय डोडते ।
डोडते लाः डोड गुडूः भगिना,
मोलोय गोठांग गिनींग तंण तेरे ।

६३७

इना बोयो वुनूमुनु, इना बोयो मोन नोमते
उबगुरयोब हे दाइया ॥२॥
सोंगकाइंग मांदड़ी, सोंगकाइंग ओखोड
हरे दइया, इना बोयो मोन नोमते उगुरोब हरे दैया ।

६३८

हिरा हिरा गामोब रे नागपुरिया कोनघेर
हिरा आतू कुयेम ।
हिराः मलाः बूंग नवागढ़ तेरोइज
बिरू राइज तेरोइज हिरा छपले गोडकी ।

६३९

आम जो डिंडा इंग जो डिंडा
आना सांगो चोनानांग डोनजांग ।
आमपाः राइज सांगों दलाय२ मराः भाइल
आना डिंडा आमपाः राइज ।

६४०

ओले से गे मां जोइ ढकीयाः बाः
 इंग को जनम सोंगना चोनाइंग २ ।
 बाः रुम्बकूब कुयेम सोना रूपा कुयेम
 हारे दैया जनम अतू कुइना ।

६४१

अता पूरते राजा जितिया करम सुमोब
 पाःखो गुंजरे मान्दड़ी सोधोमता ॥२॥
 मधुपूर ते राजा जितिया करम सुमोः
 पाःखो गुंजरे मान्दड़ी सोधोमता ॥२॥

६४२

अता लेरेः कोनघेर आः कोलेः कलगा
 सिगकोए सुलाःते लोरे गा डेलता ।
 ददाः कोलेः कालगा,
 सिगकोए सुलाःते लोरे गा डेलता ॥२॥

६४३

उबडुः गंगा धोती बोकोबकेः तोलोज
 हेनबुडूः गंगा कुःढींग लाःसीः ।
 पबरो काये भोरा रे बेटा
 हेनबुडूः गंगा कुःढींग लाःसीः ।

६४४

तबकार लोकुता हराहराते
 लुवा लोकुता भोथा भोथा ॥२॥
 तबकार सुम्बोः ते भडी सुमोः
 लुवा सुम्बोः ते कुःढींग लाःसीः ।

६४५

बेराः किनभर ते
 चम्पा राः राः राःसिईः ॥२॥

(१४७)

धाँए से बेटी यो डेनम रे,
बेर केजे हिनकड़ तेगा ओनमोंगीज ॥२॥

६४६

लोःखाः मन्दड़ी ददा कुवारी ठठीअर उसल बूंग
डालोज हो ददा उसल बूंग डालोज ।
तारान ते ओखोठोब तिः बूंग बुखोब,
हारे दइया कटा बूंग कुइज किम ।

६४७

मंगाः ओःओते अवकींग अपाः ओःओते
अवकींग, जिनगी रे मुदाई अवकींग ।
गुतु रे गमेम लाः को उबडुः गा देनाइंग
हाड़ीरे गमेम लाः को हेनबुडूःगा चोनाइंग ।

६४८

कुदा बिरूते लम लम एबोःकी
इन्दो डांड ते बन्दुक ते तुण्डू रोःकी ।
तारे से रे राजाः पाइकोम,
सेलहोब खजार उलूःगा डेलता की ॥२॥

६४९

अता पुर ते राजा थाना डोको की
मुडू कुलम बेःएठी चोलकी ।
राय रतन पुरे ते थाना डोको की
कोनोन कुलम बेःएठी चोलकी ।

६५०

आम बोइ चमैलो अतू चोलकीम,
पोडछोलाः रूतू डोम तुडाः डोम गोडकी ।
उबडुः को गंगा हिनबुडूः को जमूना अतू
चोलताम चमैलो पोडछोलाः रूतू तुडाः डोमकी ।

६५१

उबडुः जो टिसन हिनबुडूः जो टिशन,
मोःभी ते रेल गाडी चोलता ॥२॥
गाडी ताय आरे की दुरबिल बूंग योयोः
चाह बगान हरियर योता ।

६५२

ई राः राः सोखोब रे कोनसेल,
बागजोगनी गुड तरक्लेंग तम ।
गेन्दा राः राः सोखोब रे कोनसेल
बागजोगनी गुड तरक्लेंग तम ।

६५३

भोइंसाः बथान डंडते कतोर इंग बिठोइज
जोंः गोठोः की किनीर आः खजार ।
कोनोन कुलम सिसा तरोः महा कुलम गोली तरोः
डोडकानोः की राजाः पाइकोम,
खजार आः चांवर ह्युरना ।

६५४

बिरू तुता ते लेदेम लेदा जाः रे, लदेना
ओरेज अरजोंःना चोलता ॥२॥
लदाय से बोंड़िया जोंने से बोंड़िया
कटाते धुड़ी बेरोड गा चोलता ।

६५५

ई कयोम बूंग हारे किम गंगाडाः
डेरा डांड ते ठेचुवा ई हेःजोते ।
कयोमलांग बूंग हारे किम गंगाडाः
डेरा डांड ते ठेचुवा ई हेःजोते ।

६५६

आरमाइयाः बगैचा ते इ तरक्लेंग
तरक्लेंगता, इ तरक्लेंग तरक्लेंगता ।

जसपुरिया राजा बेटा चोलताइज बरात रे
हिन भिलीमिली रे हिन भकामकायता ।

६५७

सोन बिला: दोसोईय डांड नरसिंगा
नगेरा सोधोमता हो, नरसिंगा सोधोमगा डेलता ।
दड़ोमेरे कलोओगा:
नरसिंगा सोधोमगा डेलता ॥२॥

६५८

करम को करम को इ लामते
कोचा ते गोलंग आयीज
दौड़ा ते कोलोंग आयीज
हिनजे: गा बोरते ।
ओले किसड़ों डाए
जोल सुन्दरोम्
करम राजा चोलताएज्
गंगा ऊवा:ना ॥

६५९

तोन्डेंग डांडते हेले किमरे कोनसेल
तोन्डेंग लो:ते ईधाय लेमेडनामरे
लेरे: कोनघेरआ:ते सोमो किमरे कोनसेल
तोडेंग लो:ते ईधाय लेमेडनाम ।

६६०

तोन्डेंग डांड ते हेले किम कोनसेल ।
तोन्डेंग डांड ते लेमेड् जो ऊम डेलता ॥२॥
भीमिर भीटा डा: डेलता ।
लिसोय लोसोय ओमपाय भोरे सिई: ॥२॥

६६१

ई रा: रा: ओनोब कोनघेर ।
ईडिब तुनबो: चोलतम् ।

केलोम ईडिब तुनबो: चोलतम् ॥

गेन्धा रा: रा: ओनोब कोनघेर ।

ईडिब तुनबो: चोलतम् ।

केलोम ईडिब तुनबो: चोलतम् ॥

६६२

करम, करम बेर डेज्ते ॥२॥

कालो राजा डेज्ते करम राजा ते ॥२॥

ओले कालवाईन ॥२॥

जोल सुन्दरोम ॥२॥

करम राजा चोना ला: सिई:

गंगा ऊवा:ना ॥२॥

६६३

चमेली रा: रा: हीरा गुड तारकेलेंगता

बेर कुलम तारते ॥२॥

बेर कुलम पिज् पिज् बन्दूक ते

बेर कुलम तारते ॥२॥

६६४

डुरूंग सोल ते कूर कूर पेरवां

रेंव भेंव मॅडरेता की ॥२॥

तारे से डुरूंग बेंटी

केलोम कूर कूर पेरवां: पेनेर पिज्की

कूर कूर पेरवां रेंव भेंव मॅडरेता की ॥२॥

६६५

भण्डार कोचा ताय, तिरीब डा: येंब लोंगा डेलता ।

खिरोम पारो ते तेरोब रे ददा जोई छता लेखे

बोटो डेलता । पुड गोडनाइज रे ददा जोई २ ॥

६६६

डिण्डा कोनसेल पिण्डा ते गिता: कीम

सो:लुई नोम सुहम चोलकी ।

अले से कोनसेल कोड़ा राइज चोना तेरे,
भिका खोमसो सोंगकायतेरिंज् ॥२॥

६६७

अता तो:ते चोलकीम रे बरंगी अता तो:ते एंगकीम ।
घोल उबार मेमोनते चोलकीम रे बरंगी,
घोल ऊ:फे मेमोन एंग डेलकीम ॥२॥

६६८

कोनोन आवकींग ददा, जिरा धनियां लेखे...वकींग ।
सोना लेखे ओबसोंगोब ददा सोना लेखे
ओलेम रो डि:भार रेम । रूपा लेखे डि:भ रेम ।

ति: तोय डोम की हो दाइया ।
सांगो नाईंग इडीब मेया: रा: २ तोयते ।

६६९

मांदड़ी जो पा: की ददा, आजी डाय चोलकी लेखे ला: की ।
मांदड़ी जो सोंगोब ददा, आजी डाय डेलकी लेखे ला: की ।

६७०

नागपुरिया डिंडा कोनसेल मां गा: कायोम उम
ओडोर...ते ।
केंडोर आ: ति:ईते सोमो कीम रे कोनसेल,
कुण्डाब तिईज लेदेरा भुलायोब २ ।

करम लहसुवा



६७१

मुसगा: इडिब ते बेर बोंग
 एबो: नाईंग मुगाम मुगाम
 जबजब साँगो आतु चोलकी ॥
 तरान ते गमछा राँगो: कोन
 ति:-ते धोखो: लोटा उवा:ना चोलकी ।
 इंजां: जबजब साँगो ॥

६७२

कोनोन मोनोन कोनसेल,
 डा: ओलना चोलकी गोई कोंग जोमे,
 हाय रे लभाईर लभाईर डा:
 बिडते गोई कोंग जोमे ॥२॥
 सोनोरा: बिन्डा रूपागा: कुयू,
 हाय रे लभाईर लभाईर डा:
 बिडते गोई कोंग जोमे ॥२॥
 बोकोब ते बिन्डा, बिन्डा ते कुयू,
 गोई कोंग जोमे,
 हायरे लभाईर, लभाईर डा:
 बिडते कोंग जोमे ॥२॥
 तोडभूँग की कुयू पा:की,
 होए की छिकी छन्द, गोई कोंग जोमे,
 लभाईर लभाईर डा: बिडते, गोई
 कोंग जोमे ॥२॥

६७३

केलोम केलोम कोनसेल,
 काडोंग तारना चोलकी ॥२॥

टुकनु ते तरसोड गोठोः,
 तोबडा: छिटकेकी, कुलम तिरीब दिलकेकी ॥
 दिल दिला दिलाके की तिरीब दिलके की,
 टुकनु ते तरसोड गोठोः,
 तोबडा: छिटके की, कुलम तिरीब दिलके की ॥

६७४

मोएँग पथा बा: बोंग
 सोंगोंएज् चपा रा: रा: ।
 सो:खोएज् भोरे सो:लुई ॥
 चपा कली तिरीती रकम दिलासा
 पो:छोल को चोना डेना तोबडा:
 की किनभर डा: ।
 चोनम डेनाम ऊम डेनाम उम्बो: होरोज ॥

६७५

अतु ताय डेनाम पियार कोनथेड
 बागजोगीनी तरकेलेंगता ।
 जोगनी अतु ताय डेनाम भेंगराज ।
 मुनू:सींग ताय डेनाम पियार कोनथेएड
 बागजोगनी तरकेलेंगता
 जोगनी योनलो: ताय डेनाम भेंगराज ॥

६७६

ईना: थोम इयांमता आदड़ो कुन्डू:
 हरे नुनुआ: थोंग इयांमता बेतोड डा: बोंग ।
 माडोम जो गोइज की अपड़ोम जो गेबकी
 हरे तोमलेंगा आ: थोंग इयांमता बेतोड डा: बुंग ॥

६७७

भुमुनगा भुका भुमैर रा: ना,
 टेपड़ोंज रा: ता रूनु भुनु ॥२॥
 मो:भीतो: चोलकी सिंगकोय सुला: चोलकी
 टेपड़ोंज रा: की रूनु भुनू ॥२॥

६७८

साँगो चरकी किन्द्रेता
किन्द्रे किन्द्रे मँदड़ी सोधोमता
साँगो चकरी किन्द्रेता ।
मोःभीतोः ते चोलता
सिंगकोए सुलाः चोलता
साँगो चकरी किन्द्रेता ॥

६७९

एनमागाः मूरडाः
तोबलूंग तूता कुलम
हायरे हायरे ।

रोवा बाः
बेरोड् की नो डोको की कुलम्
हायरे हायरे ।

६८०

ए, ला तोमलेंग छिलकेता
लोहोरदगा गोई
ए कदम सुम्बोः ते ॥
सोनोराः करछूल रूपागाः बटलही
ए, ला तोमलेंग छिलकेता
लोहोरदगा गोई
ए कदम सुम्बोः ते ॥

६८१

चिपाय कन्डाय चिपाय
बार गोलांग चिपाय ॥२॥
ऊडे केन्डोर ऊडे
बार गोलांग ऊडे ॥२॥

६८२

कयार कोचा बन्धो कोंगोंब
सेमड़ी कोचा पोईन ओछोब ।

हँसा राजा लड़ेगा डेलतारे
गेड़े राजा धिड़कायगा डेलतारे ।

६८३

हो होरे भेंस नाँज को भेंस नैंज को
तोबडा: बुईडा: डेलकी
हो होरे भेंस नैंज को ।
खुर ठो:की सोरेंग पा: की डेडेंग
ठो:की हरा पिज्की
हो होरे भेंस नैंज को भेंस नैंज को
तोबडा: बुईडा: डेलकी
हो होरे भेंस नैंज को ।

६८४

कोलहू डेजे तेलीनया कोलहू डेजे
बेहरा दाहू ते कोलहू डेजे ॥२॥
जोल तोने तेलीनया जोल तोने
रायमुली कतोर ते जोल तोने ॥२॥

६८५

बीरू सितील सितील ते लोईन सा: पोडसी
घाय सेरे बेटींग कम ओलकायेम ॥२॥
आम को बेटींग चोनाम सोसराईर तोमलेंगाआ:
गिनींग अतु कुर्याज बेटींग ।

६८६

संग संग गोसो: कनडय मुन्वरुम गोसो:
कनडय कदम दहू बो:ते तोगोंन सी:रे ॥२॥
सुसुर तेरो: रूपया, बावडोम तेरो: सोना रूपा कीरे ।
सो डोम तेरो: जन्मो: बोरोल ना:रे ।

६८७

ईजां: जोड़ी आईज संगो अमपा: जोड़ी
उम्बो: उम्बोड़ेज माय ।

बिजली लेखनरे उम्बोड़ेज मोए
 भेनतुते डोको कीमय ।
 किजते सुन्दरोम हारे दैया सोमोंग ते रोःकी
 सुन्दरोम हारे दैया ।

६८८

ईनाः थोम ईयामता बार बोरिया डोमोनकुइ
 कुसार लुतुइयाः थोम ईयामता बार ।
 बोरिया डोमोनकुइ कुसार लुतुइ अतु कुइना
 ईनाः ईयाम ताबर ।

६८९

जसपुराः रानी बेंटी कोनकेः कोनकेः सुःत्रोम पोयतेरे
 पोयना कोरे पोयो, सोनाः मला तोयोबरे
 रूपाः मला तोयोबरे ।
 बेड़ो लेरांग लेखे योतामरे ।

६९०

बेराः रूसूंग ओरेज
 नीमो हारा पिजना नो चोलता हो ॥२॥
 कालो आः रूसूंग ओरेज
 नीमो हारा पिजना नो चोलता हो ॥२॥

६९१

कोनोन मोनोन मुरून
 भबरे सीः हारा
 ए गोईराम कोनसेल लोरेगा चोलता ॥२॥
 मुगाम मुगाम मंदड़ी बुःते
 होकड़ाः लोःढो भांभ रे
 ए गोईराम कोनसेल लोरेगा चोलता ।

६९२

ठोर नोम रूसूंग कोलेः बेलडे नोम हरियार,
 कोलेः ओलकाय गोड़ेम गोराइर राः राः ।

कलसार ते केजेम हरा अबू पीजेम
कोले: ओला काय गोडेम गोराइर रा: रा: ।

६६३

पाइलकोटा पो:दाते अबू तेरेम ददा उमींग चोना ।
खोड़ी तेगा केलोम केलोम पोडछोल उमींग चोना ।
मुहुन दाह बो:ते जोड़ा मांदड़ी सोधोमतैज, उमींग
चोना, खोड़ी तेगा केलोम केलोम पोडछोल उमींग चोना ।

६६४

अतु ताय डेलकी पीयोरे कोनथेड, बागजोगोनी लेखे
तरकेलेंग अतु ताय डेलकी भेंगराज ॥२॥
मुनु:सींग ताय डेलकी पीयोरे कोनथेड, बागजोगोनी
तरकेलेंग, योलो: सींग ताय डेलकी भेंगराज ।
बागजोगोनी तरकेलेंग ।

६६५

अता बो:ते अयीज ददा तिलक चन्दन पींडा रे ददा
अता बो:ते अयीज उसलो: ॥२॥
मुनु:सींग तीज अयीज ददा तिलक चन्दन पींडा रे,
योलो: सींग तीज अयीज उसलो:
ददा योलो: सींग तीज अयीज उसलो: ।

६६६

अता पूर ते राइज राजा अता पूर ते हीरा राजा
राजा कुलम अता पूर ते तेलेंगा: डेरा ।
जसापुरा: राइज राजा नगापुरा: हीरा राजा
राजा कुलम कलीकत्ता तेलेंगा: डेरा ॥२॥

६६७

खोड़ीते केलोम केलोम पोडछोल रे ददा उमींग चोना ।
(हारे दैया) इंग को ददा उमींग गा रो: चोना हारे दैया ।
अखड़ा ते जोड़ा मन्दड़ी सोधोमता हरे दैया
इंग को ददा उमींग गा रो: चोना हरे दैया ।

જદુરા અત્તોંગ

६६८

डांडते चमकेता डांड सरहाम
बथानते चमकेता चमकेता गाए ।
बुंगडा: गोडभुंग चमकेता डिन्डा
कोनसेल है रे समय चोलकी ।

६६९

बाबू आ: थोंग रंगल तिरियो, बोई आ: थोंग
रिंगी चींगी सुपली ॥२॥
हूँरे कौबा: रे कौबा: खोता
कौबा: खोता रंगल तिरियो ॥२॥

७००

अमा: नेवान ते योयोइज बोई
साहू सा:ते संग संग एरोब ।
हेके नो उम्बो: बोई साहू साहू
सा:ते संग संग मायोंब ।

७०१

चांची रे लिला घोड़ा डेबकिम बिरू तोबलुंग ते ॥२॥
साय साय जा: उम ज्यों:ते
भा:पू दाना उम ज्यों:ते
चांची रे लिला घोड़ा डेब गोडकी बिरू तोबलुंग ते ।

७०२

आम को बोई डेम्बू बुंग हारे कीम, गुनी गुनी
रोमोड डा: गुरता । रसे रसे रोमोड डा: गुरता ।
कोड़ाज डांडते डेम्बू बुंग हारे कीम,
गुनी गुनी रोमोड डा: गुरता ।

७०३

हरीयारो कोले: हरीयारो बेलेडरे
मराल सुगा कतरल जाएला ।
तीला रो कोले तीला सेंरसोंओ
मालाग कोडोंओग ।

७०४

बीरू पाट तोबलुंग कुही मरा: तोरो:ता
आम को बोइ थाम सौ कोनघेर भोइ उबुठोब,
बीरू पाट तोबलुंग कुही मरा: तारो: ।

७०५

पानरी उला: रीगी बीगी
पानारी गढ़ दीलकेता ।
बोइया: थोंग उला: रीगी बीग
बोयो आ: थोंग गढ़ दीलकेता ।

७०६

योय मामी जोई बेइटनोम्मा: आकील
तोबडा: सा:ते सार सायते ।
मायकी मामी उमींग ठकायते,
तोबडा: सा:ते सार सायते ।

७०७

साँख ओम्पाय साँख कोसोर गोडकी ?
अतु चोनाम रे कंसा बंकलुई ।
बेलेड नोम पीज गोडकी
अतु चोनाम रे कंसा बंकलुई ।

७०८

मुसा को हरियार तुडा को पीयर,
तुडा चोनाम बोइ कलकत्ता कोड़ा गो:भुंग ।
नहियार जे सपुता समुराईर कपुता,
तुडा चोनाम बोइ कलकत्ता कोड़ा गो:भुंग ।

७०६

पालामु राइज बोइ पला पोरे की,
 भोरोम कोनसेलते पला तारते ।
 चेत लेरांग पला तारो: तीडेल
 उला: जोरोम गोडकी, कोनसेलते पला तारो: ।

७१०

चाची रे रुसुंग घोड़ी डेबकी
 डुगुल बिरु ते ।
 साय साय जा: उम ज्यों:ते
 जना पतार घोड़ी ठनकेता ।

७११

बेर तेरो: गोईराम रोरीया: सुन्दरोम,
 बेर तेरो: गोईराम कोनके: कजार ।
 सोउनोम तेरो: गोईराम रोरीया: सुन्दरोम
 बोकेर तेरो: गोईराम कोनके: कजार ।

७१२

मघा सायना को कोड़ी कोबसुते,
 जदुरा एबो:ना लेरे ला:ता ।
 गोङ्गों योंखो: ऊ:फे पोरसा,
 गीता: गोङ्गों गोडकी केंडोड लेखे ॥

७१३

कुबुड २ कंड़ाय बो:ते गामना ला:सी:
 कु:ढिंग ई भेरे ला:ना दरी कु:ढिंग ।
 मुसा को एका देशी, तुडा को बोबा देशी
 मइंगा: दरी कु:ढिंग ।

७१४

हाय खोड़ीया: ओसोंग तुम्बा, किनीरआ:
 रुतुरे जोगी कुलम केन्देरा बु:ते ।

हाय केन्दरा: सोधोम बैया, टिरिटिपि सोधो
मेरे, चुबेता बाबा जी या: लो...र ।

७१५

हाय नहियर२ अबु गामे सांवरो नहियर
योयो:ले आम...पा: ।
दार आ: जोरेलडा:, लो:खा: पोताय, तोभलुंगते को
ओलोंग तेलोंग ।

७१६

सेमड़ी रे सरहर सोने गिधी, खोता बेल...ते ।
सिनी रोड कोंगते खोता बेलते, लेबूते बायते आहा...रे ।

७१७

हाय बेरा: बोकोबते बैया संग संग गोसो:
गामछा, बेरा: बोकोबते केवरा रा:...रा: ।
राजा: बोकोबते संग २ गोसो: गमछा रानी
रानी या: बोकोबते केवरा रा:...रा: ।

७१८

हाय मुईंग कयार हरियर मोईंग कयार पियर
मोईंग कयार सुन्वरोम्मा: रा:...रा: ।
बोरोल को रोजोइ ला:ता, बेलोम को सेबोल
ला:ता गदरा को इकुड सेबोल ।

७१९

हाय इनागा ने माई किनभार रोनोब किनीर,
इनागा दुनियाँ येलोंग ।
मोईंग बेटा: घाङ् किनभार रोनोब किनीर,
केन्दोररा: घाङ् दुनियाँ येलोंग ।

७२०

हा...य एरन्डी या: किनीर बैया, मुज्डा:
उम रेङ्गेता, हीन योकोन किङो: रिरयायता ।

हा...य किड़ो: जे रीबायो: गाय को
गोएज गोडकी बछर जनम अराबडु: ।

७२१

अमा: थोम जोड़ी जोड़ी कुलम
इया: थोम जोड़ी ऊम्बो: ।
डिन्डा समय भाई ईकुड दुलर
कुलम अबु मेलायेम् ॥२॥
कुहुड कुहुड गुंडी डुरूंगते
कुलम छेनेंग मेनेंग कोलौंग लाइते
डिन्डा समय ईकुड दुलर कुलम
कुलम अबु मेलायेम् ॥२॥

७२२

छेछरा सोंग डा: ठेपी कुदड़ी
अजींग नो लता सुबींग ।
बोन्डेज कडोंग एन्डू:ते
पु:ठी डा: भलकेता ॥

७२३

छकछकीया बिन्डा बोकोब के:
माँयोंग ते चन्दवा भोले युंड ते ॥
कटा बोकोब भोले सम्भड़ाय

७२४

कीई-थुनते तेनतोन बोई
सोमता पतार कडोंग ।
बवा: ह्रीलाय तेनतोन बोई
कुलाम डाय ओलते कडोंग ।

७२५

सिक सिकी, सिकी कुलम ।
सी राइलो: राइलोंग ॥२॥
सोंगोल नो कुईता कुलम

भूरीनो कुईता

ऊबने तो: कुलम अतु आवकिम ॥२॥

७२६

बेर तेर ते गोइ रोरीया: सुन्द्रोम,

बेर तेर ते गोइ रूसुंग काजरा ।

गोमके तेर ते गोइ रोरीया: सुन्द्रोम,

बेर तेर ते गोई रूसुंग काजरा ।

७२७

कुलम नोमला हेके नो आँडीई-ज

कुलम नोम ला भाईल बीरुते ॥२॥

७२८

कुहुड़-कुहुड़ ईजथांग नो राम ते,

दलै दलै ओलोंग नो साएते

डुरगुड हिनबुड़: ते ठिसा ते

ओमपाय सिनींग ते कडोंग तार ते ।

बोइ या: घाड कुहुड़ कुहुड़ ईजथांग

नो राम ते बाबुबा: घाड दलै दलै

ओलोंग नो सायते डुरगुड या: हिनबुड़: ते

ठिसाते ओमपाय सिनींग ते कडोंग तार ते ॥

७२९

मुइंग पथा बा: ते

बेर ते गुने ओडोगीञ्ज

अनी चोना नींग माडोम कुन्डू: चोना नींग

जदुरा एबो:ना ।

दलैदलै चोना नींग

कुहुड़ कुहुड़ जदुरा एबो:ना नींग,

मुइंग पथा बा: ते बेरते गुने ओडोगीञ्ज

माडोम कुडू चोना नींग जदुरा

एबो:ना नींग ॥

७३०

कुडा भरिया बोई तोमोंग जता,
 कोमडोल भरिया बोई तोमोंग गन्दरीं ।
 गोनमेर बाव लेमेए-ड किकयार
 बोर्कोरिञ्ज बोर ते भोड़ ॥

७३१

दारू गोली कबतीबे भोज राय,
 कदाली ते पाएजकोम सम्पड़ेता ।
 पाएजकोम को सम्पड़ेता कुन्द नगरते
 मोघेर तिरीब गुड गोली घुमरेता ॥

७३२

अतु ताय पुर राजा अतु ताय हिरा राजा,
 राजा कुलम कलिकाता पाएजकोम्माः डेरा ।
 भुण्डु ताय पुर राजा टमेड़ा ताय हिरा राजा
 राजा कुलम कलिकाता पाएजकोम्माः डेरा ।

७३३

जोड़ी ला जोड़ी कुलम भौबु चोनाम
 डोन जांग पुर,
 गोएज गोड नम बेतोः-ड
 बेतोःड डाः बुंग ।
 कटा ते तेरीञ्ज रुचु मुचिया जुता
 गिड़ींग ते तेरीञ्ज सोनोर छाताः लोंगोय ।

७३४

करम दिनो करम एबोः डोडनम बोई
 जदुर दिनो जदुर एबोः डोडनम ।
 मुसगाः घड् आव डोडनम बोई
 तुडा से खोनम ससुरेइर ।

७३५

बेर तेरते गोई सोमोंग रुसूंगते सुन्दरोम
सौ डोम तेरते गोई सोमोंगते रुसूंग ।

७३६

आमपाः पोःदाते उघाय रंगा
ईघाय बोरोल नंग दैया लुतुय उम्बोड़ेज ।
कुण्डाबतीज कुण्डुः ईयामता मुगामतीय रंगा लाःता
ईघाय बोरोल नंग दैया लुतुय को लुतुय उम्बोड़ेज ।

७३७

पैलकोःटाः बीरु ताय सेन्द्रोम डाः मुःकी
डाः तोबलूंग ते सारघाः बंगांम लोरेता सोःतोगा ।
डेजे से राजा सोःतो खँडा बोंग, सोःतोगा
सरघाः बंगांम कुण्डूः ते लोबगोंय सीः सोःतोगा ।

७३८

किःताः ते तोरोः ना किनिरआः
पीयो कोन्थेड ।
हारे किःताः ते कोनघेर डेना ॥
मोःभी तोःळे तोरोः श्री
किनिरआः पीयो कोन्थेड ।
हारे मेयांते डामकी कोनघेर ॥

७३९

तिङ्गेल बेलोंगनो ददा ।
अना ददा तिङ्गेल बोएज् कायेम ॥२॥
एनमागाः बेतोड् नो ददा ।
अना ददा तिङ्गेल बोएज् कायेम ॥२॥

७४०

चाँच चीज् नो लीला घोडा
डेबकी बीरु आः बीरु ते ॥२॥

(१७१)

जना पातर घोड़ी ठनकेता
साए साए घांस ऊम यों:ते ॥२॥

७४१

हाय रे दाईया ।
भोरोम कोनसेल ते करड कड तार डोठो: ॥
पलामु नगर ते करड कड गूरकी ।
तिङ्गेल ऊला: ते तारो: ।
हाय रे दाईया भोरोम कोनसेल ते
करड कड तार डोठो: ॥

७४२

तिङ्गेल खून्टो ते डोको कीम डेचूबा
कोनके: डा: ठिसा गोठोब ॥२॥
पोट्छोल लाखो: अखड़ा
कोनके: डा: ठिसा गोठोब ॥२॥

७४३

कि:ता: ते कोड़ाएज् दाईल इबसीनेम
इडिब ते सांगी जदूरा एबो: नार्निग ॥२॥
पोट्छोल लाखो: अखड़ा
कि:ता: ते कोड़ाएज् दाईल इबसीनेम
इडिब ते सांगी जदूरा एबो: नार्निग ॥२॥

७४४

हाय रे ईजां: केन्डोर आ: आकील
पलकी ऊम ओलकायते ॥२॥
सीसी लो: डांड ते घोखूला जुरा:
कटा नाईज् ऊम चोलता ॥२॥
जबा गोहोम आ: सतुवानो
भिर हीरि ओमपायआ: पोईन ॥२॥

७४५

अते ला जमुना डाः
 अते ला पोखेरा डाः ॥२॥
 भून्डू ते जमुना डाः
 टमेड़ा ते पोखेरा डाः ॥२॥

७४६

हो, हो एले योयोः ले
 चोलकनकी भून्डू रो टमेड़ा
 हो हो एले योयोः ले ।
 तरन ते गमछा तीः ते धोखोः दोहीला
 चोलकनकी भून्डू रो टमेड़ा
 हो हो एले योयोः ले ।

७४७

तेलेंगाः ओःओ डेलकिंग बोई
 कटा बोकोब ते तेरोः सम्पड़े ।
 छक छकिया बिन्डा बोकोबकेः
 मांझोंगते चन्दोवा लावकेता ।

७४८

चेंटड़ी पाट तोबलुंगते
 कुही रो बेसरा मराः तारते ॥२॥
 डेलताईज भेरे यो डेलताईज
 ओन्डोरतिंग भेरे ओन्डोर डेलताईज
 कुही रो बेसरा मराः तारते ।

७४९

लुहूर लुहूर डेनम डियर डूः कोनसेल ।
 सोलोः ताल डांडाः कुयेम ।
 अबु रागोम नाम डियर डूः कोनसेल
 आम मेलाय होडोम ऊम्बोः ।

(१७३)

७५०

अतुं चोनम ला लेरे: कोनघेर
तिरिब तन घन ओडेब तेज् ॥२॥
सासुराईर चोनमला लेरे: कोनघेर
तिरिब तन घन ओडेब तेज् ॥२॥

७५१

अना सांगो सुन सुनिया सा: कमना
ओमपाय सितिलते ।
खोंचा ते ओमपेंग ईंग ते रेमागेम्
अमा: कल कल ते तूर गोईंग
ओमपाय सितिलते ॥

७५२

बोरोल मन्दड़ी बुगे कोनघेर
लपुंगा तुता ते कोनघेर लोगोंयना ।
डोको सी: हिनकड ते बासी पे:ए
मन्दड़ी कड ते लेटो पे:ए,
एबो: कीते तोमलेंग ओमपेंग,
योयो कीते ठेपो ॥

७५३

सेऊजंग रा: रा: ता रुम्भा,
भाड़ी कोन्येड् रास ऊडना चोलता की ।
अनी कुलम रास जोबगा
कोन्येड् कीते तारना ।

७५४

तेनतोन खोलडा: रिगी बिगी
लेरे: कोनघेर आ: ओ:ओ दिलकेता ।
बोई आ: घड् तेनतोन खोलडा: रिगि बिगी,
बाबू आ: घड् ओ:ओ दिंहील, दिंहील ॥

७५५

माँज डा: अजोड् की किनिर भांकोय गेबकी
 मचा जो गेबकीनो ॥
 धाय से बोई यो डेनाम्, मचा जो गेबकीनो
 किनिर भांकोय गेबकी मचा जो गेबकीनो ॥
 योना को यो डेलकीज, ओलोंग जो खरपा की,
 किनिर भांकोय गेबकी, मचा जो गेबकीनो ॥

७५६

मुरुन मुरुन रामना चोलसी खोएज्
 मुरुन आ: घड् लेछो: की ।
 सैरगा सैरगा रामना चोलसी खोएज्
 सैरगा: घड् लेछो: की ॥

७५७

रा: रा: तोयना चोलता की
 इंग जो नो रे सोना रा: रा: तोयना चोनाईंग ।
 चुंदी रा: रा: तोयना चोलता की
 इंग जो नो सँगो चुंदी रा: रा: गोलना चोनाईंग ।
 रा: रा: तोयना तोयना ती:ई नाईज ते तोय डोम कींग,
 चुंदी रा: रा: तोयना तोयना कटा लोयो की ।

७५८

आना से बोई सारु सा: कमना, सारु बीरु ।
 सारु बीरु ते थैली भुन्डा सुमसी: मोय ।

७५९

डिङ्गा भेरे इकुड लेबुय कीम, मया मला: अबुमेलायेम ।
 कंङाय लेखे दुलार कंङाय लेखे अबुमेलायेम
 डिङ्गा भेरे इकुड दुलार कीम ।

७६०

तुन बो:ते को मन नोम हरियर बोई,
 हडीब ते को मन कोइल ।

(१७५)

आम्पा: जोड़ी कोनघेर चोलकी बोइ
कलिकत्ता कोड़ा गोडभुंग ।

७६१

पाइलको:टा शहर ते सिरी चम्पा रा:सी:,
घांड़ी ला:ता भाया भोरे नागपुर ।
इन्वर आ: रानी बेटी इकुड किसाड़ों फुले, राजा
बृत नाथ बुंग पाइलको:टा हेपा...ड ।
पाइलको:टा शहर ते ॥

७६२

जाल फेकाय गोड़े से केंवटा, ओम्पाय सिनिंग्
ते कडोंग् तारना... ॥
रभ्रम २ डा: गीमते ओम्पाय ढोढ़ा भोरेता...ज ॥
जाल फेकाय गोड़ेसे केंवटा० ॥

७६३

बिरु सिनिंगते भोरोम कुलम गोइज गोडकी, इ कराइंग
बोइ तोभलुंग ते रावण गीधी मेंडरेता...॥
भा:टा डेजता २ डालोज बोई, ई कराइंग
बोई तोभलुंगते रावण गीधी मेंडरेता... ।
बिरु सिनिंगते ॥

७६४

लाली रे लीली घोड़ी डेबकी, बिरु तोभलुंग ॥
जनापतार ठनके कीम घोड़ी, साय २ जा: उम
यों:तेम लाली रे लीली घोड़ी ।

७६५

बुचा बिरु लमलम एबो:ना चोलकीम बोयो,
हेपड २ बन्दुक तुनडुरोब ॥
राइजा: भेद उम कुयोब बेटी ते ढाल तरबाइर ॥
बुचा बिरु लमलम ।

(१७६)

७६६

जेपुङ्ग हुतुङ् २ बोई, येंरी नोमते कोडील डोकोकी... ॥
हुतुङ्ना को हुतुबठोब बोई, चुङ्गडा: बो:ते
चोनाम रो कोडील छोड़ायेम... ॥
जेपुङ्ग हुतुङ् २ बोई ॥

७६७

केलोम मैना अतु कुयोब, मैना रा: २ जों:ना
जोंगोर २ सुयेम मैना कोड़ोम कांडेइर अबु पिजेम...
सुयेम मैना जोंगेम मैना रा: रा: यों:ना ।

७६८

गाय या: थोकते चोलकीम रे किड़ो:
मो:भीते जीयोम ओसिठोब ॥
बिरू तोभलुंग ताय आरे कीम रे किड़ो:
गाय मो:भी ते जीमोय चोलकी... गाय या: थोक ते० ॥

७६९

लेरे: कोनसेल नोम को चोल गोडकी,
कलिकत्ता कोड़ा मो:भुङ्ग... ॥
जौ गोहोम्मा: सातु जिरीहिरी ओम्पए या:
डा: जोंना माड़े यो: डोनजांम्मा: कुलम कलिकत्ता ॥

७७०

मेलायडोमकी सांगो हाँसा राजा घोड़ा नंज
मेलायडोमकी सांगो ढाल तारबाईर ॥२॥
चोर मँगला चंगड़ा लोहोरदगा बंगला
खुखरा ओडोओ डोंयसा कली कैलकता
गोबिन्दपुर ते मेलायडोमकी कुहु ईजां: बेसरा ।

७७१

अना से बोई योना चोना नंग डोंयसा: रानी
बन्डी घोड़ी ते बेटी डेबसी:ई ॥२॥

(१७७)

खोड़खोड़ो बेंटी बूची तरवाईर
बन्डी घोड़ी ते बेंटी डेबसीःई ।
कोडपुडूः की लपैएज लूपुईज
कोनसेलडुः भेंस लेखे
बन्डी घोड़ी ते बेंटी डेबसीःई ।

७७२

पंखी गढ़ २ राजा सोरेंग सोनोंग ।
भीःतर ते रुनु भुनु राजा
बाहेर ते सोरेंग सोनोंग ।

७७३

पैलकोःटाः सहारते सीरी चम्पा राः की
मोहकेगा डेलता बोई हिरापुर भोरे ॥२॥
केऊंभराः राः रानी बेंटी बिहू केशेलपुरते
मोहकेगा डेलता नागपुर भोरे ।

७७४

गाय नंजायाः डेङ्ग दाईया देढो मेढो रे
भाईस नैजाः डेङ्ग दाईया राःराः छत्तना ।
गाय नैग अरज्जोंःता, रोनीब कीनिर ते
भाईस नैग अरज्जोंःता तोनडेंग ओमपाय ।

७७५

केशेलपुराः कुन्डुः की टीकली मालाः थोम मलाः ताकी ।
लुहर २ चोनापे डोम्बा पेठिया
पलकोःटाः हटिया इकुड ओबसोंगता डिस्साः हटिया
केशेलपुराः कुन्डुः की टीकली मालाः थोम मलाः ताकी ।

७७६

हिरापुराः भाईस चोलकी तोनडेंग ओमपाय
केसेलपुर ते ठोड़कोब सोधोमता ।

(१७८)

धाँय से कुलाम यो डेनम धाँय से कुलाम ओनडोर डेनाम
हिरापुरा: भेंस चोलकी तोन्डेंग ओमपाय
केसेलपुरते ठोड़कोब सोधोमता ।

७७७

एबो:ना चोलकींग राईरतन पुरते
ईरीब् डोमकी सांगो
टिहली मेलायडोमकी नागपुरते
बोईया: घड् सांगो...राईरतन पुरते
बाबु आ: घड् सांगो
टिहली मेलायडोमकी नागपुरते ।

७७८

अतु चोनम ददा
घोती सुडोड़े
अतु चोनम ददा: तोलोंग मेलाय टुईए ।
सासुराईर चोनम ददा, घोती सुडोड़े
सासुराईर चोनम ददा तोलोंग मेलाय टुईए ।

७७९

गन्दरी कडोंग
मुईंग कुयू भोड़ ।
मुगाम ते गोनमेर बाबींञ्ज बोई ।
कुन्डाब ती-ज बोकेरींञ्ज भोड़ बोरते ॥

देशवैल

७८०

कोनथेड रे किनीर किनीर कोनथेड
डोकोकीम रे निमाः हारा ।
हारा ते डोकोकीम उलाः ते डोकोकीम
डोकोकीम रे निमाः हारा ।

७८१

बेरोडना से कोनघेर तारदी नो तरदीये
ई, ई, सुरुम चोलकी ॥२॥
बाः रुमकुब भाड़ी को आइज
कुलमडाइंग को सुरुम चोलकी ॥२॥

७८२

बोरोल भैर को बुढ़ा इकुड रे बिपैत रे
गोइजनाको जियोम पासतैता ॥२॥
गोइजना सिडना भैर पोःदाः कुलम
कुलमडाय की बोरोल भेरे इकुड बिपैत ॥२॥

७८३

कुलहु डेजे तेलिनिया कुलहु डेजे
बेहेरा दारु आः कुलहु डेजे ॥२॥
जोल तोने तेलिया जोल तोने
रायमुनी कातोराः जोल तोने
रायमुनी मघाः जोल तोने ।

७८४

गुड़गुड़िया चुंगडाः लोरेंग बोः डाः
कोनसेल लेरेःसोन डाः ओलते ॥२॥
तारे से कोनघेर काः ओडेबे
कोनसेल लेरेःसोन डाः बिडते ॥२॥

७८५

बरांगी २ कुलम ईयमता की
मनोवा जोरोब जोरोब ईयमता की ॥२॥
तोले से ललित राम
भिल्लि मिली बोकोबके:
बोकोबके: तोले से रोमोड डा: गूरता ॥२॥

७८६

अतु ताय डेलकिम कुलमडाय ईजां:
अतु चोनाम अमा: गोनमेर पुर
अतु डेनाम् मगा: पुर, तिमसोंग गुरकी
मगा: पुर बजार गुरकी गोनमेर पुर
कुलम कुलमडाय मेलाय डोमकी अतु चोनाम
गोनमेर पुर, अते डेनाम मगा: पुर ।

७८७

मुरुन मुरुइज डाँड ते कौड़ी ला डाँडा: नाईजं गुरकी
ई ईज रो: मां, ई ईज रो: नो अपा:, कुन्डाब मुगाम
ईजां: राम भाम, ओबडो:गा ओलते, कौड़ी ला डाँडा:
नाईज गुर गोडकी ।

७८८

किनिर तेको कोन्थेड हरा हरा ऊला: ऊला: डोकोताकी
किनिर आ: दाख को हरा हरा तोभलुंग तोभलुंग
रा: रा: ताकी
लेबु की योते की रो ईकुड लेरे: ताकी ।

७८९

हायरे ईजां: सांगो नेंज, हायरे ईजां: जोड़ी नेंज
ईजां: कायोम ओन्डोर डोड़े रो चोनाम ।
हायरे ईजां: सांगो नेंज, हायरे ईजां: जोड़ी नेंज
अता बो:ते डोकोसी:डेम जपा:सी:डेम
अमा: लेखे उमिंग कुईये ।

७६०

इना कायर दनू मूनू रे, इना कायर डूज किम हारा
इना कायर ऊडूछोब हारा ।

बेरा: ओ:ते महाबेटी हिनकड़ा: ओ:ते डूजकिम हारा
हिनकड़ा: ओ:ते ऊडूछोब हारा ।

७६१

मां जोई दुलारी अतापुर ताय मां ओलडाय ओलकायेम ।
अले से रे बेटाईज धिराज धोगेम रे
भैंसी हिरापुर ताय ओलडाय ओलकारियंग ॥

७६२

अतु ताय सिरजे कीपे रे लेबुकी
अतु ताय जोरमे ठांडो अमपा: ॥२॥
लोरेंग बीरू ते सिरजे कीपे रे लेबुकी
आजोडा: पुरते जोरमे ठांडो अमपा: ॥२॥
रो: डा: गढ़ते सिरजे कीपे रे लेबुकी
डेल डा: पुरते जोरमे ठांडो अमपा: ॥२॥
पा:टो पुरते सिरजे कीपे रे लेबुकी
हीरापुर जोरमे ठांडो अमपा:
हीरापुर भुईहार ठांडो अमपा: ॥२॥

७६३

पैलको:टाते मां मनु:सिंग ताए मनोबा
आरेकिमोय, मनोबा डेलकीमोय ॥
भुईहर आ: उसलो:ते ओसगांएज ते डोको कीमोय ॥

७६४

बेरा: बंइटडोम ला बोरे ला: तेरे नो ऊम्बो:
कोड़ीते रेसेम, घा:तीते फुवना, बोरे ला: तेरे नो ऊम्बो:।

७६५

किनकार डेंज ते भोर भोरा
कीमिन डोम डेंज ते, कोसोर लो: ।

(१८४)

मां जोई मोएँज ठीपा जो ज्ञोःखोएज
लाः भोर ऊम्बोः ।

७६६

कुटुवाः बागेसेराः काय खेढी
एबोः कीपे इन्दो डांङते ॥
कुटुवाः बागेसेराः हारे कीपे जोराग बीरन्दा
बाघीमा डांङते ॥

७६७

बेराः मन्दड़ी ददा बंकलुई टोंया मन्दड़ी सोभेता
ददाईज आः मन्दड़ी बंकलुई टोंया बोंग सोभेता ।

७६८

इना ईयमताबर ऊबर डोनकुई,
इनाः थोंग ईमयताबर ऊबर डोनकुई ।
कोंगलोः दुवार ते मगाः पुर आः थोम ईयमताबर
ऊबर डोनकुई, कोंगलोः दुवारते जोनमेर पुर आः
घड् ईयमताबर ऊबर डोनकुई दियोगा ।

७६९

बेर ला रुसुंग बोकोबकेःकोन, ईजांः दूवारते डोको
सीः पाएज्कोमगा गोयोलना डोकोसीः ।
अले से रे पाएज्कोम मॅयाःना से तेरे,
गोला ओरेज् ते तेरिंग ।

८००

डेजछोंग डेछोब ततंग तुम्बा बिजोम गारोः ओनोब
ऊःफे ठोंगा तुम्बा नोम जो लुकू की
अमाः गा ततंग बिजोम बोकोब हेके ।

८०१

ओलोंग सायते दलाय दलाय, ईज्थांग रामते कुहुड कुहुड
मुसगाः घड आव डोडना बोई, तुडा रोःओ चोनाम
जोनमेर पुर ।

(१८५)

८०२

मुरुन रामना चोलकीम बोई टूकनु ते आतु मेलायोब
टूकनु ते डोठोः
मेःछेः मेलेंग कोनघेर, मुरुन ते जोंखोः रुसुंग ओरेज ।

८०३

हरियार पुर नो बोई छतरपुर डाः बोंग गा बोई
ऊलहांग मलहांग ताकी
योता योता बोई जीयोम लेरेःता ।

८०४

चटी कुःढोंग ते बोयो डाएनोमाः बेटा जोरमेनोः
इनाम रोः बोयो गामोब ऊतूनोब अबु चोना
अमाः डाएनोम बेटा जोरमेनोः
योना लेबुते रोः गीयाल लाःता ।

८०५

कोनोन भेरे गोएज डाएकी, हाय ऊघय ईजांः
नासीब हाय ऊघय ईजांः किसमाईत
कोनोन तेगा गोएज डाएकी ।

८०६

ओ होरे रायलेंग किनिर ते
रायलेंग किनिर ते लम २ एबोःताकी
ओहोरे रायलेंग किनिर ते
घोल गोठंग कुलाम की
घोल गोठंग सोलोःकी
ओहोरे रायलेंग किनिर ते
रायलेंग किनिर ते लम लम एबोःताकी ।

८०७

उबने महा पोःदा ते बेर जो सांगो उम्बोःडेज रे ।
कुलम कुलमडाय कुईजना चोना रे ॥२॥

लोःखाः मंदड़ी पितर आः भांभ रे
कुलम कुलमडाय कुईजना चोना रे ॥२॥

८०८

बेराः रुसुंग गाय रे,
भिली मिली डाः कोंग कोंग पोखरा ते
ओडोःना चोलसीः रे ॥२॥
राजाः रुसुंग गाय रे
भिली मिली डाः कोंग कोंग पोखरा ते
ओडोःना चोलसीः ।

८०९

चंकोन्डा को जन्मे सीः घुड़लोः सिनिंगते ॥२॥
हो चंकोन्डा राः राः बोंग गा युँडते ॥२॥
काडे से आजी लिहिर लिपिर उलुई ते ॥२॥
हो उलुई राः राः बोंग गा युँडते ।

८१०

लेरेः रे लेरेः कोनघेर तोबडा गाः माला ओलकम रे ॥२॥
ओलना को ओलोब, सुना को सुईयोएज
एबलोंगा आवना भेरे तेरिंग रे ॥२॥

८११

अखड़ा ते को ददा जोड़ी मन्दड़ी सोधोमता
ईजते ददा लेमेड ऊम डेलता ।
अना ददा सोरीगा चोनानंग
सोरीगा डेनानंग
उम्बोः बोई गिताः चड़ी नंग ओलोंगना ॥

८१२

सोःलुई ते बोई सुतेम राः राः, रुमांग नोम को बोई
मोकोः सीः ।
अबु चोनाम बोई कुःढींग डांड लेबु लडाएकी ।


(१८७)

८१३

ऊबडुः आए डोःरेंग लुतुई कोनसेल
आम ऊम्बोः लाः ईञ्जांः लेरेः ऊम्बोः ।
जनापातर मोःभी तोः गोरेज मेंयाः जौ
आम ऊम्बोः लाः लेरेः ऊम्बोः ।

८१४

होडोम्माः कोनसेल डाएकी को डेलकीमोंए
ईयाः कोनसेल डाए को डेलकी नो ऊम्बोः
जनापातर गोरेज मेंयाः योना योना
ईञ्जांः मोंड गुसुलता ।



कसासिंग कुःढिंग
लहसुवा



८१५

एबोःना २ बूंग बोई जोई, गुर गोडकी सोनाः
कलगा, गुर गोडकी रूपाः कलगा ।
इजाः कायोम बूंग चोनाम लाः कोनघेर
सोनाः कलगा तेरगोडींग, रूपाः कलगा सोंगकायइंज ॥

८१६

हो २ रे डोको डोडना, डोकोना कोनघेर
कुडा दाह लोंगोय ते, डोको डोडना ॥२॥
उबडु गाः ओमपाय छेकायोः, हिनबुडु गाः ओमपाय
छेकायोः, डोको डोडना ॥२॥

८१७

अता बिरुते सराहरा सेमडी,
हरे दाइया राय गिधीनी खोता रोःनो बेलसीः, हरे दाइया ।
सीनी रोडकोंग ते खोता रोःनो बेलसीः ॥
हरे दाइया लेबु किते चेगेंना रोः बायोः, हरे दाइया ॥

८१८

किनिर मोःभीते सिलीम रोःनो राःसीः, हरे दाइया
अना नना सिलीम रोःनो रोएजना, हरे दाइया ।
रोजे रो ओले नांग, गाजे रो योगें नांग, हरे दाइया
अना नना सिलीम रोएजना हरे दाइया ।

८१९

बँकलुई ते बेर तारोः ।
डोकोकी नीम आः हरा ते ।
बँकलुई ते बेर तारोः ॥

कोनोन कुलम कोम तुइंओः ।

महा कुलम बन्दूक गालोः ।

बैकलुई ते बेर तारोः ॥

८२०

कोनोनडुः भोराईन बेटी योनाः घड केलोम

गंगा जमुनाः डाः ईकुड लोसरेता ॥

मेलाय मेलाय चोना एडी याः पोंईरी

गंगा जमुनाः डाः ईकुड लोसरेता ॥

८२१

एनमाणाः मुरडाः तोभलुंग रो तुता

कुलम दिरोम दिरोम ।

रोवा बाः बेरोडकी डोकोकी

कुलम दिरोम दिरोम ।

गुडलु आः गोलेंग ऊर्डेनिंग

कुदाः लेटो ओर्गेनिंग

हाय रे जोढराः लबा गाएज ओर्गेनिंग ॥२॥

८२२

१ पोखरा गाः हिड़ोते

मोंएग बुदा लुवा रूसूंग रूसूंग

भदड़ीब रे रस्स जोबते दिरोम दिरोम ॥२॥

२ धाय सेरे कोनोन कुलम

केज ओलकायेम, राम ओलकायेम दिरोम दिरोम

भदड़ीब रे रस्स जोबते दिरोम दिरोम ।

८२३

बेराः घड बोकोब कोयडोमकीम राजा दशहराता

बेराः घड जोगी बोनेकीम राजा दशहराता ।

राजाः घड बोकोब कोयडोमकीम राजा दशहराता

बेराः घड जोगी बोनेकीम राजा दशहराता ।

अपाः घड बोकोब कोयडोम

आयो आः घड जोगी बोनेकीम राजा दशहराता

८२४

हनिया रो मुनिया बरिया कुलमडाय

कोनकेः २ सुःत्रोम पोयते ॥२॥

टिबरु हाथाः गमेछा सवा हाथाः फुदेना,

कोनकेः २ सुःत्रोम पोयते ॥२॥

८२५

ददा जोई ददा मुनगा ओनोब

मुनगा नो भबरे की हारा ।

कुलमडाय रे कुलमडाय नरा नरा पिजेम

कुलमडाय हारा ते आबु पिजेम ।

८२६

मोएँज पथा कुदा, होजेः रिडना चोलकी

घुनुर घुनुर चकरी सोधोमता, गोई कोंगजोमे

दिरोम दिरोम, दिरोम रे घुनुर घुनुर

चकरी सोधोमता, गोई कोंगजोमे ।

हो चकरी ओतोत डोमकी,

हो चकरी पाः की,

कोनसेल आः रोमोड डाः गूरता गोई कोंगजोमे,

दिरोम दिरोम, दिरोम रे कोनसेल आः

रोमड डाः गूरता गोई कोंगजोमे ।

८२७

एनमागाः भूती ऊःफे पथा

कोमसोर डुरुंग डोमकी ।

डुरुंगोँएज रो सोबरो खोएज

गोंगोँएज रो ताछोएज

तेऊ जो बोक्सेल नाईज आः

मोन ऊम भोरेकी ॥

८२८

तुरी कोनसेल रिगी बिगी
 डाली बायकाय गोडेम
 तुरी कोनसेल ।
 पैलकोःटाः कोनोन कोनोन बिती बोंग,
 डाली बायकाय गोडेम,
 तुरी कोनसेल ॥

८२९

चकोंडा को जन्मेसीः घुड़लोः सितिल ते ॥२॥
 हायरे, हो चकोंडा राःराः एनेम उम जूडते ॥२॥
 आजी याः उलूई को लेहेर लेपेर उलूई रे ॥२॥
 हायरे, हो उलई राः राः एनेम उम जूडते ॥२॥

८३०

पोखरा गा हिड़ोते मोंएंग बुदा चम्पा लाहेईर लाहेईर
 लाहेईर २ ददा, चपागाः कलगा लाहेईर लाहेईर ॥२॥
 धांयसे रे चुटड कुलम केज ओलकायेम
 बोर ओलकायेम लाहेईर लाहेईर
 लाहेईर लाहेईर ददा चपागाः कलगा लाहेईर लाहेईर ।

८३१

मामू हों भगिना
 इंग को चोनाईंग राजाः लमलम रे,
 इंग को चोनाईंग राजाः लमलम रे ॥२॥
 सोनोराः काः रुपागाः कोम
 इंग को चोनाईंग राजाः लमलम रे,
 इंग को चोनाईंग ॥२॥

८३२

बीरु सुम्बोः, सुम्बोः तोमलेंगडाःनो
 राः राः सीः कोंग जोमे,

थाम कुलम आः घड तोमलेंगडाः

राः राः सीः कोंग जोमे ॥

काँडेर काँडेर पिजेम

हरा अबु पिजेम कोंग जोमे,

थाम कुलम आः घड तोमलेंगडाः

राः राः सीः कोंग जोमे ॥

८३३

अखड़ा बयोब राजा इकुड डीसाःते

कोरमो सुमोब अखड़ा मोःभीते ।

ईना कोरमो ठकायनो गोठोब कुलम ।

८३४

गोडभूंग गोडभूंग चोनामसे ला पाएजकोम,

हिल्तोर ते भाइरसक अबु लुसुइना तेरेम ॥२॥

हिल्तोर भोरे को ऊबर एकड़ी रुपया,

हिल्तोर ते भाइरसक अबु लुसुइना तेरेम ॥२॥

८३५

बुलीज लोःखा गोजलोः ते

लाए लाए किंग

लिट लिटा ईकुड लोयोकिंग ॥२॥

सिलोःना चोलकिम बोकेर

अरई किन्दराएगा डेलतम

अरई मलकाएगा डेलतम ॥२॥

८३६

तोनडेंग आः पिजरा रे ॥२॥

तोनडेंग आः राः राः मलाँग हरा,

मलाँग हरा भदड़ीब तारते ॥२॥

पिजरा युःता युःता योये से ॥२॥

तोडेंग आः राः राः मलाँग हरा,

मलाँग हरा भदड़ीब तारते ॥२॥

८३७

पेइठ चोलताम ददा मांदड़ी सोझना,
इंग जो चोनैंग कड़ाम सोंगना ।
अमा: मन्दड़ी पा:की ददा,
इजां: कड़ाम जिनगी नो आवकी ॥२॥

८३८

धांयसे रे कोनघेर पला बिरू यो डेनाम,
कंड़ायबो: कोनसेल बमके नो गोडकी ॥२॥
गोटा दुनिया डिगरी नो होयकी
कंड़ायबो: कोनसेल बमके नो गोडकी ॥२॥

८३९

कोनोन मोनोन बिरूते तोमलेंगडा: रा: रा: सी:
घोल भन कुलमा: थोंग एकड़ी कुलमा: थोंग रा: २ सी:
धांयसे रे कोनोन कुलम केज रो:नो ओलेम, रा: २ सी:
घोल भन कुलमा: थोंग एकड़ी भन कुलमा: थोंग ।

८४०

आलू बिरू ते सराहरा सेमड़ी ददा जोइ,
राय गिधनी खोता रो:नो बेलते ददा जोइ ।
सिनी रोडकोंग ते खोता रो:नो बेलते ददा जोइ,
लेबू किते चेंगेना नो बायते ददा जोइ ॥२॥

८४१

हरे तोमलेंगडा: हरे तोमलेंगडा:
कुलमडाय डिडा भेरे मा दुलैर करायो: ॥२॥
कोनघेरा: ति: ते सोमोकिम रे कोनसेल
जनापतार रोमोड डा: गुरकी ॥२॥

८४२

अडेल रो डा: गरजे गा डेलता आना सौनैंग
बारू बो:ते बानचेना चोनानांग ।

आंचरा ते बेलेंनांग गमछा ते अँकुनानांग
आना सौनेंग दारू बोःते बानचेना चोनानांग ।

८४३

सिरकी को केजना रे भला २
आजी जोई तोंडेंग राः गोडकी ।
सावन भादो केजना रे भला २
आजी जोई तोंडेंग राः गोडकी ।

८४४

चिरो उलाः जनम डोठोः रे,
चिरो रे चिरोचिट्ठी गुनानी करायोः ॥२॥
लेरेः कोनघेर जिरी हिरी एबोःता
डिंडा कोनसेल गुनैन करायते ॥२॥

८४५

कुलहू डेजे तेलैनिया ॥२॥
बेहेरा दारू आः कुलहू डेजे ।
जोल तोने तेलैनिया ॥२॥
रायमुनली कत्तोराः जोल तोने ।

८४६

सराहरा सेमड़ी रूसुंग रूसुंग राः राः ॥२॥
मैना कोनथेड रस जोबना चोलता ॥२॥
ओलेसे गे मा जोइ इञ्जाः काः कोम ॥२॥
मैना कोनथेड रस जोबना डेलता ॥२॥

८४७

कोसोर दारू ते टेबा कोनथेड डोकोसीः ॥२॥
योता योता संबरो जियोम मलाःता ।
ओले से बोइ इञ्जाः काः कोम ॥२॥
योता योता संबरो जियोम मलाःता ॥२॥

८४८

चवाँर धोगे बोकेर चवाँर धोगे, चवाँर नोम
को रे बोकेर लोरेंगडा: योता हो ॥२॥
सम्पड़ेना से बोकेर रुसुंग २ हो चवाँर
नोम को लोरेंगडा: योता ॥२॥

८४९

इना रे कयार दुनु मुनु इना कयार ओडुछोब हरा ।
बेरा: ओ:ते कोनसेल बो: बेटी,
हिनकड़ा: ओ:ते डुइजकिम हरा ॥२॥

८५०

अते चोनाम हो लेरे: कोनघेर ।
भरिया ते पेछौरी उगुर टुयोब ॥२॥
गोनमेर चोलताम हो कोनघेर
भरिया ते पेछौरी उगुर टुयोब ।

८५१

हारे डोंगी डा: हारे डोंगी डा:
डोंगी डा: मोहोलते चोलता रे
पुजाये कालो राजा, डोंगी डा: अजोड गोडकी ।

८५२

अयोइंग को लेबुईता युंदुम युंदुम
नाहीअर डेलतेंग आयो ।
सासुराईर एंगतेंग मा गीड़ींग गीड़ींग
सासुराईर एंगतेंग मा: ।

८५३

बेर भाईया ईआ: किनभरते
रुसूंग बोकोबके:
दुरा सितिल ते डोकोसी: ॥२॥

ईअर हेकेजर गोनमेर
बरिया आराम नोम
बेईटनोमते बिदा तेर गोड़े नो
रोमोड डा: गुरता ।

८५४

सीराईलेंग किनिरते डेलकिम ददा जोई अमा:ते गा,
गेनूकिंग बाएजकिंग ददा जोई अमा: मला: बोंग ॥२॥
साजू गुईजना गुईजना बोंग
गेनूकिंग बाएजकिंग ददा जोई अमा: मला: बोंग ॥२॥
संगसंग धनिया रिडना बोंग
गेनूकिंग बाएजकिंग ददा जोई अमा: मला: बोंग ॥२॥

८५५

डिन्डा रे बेटी पिन्डा ते गिता: कीम
ऊंजऊंज बाडके: सुरुम चोलकी रे ॥२॥
मां गा: ऊंज ऊंज बाडके:
अपा: ऊंज ऊंज बाडके:
ऊंज ऊंज बाडके: सुरुम चोलकी रे ॥२॥

८५६

अतु चोलकीम हो महा कालो
ऊंजऊंज बाडके: सुरुम चोलकी ।
डिन्डा गा: मला: बोंग
पिन्डा ते गिता: कीम
ऊंजऊंज बाडके: सुरुम चोलकी हो ।

८५७

तेलमोंग लो:ते हेलेकीम रे कोनसेल
तेलमोंग नेंग लोजो: गोडकी रे ।
लेरे: कोनघेर आ: ते सोमोकिम रे कोनसेल
बा: डोबको कुयु लेखे अवकीम ।

८५८

हारे ईजाः जोड़ी कुलम ॥२॥
अता बिरुते ओल्लोंग सायतेम ।
एडी भोरे तोल्लोंग, कटा भोरे लम्बाय
अता बिरुते ओल्लोंग सायतेम ।

८५९

करम को सुमोः इकूड डिसाः ते
अखड़ा को लाखोः खोड़ी मोःभी ते ।
करम ते डोड कनोः नहियारपुर
हरे करम इकूड दगा तेरोब ।

८६०

ओमपाय सीतिल सीतिल ते गायनेबरा तरना चोनेंग ।
ओले से रे माँ ईजाः काः कोम गाय नेबरा तरना चोनेंग ।

कसा कुःढींग

८६१

कोनोन मोनोन मुरुन
भाक भुमाईर हरा रे ।
ए गोईराम, कोनसेल इडिब ते चोलता ॥२॥
मुगाम मुगाम मन्दड़ी काड़
कुन्दब कुन्दब कोनसेल
ए गोईराम, कोनसेल ईडिब ते चोलता ॥२॥

८६२

टुकू आः ओलेत ते योयेम रे कोनघेर
भाइल मराः लोरेगा चोलता ॥२॥
मुगाम मुगाम मन्दड़ी काड़
कुन्दब तीज भलीया
योयेम रे कोनघेर
भाइल मराः लोरेगा चोलता ॥२॥

८६३

आडेल डाः डेलता अना सांगो माचाते यारेनंग रे ।
लुतुई बेलकाय गोड़ींग रे गमछा अंगकु गोड़ींग रे ॥

८६४

ओह रे दैया अपागाः सका
दुराते पाएकोम नो डोकोता ।
पतारना तेरे रे पाएकोम रुसुंग ओरेज ते तेर
गोड़ींग रे, ओसेल ओरेजते तेर गोड़ींग रे ।

८६५

कोनथेड रे किनीर कोनथेड
डोकोकी रे नीमो हाराते ।

हाराते डोको की हारा पीजकी
डोको की रे नीमो दारुते रे ।

८६६

बेरा: डोली भारो गोडभुंग गोडभुंगते चोलता
राजा: डोली भारो गोडभुंग गोडभुंगते चोलता रे

८६७

तुता: दोरोहो हेंडो हेंडो रे
तोबलुंग दोरोहो कडोंग तारींग ।
सोंगकाय से मा कोनके: सु:त्रोम आ: गीरा
कुलंग कलेड कडोंग तारींग रे ।

८६८

कोनोन डू: सिडिज दारु माँ
अबु गा केजेम नो ।
किनकर डोम रूसूंग रूसूंग लुतुई रे
किमिन डोम ओसेल २ लुतुई रे ॥

८६९

हायरे अरबडू: बेटा, डा: भी:तर ते
ईयामना चोलकीम ।
राजा हीरा बोरते, डा: भी:तर ते
इयमना चोलकीम ॥

८७०

मोएँग बाड़ी सिडीज
ऊबर बाड़ी सिडीज ।
रिठोएज तुँयोँएज थाम साए तुड़ाय ॥
पोयोएज सु:त्रोम कोनके: कोनके:,
ताँजकाए गोडे चि:को कुलम राएमुली गमछा,
रेसेम फूदना तिलासारी ॥

८७१

टोंगरी सितिल सितिल ते ॥२॥
लेदेम लेदाः जाः रे ।
दुलार बोः भाईस आरजोंःना चोलता ॥
रोएजना को रोछोएज
मोहाएना को मोहायोज
तिः ते घीव राचे गोडकी ॥

८७२

ऊबने महा पोःदा बेर जो ऊम्बो कुलम की
छिपी डुभा गेब मोयकी ॥२॥
चुटाड कुलम ते डोड कनोः की मुन्सी रो दरोगा
महा कुलम ते तोल डोठोः की ॥२॥

८७३

अनी से चटकटोलाः
रेंगारी किनिर ते लमलम एबोःना ॥२॥
मेयागाः तोः ते चटकटोलाः
रेंगारी किनिर ते लमलम एबोःना ॥२॥

८७४

एनमागाः कोबलेंग बःछा
ईकूड हलाकाईत ला,
ए गोई नागपुर ते पुर येंलेंग की ।
योंने से बाँड़ियाँ अबु ऊःछीये ढोरिया,
ए गोई नागपुर ते पुर येंलेंग की ।

८७५

कोनोन मोनोन मुरुन पासरे की हरा,
ए गोई भाईल मराः लोरेगा चोलता ॥
मुगाम मुगाम मन्दड़ी काड़,
कुन्डाब ते भाईल काड़,
ए गोई भाईल मराः लोरेगा चोलता ॥

८७६

भोईस नंग को तोबडा: बुइडा: डेलसी:
धायसे रे कोनघेर ऊवा: बुलीजेम ।

८७७

एनमागा: कु:डींग डांडते
सांगो नंगा: कड़ामनो गुर गोडकी
दियोम ओले अपा, तरदी ओले अपा, सांगो
नंगा: कड़ामनो गुर गोडकी अपा ।

८७८

एनमागा: कु:डींग डांडते अना सांगो
चोनाम नो डम्बो: सांगो ।
डा: नो गिमते भोडीते कुलाम डाईज
सुड गा डेलता सांगो, गुंगु ओले अपा
छता ओले अपा, कुलाम डाईज
सुड गा डेलता ।

८७९

कोनोन कुलम कयार नो ओनोब
हारे कयार भुण्डकुर नो गोडकीम ॥२॥
कोनोन कुलम्मा: ओ:ते बेटीनो महासी:
हारे कोनघेर हो तेगा चोलकीम: ॥२॥

८८०

सिसी लो: डांडते डुरगुड कोनथेड बेर बेर कुलम
तारो:पे, बेहार कुलम तारो: ।
भड़ीया:तय कोनोन कुलम तारो: ला, सीसीलोगा:
डुरगुड ते कोनोन कुलम तारो: ।

८८१

बेरा: रूसूंग गाय रे, रूसूंग गाय
पोखरा ते ओड़ो:कीरे ।

राजा: रूसूंग गाय रे, रूसूंग गाय
पोखरा ते ओडो:कीरे ।

८८२

सिलो: डांड ते बिड़होज कोनथेड अण्डायो:
डोमोनकुई डो:कीकियर बोरिया डोमोनकुई ।
धांय से रे कोनघेर खुभी फन्दा ओन डेनाम
डोमोनकुई डो:कीकियर बोरिया डोमोनकुई ।

८८३

गुड़री सिनिगते तोमलेंगडा: जोरमेकी केलोमबो: ।
तोमलेंगडा: भाबरे की केलोमबो: ।
धांय से रे कोनोन कुलम रा: रा: केज ओलेम केलोमबो:
तोमलेंगडा: भाबरे की हरा केलोमबो: ।

८८४

सराहारा सेमड़ी रूसूंग रूसूंग रा: रा:
मैना कोनथेड रास जोबते ।
ओलकाए से मां ईजां: का: कोम
मैना कोनथेड रास जोबना चोलता ।

ठोयोल्



८८५

अनुआः घंसिन बेटी रे
ऊते आतु भोरा बेटा भूमाईर लगाय ॥२॥
बरोयाः घंसिन बेटी रे
ऊते आतु रे भोरा बेटा भूमाईर लगाय ॥२॥

८८६

केलोम, केलोम रे केंवट कुलम
लेबधायोः भांवर जाल,
ओमपाए सितिल सितिल ते ॥
मेसोन जाल लेबधायोः केंवट
बरसोन जाल लेबधायोः रे
ओमपाए सितिल सितिल ते ॥२॥

८८७

केलोम, केलोम कोसोर ओमपाए रे
कोनघेर आः तिरयो तुडाः डोमता
तिरयो तुडाः डोमता कोसोर ओमपाए ते ॥
ऊबडूः ते गंगा हेमडूः ते जमूना
कोसोर ओमपाए कोनघेर आः
तिरयो तुडाः डोम गा चोलता ॥

८८८

पोखरागाः हिडो ते
मोएंग दाहू लूवा रूसूंग रूसूंग
भदडीब नो रास जोबते दीरोम दीरोम ॥२॥
ओले से रे मां जोई
ईजांः काः कोम दीरोम दीरोम
केलोम भदडीब रास जोबते दीरोम दीरोम ॥२॥

(२१२)

८८६

मन्दड़ी काड़ दिरोम चोनम
कटा बोंग कटा ते तोडभूंगतम
मन्दड़ी काड़ दिरोम चोनम ।
बेलो: की साड़ी ते, बेलो: की दुलाईची ते
मन्दड़ी काड़ दिरोम चोनम ।

८८७

तुम्बा सोकोड़ सोकोड़ ला बेङगा बेटा
डेबेंग डेबेंग ला बितलायते ।

८८८

मरा: रे भाईल मरा:
इना: थोंग कुलमडाया: रोमोड डा: गूरता ॥२॥
तुता घाट आ: राजा बेटा
इना: थोंग कुलमडाया: रोमोड डा: गूरता ॥२॥
केन्दोर डोम चोलकी टापू राइज
हिना घाड रोमोड डा: गूरता ।

८८९

सोंगडा:ते लुरी काडोंग डेबता.....
एन्देर बासी ठोपोल ठोपोल ॥२॥
बेलो: की साड़ी ते, बेलो: की दुलाईची ते
एन्देर बासी ठोपोल ठोपोल ।

८९०

ईजा: कुन्डब सींग ते लुवा दारु
लुहर लुहर कोयो डेलता ॥२॥
लुवा जो ऊम लूकू सी:
लुवा जो ऊम बेलोंग सी:
लुहर लुहर कोयो डेलता ॥२॥

८६४

बेरा: रुसूंग ओरेज
किनिर ते ठोडकोब सोधोमता
किनिर ते घंटी सोधोमता ॥
राजा गा: गोला ओरेज
किनिर ते ठोडकोब सोधोमता
किनिर ते घंटी सोधोमता ॥

८६५

हो, हो गुदनु कडोंग
बँकलुई मेन्डरे गा डेलता
हो गुदनु कडोंग रे ॥
गोजलोगा: डा: आजोड की गन्दरी कडोंग
बँकलुई राम तेरो ज्यों:ते
हो गन्दरी कडोंग रे ।

८६६

डुगुर डुगुर, डुगुर चोनाम रे मैना,
चोनम पलामो राईज रे ॥२॥
मो:भी तो: चोलकी सिगकोय सुला: चोलकी
चोनम रे मैना पलामो देश रे ॥२॥

८६७

सीसी गोजलो: ते बिड़होएज
अण्डा ते कोनोन कोनोन
डो: गोडकी बोरिया डोमोनकुई
कोनोन कोनोन ॥
धाय से ला कोनघेर
खुजी सारकोए घोन डेनम
डो: गोडकी बोरिया डोमोनकुई
कोनोन कोमोन ॥

८६८

पैलकोटा: पो:दाते अबु तेरेम दादा
 ऊमिंग चोना, खोड़ी तेगा केलोम केलोम
 कोनघेर की, ऊमिंग चोना ।
 तेनतोन कयार दारु सुमबो: ते
 जोड़ा मंदड़ी सोधोमता, ऊमिंग चोना
 खोड़ी तेगा केलोम केलोम कोनघेर ऊमिंग चोना ।

८६९

अतू आ: धोबिनी कोनसेल रे
 उते अतू रे कोनघेर ला:की भूमैरया रे ॥२॥
 बरबाया: धोबिनी कोनसेल रे
 नगापूर ते रे कोनघेर ला:की भूमैरया रे ॥२॥

९००

हो होरे कुपुंग लोकू भोथा भोथा,
 अना कोनघेर कुपुंग केजना चोनानांग ॥२॥
 अम चोनाम गा:दा गा:दा इंग चोनांग डिपा २
 अना कोनघेर कुपुंग केजना चोनानांग,
 कुपुंग लोकू भोथा २ ।

९०१

हो होरे अनी चोनानांग ठेबुवा बोतोल ते
 आरखी रो:नो उडना चोनानांग ।
 मोकरा: कोनघेर पोड़ीया: कोनसेल
 चोनानांग ठेबुवा बोतोल ते
 आरखी रो:नो उडना चोनानांग ।

९०२

हो होरे तेरोम किनीर ते, तेरोम किनीर ते एबो:ता
 लमलम रे तेरोम किनीर ते ।

(२१५)

खजार तारो: बारो डांग, लिटया तारो: तेरो डांग
हो होरे तेरोम किनीर ते ॥२॥

६०३

ओ होरे भाईस नंग को, भाईस नंग को
तोबडा: बुईडा: डेलकी
ओ होरे भाईस नंग को ।
खुरठो: की सोरेंग पा: की, डेङ्ग ठो: की
हारा पिजकी ओ होरे भाईस नंग को ।

• •

1. $\frac{1}{2}$ 2. $\frac{1}{2}$ 3. $\frac{1}{2}$ 4. $\frac{1}{2}$ 5. $\frac{1}{2}$ 6. $\frac{1}{2}$ 7. $\frac{1}{2}$ 8. $\frac{1}{2}$ 9. $\frac{1}{2}$ 10. $\frac{1}{2}$

• •

•

1998, 1999, 2000, 2001, 2002, 2003, 2004, 2005, 2006, 2007, 2008, 2009, 2010, 2011, 2012, 2013, 2014, 2015, 2016, 2017, 2018, 2019, 2020, 2021, 2022, 2023, 2024, 2025, 2026, 2027, 2028, 2029, 2030, 2031, 2032, 2033, 2034, 2035, 2036, 2037, 2038, 2039, 2040, 2041, 2042, 2043, 2044, 2045, 2046, 2047, 2048, 2049, 2050, 2051, 2052, 2053, 2054, 2055, 2056, 2057, 2058, 2059, 2060, 2061, 2062, 2063, 2064, 2065, 2066, 2067, 2068, 2069, 2070, 2071, 2072, 2073, 2074, 2075, 2076, 2077, 2078, 2079, 2080, 2081, 2082, 2083, 2084, 2085, 2086, 2087, 2088, 2089, 2090, 2091, 2092, 2093, 2094, 2095, 2096, 2097, 2098, 2099, 2100, 2101, 2102, 2103, 2104, 2105, 2106, 2107, 2108, 2109, 2110, 2111, 2112, 2113, 2114, 2115, 2116, 2117, 2118, 2119, 2120, 2121, 2122, 2123, 2124, 2125, 2126, 2127, 2128, 2129, 2130, 2131, 2132, 2133, 2134, 2135, 2136, 2137, 2138, 2139, 2140, 2141, 2142, 2143, 2144, 2145, 2146, 2147, 2148, 2149, 2150, 2151, 2152, 2153, 2154, 2155, 2156, 2157, 2158, 2159, 2160, 2161, 2162, 2163, 2164, 2165, 2166, 2167, 2168, 2169, 2170, 2171, 2172, 2173, 2174, 2175, 2176, 2177, 2178, 2179, 2180, 2181, 2182, 2183, 2184, 2185, 2186, 2187, 2188, 2189, 2190, 2191, 2192, 2193, 2194, 2195, 2196, 2197, 2198, 2199, 2200, 2201, 2202, 2203, 2204, 2205, 2206, 2207, 2208, 2209, 2210, 2211, 2212, 2213, 2214, 2215, 2216, 2217, 2218, 2219, 2220, 2221, 2222, 2223, 2224, 2225, 2226, 2227, 2228, 2229, 2230, 2231, 2232, 2233, 2234, 2235, 2236, 2237, 2238, 2239, 2240, 2241, 2242, 2243, 2244, 2245, 2246, 2247, 2248, 2249, 2250, 2251, 2252, 2253, 2254, 2255, 2256, 2257, 2258, 2259, 2260, 2261, 2262, 2263, 2264, 2265, 2266, 2267, 2268, 2269, 2270, 2271, 2272, 2273, 2274, 2275, 2276, 2277, 2278, 2279, 2280, 2281, 2282, 2283, 2284, 2285, 2286, 2287, 2288, 2289, 2290, 2291, 2292, 2293, 2294, 2295, 2296, 2297, 2298, 2299, 2300, 2301, 2302, 2303, 2304, 2305, 2306, 2307, 2308, 2309, 2310, 2311, 2312, 2313, 2314, 2315, 2316, 2317, 2318, 2319, 2320, 2321, 2322, 2323, 2324, 2325, 2326, 2327, 2328, 2329, 2330, 2331, 2332, 2333, 2334, 2335, 2336, 2337, 2338, 2339, 2340, 2341, 2342, 2343, 2344, 2345, 2346, 2347, 2348, 2349, 2350, 2351, 2352, 2353, 2354, 2355, 2356, 2357, 2358, 2359, 2360, 2361, 2362, 2363, 2364, 2365, 2366, 2367, 2368, 2369, 2370, 2371, 2372, 2373, 2374, 2375, 2376, 2377, 2378, 2379, 2380, 2381, 2382, 2383, 2384, 2385, 2386, 2387, 2388, 2389, 2390, 2391, 2392, 2393, 2394, 2395, 2396, 2397, 2398, 2399, 2400, 2401, 2402, 2403, 2404, 2405, 2406, 2407, 2408, 2409, 2410, 2411, 2412, 2413, 2414, 2415, 2416, 2417, 2418, 2419, 2420, 2421, 2422, 2423, 2424, 2425, 2426, 2427, 2428, 2429, 2430, 2431, 2432, 2433, 2434, 2435, 2436, 2437, 2438, 2439, 2440, 2441, 2442, 2443, 2444, 2445, 2446, 2447, 2448, 2449, 2450, 2451, 2452, 2453, 2454, 2455, 2456, 2457, 2458, 2459, 2460, 2461, 2462, 2463, 2464, 2465, 2466, 2467, 2468, 2469, 2470, 2471, 2472, 2473, 2474, 2475, 2476, 2477, 2478, 2479, 2480, 2481, 2482, 2483, 2484, 2485, 2486, 2487, 2488, 2489, 2490, 2491, 2492, 2493, 2494, 2495, 2496, 2497, 2498, 2499, 2500, 2501, 2502, 2503, 2504, 2505, 2506, 2507, 2508, 2509, 2510, 2511, 2512, 2513, 2514, 2515, 2516, 2517, 2518, 2519, 2520, 2521, 2522, 2523, 2524, 2525, 2526, 2527, 2528, 2529, 2530, 2531, 2532, 2533, 2534, 2535, 2536, 2537, 2538, 2539, 2540, 2541, 2542, 2543, 2544, 2545, 2546, 2547, 2548, 2549, 2550, 2551, 2552, 2553, 2554, 2555, 2556, 2557, 2558, 2559, 2560, 2561, 2562, 2563, 2564, 2565, 2566, 2567, 2568, 2569, 2570, 2571, 2572, 2573, 2574, 2575, 2576, 2577, 2578, 2579, 2580, 2581, 2582, 2583, 2584, 2585, 2586, 2587, 2588, 2589, 2590, 2591, 2592, 2593, 2594, 2595, 2596, 2597, 2598, 2599, 2600, 2601, 2602, 2603, 2604, 2605, 2606, 2607, 2608, 2609, 2610, 2611, 2612, 2613, 2614, 2615, 2616, 2617, 2618, 2619, 2620, 2621, 2622, 2623, 2624, 2625, 2626, 2627, 2628, 2629, 2630, 2631, 2632, 2633, 2634, 2635, 2636, 2637, 2638, 2639, 2640, 2641, 2642, 2643, 2644, 2645, 2646, 2647, 2648, 2649, 2650, 2651, 2652, 2653, 2654, 2655, 2656, 2657, 2658, 2659, 2660, 2661, 2662, 2663, 2664, 2665, 2666, 2667, 2668, 2669, 2670, 2671, 2672, 2673, 2674, 2675, 2676, 2677, 2678, 2679, 26

•

1

—

•

कुआरी जतरा
लहसुवा

६०४

कोले: कुलम कोले: हरियारा बेलेड
 ओल काय गोडेम गोराइर रा: रा: ।
 रा: रा: कामेम हारा अबु पिजेम
 कोले: कुलम ओल काय गोडेम गोराइर रा: ॥२॥

६०५

पो पियो पियो हारा: डोको पियो,
 पियो २ हरा ते अबु ओसुंगेम ॥२॥
 सोना: हारा पियो रूपा: उला:
 पियो हरा ते अबु ओसुंगेम ॥२॥

६०६

भोइसा: डेडेंग ते डोको किम रे डेचुवा केलोम युंठोब
 कोनके: राग चलायोब रे डेचुवा केलोम युंठो: ।
 ओले से गे मा जोइ ईजा: का: कोम केलोम युंठे
 कोनके: राग चलायोब रे डेचुवा केलोम युंठो: ।

६०७

अता हरा ते डोको की राए गिधनी रे कोइलिया
 अता हारा तीज बोकोब नो लेबकोखोब ।
 मनु:सिग हरा ते डोको की राए गिधनी रे कोइलिया
 योलो:सिग हारा तीज बोकोब नो लेबकोखोब ।

६०८

घून घून घून करम सुमो: की
 घून कुलमडाय की सेवा करायो: की ।
 कोनघेर जो मन्दड़ी सोबधोमते कोनसेल जे कुइजता
 कोड़ीया: घुनसी उसलो:ते लोरे गा चोलता ।

६०६

चिकड़ों चिकड़ों ओः आइज चिकड़ों २ पिंडा रे
आयो गे हिन ओःते जियोम मलाःता ।
सावा सैतिन ओःते तेरोब नो गे मां जोइ
मोःभी ओःते रोमोड डाः गुरता ।

६१०

अना राजा सोना भोरी सोना भोरी,
बनासी एबोःना अना राजा सोना भोरी ।
डोइर जो तेज गोडकी बनसी जो सिड गोडकी
अना राजा सोना भोरी सोना भोरी बनसी एबोःना ।

६११

डिंडा कोनसेल कियाः तरपत
सिरासिता आंकाल ते अवकी ।
धाय से रे कोनोन कुलम(रे) तरपत लमना रे
सिरासिता आंकाल ते अवकी ।

६१२

गंगा जमुना बरिया कुलम डाए नो
हंसा जोरी बीरोम बीरोम
बीरोम बीरोम रे कुलम लेंगेता
रोमोड डाः बीरोम बीरोम ॥
मां चोलकी मुनुः सांग
अपा चोलकी योनलोः बीरोम बीरोम
बीरोम बीरोम रे कुलम लेंगेता
रोमोड डाः बीरोम बीरोम ॥

६१३

एनमागाः इन्वो डाइते किःते लेमैंड नाम रे
पोडछोल बेडो मुःसिंग गोडकी ।
सबएयाः खटिया लारोगाः भेनतू
एनेम पोडछोल लेमैंड जो उम डेलता ।

६१४

बोकोब आः बेड़ा ते बेलोंग कोन्डेंगरे
 हायरे कोनघेर लखोः काः कोन्डेंग ॥२॥
 कोम जे छुःटे की डाः लेखन
 हायरे बन्दूक छुःटे की ईकुड बोः ॥२॥

६१५

कठोः सोखोः माँग ओछोः
 खोःचा ते राः राः धोखोः,
 बोकसेल अमाः बोकोब तेगा मघा राः राः ॥२॥
 कोनघेर आः तितः ते सोमो किम रे कोनसेल
 हायरे कोदो डूहूंगना बोंग दिनो नोम चोलता ॥२॥

६१६

कोनोन मोनोन कोइरिन बेटी
 मोंएज मुःठी कोड़ी ।
 श्री हो राम पोखरा हिड़ो ते
 बोकोब तुरना चोलता ॥२॥
 कठोः सोखोः माँग ओछोः साम्पड़े डोमकी ॥२॥
 श्री हो राम पोखरा हिड़ो ते
 बोकोब तुरना चोलता ॥

६१७

बॅकलुई रे बॅकलुई कडोंग योता योता
 बॅकलुई जीयोम गेबता,
 बॅकलुई कडोंग योता योता
 बॅकलुई जीयोम गेबता ॥२॥
 मन्दड़ी कड़ ते एगों मॅगो
 सॅगो कुलम एबोः कड़ ते गुड़ीजाः गिनिल
 बॅकलुई कडोंग योता योता
 बॅकलुई जीयोम गेबता ॥२॥

६१८

बुलीजना चोलकिम लोरेंग डाः ते
 कलगा नोम कुलम डाए
 हिलेना डोलेना लाः सीः ॥२॥
 भरिया भोरे गोडकी लोरेंग डाः
 कलगा नोम कुलम डाए
 हिलेना डोलेना लाः सीः ॥२॥

६१९

भिमिर भिटा डाः गिमते,
 लिसाए लोसोए ओमपाए भोरेसिः ॥२॥
 दारू आः डोलोंग कोन्डेंग आः खेंवा
 कोनघेर बेटा लेरेएः बोंग डोंगा चलाएते ॥२॥

६२०

मैना मैना रेमाः ते
 मैना अतु चोलकी,
 मैनाः थोम हँसली ओब ढराय गोर्डिंग मैनाः थोम ॥
 अमाः थोम गा मैना सोनोर आः पिजरा
 अमाः थोम मैना रूपा गाः पिजरा
 अमाः थोम गा रे खेंना हँसली ओब
 ढराय गोर्डिंग अमाः थोम गा ॥

६२१

बाः होइकी गुडलु गुडलु होयकी
 चीलो एनेम डा-गाः
 डाः उम्बोः लाः सोना अलाःकी
 मलाःकी एनेम डा-गाः ॥
 इघाय बुये नींग कुन्डुः हकोन
 इघाय छुःटे ना नींग सका
 एनेम डा-गाः ॥
 एनेम डागाः रे सोना अलाःकी
 मलाःकी एनेम डागाः ॥

(२२३)

६२२

गुडगुड़ी चुंगडा: लोरेंग बो: डा: ॥२॥
 केलोम सांगो लोधमा ताय डा: ओलते ॥२॥
 कटा जोड़ी कोनसेल की, डा: ओलना चीलता की ॥२॥
 केलोम सांगो लोधमा ताय डा:—ओलतेकी ॥२॥

६२३

ददा जोड़ ददा मुनगा नो ओनोब
 ददा मुनगा नोम भाबरेकी हारा ॥२॥
 कुलाम डाय रे कुलाम डाय मुनगा: भोड़ उडेम
 कुलाम डाय एकड़ी दिनों रोमोड डा: गुरता ॥२॥

६२४

एबो:ना रेमा खोज उम
 डेलकी एबो:ना केलोम सीता ।
 एबलोंगा एबो:कीञ्ज जनापातर केलोम सीता ॥२॥
 डेंज गोठी:ज दाईल चा:खाना
 कोमडोला: तारकारी केलोम सीता
 एबलोंगा एबो:कीञ्ज जनापातर केलोम सीता ॥२॥

६२५

एरेंडी या: किनिरते बछरू सिंडकी
 इंग को चोनाईग,
 इंग को चोनाईग मां बछरू लामना रे
 इंग को चोनाईग ॥२॥
 ओले से रे मां जोई सेंग सेंग रेंगाय गमछा,
 इंग को चोनाईग,
 इंग को चोनाईग मां बछरू लामना रे
 इंग को चोनाईग ॥२॥

६२६

अना कुलमडाए दोसांय योना,
 ऊर्मींग चोना ददा दोसांय
 डांड तोबडा: आईज ऊर्मींग चोना ।

(२२४)

सोना गुड जीयोम आईज रुपा गुड
 येरी आईज ऊर्मीग चोना,
 ऊर्मीग चोना ददा दोसाय डांड
 तोबडा: आईज ऊर्मीग चोना ।

६२७

हरे चाँवर बाँडिया ॥२॥
 खेलडी ते निपूर तोलोब ॥२॥
 केलोम आमी बेबरोठोब
 हरे चाँवर बाँडिया
 खेलडी ते निपूर तोलोब ॥२॥

६२८

ओसोंग रे ओसोंग तुम्बा
 गोसाईं कुलम केन्दरा बाएतेरे ॥२॥
 गोसाईं कुलम केन्दरा बाएते ।
 किनिर कोलेड डोंगी कोनडेंग,
 खोड़ी आ: ओसोंग तुम्बा लो:रे
 गोसाईं रे केन्दरा बाएते ॥२॥

६२९

सीसी लो: ते मला कोकरो अरज्यों:ता ॥२॥
 अरज्यों:ना तेरे बोकेर, मला कोकरो ते
 अरज्यों:ना तेरे ॥२॥
 मोंड नोम पुडू की बोकेर
 का: कोम मेलय डोमकी,
 अरज्यों:ना तेरे बोकेर,
 मला कोकरो ते अरज्यों:ना तेरे ॥

६३०

मेना को चेरे बेरे ॥२॥
 गंगाई हिनते डोकोकी ॥२॥
 ओले से माँ ईजां: का: कोम ॥२॥
 मेना तारना चोनाईग ॥२॥

(२२५)

६३१

मामू जोई भागीना ॥२॥
मामू जोई अना मामू किनिर लमलम ॥२॥
खजर नो सड़ा तेरोः कोम ईग मेऱायोऱज
हारे दाईया ठोःकी केलोमबोः कुलामिगते ॥२॥

६३२

चकोंडागाः रूनु भूनु एरेंडी याः धाईधला,
होते कुलम गिताः की निरभेदा नो माँ कोंग जोमे ॥२॥
गिताः ना को गिताः की कुलम
निरभेद गिताः किम ॥२॥
होते कुलम गिताः की निरभेद कोंग जोमे ॥२॥

६३३

कोइलो, कोइलो रेमाः ते ॥२॥
कोइलो, कोइलो को कदम सुम्बोःते,
पातर गोडकी ॥२॥
कायर हरा ओन्डोर ते कोइलो
निम हरा गुमडिमता ॥२॥
कोइलो, कोइलो को कदम सुम्बोःते
गुमडिम गोडकी ॥२॥

६३४

केंवटा ला भाईया ईकुड हलबलिया,
खोड़ी खोड़ी गोलते भाँवर जाल ॥२॥
मेसोन जाल लेबधा योः केंवटा
बरसोन जाल लेबधायोः
डोः की मोंय घोंघी रो आंडील ॥२॥

६३५

ऊ समय, समय समय, उघय दिनो रे चोलकनकी,
चोलकनकी ददा डिन्डा समयनोम चोलकनकी ॥

(२२६)

मोएँज पथा कुदा बोंग सोंगोएज
चम्पा राः राः रामु, रामु,
रामु, रामु ददा डिन्डा समय नोम चोलकनकी ॥

६३६

ओमपाय सितिल सितिल कुलमडाए चोलकनकी ॥२॥
दिरोम दिरोम लेरेः कोनघेर धंएते ॥२॥
मोएँज लोःखा चोलकिम कुलमडाए
ऊबर लोःखा चोलकिम ॥२॥
दिरोम दिरोम लेरेः कोनघेर धंएते ॥२॥

६३७

भिमिीर भिमिीर डाः गिम गोठोः
तेनतो न सुम्बोः ते,
रेः पेः गोंगते तेनतो न सुम्बोः ते ॥२॥
सोनोराः करछुल रुपागाः बटलही ॥२॥
रेः पेः गोंगते तेनतो न सुम्बोः ते ॥२॥

६३८

कोनोन मोनोन रगेंनी
भक्का भुमाईर हरा ॥२॥
रगेंनी भक्का भुमाईर डाईरनो
तपकर सुम्बोः ते ॥२॥
रगेंनी रे रगेंनी थाम बरन राःकीम
रगेंनी भक्का भुमाईर हरानो तपकर सुम्बोः ते ॥२॥

६३९

गुडलू आः कुलांग कलेड
हेलेकिम रे कोनघेर,
माँ आराम ते गानड बोंग तेरोः सोदा ॥२॥
धाँय से रे माँ मुनसी ते ओब ओन्डोरेम,
माँ पैलकोःटा थाना ते ओडेब गोडेम ॥२॥

कोनोन मोनोन जोन्डरा बाड़ी
 होतेगा डियरकी सूरूम,
 सूरूम आँड़ीज कुलमडाय
 लेरे: कोनघेर होजे: हेके ॥२॥
 तारदी सालगाय कुलमडाय
 बती सालगाय ॥२॥
 तारदी ते सप्तारे
 सूरूम आँड़िज कुलमडाय
 लेरे: कोनघेर होजे: हेके ॥२॥

तुताखोड़ी गुडलू तोबलूंग खोड़ी कूदा
 नना जोई, खोड़ी मो:भीते बिड बिड जोन्डरा।
 गुडलू आ: गोलूंग उडेनिंग हा:निंग
 कुदा: लेटो ओंगेनिंग हा:निंग,
 नना जोई, जोन्डरा: लवा गाएज
 ओंगेनांग हा:नांग ॥

बोकोब नोम भुतूर भूमा:
 ठीलो की समय रे
 डोडना डेलकी मोंय
 डोडना डेलकी मोंय अतु कुयोब ओ: रे
 डोडना डेलकी मोंय ॥२॥
 बोकोब ते पोटोम भोटोम
 ती: ते तेनतोन सोंटी
 गिलना ला: सि:
 गिलना ला: सि: बिजली लेखन रे
 गिलना ला: सि: ॥२॥

६४३

ओमपाय आः डिन्डा बेटी ईकुड मालकेता
 सोःलुई हित्ते कोनसेल ऊनते
 तमकु, कोनघेर आः घड ॥२॥
 कोनघेर जो ऊम ओःते
 कोनघेर जो ऊम ऊडते
 सोःलुई हित्ते कोनसेल
 ऊनते तलाक तमकु कोनघेर आः घड ॥२॥

६४४

करामाः हरा ते रूसूंग कोनन्थेड डोकोता कोंगजोमे
 करामाः हरा पिजकी गोई कोंगजोमे (साजीन) ॥२॥
 करामाः सेबोल बोंग लेमेड जो
 ऊम डेलता गोई कोंगजोमे,
 करामआः हरा पिजकी गोई कोंगजोमे (साजीन) ॥२॥

६४५

हीङो तुताते बांकनुई नो डोकोसीः, तारे सेरे ददा
 इजाः लेरेः कोरे ददा कलेगा बायना ।
 तारना जो तारोब ददा बायना जो बायोब
 इजाः लेरेः कोरे ददा कलेगा बायोब ।

६४६

हरे कुडा दारू, हरे कुडा दारू,
 कुडा दारू ते कोनघेर डेबता ।
 आरेना से सहीया, आरेना से सहीया,
 चीपा गोलांग उमिज तेरे छंडाय गोलांग तेरींग ।

६४७

आना बोइ २ दोसोंय योंना चोनानांग,
 उमिग चोना ददा तोबडाः अयीज ।
 सोना लेखे जियोंम अयीज रूपा लेखे लुतुई
 अयीज उमिग चोना तोबडाः अयीज ।

६४८

मोःभी खोड़ी ते गुलेंची नो राः सीः हरे दइया
 संगों नाइंज इडीब मेयाः, राः राः तोयते ।
 राः राः ते तोयना २ तीः डोमते तोय डोमकी
 हरे दाइया, संगो नाइंग इडीब मेयाः राः राः तोयते ।

६४९

रिंगी चिंगी दौड़ा सखिन उलाः डलना,
 हिनते तारदी नो सलगेता ।
 उ पोःदाः कोनघेर कोनसेल होइ की मोय
 भङ्गीगारे सलगे तारदी मोलिब गोडकी ।

६५०

तुरीन तरीन गे संगो रिंगी चिंगी दौड़ा
 बयकायेम गे संगो ।
 करम्माः लहैत ते रिंगी चिंगी दौड़ा
 बयकायेम गे संगो ।

६५१

रिमी भिमी डाः रोः नो गिमते तेनतोन सुम्बोःते
 नवागढ़ रे बोयो पेः रोः नो गोंगते तेनतोन सुम्बोःते ।
 रुपा आः बटलोही सोना आः करछल तेनतोन सुम्बोःते,
 नवागढ़ रे बेटा पेः गोंगते तेनतोन सुम्बोःते ।

६५२

पोःदा तेगा सोसुराइ पोःदा तेगा नहीयर
 दियो दियो नहियरा चोलता हो ॥२॥
 कटा ते डेजना लुतूर ते सेज गोठोः
 ठुठी कटा ते पयारी नो सुयोः हो
 बुची लुतूर ते ओड़ेग नो सुयोः ।

६५३

हाय डिंडा कोनसेल ढेचुवा दलाय लेखे सोःलुई नोम
 किजते तोः आवना हो ॥२॥

भोरोम डाः नोम चोलकानकी हाय डिंडा कोन-
सेल देचुवा दलाय लेखे सोःलुई नोम किजते तोः आवना ॥२॥

६५४

चुःचीगुड बनासी कुसर आः डोइर रे ॥२॥
धांय से रे बोकेर बनसी एबोःना हो ॥२॥
डोइर जो तेजकी बनासी जो सिडकी हो
बोकेर नाईग को हेःजोते हो ॥२॥

६५५

बेर ला बोयो बेडो जौ सिलोःता,
कैज गोड़े रे बोयो ओरेज लोयो नो गोडकी हो ॥२॥
कोनोन बोयो बेडो जौ सिलोःता
कैज गोड़े रे बोयो लोयो नो गोडकी हो ॥२॥


६५६

सोनाः बनासी रुपाः डोइर ॥२॥
ओडोः ओलोब रे बोकेर, चोडेज काडोंग ते ओडोः ओलोब
गोङ्गोंज डेओःज डाः ओलना चोलकींग ॥२॥
ओःगोठोः रे बोकेर सोलोः रो बिलाइ काडोंग नोमते ॥२॥

६५७

मुईग बाड़ी सिडीज उबार बाड़ी ॥२॥
पोये से अजी गोरेज मेयांः ॥२॥
रिठोएज पोयोएज मोलोए पोलासुःत्रोम ॥२॥
तांज कये रे चिःकोरे कुलम रेसेम फुदेना लगाय
कयेम लिला साड़ी ।

ਠਡੀਆ



६५८

घोरना मुम्बो: मुम्बो: ते
जोकोर लरेंग गा चोलता ॥२॥
मोएँज गोठेंग पु:ठी डा:
जोकोर आ: चा:खना
जों:ते की केलोम बो: ला:ता ॥२॥

६५९

सीसी लो: ते डा: लोरता
लोरता लोरेंग डा: ॥२॥
डा: बेतोड डा: भरे
कूर कूर पेरेंवा दूरे दूरे डा: ऊडतेकी ॥२॥

६६०

कोनोन मोनोन तपकर दारु रे
ऊँगूल ते कोले: डोको की ॥२॥
ओले से माँ ईजां: का: कोम
ऊँगूल ते कोले: डोकोसि: ॥२॥

६६१

बेरा: बोकोब ते सँग सँग रेंगाए गमछा
बेरा: बोकोब ते जवा रा: रा: ॥२॥
राजा: बोकोब ते सँग सँग रेंगाए गमछा
रानीया: बोकोब ते जवा रा: रा: ॥२॥

६६२

हारे रेल चोलता ॥२॥
बाँगला भि:तर ते रेल चोलता ॥२॥
भि:तर ते तिमसोंग डा:
बाहेर ते काल ॥२॥
हारे रेल चोलता बाँगला भि:तर चोलता ॥२॥

६६३

हारे आमिन कुलम ॥२॥
गोजलो: गोजलो: सोरेंग सुमो: ॥२॥
डेलकी मोंय आमिन
एठो: की डाईगकाल ॥२॥
गोजलो: गोजलो: सिकरी चालयो:की ॥२॥

६६४

मुडूगा बेटिंग खिरोम पारो तेरोएज
खिरोम भोरे सि: छुटे की नहीयर ॥२॥
खिरोम हित्ते डोलोंग
डोलोंग हित्ते मनोवा
मनोवा: रोमोड डा: गुरता ॥२॥

६६५

अपा: जुंग जुंग कन्डाय
माँ गा: जुंग जुंग कन्डाय
बहा: जोड़े कन्डाय,
बेर ला बेर कुलम लुसुये रो डोड़े ॥२॥
ओले से रे माँ मोएँज चेपुड डेबुआ
बहा: जोड़े कन्डाय
बेर ला बेर कुलम लुसुये रो डोड़े ॥२॥

६६६

हारे तिड़ेइल बुदा, हारे तिड़ेइल बुदा
तिड़ेइल बुदा रे जोंगोड गोडकी ॥२॥
ओलेंग ना को ओलेंग ओ:
रेंगायना को रेंगायो:
हारे तिड़ेइल बुदा रे जोंगोड गोडकी ॥२॥

६६७

ओम्पाय सितील सितील ते हरियार जा:
खाडु ओरेज चोलकानकी ॥२॥

(२३५)

छन्देये से महारा तोले से महारा
हीयो हियोरोः गाया ते रेमाः ते ॥२॥

६६८

मुगाम मुगाम भैंस लाः कुन्डाब ते
महारा कोनघेर रूतु पेण्डते
हाय रे कोनघेर रूतु पेण्डते ॥२॥
भीमीर भीटा डाः नो गीमते
भैंसनोम को चोलकी लुआ डांड ते ॥२॥

६६९

एनमागाः बेतोड नो माँ जोई
कुन्डूः हकोन तोलडोमकी मोय ॥२॥
ओले से रे माँ जोई
ऊबर एकड़ी रूपैया
कून्डूः हकोन ते काज ओलिंग ॥२॥

६७०

अता किनीर ते कोनोर बेलोंगता
अता किनीर ते लुवा बेलोंगता ॥२॥
तुता दोरहोते हेलोते
तुभलूंग दोरहोते कडोंग तारते ॥२॥

६७१

ओम्पाय सिनिंग सिनींग ते
किलकिला तोरोः गा चोलता ॥२॥
कडोंगाः मलाः बोंग कॅडो डाः मलाः बोंग
किलकिला तोरोः गा चोलता ॥२॥

६७२

संग संग रंगाय कोनसेल
कदाम सुम्बोः तोगोंन रे
कोनसेल इयामता दीरोम दीरोम रे ॥२॥

किनकार तेरो: लुतूई, बावडोम
तेरो: ठिपा सुन्द्रोम
केन्दोर तेरो: सोनोरा: सिंगार ॥२॥

६७३

माँ अपा: ओ: ते आवकीम रे कोनसेल
मघा रा: रा: गुड् आवकीम ॥२॥
कोनघेर आ: ती: ते सोमोकीम रे कोनसेल
जनमो इयामतोबरोगे ॥२॥

६७४

कका रे कका भतिजा
कका भतिजा लड़ाई ताकियर ॥२॥
राँवी रे लोहरदगिया
कका भतिजा लड़ाई ताबियर ॥२॥

६७५

बेरा: किनभर ते मैना घुमरेता ॥२॥
बेरा: किनभर ते गोई बरछा रो रा: रा: भमकेता ॥२॥
राजा: किनभर ते मैना घुमरेता ॥२॥
बेरा: किनभर ते गोई बरछा रो रा: रा: भमकेता ॥२॥

६७६

हारे केलोम चुंगडा: ॥२॥
सोमता पातर डा: ओलते ॥२॥
बोकोब ते बिन्डा बिन्डा ते कूयु,
सोमता पातर डा: ओलते ॥२॥

६७७

बीरु आ: सितिल सितिल ते लोरेंग बो: डा: रे,
यें:लु डा: काडोंग लोरेगा डेलता ॥२॥
आँडिज् यें:लु डा: आँडिज् पो:ठी डा: रे,
बोरिया कुलमडाए लोरेगा डेलता ॥२॥

६७८

हारे ईजां: जोड़ी कुलम ॥२॥
अता बीरू ते ओल्लोंग साएते ॥२॥
मोएंज मु:ठी ओल्लोंग
एड़ी भोरे लम्बाए,
अता बीरू ते ओल्लोंग साएते ॥२॥

६७९

पैलको:टा: रानी बेटो,
कोनके: कोनके: सु:त्रोम पोएते रे ॥२॥
रिङ्ना को रिठोब, पोएना को पोयोब्,
लेरांग बेटो मला तोयोब् रे ॥२॥

६८०

पैलकोट रे पुगू गोमला:, राजा लेखे
बेर किसडों अयीज ॥२॥
बा: ते अटकारे राजा ढेबुवाते जमा कराय,
डलंगी भोरे नो गोडकी, छटका भोरे नो गोडकी ।

६८१

एनमा गा: बेतोड आयो मुरुन रे
चलान होइकी रे, मुरुन चलान होइकी ।
सिंगकोय मुला:ते (अकाल) बेतोड
आयो, गोरेज मेया: चलान होइकी ॥२॥

६८२

कुइंजना २ बुंग गुर गोडकी कोले:
कलगा हो, गुर गोडकी मरा: कलगा ।
ईजा: कायोमते चोनाम ला:
कोनघेर, तेर गोडिंग कोले: गा: कलगा ॥२॥

६८३

हरे तुलसी उला: हरे तुलसी उला:
डिडा भेरे तुलसी उला: ॥२॥

तुलसी उला: चिट्ठी डौंगिंग रे
इजां: नहियार उम गा नो योता ॥२॥

६८४

कुडा भोरी कयार भोरी फुदना जोरोम
नो गोडकी, फुदना जोरोम तो गोडकी ।
अता कोनघेर बुंग सोमोकिम रे कोनसेल
फुदना जोरोम नो गोडकी ।

६८५

कि:ते तोगा: करार करायोब रे कोनघेर,
होय गोडकी मेमोन दिनों ॥२॥
जोल होयकी सुन्दरोम, सुन्दरोम होयकी मुनू
किया होयकी लुवा: रा: रा: ।

६८६

बेरा: डोली डंडी, गोडभुंग डेनेब ते
छेकाडोम गोडकी ॥२॥
राजा: डोली डंडी रे गोडभुंग
डेनेब ते छेकाडोम गोडकी ॥२॥

६८७

एनमा गा: कनियां रे तेनतोन सुम्बो:
ते तोरो: ता तेनतोन सुम्बो: ते तोरो:ता ।
बोकोब ते मोटा कुण्डाब ते सोंटी
अना बोइ चोनाम नो उम्बो: ।

६८८

कुटवां रे बगेसेरा, बगेसेरा कनियां जुंगभोज,
बगेसेरा कनियां जुंगभोज ।
लमचंगिया पतर चंगिया,
अमते नोरे कनियां तौरंग ॥२॥

६८६ .

इरीन रा: २ भका भुमर,
 चपा रा: रा: अंगुल हरा रे ॥२॥
 इंग को रे कोनसेल अमा: मला: बुंग
 डेलकींग इना कोनसेल होडोम होइकीम ।

६८७

अरमाइया: पोखेरा ते,
 अंडील भोरे नो गोडकी ॥२॥
 सोना रूपा उपले गोडकी,
 बैराग ओड़ो: नो गोडकी ।

६८८

बेरनीया: बिंडा गोलोब रे,
 कोनघेर अमा: जोड़ी कनियां लामेम ॥२॥
 अबु इयांम बोयो अबु तोरो: नाम रे,
 नागपूर ते बोयो, अमा: जोड़ी कनियां आईज ॥२॥

६८९

आजी आ: मला: आयो, डाह उला: बुंग
 कुलमडाय तेरोइज ॥२॥
 सपुतला कुलम नाइंग कोसुगे कुलमडाइंग,
 जनापतार रोमोड डा: गुरता ॥२॥

६९०

कुदड़ी लायना चोलकीम रे बिजला
 कुदड़ी ते मेलाय टुयोब ॥२॥
 डा: ओलना चोलकीम रे बिजली
 बिंडा ते इरीब टुयोब ॥२॥

बिहा अलॉग

६६४

बिहते गीमते जोड़ा:ते आरेता
ददा ते गामे से ई गारो बिडेनींग ॥२॥
बुदाते छोपायनींग डौहराते रामेनींग
ददा ते गामे से ई गारो: बिडेनींग ॥२॥

६६५

कोनोन बीरू री महा बीरू री
जा:ती भलोंग कोनघेर कोनसेल ते चपू काडू: तींग
गोरेज मेंया: नो तोहोन बो: ते नो जा:ती
भलोंग कोनघेर कोनसेल ते चपू काडू: तींग ।

६६६

अता कोचा ते सोमरा सिनी डेजतेम
सिनी ऊम्बो: ई डेजतेम, डेनेज नोम ठौ ठौता ।
अता कोचा ते सोमरी कडोंग आएजतेम
कडोंग ऊम्बो: ई आएजतेम कोनबिड नोम भौ भौता ।

६६७

सुगी को गामते लाएज कोसु, लाएज कोसु गामते
बासु को गामते डोड़िग गा डोड़िग गा उमींग मेलाय गामते ।

६६८

ऊ पुरा: माँ आम बसाली गाय
गोरेज मेंया: ओर ओछोब, कोंगतेम आम
गोरेज मेंया: किनभर झाँमतांगों:म ॥२॥
घोल ऊबर जोड़ी कोंगतांग
घोल ऊबर जोड़ी ब:छा
अरलो: डेबलो: मुनु:सींग योनलो:

हीरा पुर हरियार पुर ते आएँतर पाएँतर ना
गोरेज मेया: ओर ओछोब ।

६६६

भन्डा कुटुम ददा तुम्बा कुटुम्ब
अना ददा चोनानांग बरवाय पुर ते कनियाँ लामना ।
बरोया पुर ते ददा केलोम केलोम कन्डाय,
अना ददा चोनानांग बरवाय पुर ते कन्डाय लामना ।

१०००

अना सहिया चोनानांग लारो: बीरु लारो: सायना चोनानांग
लारो: बुदा ते लेरे: कोनसेल जपा: सी: ।
बोकोब तोबलुंग ते सो:लुई, सो:लुई तोबलुंग ते खोमसो
खोमसो तोबलुंग ते जिलापी । हारे जिलापी तारकेलेंगता ।

१००१

धांय पेसे बेटाईज लमलम एबो:ना रायलेंग किनिर ते,
तुता आ:पे एबो:ना बिरू तोबलुंग ते एबो:नापे
हारे रायलेंग बीरू ।

१००२

थाम साम बरोया थाम साय बरोया नो मा
मोएंज राजा देवसाय ॥
जुघाय ऊमनिंग कायोम ना जुघाय ऊमनिंग कोले जना
आनिंग डोनजांग आ: हेकेनिंग ॥

१००३

हाय बरोया हाय बरोया,
लोसोड़ फोसोड़ सोमधी जोरायोब बरोया ।
गुंज लेखे बेंटी तेरोएज हाय बरोया
तिलासारी अराम कुग्रोएज हाय बरोया ।

१००४

तोरो रोरो बोई टेने नेने
अमा: खातिर बोई रतु सोधोमता
अमा: खातिर बोई पेंडेड सोधोमता ।

(२४५)

१००८

मूरुन दारु ते केरे जापाः सीः, मोएँज केरे जाए,
जाएता मोएँज केरे कोलेज् ता ।

१००५

तेनतोन सुम्बोः ते हिरा तारकेलेंगता ।
तारकेलेंगता बोई फनलीआः मुगाम ते तारकेलेंगता ॥

१००६

मुनगा राः राः भोमपा भोमपा राः राः सीः
कोयो डाः डेलता भेरे जोरोमता ।

१००७

चाचाः भेनतु डोड साने नांग देवान डोड सने नांग
अमाः जो चोलकी ईजां जे चोलकी
चाचाः भेनतु डोड सने नांग ।

१००८

मोःभी डांड ते फनला कोमडोल ओनोः
कोमडोल ऊलाः अबु हिलेनाम
फनली ते हिलायेम ॥

१००९

ई बिलम ते बेन्दु ई बिलमतेम
थाम साय कोनघेर ते कयोम सिखायोब, छी बिलमतेम ।

१०१०

ई बिलमतेम फनली ई बिलमतेम
थाम साय कोनघेर ऊनसीः डेम
सीलोः नाः घाड ई बिलमतेम ॥

१०११

एलाः बोई को राईजोल राईजोल गोसोः ते ॥२॥
अमपाः बाबु को सोसो जोल गोसोः ते
सोसो जोल गोसोः ते ।

(२४६)

एलाः बोई को काडते भेलोब भेलोब ऊलूईते
अमपाः बाबु को काडते पान्डु ऊलूईते ॥२॥

१०१२

हेमङ्गः ते डोकोना सनिचर बाबु ॥२॥
घोल ऊबर मेमोनाः पण्डू केन्डोर बोः ॥२॥

१०१३

अमाः मेरोम डाः देवान ईआंः तेरोमडाः ॥२॥
गाजे ओंगेनांग देवान मरची बायेनांग ॥२॥

१०१४

उलाः चोना नांग ददा सोरीगा
सोंगोल चोना नांग ददा सोरीगा
दीप दीपी रे ददा कुदा कोलोंग ॥२॥

१०१५

बीरू सितिल ते सोसो बेलोंग सीः ॥२॥
अतीज ताय कोलेः रोः नो डेलकी सोयोः
रोः नो डोथोः बुधू कोनघेर ।

१०१६

मोने रो डोकोना सनिचर बाबु ॥२॥
ईआः कुलाम डाईज आः थोम होडोम लामिज ॥२॥

१०१७

बीरू सितिल ते सीलोःतम रे कोनघेर
नोनो रे नोनो रे गामतेम् तोतो रे गामतेम् ॥२॥
रुसुंग ओरेज् ते सिलोःतम रे कोनघेर
तोतो रे नोनो रे गामतेम् ॥२॥
ओसेल ओरेज् ते सीलोःतम रे कोनघेर
तोतो रे नोनो रे गामतेम् ॥२॥
मोघेर ओरेज् ते सिलोःतम रे कोनघेर
तोतो रे नोनो रे गामतेम् ॥२॥

(२४७)

चंवरा ओरेज् ते सिलोःतम रे कोनघेर
तोतो रे नोनो रे गामतेम् ॥२॥

१०१८

केलोम केलोम बेटा जोरोमायोब्
केलोम केलोम बेटा जोरोमायोब् अपा
इना, इना अपा सोनोर गिर्बानिग तेम
इना, इना अपा रूपा गिर्बानिग तेम ।
अडियाः बेइटडोम होडोमाः होयकी
होडोमाः बेटा अडियाः होयकी
इना, इना अपा सोनोर गिर्बानिग तेम
इना, इना अपा रूपा गिर्बानिग तेम ।

१०१९

हाय रे ईजाः बछारू हाय रे ईजाः बछारू
खोड़ी खोड़ी बुलीताज् बछारू ॥२॥
तोले से महारा छन्देये से महारा
सोनोर तोनोल तोले से महारा
रूपा छन्देये से महारा ॥२॥
काजे से महारा काजे से महारा
सोनोर तोनोल काजे से महारा
रूपा तोनोल काजे से महारा ॥२॥
योनि से महारा योनि से महारा
रोनोब किनिर ते योनि से महारा
बिजोम किनिर ते योनि से महारा ॥२॥

१०२०

जोगे घाले से रे माँ जोई बछारू आः गींगतांग ते ॥२॥
आमगा माँ सिरिजायोब् आमगा माँ बड़ो ओः खोब
माँ उघय ओः रे अपा उघय ओः रे ॥२॥

१०२१

नोरे नोरे भेड़ी गुपा, नोरे नोरे मेरोम गुपा
अता रोछोब रे कुलम् कुलामडाईजाः पुर आईज् ॥२॥
हानतिज् ऊतीज् सोंगोल पुर ऊतीज् हानतिज् रतन पुर
हो रोछोब रे कुलम् कुलामडाए नोमाः पुर आईज् ॥२॥

१०२२

नो राजा बरोया नो राजा बरोया
नो राजा बरोया केलोम बोः युंड्तेम ॥२॥
सोनोराः हुका रूपा गाः चिलम लाःधेना बोंग
ऊड्ना बोंग केलोम बोः युंड्तेम ॥२॥

१२२३

पोकटागाः किनिर ॥२॥
कोनोर सुम्बोः ते बन्धो नो कोंगोब ॥२॥
पोईन डोम को चोना लाः सीः ॥२॥
खोड़ी मोःभी ते पोईन चोलता ॥२॥
पोईन को चोना लाः सीः ॥२॥
चुंगडाः गोडभूंगते पोईन चोलता ॥२॥
सोंगडाः को ऊःढे तेकी ॥२॥
डोःकीमोंय घुंधी रो ग्रंडील ॥२॥

१०२४

मुडूगा योयोएज हिरापुर आः नागबांसी राजा ॥२॥
एनेम लगम आः घोड़ा ओबघांयोंब् ॥२॥
मुडूगा योयोएज हिरापुर आः ऊःफे रानी ॥२॥
सोनोराः तुन्दूर दलाय भाबराय डोमसीः
रूपा तुन्दूर दलाय सोःलुई भाबराय डोमसीः ।

१०२५

साहू बिरू ते हारियार डाः सेमड़ी नो मां
हो सेमड़ी राःराः की तोबलुंग ते नो मां ॥२॥

(२४६)

सोनोर गेधी जाटा गेधी सिनि रोडकोंगाः
थोका नो बेलोः मां लेबु कीते कुन्डुः सींग बयोः नो मां ।

१०२६

बेर डाए डेलता बेटी बेर डाए डेलता ॥२॥
मंगरा डाए डेलता बेटी छमर छमर ॥२॥

१०२७

दियोगा बुनुई डाः दियोगा सिंगकोय डाः
तोड़ दाख ते ददा खुनुनोम भूलेता भोड़ोब भोड़ोब ।

१०२८

रेगोल खुंटो हिलेता हरे घाःतीं नोम बोई जोरोमता
अबु गामे ददा गियाल ताईज ।

१०२९

होबने तोः को बोई मगाः कुन्डुम ते आवकीम
अपाः हिनतोर ते आवकिम, तंग को बोई तेरेम
तोबगा बोनेना ॥२॥

१०३०

बेड़ो मुःसिगतानो कोनसेल कोइलसोंगतम
मोःभी तोः होयता नो कोनसेल लाडा कयोमतम ॥

१०३१

इना बेटी लोरो भोरोतम ॥२॥
अपनोम मनोम को ईज तेगा तेरिंग गामते ॥२॥
किःते लेकोः योयेम ॥२॥
ददानोम को कुदड़ी ओरेज डोठोः ॥२॥

१०३२

भेन्तु बेले आजी, ददाईज रांगाता रो डेलताएज्
तिमसोंग गुजे आजी, उम्बोः लाः गिताः चाड़ी
आजी दिप दिपी ना ॥२॥

(२५०)

१०३३

खरसा भन्डा तेजे बेटी, खरसा भन्डा तेजे
खरसा भन्डा हिलेता दिविल दिविल ।
कोनसेल डाए बेबरोड्ते खरसा भन्डा
हिलेता दिविल दिविल ।

दुरंग

१०३४

बगैचा भिःतार ते खजार कुण्डुः !
पुड पुड ओबोः ताइज ॥२॥
अंडीज सरहम अंडीज खजार कुण्डुः
अपाः जुंगजुंग बहा जोड़े कनियाँ ।

१०३५

अतु चोनाम रे पोडछोल
कुन्डाब तिज तरवइर तिःते पलिता तरकेलेंगता ॥२॥
समुराईर चोलतैज डेम रे पोडछोल
कुन्डाब तिज तरवइर, तिःते पलिता तरकेलेंगता ।

१०३६

है रे इञ्जाः अरबडूः है रे इञ्जाः तुरबडूः
कुन्डाब तिज कोन्डोय नो बितलाय तैज ।
बेहार जो उमोय गामते आये से डोकोना
बेहार जो उमोय तेरते डोको ठांडो,
है रे इञ्जाः अरबडूः कुन्डाब तिज कोन्डोय नो बितलायते ।

१०३७

ओड़िया रानी ओड़िया देस रे
कुटुम कि हिलेता की कुटुम की डोलेता की ।
कुटुमाः मलाः बोंग बेंटिंग ते तेरोइज
कुटुम योता बेंटिंग ते तेरोइज ।

१०३८

मुरुन दार ते हारे पियो कोनथेड तोरोः ता ॥२॥
अंडीज पियो अंडीज कोनथेड जोड़ी जोड़ी
सांगो जोड़ी इयांमता ॥२॥

१०३६

इंग को इंग को सहिया खटिया मचिया ते
उमींग गा रोः डोको नाइंग ।
इंग को इंग को सहिया कोसोर लारोः
बोरोल लारोः भेनतु ते गा डोको नाइंग ॥२॥

१०४०

गिताः चाड़ीते ददा जोइ,
भांन्डा २ गोलॉंग चैठी चैठी तामखू ।
अमाः खातिर ददा ओइँग नेंग रोः भुलेता,
ओइँग नेंग रोः भुलेता ।

१०४१

है रे नन्देना है रे नन्देना
बरबाय राईजते छौनी छबायोब रे नन्देना ॥२॥
बाः रुमकुब भाड़ी गा चोलकी बोकोब तोबलुंग ते
भिलीमिली बोकोब केः तोलोब ।

१०४२

हारे नायना मोःड एनेम २ नायना मोड एनेम ॥२॥
मोइ एनेम दुनिया ओत्रोंग योता,
मोइ एनेम नायना दुनिया ओल्लोंग ।

१०४३

लेबू वाः जन्म अपा मेसोन गा होएता ॥२॥
साह साः लेखे मॅसोनगा
जियोम मुःता रो चोलता
लेबू वाः जन्म ।

१०४४

बलिरे कलिकत्ता इकुड डिसाः
कलिकत्ता इकुड डिसाः राजी ।
उबडु ते गंगा हिन बुडः ते जमुना
कलिकत्ता राजी इकुड डिसाः ॥२॥

१०४५

जसापुर आः राजा बनाई बम्मड़ा
हरे बिहा चोलकी ॥२॥
ऊफे एकड़ी घोड़ा घोल एकड़ी
भरिया सड़क ते धुड़ी बेरोड गा चोलता ॥२॥

१०४६

हं रे अगुवा २ अतिज ताय घोल अगुवा
अतिज ताय एकड़ी अगुवा ।
सोःलुइ ते खोमसो खोमसो ते जिड़ोए,
जिड़ोए ते जिलोपी, होकड़ाः थोंग गा,
घोल अगुवा एकड़ी अगुवा डेलता ।

१०४७

हं रे काडोंग अतू चोनाम रे काडोंग
अतू चोनाम रे काडोंग ।
तुता ते कुमोनी तोभलुंग ते भिमोरी
अतू चोनाम रे काडोंग ।

१०४८

हं रे जियोम हं रे जियोम
लोःखाः ओंरी ते आइज भेरे जियोम ॥२॥
लोःखाः ओंरी ते मेलाये रे जियोम
हीन दिनों ओंरी को लोःखाः गाःड़ा ते लोःखा ते मिलेना ।

१०४९

मुरगुवाः डांड़ते सोना लेखे रे बन्दुक
तरकेलेंगता रुपा लेखे रे बन्दुक तरकेलेंगता ।
ई भेरे लड़े नाम रे तेलेंगा
सोना लेखे रे बन्दूक तरकेलेंगता ।

१०५०

भोरी भोरी नो कोनसेल आज आज
काडोंग नो मजाय काडोंग नो ।

भिखे कुएम नो कोनसेल आज आज नो
काडोंग मजाय नो काडोंग ।

१०५१

भौरो रे भौरो गुंजरेता
इयोता भौरो गुंजरेता ।
मुनगा रे मुनगा राः गोडसीः
राः राः योता भौरो गुंजरेता ।

१०५२

देवान देवान बोरिया देवान
पालकी जोंगोड की हिरा राजा ॥२॥
मुइंग ठिया मुन्दरोम बंग होइकीम
साभा पन्ती होयकी कुटुम्ब की बिदा कीमोय ।

१०५३

अना गुडी चोना नांग,
सीनकोम जोरी सेरिगा रामना ।
ढीरीरीरी गामे भेरे कोवा तेगा
सीरे ओंगे नांग ।

१०५४

बरवय राजी ताय आरे कीम रे ददा,
कोड़ी ते रुतु नोम रे ददा ।
डोरीब बेलोंग कोनसेल ते बाजकिम नो रे ददा,
कोड़ी नोम ते रुतु नो रे ददा ।

१०५५

हाय अमाः अकील बोयो उघाय,
अकील अतु सीखेकीम बोयो अतु सीखे ।
राजा बेटा ओंडरोयोः लाः को
आम ते बोयो बाते सीखाये, बोयो कायोम पढ़ाये ।

१०५६

कोलेः लेखे आवकीम रे जीयोम,
लोःखाः पिर्जोरा ते लिसोय लोसोय आवकीम ।

(२५७)

तांग को रे जियोम आयो ते मेलायोब,
अपा ते मेलायोब, ददा ते मेलायोब,
आजी ते मेलायोब, कुलम कुलमडाय ते मेलायोब।
कोले: लेखे आवकीम रे जीयोम ॥२॥

१०५७

ओमपाय सितिल ते अपा रेमा: सी:
अनी चोना नींग अपा: कायोम ओंडोरना ।
ओमपाय जो भोरे की डोंगा जो ओड़ो: की (इघाय)
इघाय चोना नींग अपा: कायोम ओंडोरना ।

१०५८

आमपा: ओ:ते आवकींग ददा जोइ,
भाइल मरा: लेखे यूंठोज ।
ओबसोंगयोब अपा २ ओ: डुरानोम, जोंगोडकी
खोड़ी गो:भुंग नोम जोंगोडकी ।

१०५९

पीण्डा रंगते चकरी घुमराय, चकरी घुयराय रे
राजा: सिपाही डेलताज, जींगोर जोंगोर,
हरे मामी जोई बोतोंग डा: कींग,
छेछरा ओ: ते यार डीयार कींग रे ।

१०६०

इंग को गो मा जोई, राजा बीहा चोनाइ ॥२॥
एंग नाइंग ला: मां जोई रुमांग नाइंग ते योयेम,
गोइज नाइंग ला: समुद्र ते मिलेनाइंग ।

१०६१

अना सांगो चोनानांग लारो: बीर
लारो: सायना चोनानांग ।
अता लेरे: कोनसेल बारु सुंबो: ते जपा: सी:
बोकोब डोम नो योता, बोकोब डोमते ।

सोःलुई डोम ते खोमसो, खोमसो डोमते जिड़ोय
जिड़ोय डोमते जिलोपी, हरे हरे जिलोपी तरकेलेंगता ।

१०६२

अना केंडोर चोनानांग
किनीर केला कोने लायना चोनानांग ।
धुकाय नांग नो लाये, लाये नांग नो नो ओजे नांग,
ओजे नांग नो ओले नांग, ओले नांग भोलाय नांग,
भोलाय नांग नो बाये नांग, बाये नांग नो गाजे नांग,
गाजे नांग नो ओंगे नांग, अना केंडोर चोनानांग
किनीर केला कोने लायना चोनानांग ।

१०६३

आयो नाइंग जो गोइजकी अबा नाइंग जो गोइजकी
हरे दाइया बेराः दुरा चोनाइंग ।
मामुइंग जो लेजते मामिंग जो लेजते
हरे दाइया बेराः दुरा चोनाइंग ।
आले से रे मामी माःघो लेरंग डेना तेरे
गाड़ी डेब नाइंग भोटान चोनाइंग ।

१०६४

जन्मायोब आयो नाइंग, जन्मायोब रे
ठेहुना घोःता २ जन्मायोब रे ।
उसलोः घोःता २ जन्मायोब ॥
बुयोब आयो नाइंग, बुयोब रे,
तोरेज कुण्डा बंग बुयोब रे ।
तोरेज बंग कुण्डा बंग बुयोब ॥
ओबसोंगोब आयो नाइंग, ओबसोंगोब रे,
बेतोड ओःते ओबसोंगोब, बेतोड ओःते ॥
हारेकीम आयो नाइंग, हारेकीम रे
कायोम लङ्ग बंग हारेकीम रे ।
कायोम लङ्ग बंग हारेकीम ॥

१०६५

इकुड किसड़ों ओगाः बेटा हो राम राजी मेलाय कोन
 राजी बोर २ चोलताम हो राम ॥ देशे मेलाय देशे ॥
 एङ्गना २ से राम लक्ष्मन बोरीया कुलम आम्पाः
 नहियर सम्पति हो राम ॥ आम्पाः नहियर बनती हो राम ॥

१०६६

सेंग को आयो सेइरगा उलाः लेखे गोतोब २ उनोब
 सेइरगा उलाः लेखे गोतोब २ उनोब ॥
 तांग को आयो खोलडाः सुडुब, लेखे फेकाय गोठोब
 खोलडाः सुडुब लेखे ॥

१०६७

धांय बोइ ओंडोरेम रो चोनाम, योये रो नो डेनाम ॥
 दिर्लिग दिपिड़ बिर्लिगबिरा डांड ते रे बोई,
 दिर्लिग दिपिड़ बिर्लिगबिरा डांडते ॥

१०६८

लारोः बिरुते डाः नो गिमोः डाः नो गिमते ।
 भोड़ी ते गिमते कोयोते तापाः ते हाय दैया आराबडुः,
 आखोः ते डोकोनाइंग, आखोः ते डोकोनाइंग जापाःनाइंग ॥

१०६९

हयरे तिब्बत बिरु, तिबडगा डेलकींज,
 हयरे बिर्रिज बिरु, बिरिमगा आरेकींज ॥
 उतिज जो बनाय तोरोःता हन्तीज जो किड़ोः हांकंडेता,
 हय दैया आखोः ते जियोम उकुबिज हेबनेहा कया
 ते ओर्लेडिंज ॥

१०७०

कोनोन जो ओम्पाय महा जो ओम्पाय
 हय दैया इंगते बेर पबरोये ॥ हाय दाइया ॥
 माइंग जो उम्बोडेज आपाइंग जो उम्बोडेज
 हय दैया इंगते बेर पबरोये ॥ हाय दाइया ॥

१०७१

मुनुःसिंगतय डेलकी, कुहुड़ रो कोयो,
 योलोःसिंगतय डेलकी आडेल डाः ॥२॥
 इंझाः कुंडबसिंगते तुरी रे बेटी,
 ताएजकाय गोडेम लेबु डालना छाता ॥२॥

१०७२

भाःटा तोर तोर ओःते तेरोब गे आयो,
 ओः थोकोन लेमेड उम डेलता ॥२॥
 इयेम बेटींग इयेम पुता,
 डोनजांगते तारदी मोलिब गोडकी ॥२॥

१०७३

मुःरेल राजी चोलकींग, योलोः राजी चोलकींग,
 हरे दैया, जोड़ी २ चोलकींग ।
 घांटी तेरे बाबु सिटी तेरे साहेब
 हरे दैया जोड़ी २ चोलकींग ॥२॥

१०७४

कोनोन साहेब डेलता महा साहेब डेलता,
 चाह बुदा हरियर योता ॥२॥
 मोटोर गाड़ी डेलता रेल गाड़ी डेलता
 चाह बुदा हरियर योता ॥२॥

१०७५

होबनेमहा बंगेलाः राजा अतु चोलकी
 कोठोरी कोठाते रानी इयांमतामाय ॥
 कोसोर उलाः लेंग चोलकानकी
 हिनघाय गा राजा लेंग गोडकी ॥२॥

१०७६

बिरु जो मेबता परबत जो लंजरेता
 हिनघाय गा हरे जियोम मेबता ।

इधाय लेखे जियोम आता बोःते आइज
जियोम गेबता बेर जो उम योतेजमोय ॥२॥

१०७७

हो होरे जियोम हो होरे काया
भिःतार २ हरे जियोम गेबता ॥२॥
बिरू गेबता राजी दुनियां योते
जियोम गेबता बेर रोः योतेमोय ॥२॥

१०७८

अतिज ताय डेलकी मलारिन बेटी रे,
जाये खोवा ताये डेबुआ डोडते ॥२॥
मुनुःसिगतय डेलकी मलारिन बेटी
जाये खोवा ताये डेबुआ लुःते ॥२॥

१०७९

राजी २ बुलिकींग देशे देशे बुलिकींग
कुलम उम कुइकी अमाः जोड़ी कनडाय ॥२॥
चिट्टी पोढ़ेना कुलम रे, कागज बछाये कुलम रे,
रांची लोहोरदगा अमाः जोड़ी कनडाय ॥२॥

१०८०

कुटा राटा कबटो ॥२॥ बेर ला कुलम युखोब कबटो ॥२॥
उबडुः डोकोना आराम,
ओःते डोकोना आराम कुलमडाय देवता युखोः कबटो ॥२॥

१०८१

देशेते कुलम रे ॥२॥ मौज बिता ठांडो रे ॥२॥
भीःतार ते को बाः हमकुब,
बाहेर ते को आदड़ो बछरू,
इधाय तेरिंग ठांडो ॥२॥
होन से कुलमडाय तिगाः काड़ाम रे गोडभुंगते
ओबसोंग खेःजा, दिनो धोःगा चोनाम ॥२॥

उमिंग डोड़े कुलम रे तीगाः काड़ामं ते
गोडभुंगते डाहु, लुवा, जराः बेलोमसिः
रामिंग पुरिज रो दिनो धोःगा चोनाइंग ।

१०८२

लमचंगिआ आराम ॥२॥
हिनकाड़ ते बेटींग ते तेरोज ॥२॥
तीः ते नाधा, तरन ते सिनी,
हिनकाड़ ते बेटींग ते तेरिङ्ग ॥२॥

१०८३

आयो गामते, यारे २, अपा गामते तारे २
कुलम यामते, मुःना रो धाय ॥२॥
आले से रे कुलम ओनमोःडोमना तेरे,
ओःनोम को रे ओःगोड गोडना ॥२॥

१०८४

खोड़ी मोःभीते ई राः राः राःसीः ।
इघाय सुइंग राः २ केलोम भूबरे सीः ॥२॥
भीःतार ते को किनकर सोसुरिंग ।
बाहेर ते को बाविंग बोकेरींग
इघाय सुइंग राः राः केलोम भूबरे सीः ॥२॥

१०८५

किनिर ते बेटींग तेरोज, उलाः २ मड़ेवा बायते
उलाः २ मड़ेवा बायते ।
बिदा ओले आयो बिदा ओले आयो
इजांः राजी इकुड डिसाः ॥२॥

१०८६

जोड़ी ओलकाय आयो, जोड़ी ओलकाय
आयो जोड़ी एनेम, लेमेड उम डेलता ॥२॥

(२६३)

बाः रुमकुब कुइंग, सोना रूपा कुइंग
हरे दैया जोड़ी आतु कुइंग ॥२॥

१०८७

ढोढोरियाः मैना, हराः फिकड़ो,
मैना फिकड़ो चारा लामना चोलकी ॥२॥
चारा जो उम कुयोः जियोम जो चोलकी
कुङ्गुः डोमकी चेंवमैंव ताजमोय ॥२॥

१०८८

रुसुङ्ग सिङ्गोय राम राम गामते
मोःभी इडीब, राम राम गामते ।
बेरोडना से आजी बेरोडना से आजी
आमते को आजी लेमेड इकुड जुघाय ॥२॥

१०८९

खोड़ी ते तोरोःता कुही रो बेसरा, भोरीते तोरोःता
सालो कोलेः, भरियाते तोरोःता सालो कोलेः ।
आबु तोरोःना कुही बेसरा, आबु तोरोःना कोलेः,
आम्बराः लेखे इजांः जो बिपाइत ॥२॥

१०९०

सेंगको सहिया डेना चोना लाःकिंग,
सहिया ते इकुड प्रेम करायोब ॥२॥
तांग को सहिया बिहा सादी करायोब
सहियाते कुमाया करायोब ॥२॥

१०९१

बगंचा भिःतार ते ई लावकन लवकेता
ई लावकन लवकेता ।
ना लागे जोगी, ना लागे फकिर,
कुन्डाबाः भैयाः छाती याः को
चन्देवा जे लवकेता ॥२॥

(२६४)

१०६२

खुटी डेज डेज पाःतड़ा, उम तुंगलीज सीः ॥२॥
(सरहर सेमड़ी जोंगोर २ राः सीः)
आना से कोनसेल उलाः केजना, उलाः केजना ।

१०६३

सरहर सेमड़ी जोंगोर २ राः सीः
लुकुताज भुनुर लेखे लुकुताइज ॥२॥
राः २ लुकु गोडकी, होयकी समतुल, लेंगना,
लाःताइज बिजली लेखे ॥२॥

१०६४

ओः बायोब अपा, उत्तर दखिन पूरब पछिम बायोब,
आपा पूरब पछिम उत्तर दखिन बायोब ।
कबटो सुमोब अपा कबटो ते सोना लवके
हो हो रे दाइया ।
मंडवा तोलोब अपा, मड़वाते कुटुम भलारे
हो हो रे दाइया ।
जहांज ओलोब अपा, जहांज ते कनियां लभारे
हो हो रे दाइया ।
घोड़ा सोंगोब अपा, घोड़ा ते फेटा भलारे
हो हो रे दाइया ।
हाथी सोंगोब अपा, हांथी ते होदा भबारं
हो हो रे दाइया । हांथी ते महुत मलके
हो हो रे दाइया ।

१०६५

आम को कुलु गोजकीम ताय जो दुरांग ताम
कुलु गोजकीम ॥२॥
ईङ्ग उमिंग दुरांगता, ईङ्ग उमिंग आलौंगता
कोसोर कोन्डेग दुरांगता ॥२॥

(२६५)

१०६६

आना बदा बरवाय राइज कन्डाय लामना
बरवाय राइज कन्डाय लामना ।
बरवाय राइज ते भला २ कन्डाय कुइता की
हरे भोले कन्डाय कुइता की ।

१०६७

होबनेतोः बेटी, तोन्डेंग राः राः
लेखे योकिम ॥२॥
तांग को रे बेटी बड़ोम बेटी लेखे योताम
बड़ोम बेटी लेखे योकीम ॥

१०६८

कोनोन भेरे आयो बेटी बेटा गमोब
महा भेरे मां जो ऊम गमोब ॥२॥
इजं गोजनाइंग भेरे बेटी बेटा आबु
इयांम नाम, लोःखा जो आबु तेरेम ॥२॥

१०६९

सहीया सहीया गमोब आना सहिया कोड़ा राजी
घुमरी घुमरी उलाः केजेम ॥२॥
कामुनानांग सहिया ढेबुवा डोड़ेनांग एलाः
राजी बिहाना चोनानांग ॥२॥

११००

डुरगुड दुरेता, बेसरा डोड़े रो चोनाम रे सिबा पाडू ॥
बिरु तुता ते डुरगुड दुरेता बेसरा डोड़ेम रो
चोनाम रे (पाडू) सिबा पाडू ॥२॥

११०१

बराः कड़रु डाः कुम्भी पोखेराते ओड़ोः की ।
राजाः कड़रु डाः कुम्भी पोखेराते ओड़ोः की ॥२॥

११०२

अतु चोनाम रसिका अतु कुयेम लोरेंग डाः ।
एंगना २ राजा, पलीकोटो शहर ते लोरेंग डाः कुयेम ॥

११०३

हाय अतु चोलकीम,
कुलमडयाः मोड डाः गुरता ।
भाइंग को चोलकी भरीया,
कुलमडयाः रोमोड डाः गुरता ॥२॥

११०४

बीजोम मुःरेल लेरांग ते
ई जाति सुंग जोंगेनिग ॥२॥
पोनोमोसोर आः गिडिंग लेरांग आः यीमी बोंग
जाति सुंग योंगे निग ॥२॥

११०५

बसीया पुरते, मा जोइ इंज को उमीज आवना ॥२॥
बेडो मुःसिग ता लेखे पैजकोम डेलता ।
मा जोइ इंज को उमीज आवना ।
योःना उडना ते जो, लाडा लेरेःते जो,
डोको तोंगोंन ते जो, उम सोहे ते ।
मां जोइ इंज को उमीज आवना ॥

११०६

हारे इंजाः कोंनतांग नेंग, हाय उबार कोंन
तांग नेंग, इंजाः हिरा समढ़ायोःबार ॥
मुइंज तोनोंग उबार तोनोंग तेरोःबार
हायरे यीमीबार ते उमीजगा रोः इरीबे ।
सुरीली गाय सुगनी गाय गा गर्मीज ।

११०७

काःलांग बुयोब आपा कोइली ते जो बुयोब
अपा जोइ डोको ठाड़ों मुइंज गा उन तेम ।

होडोम होडोम डोको ठाड़ों बायेंम लाः आपा
काःलांग रो कोइली नोम हिरा पुरते सोभेना ।

११०८

कोएंजारा रोरी बीरुते, सोंगोल गा नो
पीजे उलाः गा नो केजे
आनार गी नो पीजे, गमोब नो रे नना जोई ।
उम्बड़ाः महा बिरुते, सोंगोल गानो पीजे ।
उलाः गानो केजे आनारगी नो पीजे गामोब नो रे नना जोई ।
पाइलकोःटा शहर ते, ले बड़ी कठी, ले बड़ी पतोई,
ले बड़ा दातून, गाम कोन खेःजा योब रे नना जोई ।

११०९

डोम्बा बिरु तोबलूंग ते आटा डोकोकीम,
कांसीर आः कोनसेल ते छेका गा डोडते ।
होसियार आवनाम रे होसियार साहेब ।
हिलो डोलो बोकोबकेः नोम होयता ।
कांसीर आः कोनसेल ते छेका गा डोडते ।

१११०

अतू ताय डेलकीम हीरा पूर ते राजा ॥२॥
कुन्डाब मुगाम तेलेंगा सोरी डेलताइज् ॥२॥
तेलेंगाः तिःते कुदड़ी, कोडेज, बाछा, तरबैर,
हीरा पुर ते मलके की ॥२॥
हो योकोन किड़ोः बनाय यारोः
हरे राजा केलोम रोः जीमी डोमकीम ।

११११

(मोःभी) मोःभी ओःते मुन्धीड़ी बाहेर ते
तिगाः ओरु आइज हाय रे राम आतु चोलकीम
ओः दुवार नोम जोंगोड सीः ॥२॥

अपा आयो आः कायोम तेगा पुराना लाः सीः डीज्
 एंगनांज हो ओः दुरा तेगा, हीन भेरे गा
 गोटा हीरा पुर पतारना ।

१११२

मामू जोई इज को मामू बंडा बोनतेल ते योनना
 चोलताइज । आम मामू तोर्नासिंग लुवांग डोडेम ।
 इज बंडा बोनतेल ते योन ओडामोईज् ।
 गोरेज मेयाः मामू गोर्नासिंग गोर डिपाते ।
 बंडा बोनतेल गुर की, उमनांग सिलोःता मामू
 बंडा बोनतेल ते पसा योंगेनांग ।

१११३

ओले से मां लारोः बिंडा लारोः बिन्डा २
 डाः ओलना चोलताइज ।
 उमेंम बोतोंगता नो माइ उम बोतोंगता नो माइ
 पःतड़ा सिलिते बनाय बिरिम सीः ।
 गःड़ा डिपाते किड़ो जपाः सीः ।
 अबु चोना माइ २ मुईजगा इजांः हीरा लेखे आजडेम ।

१११४

बेरोडना से गोला ओरेज आना से गोला
 ओरेज सोरी सांगो मेलाय दुइतेइजकी ।
 मोइ जो लिमिट २ लुतुर जो टपर २ तोबलुंग
 ते सोना रुपा गिधी मेडरेताइज की ।

१११५

लेबु जनम को मुईज गा जन्म रे २
 तारु उलाः मां तारु उलागाः डाः ढरके गोडकी रे ।

१११६

मां जोइ अपा जोई अतु चोलकीम ॥२॥
 बिस्ते भाखोडते लुलुंग ओब,
 अतु चोलकीम मां जोइ अपा जोई ।

१११७

इंग को इङ्ग को ददा कोसोर लारो: बोरोल
लारो: भेनतु ते उमींग गा रो: डोको नाइंग
ददा कोसोर लारो: बोरोल लारो: भेनतु ते उमींग गा ।
इङ्ग को इङ्ग को ददा, खटीया ते मचीया ते
पलंग हिनते डोको नाइंग ॥२॥

१११८

बीरु सितिल ते सिलो:ताम रे ददा,
तोतो रे नोनो रे, गामतेम ॥२॥
कोड़ी ते चिडरा डा:, कोड़ी ते कोनथेड डा:
कोड़ी ते पोड़ोंग डा: लोबरो: कोबसोरो: रो
तेरोब नो रे ददा ॥२॥

१११९

डिंडा रे कोनसेल पींडा ते रांना रांना गामते ॥२॥
हुका लोबलुंग ते नार आइज नार तोबलुंग ते
चिलाम आईज, चिलाम तोबलुंगते तामखु आईज,
तामखु तोबलुंग, लराज आईज
डिंडा रे कोनसेल पींडा ते रांना रांना गामते की ।

११२०

आयो गे आयो अता ठांडो ते तेरोब ॥२॥
भी:तर तेजे बा: रुमकुब, बाहेर ते ओरेज कोनतांग
खिरकी दुरा ते भोइसी तोल तोल हीन ठांडो ते
मुइंग लोटा डा: आइजा: थोंग तेरोइज ।
घोल साय डोनकुई एकड़ी साय डोनकुई
हीन ठांडो ते तेरोइज ।

११२१

ओले नोनी डा: ओले नोनी डा: ,
इकुड डिसा: ताय डेलकींग नोनी बेतोड डा: होइकींग ।

(२७०)

डोइर जो तेजकी छीपी जो पाःकी,
धांय ददा लोरेंग डाः उडडेनाम रे ।

११२२

मरची बाडी ते पीयो कोनथेड तोरोःता,
पीयो कोनथेड तोरोःता ।
अंडीज पीयो अंडीज कोनथेड,
कीमीन कुन्डू रंम भंम गा डेलता ।

११२३

कोनोन बीरु महा बीरु उलाः योता हरीयर २,
बोकसेल नाइंग ते डोठोः की सुरुम रे,
हाय रे इञ्चांः लेमेड रे ।
कयार दारु कोडेंग बुदा उलाः योता हरीयर २,
बोकसेल नाइंग ते डोठोः की सुरुम रे,
हाय रे इञ्चांः लेमेड ।

११२४

हयरे इञ्चांः सोना बेटाइंग
उधाय अकील अतु सीखोकीम ।
सीखे न को सीखेकींग मां जोई
हाकिम दुराते अकील सीखेकींग ।

११२५

ओम्पाय सीतील २ लाः बीड् २ जीरा,
हरे जीरा जोरोम गोडकी ।
रम रीम राम रम कोन कबतीब फोइज,
बोनिया कुलम भेल कराय ते बनिया कुलम जुलुम कराय ते ।

११२६

बोइ ते ओबसोंगोब मां जोइ बोइ ते अबु
हेःजोयेम बोइ ते अबु गुनाम मां जोइ ।
चोनाम मां जोइ चोनाम अपा जोइ,
किमिन ओलेम हिन जेः सोचायेम ।

(२७१)

११२७

हरे मोटोर चोलता हरे मोटोर चोलता,
रिगिड़ रिगिड़ मोटोर चोलता ।
हाकिम या: हुकुम कम्पनी हुकुम,
रिगिड़ रिगिड़ मोटोर चोलता ॥२॥

११२८

ओले से गे मां जोई बासी पे:, सिनी डेजना चोनाइंज,
रोडकोंग डेजना चोनाइंज ॥२॥
संखो ओमपाय भोरे की पियार ओमपाय भोरे की,
गया गोयोल डा: मां जोइ भैंसी गोदोलो
डा: मां जोइ भोरे की ॥

११२९

डा: ओलना चोलकीम गेरवां राजा या: हटिया
राजा या: हटिया ।
घाटते छेकायो: राजा या: पाइजकोम मेलय
से पाइजकोम मेलय, आचरा नाइंज मुडताइज ।

११३०

चुंगडा: नो गों:भुग ते, बेर रतु पेडते बेर रतु पेडते ।
जोड़ी नो कोनसेल डा: ओलना चोलता की,
रीमोड डा: ढरके की रो गुरकी ।
धांय से माइ जोई मां ते, ओबोडोर गोड़ेम
आपा ते ओबोडोर गोड़ेम ।
इंग उमिंज चोना इंग उमिंज चोना ।

११३१

बिरु सितील ते सिलो:ताम रे ददा बोकोब ते
बोकोबके:, कोड़ी ते रतु नो रे ददा ।
कुर्पुंग बेलोंग कोनसेल बंग आवकीम रे
ददा बोकोब ते बोकोबके:, कोड़ी ते रतु नो रे ददा ।

११३२

बुची गोजलो: कामु कीम दवा,
हिड़ो एनेम हिड़ो एनेम उम यूँडते ।
सिलो: कीम रो बिठोब नो रे दवा,
गेरवा हेरी जोही हेरी जोही डेलता ।

११३३

ओले से मां जोई भलि भपाइर गुंगू
इंग को मां जोइ भुती बनी करार्यींग ।
कुन्डाब ते गुंगू मुगोम ते कुङ्गू: इयामता

११३४

कुन्डा बुंग तोरेज बुंग बुयोज नो रे बेटीइंज ।
ओमपाया: भीला लेखे योताम,
ओमपाया: पो:ठी काडोंग लेखे योताम ॥
फोंगटा ताय एंडुगे रो योये से मां जोइ
ओमपाया: भीला काडोंग लेखे योताइंज ॥

११३५

बा: जुरबा २ बेटी गुडलु जुरबा २ रे ।
अमा बीहा भेरे बेटी घोघो चोनाइंज ।

११३६

मामी जोइ मामी मामु नाइंज अतु चोलकी ।
मामु नोम को भगिना गीरी बिरु
ते मरा: तारना चोलकी ।

११३७

तोबलुंग ते बेड़ो तुता ते लेबु
इना बेड़ो ऊरुम डा: ला:ताम ॥२॥
इ:फोन लेरंग रांगा इ:फोन लेरंग गीड़ींग,
इ:फोन लेरंग डा: रो: नो गीमते ॥२॥

११३८

मुइंज पथा गंगैड तुम्बाते नो उनोएज
किड़ो: तारसोड कोने रो:नी जोंखो: ॥२॥
आले से रे कोने पतर नातेरे,
ओतोन गोतोन नोम ते गर्मींग रो:नो मेलाइंज ॥

११३९

तेलमिंग बेड़ा गे मां जोई कुरु कुरु कुरु दुरेता ॥२॥
तारे से ददा जोइ अरोइ डांडा: बूंग
रुतु डांडा: बूंगा तारे ॥२॥

११४०

डा: ओलना चोलकीम बोइ या: माडोम,
काडोंग ते मेलायोब खांखड़ा ते मेलायोब,
बोइ या: माडोम केंडोड ते बिन्डा बूंग तारोब ।
लाम लाम चोलकीम बाबु आ: आपडोम खजार,
ते मेलायोब सोल्होब ते मेलायोब ।
बन्डो ते तारोब रो ओलोब बाबु आ: आपडोम ।

११४१

भदड़ीब सोय २ लूवा अतू
कुर्येम रे बोइनी ।
ओले से आयो मुइंज पथा देबूवा सोंगा
जोंगा उडगा चोलकान नाइंग रांची
कलीकत्ता डुरुनडा पेइठ चोलकान नाइंग ॥

११४२

दरजिलींग पला बिर ते
भीली मीली भाका माका ओ: बाय सी:डेम ।
मिसतीरी भाईया भीली मिली भाका माका
दार आ: ओ: बाय सी:डेम ।

११४३

सोरी २ आवकीनांग सहीया
तापकार दार लेखे महाकीनांग ।

(२७४)

तांग को सहिया छुटे कीनांग,
ई भेरे कोल कुइना नांग ॥

११४४

टुकुआ: ओलथा ते डोको कीम रे बन्देरा ॥२॥
कोनोन भैया: सीसा महा भैया: गोली
ठो: गोडकी रे बन्देरा ॥

११४५

अतीज ताय डेलकीम देवान रे संवरो,
अतीज ताय डेलकी बेटा आराम ॥२॥
पुरुब ताय डेसकी देवान रे संवरो
पछिम ताय डेलकी बेटा आराम ।

११४६

हटीया चुटीया शहर ते रांची डुरूडा नगर ते,
हरे राजा बेटा चाक तारते चाक डोकोता ह्यरे ॥२॥
हांथी सार ते हांघी गोजकी, घोड़ा सार ते घोड़ा
गोजकी, हरे तोभे गा राजा बेटोड होइकी
तोभे रानी बेटोड होइकी ।

११४७

सोलो: रे सोलो:, अना सोलो:
किनीर लमलम एबो:ना ॥२॥
खजर जे सड़ा तेरो: का: ते ओडे फोइज
कोम जे तुजोइज ठो: गोडकी मुन्दारो भाई ॥२॥
भा:टा डेजता डेजता मुन्दारो भाईया ते
डालोइज तोबलुंग ते सोने गीघी लेंगता ॥२॥
हीन मास डोम गले गले उसलो:ते मिलेकी,
जांग नोम चोलकी होडोम राजी रे ॥२॥

११४८

चीरचीठी टोंगोरी नांयो चीरचीठी टोंगोरी रे,
चिरचीठी टोंगेइर नांयो मरागा: खधेइर रे ।

(२७५)

हीन मरा: तारता तारता कलगा नो बायोज हैरे,
हीन कलगा धो:ता २ रायमुली कनीयाँ बोरोइज ॥२॥

११४६

पाइलकोटा: शहर ते आफीम ओनो:की आफीम ओनो:की,
धांय सेरे कोइरीन बेटी केज ओल काम साहेबा: थोंग ।

११५०

इना रे बड़ोम कोनघेर
दुरा दुरा पींडा पींडा डोको ताम ॥२॥
तेर गोड़े किसानीन कोमसोर
रुमकुब मुंगीया: दाइल । एले ।
एले डोड़ेले कयोम हारे कनियां
एले डोड़ेले बहा जोरल कनियाँ ।

११५१

पोखरा लायोब हो अबा हीड़ो हीड़ो ते गा लो:खा
फेकायोब बाबा हीड़ो २ ते गा फेकायोब ॥
कयार ओनोब हो बाबा जोरोय जोरोय कयार ओनोब ।

११५२

हीड़ो तोबलुंग ते मुरुन दारु सराहरा डाइर रे
गोजलो: ते उला: हिलेता रे ।
मुगाम कुन्डाब तोंगोनेना से पांच भाया कुलामडाय
नोम ते हराय डोठो: की, कुलमडाय नोमते जीते डोठो: की।

११५३

कोनोन बन्दरा रुनु भुनु महा बन्दरा रुनु भुनु
कीनभार ते, कुटूम डोको सी:मोय ।
आयो को फुड़ी बायो: अपा को मड़वा सुमो:
कीनभार ते कुटूम डोको सी:मोय ।

११५४

मामी जोइ मामी कुयू आ: पेन्दरी,
इ राम भामता ॥२॥

होजे: गा हेके भगीना बहा जोरल,
कायोम हारल कनियां ॥२॥

११५५

बीरू शीतील ते सिलो:तामरे कोनघेर
लिहोरे लालारे घरीगा गामतेम ।
ना लागे किड़ो: ना लागे बनाय,
किमीन कुड़: लोडो गा रो: डेलता ।

११५६

कोनोन मोनोन चाड़ी मुनुसिंगते डुरा रे,
कीनभार ते धर्मी दाऊ रे ॥२॥
हीन दाऊ रा: रा: की रुसुंग रुसुंग रा: रा: रे,
सात साय भांवरा रसां जोबना डेलता ।
तारे से ददा सोना आ: का: बूंग
रूपा: कोम बूंग तार गोठोब ।
गुर गोडकी देवनादि ओमपाय तुता ते ॥२॥

११५७

कलीकत्ता शहारे लोहा: खाइन रे,
पहिया तोभलुंग ते रेल चोलता,
रटाभिगा बना रे, पुरुब चोलता पछिम चोलता
उत्तर चोलता दखिन चोलता,
रटाभिगा बना रे लोहा उपारे रेला चलाय ।

११५८

रैरतन पुर ते बेटी इंग तेरोइज, डुलार बेटीइंज ते,
हीन बेटी सोलो: रो बिलाइ घाय होइकी ।
मुइंग पथा कुदा कलवा बियारी रे ।
गामे बेटींज कोसू रो रंगा रे ॥
सोने चिट्ठी लिखा डांगें रूपा चिट्ठी लिखा डांगें,
गामे बेटीइंज कोसू रो रंगा रे ।

११५६

कनियां लामना चोलकिम हो अपा,
घोल उबार लेरांग ते एंग डेलकीम रे ॥२॥
कनियां बोर ना चोलकी हो अपा
सोना: तारदी रूपा: बत्ती सोंग ओलोब रे ।

११६०

हायरे हायरे उलमुलिया भांडा नोम
गैसी बंग सुरुम चोलकी हायरे ॥
तालसाये तालसाये पो:दा महतो भंडारी ठीकेदार,
भांडा नाइंग को गैसी बंग सुरुम चोलकी रे ।

११६१

पोखरा लायोब हो अपा हिड़ो हिड़ोते लो:खा
फेकायोब अपा हिड़ो हिड़ोते लो:खा फेकायोब ।
कयार अनोब हो अपा जोरोए जोरोए
कयार ओनोब हो अपा ॥२॥
बुलीकीम डेलकी अपा डोकोकीम
हीन कयार लोंगोयते ।

११६२

इंग को इंग को ददा कोसोर लारो:
भेनतु ते को उमींग गा रो: डोकोना ददा ॥२॥
इंग को इंग को ददा गुलैचीया: गतापवा
खाटी ते को उमींग गा रो: डोकोना ददा ॥२॥
इंग को इंग को ददा सोना: खटीया रूपा:
मचीया ते डोको नाइंग ॥

११६३

भीमीर भीटा डा: नो गीमते,
हारे कुलम कुलमडाय सुडता कियार ॥२॥

हायरे अपाः निरबुभीया,
छाता उम तेरते हारे कुलम कुलमडाय सुडता कियार ।
हायरे कुलामिगाः सपूता छाता धोखोः रो धाँयोः,
छाता धोखोः रो धाँयोः ।

११६४

भालोंग जाःती टोंगोरी कोचो कोरो गोडभुंग
जहाज नाईज को उम चोलता रे ॥२॥
ओले से मां जोइ सोनाः छूरी,
लरंग ते सेज गोडींग काडइर ते छोपा गोडींग,
जहाज नाईज को चोल कानना ॥२॥

११६५

सुकुरा रे सुकुरा, सुकुरा रे सुकुरा, अना सुकुरा
चलायोब तबकार लोंगोय ते ॥२॥
मुईज कोस चोलकी सुकुरा, उबार कोस नो चोलकी,
उःफे कोस ते बाजा नो बाजेकी ।
तोंगोंन ना से बजनिया, तोंगोंना से बजनिया
सोनाः साजु इरिब नो टुयोज,
रूपाः साजु इरिब नो टुयोज ॥२॥

११६६

कोनोन मोनोन तेनतोन मां राः की
राः राः जोरोम गोडकी ।
एलाः जुंग जुंग कनिया, बेर ला बीहाते
तारींगा कोम ते ओडेब के तारींगा
काः ओडे बेरो तार गोडींज नो ।

११६७

सीसी डांड ते डाः को भरने ते,
सरधाः बुआंग लोरे गा डेलता ॥२॥
तारे से रसिका काः ते ओडेब के,
एयांम लेगेना कुडा दोरहोते ।

(२७६)

११६८

जनम तेरोब मां जोई करम तेरोब अपा,
बोरोल नाः घाड बुःधी उम तेरोब ।
कुलम हो कुलम इयांम ताइज कुलम, अपा को
बोरोल नाः घाड बुःधी उमाय तेरोः ।

११६९

अना अना सेहिया गोडभुंग ते कायोम ना नांग
खोंचा ते ओम्पेंग लोटा ते डाः,
कयार डौहरा डोडे रो सेहिया जोराय नांग ॥२॥

११७०

कौवा रे कौवाः कुटा तोबलुंग ते डोको की
कुटा तोबलुंग ते डोको की ।
मोड को मिटर २ लुतुर को ठीपीर
आलेंग गोइज ता रे कौवाः ॥२॥

११७१

खीरोम पारो आः सोमधीन नो मां,
उम रोः डेलता, उम रोः डेलता ।
सावन भादो लेरांग्गाः गोलांग नो मां
लोरोः गोडकी पचे नो गोडकी ।

११७२

नोला २ मेरोम गुपा बोयो,
अता सितील कुलमडायाः राइज ला ।
हांनतीज उतीज बीरु भांखोड़,
हीन सीतिल रे कुलम कुलमडायाः राइज ।

११७३

ओम्पाय सीतिल २ गाय ईंग गुपायोज,
मां जोई बछर ओड़ोः गोडकी ॥२॥

ती: ते धोखो: चुका: भांडा तरांन ते सीली सम्पेड़े,
मा जोई महारा बेटी इयाम गा डेलता ।
महारा कोतसेल इयाम गा डेलता ।

११७४

कोनोन मोनोन तबकार दाख जोंगेर कोले: ॥२॥
नैनी गोतनी खीरकी दुरा ते सोना: डेलुवा
भुलेता कियार, रुपा: डेलुवा भुकेता कियार ॥

११७५

बा: चीपा उठोब नो आपा गुडलु चीपा रे ।
मुइंग मुडूब उठोब बाबा घोल उबार ठोना रे ।
उबार मुडूब उठोब बाबा घोल उ:फे ठोना रे ।

११७६

कोसोर तीरियो कोसोर खु नो मां जोई,
रानीया: बगैचा सोहन २ कराय ते ॥२॥
राजा को गोइजकी रानी को सती चोलकी मां जोई,
रानीया: बगैचा सोहन २ कराय ते ।

११७७

गुड़ गुड़िया नरियारा: हुका
चीलम बोजायना देरी नो होइकी ॥२॥
हुका भी:तार ते डा: दैया, डागा: तोबलुंग ते नार दैया,
नार तोबलुंग ते चीलम दैया, चीलम तोबलुंग ते गटा दैया,
गटा तोबलुंग ते तमकु दैया, तमकु तोबलुंग ते तिमसोंग दैया
उडे बार से बोरिया देवान,
चीलम बोजायना देरी नो होइकी ॥

११७८

बरवय जसपुर राइज ते नो मां बीजली को
चमके की बीजली को चमके की ।
बीजली को चमके की नो मां जोई
रोस डा: नो गीमाते भीमीर २ गीमो: ।

रोस डाः को गीमोः नो मां जोई
 आंकाल को भोरे की गोजलोः को भोरे की ।
 आंकाल को भोरे की नो मां जोई
 केन्डोड केलोम बोः आलौंगता ॥२॥
 केन्डोड को केलोम बोः आलौंगता की नो मां जोई
 खांखड़ा केलोम बोः सीलोःता ॥२॥
 खांखड़ा को केलोम बोः सीलोःता नो मां जोई
 जामड़ो केलोम पाटा काडते ॥२॥
 जामड़ो केलोम पाटा काडते नो मां जोई,
 डुंडुलू केलोम बीड़ा छीटाते ॥२॥
 डुंडुलू केलोम बीड़ा छीटाते नो मां जोई,
 बांकलुई केलोम रोवा ओनते ॥२॥
 बांकलुई केलोम रोवा ओनते नो मां जोई
 देचुवा केलोम पाजकोम चलायते ॥२॥
 देचुवा केलोम पाजकोम चलायते नो मां जोई
 कुरकुर केलोम भुती एडते ॥२॥

११७६

सीसी डांड़ ते हारे गोडभुंग सिडकींग
 हारे गोडभुंग सिडकींग ॥२॥
 उतुने से मां जोई उतुने से अपा जोई
 हारे गोडभुंग सिडकींग ॥२॥

११८०

लंडाम भुंड ते खोडकींज रे मां जोई,
 खोडकींज रे मां जोई ।
 राता गुचु कोनघेर ते कीडोः रोःनो
 गमोंज बनाय रोःनो गा मोंइज ॥२॥

११८१

मुरुन दारू ते पीयो कोनथेड तोरोःता
 पीयो कोनथेड तोरोःता ॥२॥

ना लागे पीयो ना लागे कोनथेड
कीमीन नोम को राम भूम गा डेलता ॥२॥

११८२

इनाःथोंग गाःढा इनाःथोंग गाःढा भंडा, इंग सुमोइज ॥२॥
इंजाः गोमके नेंग बेर जो नो उम्बोइज ॥२॥
हाय इंजाः गोमके नाइज उसलोः हेके
लोःखा हेके मालिख नाइज ।

११८३

कोनोन मोनोन बाड़ी मां जोई
हीरीमीचा साः मां हीरीमीचा साः ।
हीरीमीचा साः मां सोना लेखे राः सीः
रूपा लेखे राः की ।
सोना लेखे राः की मां जोई घोला टका
गीनींग मां जोई एकड़ी टका गीनींग ।
एकड़ी टका गीनींग मां जोई भोरे
युंठोः कीनभार भोरे युंठोः ।

११८४

कुलम हो कुलम मुइंजगा कुलम
अना कुलम जोगीयाः सांगो, अना कुलम फकीराः सांगो ।
आयो ते मेलाय के अपा ते मेलाय के, अना
कुलम जोगीयाः सांगो, अना कुलम फकीराः सांगो ।

११८५

मुइंज पथा कुदा पोटो मोइंज रो उनोंज
कोने मुदाई जोंखोःरो बुड़ायोः ।
अले सेरे कोने सरकोए बयना तेरे बभे नाम
लाः श्रोतइन गोतइन जुर्गीज तबे गरोः मेलाइंग

११८६

कुलम को गामते अना कुलमडाय अनियाः
राजी अना, कुलमडाय अनियाः राजी ॥२॥

(२८३)

कुलमडाय को गामते चोना नांगा: दीरोम २
लाडा कायोम गा चोना नांग ॥२॥

११८७

मां को गामते मुसनींग तेगा, बार तो: तेगा
दीयो २ बेटिंग डेनाम, दीयो २ बेटिंग डेनाम ।
अपा को गामते मोंज लेरांग उबार लेरांग
लेरांग २ बेटिंग डेनाम ॥२॥
ददा को गामते मोंज मेमोन उबार मेमोन २
कुलमडाय डेनाम ॥२॥
आजी को गामते गोएज नाम लोरो: गोडनाम
मुनु बंग जो आमते उमींग गारो: योये ॥२॥

११८८

संख ओम्पाय सितील ते गीरा इंग ओगुरोज
हाय इजां: गीरा नाइंज ते मेलाय दुयोज ॥२॥
अना से कुलमडाय गीरा: खोजार हारे गीरा
नाइंज ते मेलाय दुयोज हारे गीरा नांजते इरीब दुयोज ।

११८९

चीरीचीठी रा: गोडकी चीरीचीठी हायरे
चमैलो रा: की ओम्पा ॥२॥
अमा: लाख घोड़ा बाबा तोंगोन गोडकी,
कुलमडाया: रोमोड डा: गुरकी ॥२॥
कुलमडाया: रोमोड डा: गुरकी बोयोवा:
धोती ते जोठो:, बोयोवा: गामेछा ते जोठो:

११९०

पोखरा: हिड़ोते दुबला जा: जनमेसी:
मां दुबला जा: जनमेसी: ।
दुबला जा:ते योता २ धायते
लीला घोड़ा धायते, लीला घोड़ा धायते ।

(२८४)

लीला घोड़ा ते योता २ धांयते
राजा बेटा धांयते ॥२॥
राजा बेटा योता २ धांयते
रानी बेटा धांयते, रानी बेटा धांयते ।
रानी बेटा ते योता २ धांयते
लेवडीन भेवडीन धांयते ॥२॥
लेवडीन भेवडीन ते योता २ धांयते,
सर सिपाही धांयते ।
सर सिपाही योता २ धांयते
महतो भंडारी धांय ते, महतो भंडारी धांय ते ।
महतो भंडारी ते योता २ धांयते
पोःदाः भाई की धांयते ॥२॥
पोःदाः भाई ते योता २ धांयते
इसीट कुटुम धांयते, इसीट कुटुम धांयते ।

११६१

बृन्दा कीनिराः कोलेः को लड़ाई करायते
कोलेः को लड़ाई करायते ।
अपा हो मोइंज बिता ठांडो आः घाड राइज
मेलाय देशे धांयोः देश मेलाय राइज धांयोः रे ।

११६२

ओमपाय सितिल ते तेरोब नो मां,
बुःभी २ गुनाय २ लेमड उम रोः डेलता ॥२॥
इ करायींग बेटांग, इ करायींग बेटांग,
कायोम हारे बाहा जोराय उम रोः मानेता ॥२॥

११६३

अपा ते आबु हेःजोयेम मां ते हेःजोयेम रे
जे तोः रे कुलम उबार एकडी खपिया से तोः
कुलम अपा ते हेःजोयेम रे ।

(२८५)

११६४

उजड़े पोःदा ते कतारी इंग ओनोज,
हीन कतारी लङ्गब नो सेबोल रे ॥२॥
अव अव पोःदा ते समधी इंग जोरायोज,
हरे मां जोई पालींग नो उम्बोः ॥२॥

११६५

मुखन जे ओनोब अपा मुःट्टी भोरे,
मुःट्टी भोरे रे ।
हारा जे फेकायोः ईःफोन कोवा मुनुःसिंग
योलोःसिंग अरलोसिंग डेनेबलोसिंग रे ।

११६६

मनवाः जनम मां, मोंज जनम रे मनवा
जनम मोंज जनम रे ।
सारु उलाः डाः मां ढरके गोडकी,
हीन डाः गुर गोडकी तेलोंग तुता ते,
हीन डाः गुर गोडकी, जोरेल तुता रे ॥२॥

११६७

जनमायोब मां इञ्जाः जनमायोब रे
धुड़ी धुड़लोः ते जनमायोब ॥२॥
बुयोब मां इञ्जांः बुयोब रे
कुन्डा तोरेज बूंग, कुन्डा तोरेज बूंग बुयोब ।
हारेकीम मां जोई हारेकीम रे
छीपी डाः बूंग हारेकीम, लोटा डाः बूंग हारेकीम ।
ओबसोंगोब मां जोई, ओबसोंगोब मां जोई,
बीरु सीतील ते बेटी नो ओबसोंगोब रे
बीरु यो कोन लेमेड उम डेलता ।

११६८

उबने सुन्दर बंगेलाः राजा अतु चोलकी,
कोठोरी कोठोरी रानी इयांमता ॥२॥

(२८६)

कोसोर उलाः लेंगता रो चोलता
हीन घाय गा राजा लेंग की रो चोलकी ॥२॥
चीठी लिखाय रानी पतर लिखाय रानी
राजाः साड़ा सबद उम्बोःडेज ॥२॥

११६६

मुरगुवाः डांड ते बेर सोना ढरायते
बेर रूपा ढरायते ।
माईज उम ढरायते, अपाईंग उम ढरायते
कुण्डाबाः कुलामिंग रो नो ढरायते ॥२॥

१२००

अतु ताय सीरजे कीमोय रे मनेवा,
अतु ताय सीरजे कीमोय रे मनेवा ।
रुइदेश पटेना ताय अरेकीम रे मनेवा
गोटा दुनिया ते छपले कीम ॥२॥

१२०१

गोसोंय ते तेरोब अपा जोई,
राइज २ बुलायोः देशे २ बुलायोः ।
बाइजना को बाइजकींग अपा जोई
राइज २ बुलायोः देशे २ बुलायोः ।
डेना को डेलकींग अपा जोई डांडाः तुजी
ठेहुना चापुगा बसा गिताः गा डेलकींग ।

१२०२

अना अना कुलमडाय भंवरो. २ बीरु,
भांवरो २ बीरु रे ।
भांवरो बीरु कुलमडाय भीम्पा २
तुरता भीम्पा २ तुरता ।
भीम्पा तुरता २ कुलमडाय दिनों धोगेनांग
दोनों धोगेनांग ।

(२८७)

दीनों धोगेनांग नो कुलमडाय साका छुटे
नानांग, साका छुटे नानांग ।

१२०३

ठीसाये से बेवपरिया
ओरेज हीनते इ लाःधे सीःडेम ॥२॥
ना लागे जिरा ना लागे धनिया,
रेसेम को लाःधे नो सीःडींग ॥२॥

१२०४

आम सोउनांज मने मन गा आवकीम,
सुन्दर बेटी तबकार सुम्बोःते जनमे की ॥२॥
छुरी जो उम कुइता नो बोईठी जो उम कुइता रे
गलपुंग बूंग सेजींग सोउनांज सुंडरुइज रे ॥२॥

१२०५

गोबिन्द साय राजा गोबिन्द साय राजा
अता कोना अमाः हटिया, अता कोना अमाः हटिया ।
मुनुःसिंग योलोःसिंग राः राः हटिया,
बेन्दोरा राइज बाबा कनियाः हटिया ॥२॥

१२०६

लेरांग को मुःसिंगकी बेड़ो को ढड़के गोडकी
हो होरे बेड़ो को ढड़के गोडकी रे ॥२॥
बेटी नोजनमायोब मां ओः भोरे पतर रे ॥२॥
बेटी नो जन मायोब मां ओः भोरे यॅलॅंग रे ।

१२०७

इना रे जटा जोगी दुराते डोको कीम
दुराते डोको कीम ।
तेरगोडे किसड़ो डाय कोमसोर रुमकुब,
मासोवाः दाइल रे ।
ई यींज किसड़ों डाय कोमसोर रुमकुब
मासोवाः दाइल रे, इंग को डेलसीःडींग ।

(२८८)

बेइटनोम्मा: मला: बूंग, इंग को डेलसी:
डोंग कुटुम्मा: मला: बूंग ।

१२०८

जोड़ी नो तिरियो जोड़ी नो खु,
हारे जोड़ी छुटे गोडकी ॥२॥
तुता खोड़ी भांभ तोबलुंग खोड़ी खु,
हारे तीरीयो जुमेकी हारे खु जुमेकी ।

१२०९

जौवा: अंकाल ते गोहोम अंकाल ते नो मां जोई
होडोमा: कोले:, लीहोर लोहोर डोकोता ॥२॥
ओगा: कोले: लेंगकी रो चोलकी,
होडोमा: कोले: लीहोर लोहोर गा डेलता ॥२॥

१२१०

पाइलको:टा शहर ते इ सोधोम सोधोमता
इ सोधोम सोधोमता ।
राजा गोजकी रानी सती चोलकी
हीन सोधोम सोधोमता ॥२॥

१२११

ईना कुलमडाय इयांम कीम
इना कुलमडाय इयांम कीम ॥२॥
अमा: घाड गा कुलमडाय ओरेज कोन्तांग
बा: रुमकुब बूंग ओ: भोबरे योइज ॥२॥

१२१२

भीम भीमाइर भीमाइर नो मां
हारे भीमाइर डुलारो, हारे भीमाइर बलारो ।
भीमाइर भोरे पो:ठी डा: काडोंग भलकेता
हारे भीमाइर डुलारो ॥२॥

(२८६)

१२१३

इकुड डीसा: तेरोब नो मां जोइ कुसुरांगा
इघाय रो: कोंगिज ॥२॥
कोंगेंम कोंगेंम नो बेटींग सोना: चिट्टी रुपा:
चिट्टी लिखा डांगीज रे ॥२॥

१२१४

दुलुक दुसा दुलुक दुसा योयोज इंग को कोलेड चुंगडा:,
योयोज इंग कोलेड चुंगडा: रे ।
चुंगडा: गोडभुंगते कोनसेल मलकेता ।
सीलो: डांड ते कोनघेर मलकेता, ओ:ते हीनते
कंडाय बो: मलकेता पींडा ते बुढा मलकेता,
योयोज इंग को कोलेड चुंगडा: ॥२॥

१२१५

धीड़के की तीरीब मां धीड़के की तीरीब नो मां जोई
अता खोड़ी मां डा: नो गीमों: ॥२॥
कोरको:टा उला: बुंग तेलोंग इंग यीमोइज
हीन इडिब ते डा: नो गिमों: ।

१२१६

हरियारो बा: मां हरियारो बा: नो मां जोई
हरियारो बा: ते मां कोले: को जुभे गोडकी ॥२॥
बेरा: ओ:ते कोनसेल बेटी मां हिनकड़ा:
ओ: ते लेबु की जुभे गोडता की ॥२॥

१२१७

कोनोन मोनोन तबकार लोंगोय,
कोनोन मोनोन तबकार लोंगोय ते नो मां जोई,
अपाइंग भीली मीली पोखेरा लायो:,
भकमका पोखेरा लायो: ।
भीली मीली पोखेरा ते मां जोई चोंडेज काडोंग
हलका ते पो:ठी डा: भलकेता ।

ना लागे चोडेज ना लागे पोःठी डाः
जुंग जुंग कनियांः कोंगको भलकेता,
जुंग जुंग कनियांः बाहा भलकेता ॥

१२१८

सुरगुजाः चम्पा काली नो कनियां
भला चम्पा काली नो कनियां ।
सासुराः गोर गोरा बावनोमाः गोर गोरा
संभझाय डोडेम रोः नो कनियां ॥२॥

१२१९

घोड़ासार ते घोड़ा तोलते हाथी सार ते हाथी तोलते,
हायरे ए राम मुलुकाः राजा बेटा जोगी होइकी ॥२॥
खीरकी ते सोलोः भाबर ते कुंडाबसींगते
(चकार तो) करचा तोरोःता,
ए राम मुलुकाः (मालिक) राजा बेटा जोगी होइकी
ए राम मुलुकाः राजा जोगी होइकी ।

१२२०

अता कीनीर ताय मुंकी बार जोड़ी
तीरीयो जोरी खु हायरे ।
गीले बार तीरीयो डाँडाः घोःकोन
डाँडाः ते घुड़ी लेंगता रे ।

१२२१

अता राईज ताय डेलकीम रे बोई,
बोई लोरेंग बोः युंठोब रे ।
लोरेंग बोः युंठोब ढाला तरबंद रे
बोई लोरेंग बोः युंठोः रे ।

१२२२

टिरीटीपी कोनथेड, अते रे
कोनथेड डेरानोम गीमताःनोम ।

मां दुलारी अपा दुलारा हिनते रे
कोनथेड डेरानोम गीमताःनोम ।

१२२३

किनीर ते तोरोःता कुही रे बेसेरा
ओमपाय ते तोरोःताइज हरियारो कोलेः ।
अबु इयामना कुही अबु तोरोःना बेसेरा
आमते यो कोन जीयोम नाइग होरोजताईज ।

१२२४

कड़ाह प्रगना साखी सिंघ भोइंसी बांधा की
कड़ाह प्रगना साखी सिंघ गाया बांधा की ।
पैजकोम जे चोलताइज की लस कालावे
धुड़ी लेंग ताइय रे ।
पैजकोम ते योता २ मांझोंगाः चंदवा
तेज घालोः हयरे ।

१२२५

कीःते डिसाः ते ददा बनभारी कीनीर हयरे २
एनेम केकेगाः सोंगोल ओलोइज थाम टोंका कुयूते
डाः ओलोइज, मुइंग ठेकी बाः एनेम एंडी
डुरंग गोइज, मुइंग डेलंगी बीड बीड
कातोरे ते रामोइज, कीड़ोः नुनु ओलोइज,
बंबोईर राः राः ते हारेकींग ददा ।

१२२६

गुडलु गोलांग बिगोय बोंगोय कुदा गोलांग सिकोय
सोकोय रे । अना डिडा कोनसेल रे लम लम एबोःना ।
सारहोम तारेम कोम बूंग गोगेम लिटया तारेम डांग बूंग
गोगेम, अना डिडा कोनसेल रे लम लम एबोःना ।

१२२७

कोचाः बुयी गोलांग ओजे से गे मां जोई ॥२॥
रीमी रीमी कीमीन नोम भाइभोइ साइसोइ
गा डेलता नो गे मां जोई ।

(२६२)

१२२८

कोनोन मोनोन बाड़ी मां जोई हीरीमीचा
साः, मां हीरमीचा साः ।
हीरीमीची साः मां सोना लेखे राःकी
मां रुपा लेखे राःकी ।
सोना लेखे राःकी मां जोई घोल
टका गीनिग मां एकडी टका गीनिग ।

१२२९

गोडभुंग सांगोडना २ इंज को योयोज
लुआ राः राः, मां जोई इंज को
योयोज लुआ राः राः ।
लुआ राः राः मां जोई घोल कोस
जोड धांडी लाःता, एकडी कोस जोड मोहकेता ।

१२३०

लडाम बीरु चोलकीम नो रे ववा,
कीडोः रोःनो छेकायोः, बनाय रोःनो छेकायोः ।
तारे से ववा जोई सोनाः बन्वूक बुंग,
ठाल तरवाईर बुंग ।

१२३१

बीरु टेढेंगा, बीरु २ रटा टेढेंगा
रटा रटा हूँरे ।
जसपुराः राजा बेढा लाम लाम एबोःता,
इना टेढेंगा बोकोब युरबोखोब रे ।

१२३२

भोरे कीतभार ते तबकार जराः बेलोंगसीः ।
कौआः कोलो बोलो २ गामते मैना चरे बेरे २ गामते ।
अना से देवान जराः ज्योंःना
कौआः कोलो बोलो २ मैना चरे बेरे २ गामते ।

१२३३

सारु बीरु ते सकोए तोरोःता,
सकोए तोरोःता ।
ओले से मां जोइ जडाः तरवाईर
सुंम सुंम बरेछा सकोए तोरोःता ।

१२३४

सोनाः पाडसोर रुपाः कुण्डूः सोर
सुरुम चोलकी हाय हिरा राजा ॥२॥

१२३५

जोड़ा कड़रु पोखेरा ते ओड़ोः की हरे दइया
रोमोड् डाः गुरता ।
सावन भादो पोखेरा ते ओड़ोः की हरे दइया
रोमोड् डाः गुरता ॥२॥

१२३६

ओमपेंग डुरंगे आजी ओमपेंग डुरंगे आजी,
इंज् आजी चोनाइंग किनिर लमलम ॥२॥
खजाराः शब्द बुंग कोम मेलायोइज,
हाय दइया ठोःकी सुन्दर कुलामिगते ॥२॥
अबु इयांमना आजी अबु इयांमना,
इंज् होर्याकिंग अमाः डुलार सोउनोम ॥२॥

१२३७

अता तोः राजा जन्म डोठोब,
इःफोन कोना राजी ते तरोब ॥२॥
मंगरा आः तोःते जन्म डोठोब, राजा,
इःफोन कोना राजी ते तारोब ॥२॥

१२३८

आमते आमते वदा रुतु पेडना
बेर सिखायोः ॥२॥
इंगते २ बोइ रुतु पेडना,
दुमांग कोनसेल धोः सिखायोः ॥२॥

१२३६

कोनमँजरा बीर ते,
तोरेंग नो बोइ तोरोताज ॥२॥
धँसे गोइराम काः नोमम्रोडेबे,
तोरेंग नो गोइ तोरोताइज ॥२॥

१२४०

आम को आमको कुलु, गोइजकीम ताय जो,
आलोंग ताम, सिडकीम ताय जो दुरांगताम ।
इंग को उमिज आलोंगता उमिज दुरांगता,
कोसोर कोन्डेग आलोंगता घोड़ा पाता दुरांगता ।

१२४१

इजां: जोड़ी को ओमपाय तुडा: डोमकी
तुता तुडा: डोमकी, तुता लुंग लामना चोलकींग ।

१२४२

आनि से सहिया चोनानिग सोंगोल लामना चोनानिग ॥२॥
आनि से सहिया ते जोहार ना चोनानिग
आनि सहिया चोनानिग सोंगोल लामना ।

१२४३

हरे मामी जोई हरे मामी जोई
बेइटनोम ते सकोय डोडते ॥२॥
डोडते ला: डोड गुडु:
भगिना बण्डी घोड़ी गिनींगतांग तेरे ॥२॥

१२४४

महातो रे महातो,
कोनोन भरिया महा बांधो कोंगते ॥२॥
तुता तिज चुलु ऊःडेयोब तोबलुंगते भिमाइर ऊःडेयोब,
डो: गोडकी रे महा २ खंखड़ा ॥२॥

(२६५)

१२४५

मां जोइ किलिर किलिर, आले से कुडुः
पाही ते पुराइंग, कुलंग कलेड नुनु ओबुडिंग ।

१२४६

हरीयर मड़वा ते डोबकोयोब मां जोइ,
डुनु मुनु रे गाम टुये मां जोइ तोमलेंगाः गिनींग ।
तोमलेंगाः गिनींग रे बेटाइंज साड़ी घंघेरा
गाम टुइ मां जोइ तोमलेंगाः गिनींग ॥२॥

१२४७

इःफोन कुलम रे इःफोन कुलम रे
इःफोन कुलम आतिज आतिज होइकीमोय ।
रुसुंग रुसुंग (घोड़ा), बनवा तम्बा रसल
घोड़ा चोलकानकी बुंडु रे टमाड़ रे ।

१२४८

बुलीना चोलकीम हो आबा,
डोकोकीम हिन कयार लोंगोय ते ॥२॥

१२४९

हयरे सुन्दारो मैना रींगी चींगी पींजरा ते
आवकीम रे सुन्दारो मैना ।
रींगी चींगी पींजरा ताय मुःकीम रो चोलकीम रे
सुन्दर मैना सेमड़ी दार ते डोकोकीम रे सुन्दारो मैना ॥२॥
सेमड़ी दार ते डोकोकीम रे सुन्दारो मैना
डुबोः मुवाई लोडो लोडो, तोगोंन २ जपाः जपाः
गारो डेलता रे सुन्दारो मैना ॥२॥

१२५०

हयरे बड़ोम २ लेरांग, बेड़ो गहन लाःकी ॥२॥
तबकार उलाः हिलो डोलो सुन्दर राः इयाः
कीनभार ते रे बड़ोम लेरांग, बेड़ो ते गहन लाःकी ।

१२५१

डोभा: डा: डोभा: डा: गे मां जोई
डोभा: डा: झिली मिलायता ।
मन्डा भि:तार ते कुलु रानी गे मां जोई
इन्ववार राजा बुंग सुमांग डोमकी ।

१२५२

केसेल डाँड ते माँ जोई
खजर आरयो:ता ॥२॥
आँडीज खजर आँडीज सेलहोब
केलोम बो: अराम कुन्डू: डेलता ॥२॥

१२५३

हरियार बो: मडवा ते डोको सि: मोंय माँ जोई
कोरोब कोरोब रे
अते रो: ऊनसी:डेम नो माँ
तोमलेंग आ: गिनींग ॥२॥
तोमलेंग आ: गिनींग नो माँ जोई
साड़ी घँघारी झिलीमिली
हरियार डा: माँ तोमलेंग आ: गिनींग ॥२॥

१२५४

अपा जोई किनभर ते कुटुम
डोको सि: मोंय ॥२॥
बेटा: थोम बिहातेम
बेटीया: थोम बिहातेम
मुवई चरा की पीजतेकी
अपा जोई किनभरते कुटुम की
डोको सि: मोंय ॥२॥

१२५५

चोर्लकिंग डेलकिंग बेटी अमा: मला: बोंग ॥२॥
थाम जोरी जूता बेटी गोसोड गोडकी ॥२॥

१२५६

बिड़होएज, पेरवाँ, तोरेंग कोले:
रेका, मैना, रँजुवा,
दूर, रेका, राजो, कोले:, मैना, रँजुवा ॥२॥
सम्पड़ेना से सम्पड़ेना सोनोर गिनींग रुपा सम्पड़ेना
दूर रेका राजो मैना रँजुवा ॥२॥

१२५७

ईंजा: कुन्डब सींग ते गा
मडतीरीड सांगो,
ताँजकाए गोड़े कोनके: बीती छाता ॥२॥
मुनु:सींग ताए डेलता आडेल डा:
योनलो: ताए डेलता कोयो डा:
ताँजकाए गोड़े लेबु डाल डोमना छाता ॥२॥

१२५८

कोनोन जो हीरा पुर
महा जो हीरा पुर,
हाकिम पुर ते एड डोथो: ॥२॥
ओन्डरोए पेसे पो:दागा:
रे: कुलम की,
हाकिम पुर ते ओबसोंग गोठो: ॥२॥

१२५९

पैलको:टा गा: नागबँसी राजा रे
ऊ: छूंगकी लड़ाईयोब तोमोंगकी ॥२॥
डबनी आ: ढाल धोखो: बुची करछूल खँडा रे
लड़ाईयोब ऊ: छूंगकी तोमोंगकी ॥२॥

१२६०

मां को ईयमता
मोएँज कडैर सागा: थोंग ईयमता ॥२॥

अपा को ईयमता

मोएँज लोटा डागा: थोंग ईयमता ॥२॥

वदा को ईयमता

मोएँज रोनोल अनरगीया: थोंग ईयमता ॥२॥

१२६१

जा:ती भलेंग बीरु कुनॅग घाट गोडभूँग

जहाज नाईंग ऊम डेलता

जहाज नाईंग ऊम डेलता रे ॥

ओले से माँ सोनोर आ: बोलुआ

रुपा गा: तारवाईर

हरा हरा डेएज गोईडिंग

ऊला: ऊला: छटाईंग

जहाल नाईंग डेलकानना

जहाज नाईंग डेलकानना रे ॥

डेरा ओले माँ, डेरा ओले अपा

किनभर ते भरिया तोगोंन कीमोंय

खिरकी ते जहाज नो तोगोंन सि: ॥२॥

डोकोना से बेटाईज,

डोकोना से कुन्डु: नाईज

ऊ मड़वा तूता ते डोकोना

ऊ मड़वा ते डोकोना ॥

१२६२

सीकसुरा टमाडीह नो माँ

दुन्वू कछार बेन्दोजोर नो माँ

मो:भी ते तामरा नो माँ

एंडी आ: बोकोब ते

फूदना भबरे सि: ॥

डुरॅंग ताईज कोनसेलनो माँ ॥२॥

एंडी आ: बोकोब ते नो माँ

फूदना भबरे सि: ॥

१२६३

खिरोम सिनींग ते खिरोम सिनींग ते नो माँ
 अतु चोनम कडोंग नो माँ
 अतु चोनम कडोंग ॥
 तूता दोरहो ते सोंगडाः
 तोबलूंग दोरहो ते भिमरीनो माँ
 अतु चोनाम रे कडोंग नो माँ
 अतु चोनम रे कडोंग ॥
 मोएँज कोंगडाः ते
 ऊबर आएज डोंग आछोएज नो माँ
 अतु चोनम कडोंग नो माँ
 अतु चोनम कडोंग ॥
 मोएँज धोः डूः धोःखोएज
 ऊबर धोःडूः धोःखोएज नो माँ
 अतु चोनम रे कडोंग ॥

१२६४

टम टम डीपू मां
 टम टम डीपू नो माँ
 टम टम डीपू माँ
 लेबू की भोरे कीमोय ॥२॥
 राँची ला डूरंडा ॥२॥
 सीकसुरा टमाडीह
 लेबू की भोरे गोडकीमोए ॥२॥

१२६५

गोसाँई ते तेरोएज बेटी
 मानेनाम नो ऊम्बोः
 बेटी बुःभीनम नो ऊम्बोः ॥
 मानेना को मानेनाईंग
 बुःभीना को बुःभीनाईंग
 राईज मेलय पोःदा बोर बोरता ॥

१२६६

नीम ऊलाः भीली मिली
 कायर ऊलाः हरियार ॥२॥
 अना से अराम बिरन्दा किनिर
 बिरन्दा किनिर ईकुड डिसाः ॥२॥
 अराम गामते अना अना
 कुलमडाए गामते अले अले ॥२॥
 अना से अराम बिरन्दा किनिर
 बिरन्दा किनिर ईकुड डिसाः ॥२॥

१२६७

बीह आ उलाः योता हरियार
 अपा जोई किनिर किनिर गा लड़ाईता ॥
 रानी रे रानी कोडपुडुः सोरी आअ नाम
 बोकेर सोरी आवनाम
 पुर नोम ते ओबड़ोःखोब
 केल नोम ते ओबड़ोःखोब ॥

१२६८

मोएँज पोःदा ते आवकीनेंग
 कुलम कुलमडाए डोम
 कुलमडाए ते डोडकनोः की ईकुड डिसाः ॥२॥
 कुलम आः बिहा ते अंजोरे से कुलम
 कुलमडाए ते डोडकनोः की ईकुड डिसाः ॥२॥

१२६९

गोनमेर ईकुड मतवार
 एले ते लेमेड जो ऊम डेलता ॥२॥
 अबु होरोएज ना कुलमडाए
 अबु हेःजोये कुलमडाए
 ईआंः बेटाईंग राजा दरबार डोकोसिः ॥२॥

(३०१)

१२७०

तोमने तोमने कुःडिंग
तोमने तोमने पेठिया
अना सहिया चोनातंग
बडके: खोमसो सोंगना ॥२॥
सोंगना को सोंगेनेंग
ओलना को ओलेनेंग
ओ: तेगा आइज कोनघेर
ताला लगाए कलसा रंगाए
एनेम बाएज कन्डाए ॥२॥

१२७१

गुरगु:डी लो:स्त्रा
कुनेंग बो: पिन्डा ते
अना नना किजते आबना नेंगडिन्डा गा ॥२॥
आम धोगेम सोना रूप्या
ईंग धोंगिंग कन्डाए
घोल ऊबर भरिया:
घोल ऊ:फे पोखरा:
डा: उडता उडता
डोडिंग कन्डाए ।

१२७२

बोकोब के: बेटा ते बेटी ऊमिंग तेरे,
बेटी ऊमिंग तेरे ॥२॥
तारन ते गोगे कुबड़ी गेंडुआ
ती: ते धोगे नाधा अरई
होकड ते तेरिंग अलार बेटी ॥२॥

१२७३

ओमपाय जोडागा: खजर ॥२॥
खजर नारा गोजलो: ते आरजो:ता ॥२॥

डा: ऊडे से खजर
भिल्लिमिली भकामका निरामला
पोखरा: डा: ऊडे से खजर ॥२॥

१२७४

कोनोन मोनोन तपकर दारू
कोनके: सुम्बो: लभईर दाईया ।
मैना को चेरे बेरे कौआ: को कोलो लोलो
टुकनू धोगे बेटी, खों:चा बाये बेटी
जरा: ते राम ओलेम ।

१२७५

पोखेरा रे पोखेरा
हारे पोखेरा सौरिंग आ: दुरा ते डोको सि: खँखड़ा
सौरिंग:आ दुरा ते डोको सि: रे खँखड़ा ॥२॥
मुरडा: सावन भाबो लेरँग ते
खँखड़ा हे:जो हे:जो बु:भी बु:भी
रोमोड डा: लेंगेता ॥२॥

१२७६

सहिया रे सहिया
मोएँज गा भेन्तु ते डोकोनानेग ॥२॥
लोटा डा:, खों:चा ते ओमपेंग कायर ऊला:
धोखोब सहिया जोराएना ॥२॥

१२७७

कबाडी एबो:गा
कबाडी तपकर बो: ते आवकी ।
गाय छान्द छन्देयो:
भेंस छान्द छन्देयो:
कबाडी तोमलेंग रोएज कोन
कबाडी तपकर बो: ते आवकी ।

१२७८

मोएँज कायर ओनो:

ऊबर कायर ओनो:

हो कायर ला:की

कायर बगोईचा हँसा जोरी ॥२॥

मोएँज बेटी जानमेकी

ऊबर बेटी रे

हो बेटी ला:की

कुटुम्ब बोंग हँसा जोरी ॥२॥

१२७९

बीरोम दीरोम रे केन्डोर बो:

दीरोम दीरोम बीरु ते डेबनाम ॥२॥

मुरुन लठा ओँ:ता २ केन्डोर बो: पालटेकिम

बीरोम दीरोम केन्डोर बो: डेबनाम ॥२॥

बुढ़ी सिगकोय ओँ:ता २ कन्डाय बो: पालटेकिम

दीरोम दीरोम कन्डाय बो: बीरु डेबनाम ॥२॥

१२८०

ऊड़िया पुरते अपा ॥२॥

ऊम कुईता अपा जाईत नो गोतिया ॥२॥

गोतिया: मला: बोंग बेटी तेरोएज

ऊम कुईता अपा जाईत नो गोतिया ॥२॥

१२८१

कोले: जे तोरो:ता किनीर

किनीर बेसरा तोरो:ता

भरिया भरिया कोईल तोरो:ता ॥२॥

अबु तोरो:ना बेसरा

अबु तोरो:ना कोईलो,

अमा: ईजा: मोएँज गा किलपाईत हाल ॥२॥

१२८२

कुहु को गामते कोईल कोनथेड रे ॥२॥
कोईलो कोनथेड नन्दान तोरो:ता कुलम रे ॥२॥
कुहुआ: मला: बोंग लेटे: इँग ओनोएज
कुहुआ: मला: बोंग सरकोए इँग ओनोएज
कोईलो कोनथेड नन्दान तोरो:ता कुलम रे ॥२॥

१२८३

सीसी लो: ते हारे गोडभूँग ओसीठोएज
हारे गोडभूँग ओसीठोएज ॥२॥
उतुन गोड़े माँ जोई ओबयो गोड़े माँ जोई
हारे गोडभूँग ओसीठोएज ॥२॥

१२८४

बीरू नो सीतील ते सीलो:तम् कोनघेर
लिली को गामते ॥२॥
लिली को गामते ॥२॥
पैलको:टा: शहर ते
होन बड़ी सोंगोल, होन बड़ी ऊला:
लिली को गामते ॥२॥
लिली को गामते ॥२॥

१२८५

कटा: जूता को कोडिल गोटकी
जहांगय जूहूँगूइ ओ: अपा ॥२॥
अडिया: केन्डोर बोयो बोंग यूँडते ॥२॥
कोड़ीआ: धोती कोडिल गोटकी ॥२॥
जहांगय जूहूँगूइ छता अपा
अडिया: केन्डोर बोयो बोंग यूँडते ॥२॥
मञ्जोंग आ: चन्दवा कोडिल गोटकी ॥२॥
जहांगय जूहूँगूइ ओ: अपा
अडिया: केन्डोर बोंग यूँडते ॥२॥

कोंगको आः मला कोडिल गोटकी
 जहांगय जहूँगूइ ओः अपा
 अडियाः केन्डोर बोंग यूँडते ॥२॥
 सोःलुईयाः खोमसो कोडिल कोडिल गोटकी ॥२॥
 जहांगय जहूँगूइ ओः अपा
 अडियाः केन्डोर बोंग यूँडते ॥२॥

१२८६

खड़िया ईकुड बुलबुल
 तवा हिन्ते मांया गुंजरेता ॥२॥
 नायगोम रे नायगोम कुलम
 लवाँग हिन्ते घना गुंजरेता ॥२॥
 तोमकइ रे तोमकइ कुलम
 चका हिन्ते लोःखा गुंजरेता ॥२॥
 चिःको रे चिःको कुलम
 हँथा हिन्ते डोंगी छलकेता ॥२॥

१२८७

कालीघाट शहर ते
 लूवाँग आः खानी रे
 लुवाँग हिन्ते रेल चोलता
 रटा जोकोर किनिर ते ।
 रानीगँज शहर ते कोयलाः खानी रे
 भिःतार तेको तिमसोंग डाः
 बाहेर तेको लुवाँग लती
 लूवाँग हिन्ते रेल चोलता
 रटा जोकोर किनिर ते ।
 मुनूःसिंग योनलोः आरलोः डेबलोः
 लुवाँग हिन्ते रेल चोलता
 रटा जोकोर किनिर ते ।

१२८८

माँ अपा: ओ: ते
 रनकेता रतू ॥२॥
 नो सोधमता ॥२॥
 भि:तर तेको बा: रुमकूब
 बाहेर तेको ओरेज मेरोम,
 खिरकी ते लीला घोड़ा तोंगोन सी:
 अतु अमा: डेरा, अतु अमा केलो:
 माँ अपा: ओ: ते रनकेता रतू
 रनकेता रतू नो सोधमता ।

१२८९

मोएँज लो:खा हित्ते
 आवकीनँग कुलम कुलमडाए रे ॥२॥
 कुलम आ: बिहा: थोम अंजोरे से कुलम ॥२॥
 कुलमडाए ते डोड कनो: की डोनजांग पुर ॥२॥

१२९०

जानमो जानमोगा नो माँ
 जानमोआ: सोमधी अपा जोड़ायोब रे ॥२॥
 तोबलूंग ते को पोनोमोसोर
 तूता ते को मोलोय कुलम
 जानमोआ: अपा सोमधी जोड़ायोब ॥२॥

१२९१

तेरिगा: डाँड ते
 कुलामींग एबलौंग की ॥२॥
 माँ गोएज गोडकी अपा गोएज गोडकी
 महा कुलम चोलकी डोनजाँग पुर
 बेर ला बेर कुलम तेरो: तिलासरी ॥२॥

१२९२

बगोईचा ते भि:तर ते
 इ तारकेल तारकेलेंगता ॥२॥

आंडीज सोनोर आंडीज रूपा
कुंडबाः कुलामाः मंयोंगआः
चन्दवा नो तारकेलेंगता ॥२॥

१२६३

भिल्ली मिली पोखरा
हित्ते माँ ऊवाः डेनम
हित्ते अपा गुजूँग डेनम ॥२॥
गुःथे गुजूँग होईकी सम्पड़ेकी
माँगाः पांगोड मुसनींग गा
अपाः पांगोड बारतोः गा
केन्दोर आः पांगोड जानमो जानमो ।

१२६४

इना ला कमल कुवाँर
कमल दोरहो ते ऊवाःतम
कमल कुवाँर कमल
दोरहो ते ऊवाःतम ॥२॥
राजा गुने मानेतींग
देवता गुने सेवातिंग
कुटुम्ब गुने बोकोब ओडुछोएज ॥२॥

१२६५

दिर्लिग दिपीड़ दिर्लिग दिपीड़ लाएज कबरा
बोकोब भकड़ी हाय रे ॥
हायरे हाय इँजाः कामू बेड़ो योलोःता ॥२॥
मुगम योतींग मुगम जो ऊम्बोः
कुन्डब योतींग कुन्डब जो ऊम्बोः ॥२॥
हायरे बाइया इँजाः कामू बेड़ो योलोःता ॥२॥

१२६६

ओलेसे रे माँ जोई छेछरा गुंगू
इंग को भुतीना चोनाईंग ॥२॥

मुगम तीईज कुन्डू: कुन्डब तीईज गुंगू
कुन्डू: इयमता कीलिर कीलिर ॥२॥

आले सेरे कुन्डू: गोडभूंग
ओतूडना तेरे होल गा: कुलंग
कलेड ननू ऊबूडींग ॥२॥

१२६७

कुँवा जो आजोड की
पोखरा जो कोसोर की
अतु ताय डेना जोगिया डा: कुलम रे
अतु ताय डेना जोगिया डा: ॥
डोईर जो तेजकी
साजू जो पा:की
अतु ताए डेना जोगिया डा: कुलम रे,
अतु ताए डेना जोगिया डा: ॥

१२६८

खिरोम सिनींग ते भोरा बेटा
बनसी एबो:ता ॥२॥
बनसी आ: डोईर तेजकी बनसी सीड गोदकी,
भोरा बेटा हे:जोना ला:सी: ॥

१२६९

ओसेल तिरीब नो माँ
देशे बूलीता राजी बुलीता ॥२॥
मोघेर तिरीब नो माँ
देशे बुलीता राजी बुलीता ॥२॥

१३००

ऊमडा रे ऊमडा
हरा मेलय ऊला: ते लूकूता ॥२॥

ढराय काये सोनेरा
अंगरीयाः मुःधी
ढराय काये सोनेरा
कटाः जूता
ढराय काये सोनेरा
भूलू आः जँधीया
ढराय काये सोनेरा
कोड़ी आः धोती
ढराय काये सोनेरा
लाएज आः पटावरा
ढराय काये सोनेरा
मज्जोंगाः चन्दवा
ढराय काये सोनेरा
कोंगको आः मुंगा
ढराय काये सोनेरा
लूतुरा आ मुन्दरा
ढराय काये सोनेरा
चुन्वी आः खोमसो
ढराय काये सोनेरा
बोकोब आ बोकाब केः
हरा मेलय ऊलाः ते लूकूता ॥

१३०१

हिरीमिचा साः नो माँ
ऊसलोः ते केन्डोड तोरोःता ॥२॥
मोघेर तीरीब नो माँ
ऊसलोः ते केन्डोड तोरोःता ॥२॥

१३०२

महा कुलामाः किनभर ते,
कुन्दरीयाः मचा ॥
कोनोन कुलामाः किनभर ते,
पान आः लरँग ॥२॥

पान ते ज्यों:ता ज्यों:ता
गोने ते रांजेकी ॥
लामे से रे अपा जोरोल डा:
बरा बाईर,
कुन्डब सींग बरा बाईर
इंजा: जोड़ी कन्डाय ॥२॥

१३०३

पाघा जोड़े जोड़े रे घांटो
खीरोम सीनींग ते खीरोम सीनींग ते
आरेकिमरे घांटो ॥२॥
मुनू:सींग ताय आरेकिम रे घांटो
कोयलो सिनींग ते खीरोम सिनींग ते
आरेकिम रे घांटो ॥२॥

१३०४

बेरोडना से बेटाईंग
रुसुंग ओरेज खो:तांग ना
चौरा ओरेज खो:तांग ना ॥
आले से रे मां जोई
सिंगकोय सुलना तेरे
सिंगकोय सुलना तेरे ॥

१३०५

गोडभुंगा: तारोब दारु
ईघाय केलोम लुकू बेलोंगसी: ॥२॥
उगुर काय मां जोई ॥२॥
बेतोड बोंग को डुडूई जोमतेंग
बेतोड डा: बोंग को जपा: जोमताईंग ॥२॥

१३०६

पोखरा लायोब अपा जोई
हीरा गु:ड लोरेंग बो: डा: ॥२॥

कायार ओनोओब अपा जोई
हरियार डाः कायार ॥२॥
डाः ओलना चोलकीम रे माँ जोई
हीरा गुड लोरेंग डाः डोकोकीम ॥२॥
हो रूगूम लोंगोय ताय बेरोडुतम उम्बोः
चोलतम उम्बोः ॥२॥

१३०७

कोनोन मोनोन काडलांग
सोंगे से अपा जोई ॥२॥
इंग को चोनाइंग काडलांग एबोःना ॥२॥
भाड़ी कोनथेड तारोज फुचफुचीया जाको तारोइज ॥२॥
खीरोम कोनथेड खीरोम कोनथेड
खीरोम सिनींग ते डोको सीः गा ॥२॥

१३०८

तीडेइल खुंटो ते डोकोकीम रे कौवाः
डोकोकीम रे कौवाः ।
लुतुर डोम ठीपीर ठीपीर
मोड डोम मुटूर मुटूर
आलेंग गोएजता रे कौवाः
आलेंग गोएजता रे कौवाः ।

१३०९

खीरोम ओम्पाय ते कडोंग गिराना चोलकींग,
गिरा नाँज ते इरीब दुईयोज
गिरा नाँज ते मेलाय दुईयोज
गिरा नाँज ते इरीब दुईयोज ।
आना से माँ जोई गिरा नाँज ते लामना
गिरा नाँज ते इरीब दुईयोज
गिरा नाँज ते मेलाय दुईयोज ।

१३१०

अता कोचा ते तिरीब ओडेब तेएज माँ जोई ।

अता कोचा ताय डेलताएज

रासम गुड डाः डेलताएज ॥२॥

मुनूःसींग ते तिरीब ओडेबतेज माँ जोई

घोनलोः तीईज गीमतेज रासम डाः

गीमतेज रासम डाः ॥२॥

१३११

अता किनीर ताय मुः गोडकी

जोड़ी तिरीयो जोड़ी कोन्डेंग रे ॥२॥

तारे से तिरीयो सोंटी धोगे,

धोःता २ डनडाः ते धुड़ी लेंगता ॥२॥

१३१२

मुरडाः तोः नो बोई

गुंगू नोम मुरुम चोलकी ॥२॥

साः लुराय बोंग की बोई,

केन्डोर नोम खिरसोमें ॥२॥

१३१३

भेरनीयाः बुदा नो मां

भेरनी बुदा दुलूक कुसा ॥२॥

बेटा जन्म नो माँ

बेटा जन्म ओः जोंगोड ते ॥२॥

बेटी जन्म नो मां

बेटी जन्म मांगाः पुर मेलाय ते ॥२॥

१३१४

किःथोन ऊसलोः डाःनो माँ,

आजोड गोडकी रे ।

मानोवा की जन्मे की मोए आयो

मोंएग जन्म रे ।

१३१५

बेरा: लील भण्डा,
 भेनतु ते तारदी सालगाये,
 केलोम बो: कन्डाय ओले ।
 राजा: लील भण्डा,
 किनभर ते मड़ोवा सुम्मे,
 मेया: बेरा ते बिहा तेरे,
 भेनतु ते दियोम सलगाय,
 केलोम बो: कन्डाय ओले ॥

१३१६

जुरकेलिया भाईया रे किड़ो: ते
 कोंगतेम नो ऊम्बो:,
 जुरकेलिया भाईया रे ॥
 पता डोमको योता एँडीगुड्
 काटा डोमको योता थोपागुड्
 बोकोब डोमको योता गॉनबिडगुड्
 मोड डोमको योता बिजलीगुड्
 तोमोड् डोमको योता सोंगडा:गुड्
 जुरकेलिया भाईया रे ॥

१३१७

बेड़ो लेरेंग अपा
 ओलेड् डोमकीमोंय, ओलेड् डोमकीमोंय ॥
 मुसगा: तो: अपा
 काल होएकी गोनोंएज् होयकी ॥

१३१८

लोरेंग बीरू ताय आरेकीम रे अपा ।
 आजोडा: पूर ते आजोडा: गढ़ बायोब ॥२॥
 आजोडा: पूर ताय आरेकीम रे अपा ।
 राएलोंग किनिर ते राएलोंग गढ़ बायोब ॥२॥

राएलॉग गढ़ ताय आरेकीम रे अपा ।
 डेलडा: पूर ते डेलडा: गढ़ बायोब ॥२॥
 डेलडा: पूर ताय आरेकीम रे अपा ।
 पा:टो पूर ते पा:टो गढ़ बायोब ॥२॥
 पा:टो पूर ताय आरेकीम रे अपा ।
 आँजोर ते बसाली गाय
 आँजोर ते बसाल ओरेज ॥
 आँजोर ते बसाली गाय नोम रे अपा ।
 हिरा पूर ते भुँईहर पा:टो तोलकायोब ॥२॥
 हिरा पूर ते भुँईहार पा:टो तोलोब नोरे अपा ।
 सारोब रो सरना ते बायोब ॥२॥
 सारोब रो सरना ते बायोब नोरे अपा ।
 पोनोमोसोर पा:टो ते सेलोब ॥
 पोनोमोसोर पा:टो ते सेलोब नोरे अपा ।
 कुन्डू: नोम की भिरी हिरी एबो:ताकी ॥२॥

१३१६

हो होरे मरा: हो होरे मरा:
 ईजा: कोसु ते बेर समढाय रे मरा: ॥२॥
 अपा जो ऊम समढाय
 ईजा: साँगो समढाय रे भाईल मरा: ॥२॥

१३२०

घोल गोठँग कुलम एकड़ी गोठँग कुलम
 घोल गोठँग कुलम सिलो:ताकी
 एकड़ी गोठँग कुलम लयलयताकी ।
 घोल गोठँग डोनकुइ एकड़ी गोठँग डोनकुइ
 घोल गोठँग डोनकुइ पोयोरताकी
 एकड़ी गोठँग डोनकुइ गोलजो:ताकी ॥

१३२१

कोनोन मोनोन राजा देवनाथसाए आ: बेटडोम ॥२॥
 हाय पाएज्कोम सोरी ईयारी जोरायोब ॥२॥

तेर गोड़े राजा बेटा तीगाः कड़म
 तेर गोड़े राजा बेटा लुतुर आः सोना
 हाय पाएज्कोम सोरी ईयारी जोरायोब ॥२॥

१३२२

चिरचिठी चिरचिठी बिस्ते हो चिरचिठी बिस्ते
 कोलेगाः ठांडोरे, हो कोलेः तरता तरता बयोजगा
 टीहली बयता बयता हो टीहली योता योता
 रायमुली कनियां बोरोब ।

१३२३

कोनोन महा ओमपाय जो नो मां
 ओमपाय भोरे गोड्सिः ।
 मां इघय पारो की अपा इघय पारो की
 मोलोय एकड़ी खाडू काबसँग डोमसिःमोय
 हायरे तुकार डोमसिःमोय ।
 मोलोय एकड़ी खाडू तुकार डोमसिःमोय
 रोनोब किनिर बिजोम किनिर ते दुन्दुआ
 को सोधोमना लाःसिः
 रोनोब किनिर बिजोम किनिर ते ॥

१३२४

हो होरे हिरापुर हो होरे हिरापुर
 कुन्दुःनोम की डेलकीमोंय अमाः ते
 बेटनोम की तोगोंनकीमोय अमाः ते ।
 हो होरे हिरापुर हो होरे हिरापुर
 कुन्दुःनोम ते ओबयो-योब बीरु बेड़ा किनिर ओमपाय
 बेटनोम आः थोम तोलकायोब बांधो बेड़ा गोज्लोः डांड ॥
 हो होरे हिरापुर हो होरे हिरापुर
 कुन्दुःनोमाः थोम बायकायोब ओः दुवार
 बेटनोमाः थोम तोलकायोब पेईठपालो ।

हो होरे हिरापुर हो होरे हिरापुर
कुन्डुःनोम ते ओबुठोब् जोंगेंम तोमलेंग
बेटनोम ते ओबजोंखोब् जोंगेंम तेरोम ॥

१३२५

अतु ताय आनजोर नोम मुगाम नोम खड़िया कुन्डुः
अतु ताय जोरमे ठांडो नोम हो होरे खड़िया कुन्डुः ॥२॥
डेलडाः पाःटो पुरते आनजोरनोम
मुगाम नोम खड़िया कुन्डुः
चुटिया नागापुर ते जन्मे ठांडो नोम
हो होरे खड़िया कुन्डुः ॥२॥
मां अपा हिरा लेखे चुटिया नागापुर
कुन्डुः नोम ते जोंगेंम तोमलेंग ऊबुठोब्
बेटनोम ते जोंगेंम तेरोम ओबजोंखोब् ॥२॥
मां अपा हिरा लेखे चुटिया नागापुर
कुन्डुः नोम ते सोःतो खन्डा ओबधोखोब्
बेटनोम ते सोःतो खन्डा ओबधोखोब् ॥२॥
मां अपा हिरा लेखे चुटिया नागापुर
मोलोय गोठांग सिगकोयते सुंगुठोब
मोलोय गोठांग सिगकोय ते दाड़ोम तेरोब ॥२॥

१३२६

हाय हाय हिरापुर हाय हाय हिरापुर
लुसुइ डोमकी बीरु बेड़ा किनिर ओमपाय
लुसुइ डोमकी बान्धो बेड़ा गोजलोः डांड ॥२॥
हाय हाय हिरापुर हाय हाय हिरापुर
लुसुइ डोमकी ओः दुवार, लुसुइ डोमकी पेईठ पालो ॥२॥
हाय हाय हिरापुर हाय हाय हिरापुर
पाःकी तोमलेंग भन्डा, पाःकी तेरोम चुकाः ।

१३२७

हाय रोम्भो राजा हाय डकई रानी
आनी से चोनानिग आनीयाः पुर ॥२॥

आनिया: पुर को डा: उसलो: जला जपीडपुर
आनी से चोनानिंग आनिया: पुर ॥२॥

हाय पोनोमोसोर हाय गिडींग लेरंग
उतुननाभेरे उतुनोब गामनाभेरे गमोब
आनी से चोनानिंग आनिया: पुर ॥२॥

हाय कोंगकोवा: माला हाय अंगरीया: मु:धी
हाय मरा: कलगा, हाय लुकूई जोनो:
हाय जो: डोडेम, हाय मुठय डोडेम
हाय लुलूंग डोडेम, हाय कुन्डुम डोडेम
आनी से चोनानिंग आनिया: पुर ॥२॥

हाय जोरमे ठांडो हाय कुन्डू: हकोन
हाय लुलूंग डोडेम, हाय कुन्डूम डोडेम
आनी से चोनानिंग आनिया: पुर ॥२॥

१३२८

मामू जोई पिडां ते ई जरांग २
मामू जोई पिडां ते ई जरांग २ ।
मामू जोई ऊजे:गा नो किमिन कुन्डु: हेके ॥२॥

१३२९

अपाईज आ: ओ: दूरा भिली मिली भका मका
हाय दाईया बिजली लेखे तारकेलेंगता कुलम रे ॥२॥
खुंटो जो सोना: खुंटो तेलोंग जो सोना: तेलोंग
हाय दाईया बिजली लेखे तारकेलेंगता ।

१३३०

गोडभुंग संगोड संगोड
योयोज लुआ रा: रा: ॥२॥
लुआ रा: रा: नो मां घोल लो:खा
मोहकेता ईकडी लो:खा मोहकेता ।

(३१८)

१३३१

नोला नोला मेरोम गुपाः
मोलोय इकड़ी पेरवां ते योयोब नो उम्बो ॥२॥
योना को योयो ला
अण्डारी पण्डारी दरू ते डोकोकीमोय
मोलोय इकड़ी जोड़ा हराः दरुते डोकोकीमय ।

१३३२

कोनोन मोनोन चवड़ा नो मां
मुजडाः साः लेदेम लेदाः ॥२॥
मां गाः बोरोल बोःताय अपाः
बोरोल बोःताय नो मां ॥२॥
कामकोन गाजकोन ओबडोंगीज मां ॥२॥

१३३३

जोड़ी जोड़ी कोनसेल
डाः ओलना चोलताकी ॥२॥
जोड़ी जोड़ी कोनसेल डाः ओलना चोलताकी
रोमोड डाः गुरता रोमोड डाः लेंगेता ।
धांय से ला कुलामिंग मां ते ओबडोरेम अपा ते
ओबडोरेम ईंग उमींग चोना रोमोड डाः लेंगेता ।

१३३४

सीसी लो डांड ते तीडेइल बुदा पोडकी
कोनथेड डोकोना चोलकी ।
काः ओले मां कोम ओले मां
कोनथेड तरना नो चोनंग मां ।

१३३५

काकडोम भतिजा डोमाः बेटडोम नो मां जोई
ओसेल २ घोती ओसेल २ गमछा ।
ओसेल २ लुतुइ नो मां जोई

तारदी लेखे सलगाय गा डेलता
तारदी लेखे सलगे गा डेलता ॥

१३३६

कोरकोःटा किनिरते लीला खजर तोरोः गा चोलता
तारे सोबरेयेबर ऊबर गोली ऊबर पाएजकोम तारेबार रे,
तिः ते काः कोम तारान ते बन्दुक नो ऊबर
पाएजकोम् ऊबर गोली तारेबार रे ॥

१३३७

हाय रे जटा गोसाईं, दुरा ते डोकोकिम
हाय रे जटा गोसाईं, दुरा ते डोकोकिम
तेर गोड़े किसडो डाय कोमसोर रूमकुब कोड़ाऐजाः दाईल ।
ईइंज किसडो डाय कोमसोर रूमकुब कोड़ाऐजाः दाईल ईइंज
ईंज डेलकिंग कन्डाय आः मलाः बोंग ।

१३३८

सेमडी दारू ते अंगुल हरा अंगुल हरा
राः राः गाः मलाः बोंग रास आः
मलाः बोंग, मोयना अंगुल हरा अंगुल हरा डोकोतम ।

१३३९

मामी जोई बन्धो तुताते ई जड़ांग जड़ांग
मामी जोई बन्धो तुताते ई जरांग जरांग ।
भगीना बहाः जोड़े कयोम्माः हरे कन्डाय भगीना
बहाः जोड़े कयोम्माः हरे कन्डाय ।

१३४०

खिरोम पारोवाः सोमधी नंग मां जोई
हो सोमधी उम्ब गारोः डेलता ।
सावन भादो आः गोलांग मां जोई
हो गोलांग लोरोःनो गोडकी हो गोलांग पचेनो गोडकी ।

(३२०)

१३४१

बीरोम बोः डाः डेलता कनडाय कुण्डु बोकोबाः
सुन्दरोम नो सुडता ।
लुतुय धोगे बाबु छाता धोगे कनडाय कुण्डुः
बोकोबाः सुन्दरोम सुडता ।

१३४२

ओमपेंग लामे आजी ॥२॥
ईंग चोनांन किनिर नो लामलाम खजाराः बढकेता
कोम ईंग नो तुंजोज ।
ठोः गोडकी केलोम बोः कुलामिगते भाःटा डेजता
डेजता कुलामिगते डालोज गोघनी ई योकोन लेंगताम ।

१३४३

सेम्बो राजा अरेकी हेडुंग ठांडो अकय किनीर ॥२॥
हेडुंग हेडुंग जोहारओ पोनोमोशोर अपाते
हेडुंग हेडुंग जोहारओ बेडो लेरांगते ।
सोरीते सोःतो खण्डा सोरीते बसाली गाय
अंजोरोः हेडुंग ठांडो अकय किनिर ते ।

१३४४

साः कमना चोलकीम
ईटा पटाय बाडी ते चोलकीम ॥२॥
सीडीज लेखे रोठोब सुःत्रोम लेखे जीयोम
नंगते ताछोब ॥२॥

१३४५

जनाव नेंग जीबडोम की ओसगाजाः अपा
कोंगको आः जनाव नेंग जीबडोम की ॥२॥
बंदोई लेरांग डाम गुडु कुण्डुनंग बसाली
गायाः दिमतंग बिनघोडोमते तोलेम सूरी
कपली गायाः बिनघोडोमते तोलेम ।

(३२१)

१३४६

बोरोल लोःखा: ओ: बायोब नो रे अपा
बोरोल लोःखा: ओ: गुरगोडकी ।
गुरना को गुरकी अपा तंग गारो:
बार्यींग, पैलको:टा: मुन्दरोम डा: तारदी
सालगे ना भेरे बार्यींग ॥

१३४७

डेलकी मोंय गोतिया, बेलकाये भेनतु
आराम कुन्डु: डामकी ॥२॥
ओले से रे बेटिंग लोटा ते डा:, काटा
नो गुजुंगे, आम तेरे बेटिंग बोरोल ओं:ना डोड़े ।

१३४८

किनिर राईज तेरोब अपा किनिर राईज तेरोब ।
किनिर गोडभूंग अपा एबलोंग गा कोनथेडा: तोरो: ऊम्बो:
लेबु जो ऊम्बो:, किनिर राईज तेरोब
अपा किनिर गोडभूंग एबलोंग गा ॥

१३४९

ओले से रे माँ जोई मोंएँज कडम
रूमकूब तूम्बा ते सजाईंग ।
ईज को माँ चोनाईंग बसाली गाय गुपाना ॥
कोनडेंग बीरू डोईंग ओलोंग बीरू डोईंग,
सीरि कापली गाय ईञा: आरओं:ताकी रे ॥

१३५०

बसाली गाय आंनजोरो: अकाय किनिर मो:भीते
राय ओछो: जानमो, जानमो बोरोलना: ।
नाव खंड खड़िया कुन्डब कुन्डब
डुलिछो: अकाय किनिर हिरापुरते डामकी ॥

१३५१

माँ जोई माँ जोई
अता ठांडो तेरोब ॥२॥
मोएँज एकड़ी बोकसेल मोएँज एकड़ी डोनकुइ
हिन ठांडो ते तेरोब अयोईंग ॥

१३५२

सामपेड़ेना रायमुली कनियाँ सामपेड़ेना ।
एला: बोर बोर कनियाँ ते डोड
कनो: की बनैडा: सामपेड़ेजे: ॥

१३५३

जोरमकी ऊलुई जोरमकी ऊलुई जबडोमकी
तुता ते पांच भाईया तोबलुंगते पोनोमोसोर जब गोठो:
दोरहो लेखे ।

१३५४

नाहिअरा: बुइ बुइ कुरकुर सोसरार्इर लेंग चोलकीनो ॥२॥
लेंगना को लेंग गोडकी जन्मो जिनगी डो: गोडकी ।

१३५५

अपा: तोर तोर बाड़ी मांगा: तोर तोर बाड़ी
होते मोनोब अपा गेन्धा रा: रा: ॥२॥
अपा: बोरोल बो:ताय मांगा: बोरोल बो:ताय नो मां ।
भोरे सु:लुई सोगे ले नो मां ॥२॥
अपा गोएज गोडना मां गोएज गोडना
मोने मोन बोरोल ना ले नो मां ॥२॥

१३५६

गोबिन्द साय राजा गोबिन्द साय राजा ।
अता कोचा ते अमा: पेठिया ॥२॥
मुनु:सिंग योनलो: कोचा अमा: पेठिया
बेन्दोरा: पुर अपा, कन्डाया: पेठिया ।

१३५७

इरिन बुदा सुम्बोः ते रीयो कोन्थेड तोरोःता ॥२॥
 तारे से फनला बाबु मोएँज कोतेका तारे
 ऊबर कोतका तारे ॥
 लुगे से फनली बोई मोएँज अंचरा बूंग लुगे,
 ऊबर अंचरा बूंग लुगे ॥

१३५८

तोन्डेंग आः राः राः ते डोकोकी रे रूनिया ॥२॥
 मुनुःसिंग ताय आरेकी कुही रो बेसेरा
 रूनिया ते हरायोः रो डोथोः
 रूनिया ते लोकायोः रो डोथोः ॥

१३५९

होबने तोः को ददा आय ऊते डोकोना,
 आय ऊते डोकोना, गमोब नो रे ददा ।
 तंग को रे ददा दार नो छेकायोब
 बीरू नो ओलेठोब ददा ॥

१३६०

मोएँज गोठंग बेड़ो ऊबर गोठंग बेड़ो
 हारे बेड़ो ऊरूम डाः लाःता ।
 मोएँज गोठंग लेरंग ऊबर गोठंग लेरंग
 हारे लेरंग बिजली लेखन तारकेलेंगगा डेलता ॥

१३६१

तोरेज बोंग कुन्डा बोंग बुईयोएज नो रे बेटीज
 ओमपायाः झिला लेखे योताम रे बेटीज ॥
 पिन्डाः फोंकटा ते एन्डुगेरो योयेम सेरे बेटीज
 ओमपायाः झिला लेखे योतम रे बेटीज ॥

१३६२

भगाः भजपुर ताय आरेकीपे रे मानोवा
 किजते डिसाः ते बाजा नो सोधोमता
 किजते डिसाः ते बाजा नो ओन्डोरता ।

बेटा जोई जियोम नोमते आबु होबरोजे
 ईज बेटाईज दीरोम बोः कराईंग बीहा
 ईज बेटाईज कराईंग शादी ।
 अपा जोई ऊमने महा बरातिया ते बेहार समदाये,
 ईज अपा आवनाईज जन्मो डिन्डागा ।

१३६३

मामी जोई, मामू नाईज को अतु गारोः चोलकी ।
 डोकोनासे भगिना पिन्डा ते डोकोना
 जोरेल डाः ते डोकोना ।
 मामूनोम को बेन्डे लोः ते मराः तारना चोलसीः ॥

१३६४

मुरुन दारु ते पियो कोन्थेड तोरोःता ॥२॥
 ना लागे पीयो ना लागे कोन्थेड
 कीमिन कुन्डुः भमर भमर डेलता ।

१३६५

चुंगडाः गोडभूंगते योयो डाय कन्डाय
 उसल तोल तोल कन्डाय रूपा तोल तोल कन्डाय ॥२॥
 उसल तोल तोल कन्डाय नो मां
 जुवा एबोःगा डेलता तारदी सलगाय गा डेलता ॥२॥
 तारदी पाबतार गा डेलता नो मां
 ईञाः ओः ओरे युंडे नो ईञाः
 ओः ते मोबलीडे ॥२॥

१३६६

अदड़ो ते आवकिग दियोम मां गाः पंगोड् ते
 दियोम अपाः पंगोड् ते ।
 अब को दियोम भांक आः लौवा ते
 केज् घलोः की भांक फेकायोः की ।

१३६७

लेरँग को मुःरेल गोड्की
लेरँग दिरोम दिरोम ॥२॥
कुलमडाय को फनली कुलमडाय
नीम दाह सुम्बोः ते तोगोंन गोड्सिः
लेरँग दिरोम दिरोम ॥२॥
बाबू को फनला बाबू कायर दाह
सुम्बोः ते तोगोंन गोड्सिः
लेरँग दिरोम दिरोम ॥२॥

१३६८

सासिया बंगसिगाः बेर नारा पिजते
बेर नारा पिजते ।
बाबू रे जगन सींघ, बाबू रे भमन सींघ,
होकड़ नारा पिजते ॥२॥

१३६९

बाः जुरबाय जुरबाय कोनसेल
बाः जुरबाय जुरबाय कोनसेल एड़ी धमकायते ॥२॥
किनकर योता योता कोनसेल एड़ी धमकायते
सासूर योता योता कोनसेल एड़ी धमकायते ।

१३७०

माँ जोई कलीकत्ता देशे इकुड डिसाः ॥२॥
ऊबडूः ते गंगा हिवुडूः ते जमुना
मोःभी ते रूसूंग भन्डा सुमोः
माँ जोई मोःभी ते रूसूंग भन्डा सुमोः ।

१३७१

ओले बोटिंग डाः, ओले बोटिंग डाः
डिसाः ताय डेलताईंग बोटिंग बेतोड डाः ताईंग ॥२॥
डोईर जो तेजकी कुयू जो पाःकी
अना अपा लोरेंग डाः ऊड डेनाम ॥२॥

१३७२

भिमिर भिमिर डा: नो डेलताएज
 बरिया कुलमडाय नाईज सुडना
 ला: सि: कियार ॥२॥
 अपा जोई अपाईज आ: मुरुख
 छाता जो नो ऊम तेरते ॥२॥
 कुलम जोई कुलामिगा: सपूत
 छाता धो:ता धो:ता धायना ला: सि: ॥२॥

१३७३

अता बोगा: अरब डू: कुन्डू: बोर ते रूगुंम डा:
 हारे वाईया बोर ते रूगुंम डा: ।
 माँ आवना ला: को गाम गोडिंग हा:नी
 अपा आवना ला: को ओब ओन्डोर गोडिंग हा:नी ।
 बोर ते रूगुंम डा:
 हारे वाईया बोर ते रूगुंम डा: ।

१३७४

अता गोडभूंग डेलकिम ला पाएजकोम
 हो गोडभूंग ते कोन्थेड तोरो:ता ला पाएजकोम ।
 तोड़ी या: राजा कुन्डू: लम लम एबो:ताएज
 चाँवरसी सोधोमता घनर घनर ला पाएजकोम
 चाँवरसी सोधोमता घनर घनर ।

१३७५

बिड़होएज रे बिड़होएज कोन्थेड
 देलका तुता ते बिड़होएज आन्डातेम ॥२॥
 खापु रे खापु कोन्थेड
 खापु कोन्थेड ओ: जोलोमतेम ॥२॥
 लिपी रे लिपी कोन्थेड
 लिपी कोन्थेड तोबलुंग लेंगता ॥२॥

लिपी रे लिपी कोन्थेड
पोनोमोसोर आः कून्डूः मायडूःतेम ॥२॥

१३७६

रन रन बड़ोम रन रन बड़ोम
बीरू सुम्बोः सुम्बोः घोड़ा ओब धाँयोः ॥२॥
मुगाम मुगाम पाएजकोम होकड़ाः
कुन्डब ते पालकी धाँयते
होकड़ाः कुन्डब ते रेशेम धाँयोः ॥२॥

१३७७

ईःफोन कुलम की ॥२॥
ईःफोन कुलम की हानतिज ऊतीज कीमोय ॥२॥
रुसूंग रुसूंग बेनोवा, तम्बाः गरहाय घोड़ाको
चोलकनकी भून्डु रो टमेड़ा ।

१३७८

थाम भन कुलम की,
हूक्का तामखू ते एसेम तेड़ेमताकी ॥२॥
मुडू एबल्लोंग कुलम को
बन्दूक ते तुन्दूर गोठोः ॥२॥
लडाए से लडाए से
ओलेड तेज डेम ऊकुब तेज
डेम लेबू जिरी ॥२॥
भिर हिरि भिर हिरि, हिरि रे
ओमपाय ते तुबडाः गोठोब ॥२॥

१३७९

बेराः गोएजलोः डाँड़ते तोलोः
बेराः ओरोएज बछर ॥२॥
अपाः गोएजलोः डाँड़ते तोलोः
महा कुलमाः ओरोएज बछर ॥२॥

१३८०

मोरेंगा: फुच फुचीया
कुईजता पुडता ॥
हेले गोडना पाईलकोटा: डोंगीआ: डा:
गोयोल डा: डेना ला: सी: ॥२॥

१३८१

ओले से रे माँ जोई बासी पेए: ।
ईंग को चोनाईंग सीनि डेजना चोनाईंग ।
माँ जोइ ईंग को चोनाईंग रोडकोंग डेजना चोनाईंग ॥
लो:डो को रे माँ जोई डा: डेना माँ जोई ।
भोंईसी खिघोर आरेना माँ जोई ।
गोयोल डा: आरेना माँ जोई ॥

१३८२

बा: गोलेंग ऊठोब नो अपा,
गुडलू गोलेंग ऊठोब ॥२॥
मोएँज सुडुब ऊठोब नो अपा,
घोल ऊबर कायोम ओन्डोरोब;
ऊबर सुडुब ऊठोब नो अपा
घोल ऊ:फे कायोम ओन्डोरोब ।

१३८३

ओखोड बो: घीवनो माँ ॥२॥
ओखोड बो: घीव माँ
तोमोंग भन्डा ॥२॥
ईंग गा माँ सुरुम, ईंग गा माँ चटनी ॥२॥
ईंग माँ ऊमिंग आवना,
चोलकननाईंग नहियार देश ते,
ईंग को माँ ऊमिंग आवना
चोलकननाईंग नहियार देश ते ।

१३८४

रिंगि बिगि गमछा, रगा बगा धोती
 अतु आवकीम कुलम ऊमने जौ ॥२॥
 अपा: भोईस बोनतेल
 अपा: ओरेज कोंगताँग
 बथान ते छन्देना, तोमलेंग रोएजना
 बोंग ऊमने देरी की ॥२॥

१३८५

कोइलो सितिल ते खीरोम सितिल ते
 जनमो जनम डा: नो गिमते ॥२॥
 पबरो गोड़े भोरा बेटा
 पबरो गोड़े भोरा बेटा
 ईंग तेरिंग मायोंगा: चन्दवा
 ईंग तेरिंग कोंगको आ: भुंगा ।
 ईंग ईघय लाँघाईंग ईंग ईघय पाबरोईंग
 जोड़ी खेवा ओड़ो: नो गोडकी
 जोरी डोंगा ओड़ो: नो गोडकी ।

१३८६

कोनोन २ तेनतोन दारु नो माँ ।
 रा: रा: गोडसि: ।
 हो रा: रा: जोरोम गोडकी ॥२॥
 एला: जुँग जुँग कण्डाय ते
 बेर ला बिहाना लामते ।
 ओडेबे से बोयो का: कोम
 रो तार गोड़े ॥२॥

१३८७

गुडू रे गुडू कोने ।
 तिलाई भूम भूम, तिलाई भूम भूम रे ॥२॥
 बिहाल कण्डाय ।

(३३०)

दिलींग दीपीड़, दिलींग दीपीड़ रे ॥२॥

सगोई कण्डाय ।

लिहोर लोहोर, लिहोर लोहोर रे ॥२॥

१३८८

राटा टेटेंगा, राटा राटा ।

बीरु टेटेंगा बीरु बीरु नो ॥२॥

राजा कुन्डूः लम लम मुःताएज

इना टेटेंगा जपाः जोमकिम नो ॥२॥

१३८९

अता गुड डूंगा कुटुम ।

डेलकी मोय भदड़ीब लता रे ॥२॥

ओले २ ओल ऊनोः ।

तालाः तामखु गुडलू आः राः राः ॥२॥

१३९०

गुडरी तुता सुम्बोः ते

योयोः कोलोसोर चुंगडाः ॥२॥

चुंगडाः गोडभूंग ते, कोनसेल मलकेता

सिलोः डांड ते कोनघेर मलकेता ॥२॥

किनभर ते कोनसेल मलकेता

पिंडा ते कोनघेर मलकेता ॥२॥

गुडरी तुता सुम्बोः ते, इत्यादी....

१३९१

अता केल ताय डेलताम कुलमडाय ।

इकुड केलोम बोः मडोवा ते मुंडतेम ॥२॥

बुलीकीम चलीकीम कुलम ।

सोनोराः ढाल तरवाईर

कुलम केलोम बोः मुंडतेम

कुलम केलोम बोः मुंडतेम ॥

१३६२

घुड़लो: ते आर्वाकिंग,
 डांड ते आर्वाकिंग,
 हारे दाईया ईजां: बीपाईत बेर समदाये ॥२॥
 कुलामिंग जो ऊम्बोड़ेज अपाईज जो ऊम्बोड़ेज,
 हारे दाईया कुन्डबासिंग ते कोन्डोय धुकायतींग ॥२॥
 बेर ईज ते लेबूइना होकड़,
 आय से ऊबो: ते ठाँडो कोंगेंरो डोकोना ॥२॥

१३६३

बॅकलुईया: बेलेड दाईया ।
 मुईजडा: गा: जोरोए रे ॥२॥
 हाय दाईया अतु आ: भरियाकी ॥२॥
 हाँथी नो साँगोडता सोंढ़ नो साम्भड़ाय कोन ॥२॥
 घोड़ा नो चोना ला:सि: छमर छमर ॥२॥
 हाँथी नो तोलडोमसि: तपकर आ: जोरोए बुंग ॥२॥
 घोड़ा नो तोलडोमकी नीम आं: हरा ते ॥२॥
 हाँथी नो ज्यों:ना ला:सि: ऊ:फे खँड़ी दाना रे ॥२॥
 घोड़ा नो ज्यों:ना ला:सि: दुबला जा: ॥२॥

१३६४

पोखेरा: हिड़ो ते नो माँ
 दुबला जा: जोरमेकी ॥२॥
 दुबला जा: जोरमेकी नो माँ
 लीला घोड़ा योता योता धायो: ॥२॥
 लोला घोड़ा धायो: नो माँ
 योता योता राजा बेटा धायो: ॥२॥
 राजा बेटा धायो: नो माँ
 योता योता रानी बेटा धायो: ॥२॥
 रानी बेटा धायो: नो माँ
 योता योता लेंवभेंबड़ीन धायो:की ॥२॥

१३६५

सुडुबनो पोठोएज माँ
रिगि बिगि सुडुब पोठोएज माँ ॥२॥
किनकर नाईज ऊःछीयोः माँ
रिगि बिगि सुडुब पोठोएज माँ ॥२॥
सासुर नाईज ऊःछीयोः माँ
रिगि बिगि सुडुब पोठोएज माँ
रिगि बिगि खोलडाः पोठोएज माँ ॥

१३६६

एलाः ओः ते कान्डराएज अनाः मनाः कान्डराएज
अम्पाः ओः ते रुसूंग रुसूंग कान्डराएज
अम्पाः ओः ते अनाः मनाः कान्डराएज ।
मोएँज पथा कूदा ।
सोंगकाय गोड़े कोइरीन कोनसेल
एलाः ओः ते अनाः मनाः कान्डराएज
अम्पाः ओः ते रुसूंग रुसूंग कान्डराएज ।

१३६७

पाँगोड ते कुन्डूः बोकोब ते हडका
घायँ अमाः घायँ अमाः नहियार ॥२॥
एँगना एँगना रे ईँजाः कन्डाय
अमाः एनेम ईँजाः ओः युँडते ॥२॥
इघय एँगनाईज रे ईँजाः केन्डोर
मानोम को गाम गोठोः
घासिन आः बिजडोम
आपनोम को गाम गोठोः
चमारिनाः बिजडोम ॥२॥

१३६८

काटकोँया राः गोडकी ।
भीरि हिरी राः राः राः गोडकी ॥२॥

हारे जोकोर राः राः बेड़ो मुःसिंग
 नाःते जोरोम गोडकी ॥२॥
 काटकोंया कोडिल गोडकी
 जोकोर राः गोडकी
 हारे जोकोर राः राः बेड़ो मुःसिंग
 नाःते जोरोम गोडकी ॥२॥

१३६६

कोनोन मोनोन चाड़ी
 मुनुःसिंग ते दूरा
 होतेगा लाःसिः सोनाः कबटो ॥२॥
 युगे युगे कुलमडाय सोनाः कबटो
 अमाः बावनोम बेतोड बेतोड
 डाः बोंग डेलसिः ॥२॥
 ईघय यूगींग रे ईञाः बाविंग ।
 अमाः कुलमनोम को चोलकनकी ईकुड डिसाः
 अमाः कुलमनोम को चोलकनकी, डोनजाँग ॥२॥

१४००

बरवाय डाँड ते
 बेर सोनोर ढरायोः
 बेर रूपा ढरायोः ॥२॥
 नो आपा ऊम ढरायसिः
 नो माँ जो ऊम ढरायसिः
 कुन्डबाः कुलामिंगा ढरायसिः ॥२॥

१४०१

राजा रेगाः भारो गोःना बोंग
 अपाः तरन एँयाम लेंगेता ॥२॥
 इघय बुयींग कुन्डूः हकोन
 नागपुर ताय बीरू यार डेलकिंग
 हारे बाईया ईञाः किलपाईत
 हारे बाईया ईञाः ससाईत ।

१४०२

अता कोचा ते जोरमे
 अता पुर ते बोरोलना
 अपा जोई अता कोचा ते मोनोएज ॥२॥
 कोमांग जो गले की,
 जांग ते रामोएज
 डोड कनोएज गंगा रो जमुना ते ॥२॥

१४०३

अता कोन्थेड कबरा चितरा
 अता कोन्थेड ओसेल बेलेड रे ॥२॥
 कोईल कोन्थेड कबरा चितरा नो माँ
 बँकलुई कोन्थेड ओसेल बेलेड रे ॥२॥

१४०४

पेचकी पेचकी नो अपा
 रांची लोहारडा: ते ओबसोंगोब ॥२॥
 डेनब चोनब कुलमडाएज
 घोल ऊबर भरिया ओलसानेम,
 घोल ऊफे भरिया ओलसानेम ॥२॥

१४०५

सैना को तोरो:ता चेरे बेरे ॥२॥
 सैना को तोरो:ता ॥२॥
 मांएज को गामते
 आए बेटिज भुलू ते डोकोना
 कुलांग कलेड नुनू ऊडे ॥२॥
 अपाईज को रेमा: ते
 आय बेटिज भुलू ते डोकोना
 सोनोर सिंगर रूपे सिंगर ओबमुईंग,
 होनताय बिदा तेरिंग ॥२॥

१४०६

कोनोन मोनोन ओमपाय
 कुलांग कलेड रोकेड ओएज ते ॥२॥
 बँकलुई को आरेकी काटा भुलायगा,
 बेलेड भुरकायगा, पता टीपोजगा,
 बोकोब डबूःगा आरेकी रे बँकलुई ॥२॥

१४०७

ओले से रे माँ जोई हो तुम्बाः डाः
 हो आलिड आरगोः ।
 ईंग को चोनाईंग बरवाय राजी
 राजा बिहा चोनाईंग ॥
 आले से रे माँ जोई ँगना तेरे ॥२॥
 अमाः कुन्डूम तेगा आवनाईंग ॥२॥
 गोएजनाईंग लाः को माँ जोई,
 हो केलोम भिलिमिलि भकामका
 दोरहो डिपा तेगा आवनाईंग ॥२॥

१४०८

बुची चुंगडाः २ गोएजलोः नो कामूकिंग ।
 गोएजलोः एनेम हिङो उम यूँडते ॥२॥
 सीयोएज लायोएज सिकिसरी बाः नो बिठोएज ।
 कोलेः को हेरी जोही हेरी जोही डेलता ॥२॥

१४०९

छेछरा चाड़ी मुनूःसिंग ते दूरा
 किनभर ते धर्म आः दारू रे ॥२॥
 हो धर्म आः दारू राः की जही रे जूही ।
 कोलेः नो हेरी रो जोही डेलता ॥२॥
 तारे से आराम काः ओडेबे ।
 ठोःकी ठोःकी, गूरकी गूरकी
 देव ओमपाय सितिल ते ॥२॥

(३३६)

१४१०

कोंडेंगा: ओ: मां जोई
भेलोब २ पोरे पोर ।
आम्पा: ओ: मां जोई ।
जोलोम जो:डा:
हारे मां हारे अपा
हारे ओ: जोंगोडकी ।

१४११

सुम्बो: नोम कायर कुन्डुम भोरे,
कायर कुन्डुम भोरे ।
हारा नोम कायर कोनके: कोनके:
कायर कोनके: कोनके: ।
रा: रा: नोम कायर
भाका माका कायर भाका माका ।

१४१२

कोनोन मोनोन तेनतोन
बंकलूई डोकोता जोरोए जोरोए ।
बेरा: ओ: ते मां जोई
महाकी बेंटी रे ।
होकड़ा ओ: ते मां जोई
कुटुम की जोरोए जोरोए डोकोताकी ।

१४१३

सीलो:नाम बोकेर सीलो:नाम
जिरा जावा लो:ते सीलो:नाम ।
बिडेम बोकेर बिडेम
जिरा जावा ते बिडेम ।
पोडना तेरेम बोकेर पोडना तेरेम
जिरा जावा ते पोडना तेरेम ।

(३३७)

१४१४

ओले से मां बुलिईज लोःखा
भेलोब भेलोब उलूई बुलिईज नाईग ।
ओले से रे मां सोनोराः कनासी
भेलोब २ उलूई ते कडींग ।
ओले से रे मां कतोर जोल
भेलोब २ उलूई ते गोसोर्गिंग ।

१४१५

सारू बिरूते सारा हारा
सेमड़ी दारू हो राम ॥२॥
कनहर नो थोका बेलते
सीनी रोडकोंगाः थोका बेलते
लेबू ते कुन्दुःसिंग बायते ॥२॥

१४१६

भाःटा बोई डेएजता डेएजता
राः राः बोई ओनोएज
हो राः राः महाकी हो राम ॥२॥
सोंगकाये मां जोई सोनोराः डबनी
डबनी डाल टुईंग तोमोड मुंदाय टुईंग
हो राः राः घांड़ी लाःता
राईज राईज घांड़ी चोलता हो राम ॥२॥

१४१७

तीसी डांडते
हारे बनाय आरेता ।
बनाय जाः जो उम ओःते
बनाय लुवा जो उम ओःते
बनाय जाराः जो उम ओःते
बनाय डाः ऊडते
हारे बनाय आरेता ।

१४१८

सीलो: डांडते
राहड़ी बोई बिठोएज ॥२॥
राहड़ी लोंगोएते
पंगोडा: कुन्डु: ईयामता ॥२॥

१४१९

छत्ता सोरेंग भवड़ीब लाता
गुडलूआ रा: रा: रे ।
ओले चूना तमकू रगदाये
गुडलूआ रा: रा: रे ।

१४२०

कोनोरा: खरोम डा:
ईघाय केलोम कोन्थेड गामते ।
ओन्डोरेपे ईसिट कुटुम
ओन्डोरेपे पो:दा मोलोए कुलम
ईघाय केलोम कोन्थेड गामते ।

१४२१

बाईर गुंगु रे मां जोई
बाईर गुंगु दिरोम बो: धमसायते ।
किनकर सासुर ते घोते एंडी धमसायते
सोऊडोम ते घोते मोन भी:तर मुसकेता ।

१४२२

चक चकिया बिन्डा बोकोबके:
कोनके: तिरियो कोनके: कुंदा लायते ।
आजी या: ओल ओल डा: लोरेंग डा:
कुलमडाया: ओल ओल डा: गोयोले डा: ।

१४२३

हाकिम रे ईकूड बुईघयार
सिमान ते सोरेंग सुमते ॥२॥

सेर झोलते डांडी धोःते राईज ते आरते
हाकिम रे ईकूड बुईघयार ।

१४२४

हारे हारे ददा कोसोर कोन्डेंगआः
कनाःसी नो बायेम ॥२॥
ईंग को, ईंग को ददा
कोसोर लारोः भेन्तु तेगा डोकोनाईंग ।

१४२५

उलाः पुःडछुड कोन्थेड ॥२॥
कोन्थेड गिताः ठांडो लामते ॥२॥
उलाः पुःडछुड कोन्थेड ॥२॥
अतु रे कोन्थेड डेरा ठांडो बोरते
अतु रे कोन्थेड डेरा ठांडो लामतेम ।

१४२६

कदम तुता राजा ॥२॥
कदम तुता राजा डेरा बोरते डेरा बोरते ।
हांथी ते सिगरायोः घोड़ा ते सम्पेड़ेयोः
चोलकनकी भुन्डु रे टमेड़ा रे ॥२॥

१४२७

राना राना साहेब ॥२॥
बिरू सितिल ते ताम्बु ठोकायोः ॥२॥
दुबला जाः योता योता घोड़ा धायते
घोड़ाः लोःढो राजा बेटा धायते
राजा बेटाः लोःढो रानी बेटी धायते
रानी बेटी याः लोःढो लेवड़ीन भेवड़ीन धायते
लेवड़ीन भेवड़ीनाः लोःढो पाएजकोम धायते
पाएजकोमाः लोःढो बाबु भाईया धायते
डोकोकी नागपुर
राजा हाकिम लड़ाई करायतेकी ।

१४२८

हायरे ईजाः बंकलूई
हायरे ईजाः बंकलूई रे मां जोई
सेमड़ी दारू अंगुल हारा ते डोकोता ।
हायरे ईजाः कुटुम
हायरे ईजाः कुटुम रे मां जोई
जोरोए २ पंति २ डोकोतामोए ।

१४२९

मोएंगा कुलम
बान्दुक तेको चुनडुर गोठोः ॥२॥
ईःफोन कुलमरे
हुका तमकू तनघन ॥२॥
थाम भन कुलमरे
चुना तमकू तनघन ।

१४३०

मोएंग जन्म मां कुन्डुम
मोएंग जन्म अपा कुन्डुम
जन्मो जन्मो केन्डोर कुन्डुम ।
मोएंग जन्म कका कुन्डुम
मोएंग जन्म मिईज कुन्डुम
जन्मो जन्मो केन्डोर कुन्डुम ।

१४३१

बिरू तोबलूंग ते मां
तिसी बिठोएज ॥२॥
मेतनोंग सीलोःता
बर तोनोंग सीलोःता
हो ओः तेगा बेटी तेरींग ।

१४३२

मागाः ओन ओन गेंघा
अपाः ओन ओन गेंघा

रूसूंग गेंधा केलोम आडते
मां गोएजकी
अपाः गोएज गोडकी
रूसूंग गेंधा केलोम आडते ।

१४३३

केशेल दामेईर रे मां जोई
खजर अरजोःता
सेलहोब अरजोःता ।
आंडीज खजर आंडीज सेलहोब
दुलुक दुसा आराम नो डेलता ।

१४३४

सोरेंग तोबलुंग ते डाः पभरेता
डाः पभरेता ॥२॥
बुई बुई पेरवां लोका लोका
लोरे लोरे डाः उडते ॥२॥

१४३५

किलकिला रे ओम्पाय कोन्थेड
किलकिला ओम्पाय कोन्थेड तोरोःगा डेलता ।
केनडोड आः मलाः बोंग
कडोंग आः मलाः बोंग
राटाः खुन्टो ते ढोको ता ।

१४३६

करैली करैली करैली भबरेसीः ॥२॥
मां गाः ओन ओन करैली
अपाः ओन ओन करैली करैली भबरेसीः ।

१४३७

जराः को बेलोंगता
कोनोन भेरे बोटींग अराबडुःकीम ।

दिनो धोगेम बेटींग
दिनो चलायेम बेटींग
जरा: केएज ओलेम
नहियार या: हे:जो मेलायेम ।
सुपली धो: चीनम बेटींग
टुकनु धो: चीनम बेटींग
रामु रामु जरा: केएज ओलेम ।

१४३८

कोनोन मोनोन जरा: सुम्बो:
रूसूंग रे कोले: रूसूंग रे कोले: ।
डोनकुई रे डोनकुई ॥२॥
डोनकुई सोनोर डेलुवा एबो:ता ॥२॥

१४३९

कोनोन भेरे या: जुंग जुंग कनिय्याँ
मोन नोन कोईलता ।
कोनोन कुलम मडोवा बायते
महा कुलम डोली तोलते
हारे बोईनी चोलकानकी
हारे ओ: जोंगोडकी
हारे कीनभर जोगोंडकी
हारे मो:ड नाईग ओल्लोंगकी ।

१४४०

टुकु आ: ओलत डोकोकीम रे बान्दरा ॥२॥
मोएंग कुलमा: शीशा
मोएंग कुलमा: गोली
ठो: गोडकी रे बान्दरा ॥२॥

१४४१

थाम ईञ्जा: बाविंग
थाम ईञ्जा: बाविंग रे माँ जोई

थाम बाविंग बान्दुक धो:तेकी माँ जोई
 थाम बाविंग बान्दुक धो:तेकी ।
 मोएंग गोठंग बोकेरिंग
 मोएंग गोठंग बोकेरिंग रे माँ जोई
 हाँथी या: घड घोड़ा: घड ईयामता ॥२॥
 मोएंग गोठंग बोकेरिंग
 मोएंग गोठंग बोकेरिंग रे माँ जोई
 डो:रेंग रंगाया लुतुई या: घड ईयामता ॥२॥

१४४२

पोखरा जो कोसोर गोडकी
 कुँवा जो अजोड गोडकी ॥२॥
 हलका गा डेलता कजर कडोंग कुलम रे
 हलका गा डेलता कजर कडोंग ।
 सोंगकाये माँ जोई
 कोनोके: सु:त्रोमा: कुमनी ॥२॥
 तारींग हो कजर कडोंग माँ जोई
 तारींग हो कजर कडोंग ।

१४४३

कोले: सोय सोय लुवा रे माँ जोई
 भदड़ीब सोय सोय लुवा अतु कुईंग रे माँ जोई ॥२॥
 ओले सेरे माँ जोई मोएंग सु:ठी काचिया
 सोंगगा ओ:गा, बोरगा ओ:गा
 गोंग गा ओ:गा
 चोलकन नाईंग रे माँ जोई
 कईलकत्ता राईज इकूड डिस्सा, रे माँ जोई ।

१४४४

ओले सेरे माँ जोई लेहेर लेपेर गुंगु
 ईंग को भुति ना चोनाईंग ॥२॥
 कुन्दु: को ईयामता चेहेर चेहेर ईयामता
 गो:डभूंग उतुईंग हिनताय नुनु: ऊर्बाईंग ॥२॥

१४४५

बापरे अपंगआः आकिल
छत्ता उमको तेरते ॥२॥
बापरे कुलामिगआः लेबुई
छत्ता धोःकोन धायते ॥२॥

१४४६

हारे तोनोंग सीलोःता ॥२॥
सितिल चवड़ा ते तोनोंग सीलोःता ॥२॥
लुदुर फुदुर तोबडाः
लीसाय लोसोय बिडाः
ओने से बोई मोन भेईर ओने ॥२॥

१४४७

सांगो सांगो आवकीनींग
मैना सांगो निंग छुःटेकी ॥२॥
चूंगडाः बोःते आवकिंग
ओः ते आवकिंग
मैना रेमा गे रो ओलेम
मैना ठिस्साये रो ओलेम ।

१४४८

कोनकेः कोनकेः चरेखा
कोनकेः कोनकेः पोन्यो
बोकसेलिंग कोनकेः सुःत्रोम पोयते ॥२॥
तंजकाये चिःको रे कुलम
रायमुली गामेछा
बोकेरिंग को भलेईर फुवना तोलते ॥२॥

१४४९

नोरे नोरे मेरोम गुपा
थाम जोरी पेरोवाँ ते योयोब नो ॥२॥

(३४५)

योःना को योयोएज हंःनंग
थाम जोरी पेरोवाँ ते ॥२॥

१४५०

भङ्गीआः जुता रुसूंग ओसेल
बाबु आः जुता सोंगोड़ रे
बाबु चोलता गोनमेर
बाबु भाईया रे ॥२॥
भङ्गीयाः धोती रुसूंग ओसेल
बाबु आः धोती सोंगोड़ रे
बाबु चोलता गोनमेर बाबु भाईया रे ॥२॥
भङ्गीयाः बोकोबकेः रुसूंग ओसेल
बाबु आः बोकोबकेः सोंगोड़ रे
बाबु चोलता गोनमेर बाबु भाईया रे ॥२॥

१४५१

आम्पाः गा ओः दुरा
भिल्ली मिली भाका माका
होकड़ गा सिनकोम लेखे तरकेलेंगता कुलम रे ।
मुनुःसिंग जो सोनोर संड़क
ओनलोः जो सोनोर संड़क
होकड़ गा सिनकोम लेखे तरकेलेंगता ।

१४५२

आलूते ओनतेकी एनेम तोर तोर
डेंगओयोएज ताछोएज
सासुर नाईंग ते तेरोएज
सासुरिंग रायता रायता लेएजते ।

१४५३

ओम्पाय सितिल २ आराम डेलता ॥२॥
कोंगएं सेरे मां जोई आराम नोम
भिल्ली मिली भाका माका आराम नोम डेलता ।

१४५४

कौवा नो तोरोःता पाःतडा ॥२॥

तारींग कौवा जांग पंजरो पिःज गोईंग ॥२॥

१४५५

बेटी रे बेटी मोएंगा बेटी रे

हो बेटी खोड़ी बुलिता, खोड़ी सोहनता ।

बेटी रे बेटी मोएंगा बेटी रे

चूंगडाः गोडभूंग चूंगडाः सोहनता ।

१४५६

बेटाईंग जीयोम नोमते आबु हेःजोयेम

अनिंग बेटा जुंगोनिंग कनिर्याँ

अनिंग बेटा करायनिंग बिहा रे ।

बेटा मोएंगा बेटा जन्मायोएज

हो बेटाईंग जो आवकी बुदनु ।

१४५७

कोनीन जो ईञाः सोमोधी

महा जो ईञाः सोमोधी

सोमोधी नाईंग ईकुड रे माईन

ईञाः सोमोधी ॥२॥

दमरी बोंग सोंगोएज

दोकरा बोंग सोंगोएज तमकू

तमकू नाईंग ईकुड रे माईन

ईञाः तमकू ॥२॥

१४५८

रिम भिमी रिमी भिमी डाः नो गिमते

तबकर तुता ते केन्डोर नाईंग सुःडतैज हो राम ॥२॥

अना केन्डोर एंगनानंग ॥२॥

तबकराः तुता ते केन्डोर नाईंग सुःडतैज हो राम ॥२॥

१४५६

रुच मुचिया केन्हेल कबटो रे
 बेर रे बेर कुलम युःखोः
 केन्हेल कबटो ते ।
 मां गिताःता जोरोल डाः ते
 अपा गिताःता कोंगलोः दुरा ते
 बेर रे बेर कुलम कबटो युःखोः ।

१४६०

कासा सिंगाः राहड़ी ओनोएज
 कोनकेः कोनकेः हारा तैज ते ।
 नहियार ते आवकीम रे कुलमडाय
 सुपलीः धोःकोन
 टुकनु धोःकोन धुड़ी एबोःतम ।
 सासुराईर ते आवकीम रे बेटींग
 बुःभी २ गुनाय २ रोमोड डाः गुरता ।

१४६१

कयार नो मंजरेकी
 कूह नो कुहूके गोडकी
 घोल उबर मेमोनाः अराम
 बाहुर मुम्बोः तोंगोंनकी ।
 ओबसिठोः बाः रुमकुब
 ओबसिठोः रूपैया पोएसा
 एडोः कुलम्माः जो
 कुन्डुः हकोन उम्बोः ।

१४६२

बेटी को जन्मायोएज
 होडोमाः घड जन्मायोएज ।
 बेटा को जन्मायोएज
 इजाः घड बेटा जन्मायोएज ।

१४६३

कोन्डेंग को जन्मेता
डा: बांग रे कोन्डग जन्मेता ।
बेटी को जन्मायोएज
बारो सासेईत बुंग
तेरो सासेईत बुंग ।

१४६४

जन्मेसी: उलूई मां जोई
जन्मेसी: उलूई रे
जन्मेसी: उलूई मां जोई
जोड़े डोमसी: ॥२॥
तोभलुंग ते पोनोमोसोर
तुता ते मोलोए कुलम रे
लंका सोमोदोर अपा: जोड़े डोमसी: ॥२॥

१४६५

कोनोन कुलामा: घाड
ओम्पाय पारोआ: कनिर्याँ ॥२॥
घोड़ा ते सम्पेडेयो:
हांथी ते सम्पेडेयो:
एंगना एंगना अपा
खोड़ी ओ: ते कनिर्याँ ॥२॥

१४६६

रुसूंग रुसूंग ठोर कोले:
हारियार डा: बेलेड
ओहोरे उमेर कोले:
उमेर नोम चोलकनकी...उमेर नोम ।
मुनु:सिग ताय डेल डेल कोले:
ओनलो: तिईज चोलकनकी
ओहोरे उमेर कोले: चोलकनकी...उमेर नोम

१४६७

अमाः ओःते आवकींग ददा जोई
भडीभेरे बोईरी आवकींग ।
आले सेरे ददा, दिनो धोःना तेरे
आमते योता २ ददा, दुरा ते संगोड गोडिंग ।

१४६८

ओम्पाय सितिल ते
डोकोकीम रे आजी जोई
कोलेः गुड योकीम नोरे आजी जोई ॥२॥
किनिर मोःभी ते
डोकोकीम नोरे ददा जोई
मराः गुड योकिम नोरे ददा जोई ॥२॥

१४६९

कानियाँ लामे हो अपा ॥२॥
ईःफोन कोना रेशेम, भबराय रेशेम
कानियाँ लामे हो अपा ॥२॥
मड़ोवा बाये हो अपा ॥२॥
ईःफोन कोना रेशेम भबराय रेशेम
मड़ोवा बाये हो अपा ॥२॥

१४७०

ढोढरी ताय मुः मुः कोलेः
हारा ते डोकोसीः ॥२॥
अना, अना, अना कोलेः एलाः राईज्य ॥२॥
एलाः राईज्य कोलेः
लुवा जराः बेलोंगता
अना, अना, अना कोलेः एलाः राजी रे ॥२॥

१४७१

जुराः रे जुराः ॥२॥
इरिन राः ता भबरेता हारा रे ।

बोरोल नो बिकीड लाःता
बेलोंग नो जोंगेंम लाःता
गदरल लाःता तेरोम रस्त रे ।

१४७२

डाः ओलना चोलकीम बोई
डाः ओलना चोलकीम रे
थाम दुराः कपटो लाः गोडकी रे दुलरी बोई ॥२॥
कूजी बोंग युगे बोई, चभी बोंग युगे रे
थाम दुराः कपटो युःडोम गोडकी रे दुलरी बोई ॥२॥

१४७३

अना अना बोई भांवरो बिरू बोई ॥२॥
भ्रिम्पा तुरता तुरता बोई
दिनो घोगेनंग बोई
साका छुःटेनानांग ।

१४७४

कोनोन मोनोन मुरुन, भबरेसीः हारा रे
चौड़ा ते ऊलाः हिलेता ॥२॥
उडुल सितिल तोंगोंन नारे मोलोए कुलम
कुलामडाय नोमते जीते डोठो ॥२॥

१४७५

कोनोन मोनोन मुरुन
कोंडेंग बुदाः लाटेईर रे
होते आईज केवरा गा राः राः दाईया लभेईर रे ॥२॥
बोकेरिंग गिताःता दुराते
बाविईंग गिताःता पिन्डाते
ईघाय सुईंग केवराः गा राः राः दाईया लाभेईर रे ॥२॥

१४७६

बेहरिन बासाः रंयत
सोना जोर ते कोंगते
चुटाड कुलामिंग महा बांधोः कोंगते ॥२॥

डाः भिल्ली मिली, डाः भका माका
डाः तोबलुंग ते जता कडोंग लावकेता ॥२॥

१४७७

भाःटाः ईग डेजता डेजता
अंटा नो बायोएज
ठोः गोडकी केलोम बोः कुलमते ॥२॥
तोबलुंग ते मेडरेता
सोनोर गेधेडी मेडरेता
अंटाते योता योता मेडरेता ॥२॥

१४७८

आम्पा राईज्य रे मां जोई
बेड़ो, बेड़ो राईज्य माँ जोई ॥२॥
बेड़ो योलोःता माँ जोई
राः कोन पुराः कोन योलोःता माँ जोई
सिनकोम लेरंग मुःरेल ता ।

१४७९

भाड़ी कोन्थेड ओतन गोतन
डुरगुड कोन्थेड ते बेरी ओबसुयोयोः मोय ।
कटा लाःको रेंगे चोनाईग
पेनेर लाःको लेंग चोनाईग
डुरगुड कोन्थेड ते बेरी ओबसुयोयोः मोय

१४८०

ओले सेरे माँ जोई
संग संग रंगाय डांङाः
ईग को चोलताईग बछरु गुपाना ।
मुडुब ते संग संग
चुकाः ते जोल
ईग को चोनाईग बछरु गुपाना ।

१४८१

टुकनु ते लाट्टा आईज
भांडा ते डाः आईज
अना गोनमेर छमेड़ा लोंगोए ।
दोसी कियाः डांडते माघा बिठोएज
अना गोनमेर छमेड़ा लोंगोए ।

१४८२

तोबलुंग ते लेरंग, तोबलुंग ते बेड़ो
अबु गिड़िंग उरुम डाः लाःता :
मोएँग गोठंग लेरंग मोएँग गोठंग बेड़ो
अबु गिड़िंग उरुम डाः लाःता ।

१४८३

बिरु सितिल ते सीलोःकीम रे दादा
लीली रे लीली रे गामतेम रे दादा
लीली रे लीली रे गामतेम ।
कलीकत्ता शहरते तेरोब नोरे दादा
अनरगी को सोंगोल को उलाः को गमतिंग ।

१४८४

कासीराः डाः को
आरेता सेमड़ी कोचा सेमड़ी कोचा रे ॥२॥
हो डाः को हिलो डोलो
पोईन हिलेता ॥२॥
कडोंग नो डेबताकी
कोचा कोचा ईःफोन कोचा रे ॥२॥

१४८५

कोंडेंग ते ओनतेकी
मोतिब बरतिब ओनतेकी ।

कोंडेंग नो पोड गोडकी
 सारा हारा रे गेरवां कुलम डेरा बोरते
 गेरवां कुलम बासा बोरते ।

१४८६

बोकेरडोम सीलोःकाएज डेलता
 पिन्डा ते डोकोता चुंगुर मुंगुर ।
 आजीडोम को गामते
 बेरोडना बोकेर होन लोटा गाः डाः रे ।

१४८७

अरजोःनाः खजर ॥२॥
 सीलोः लोः ते अरजोःना खजर ॥२॥
 डाः उडे खजर ॥२॥
 भिल्ली मिली भाका माका
 पोखेरा गाः डाः उडे रे ॥२॥

१४८८

खिरोम सितिल ते संखो सितिल ते रे मां जोई
 लेंग लेंग कडोंग ते तरते मां जोई
 लेंग लेंग कडोंग ते तारते ।
 तुता दोरहो कुमुनी
 तोबलुंग दोरहो भिमोरी रे मां जोई
 आतु चोनम रे कडोंग रे मां जोई
 आतु चोनम रे कडोंग ।

१४८९

आबु गीलेम दादा, आबु लेजेम आजी
 ईडिब भेरे बेराः दुरा चोनाईग ॥२॥
 आले सेरे दादा, आले सेरे आजी
 माःघो लेरांग डामना तेरे
 लोरी डेबनाईग रांची चोनाईग

गाड़ी डेबनाईंग भोटांग चोनाईंग
जहाज डेबनाईंग आसाम चोनाईंग ।

१४६०

गाय नो अरजोंःता चाव चाव ॥२॥
भेंस नो अरजोंःता ओम्पाय ओम्पाय ॥२॥
तोले से महरा छन्दे से महरा
कड़रू बछरू नुनुः घड तोरोःता ।

१४६१

चीरो राजी बेटी तेरोएज
चीरो छेकाते ॥२॥
मुगाम २ घोड़ाः होकड़ाः लोःढो बरतिया
होकड़ाः मोःभी ते कुलमडाय डेलता ।

१४६२

सीलोः डांडते डोकोसीः गोसाईं बेटा ॥२॥
ना लागे गोसाईं, ना लागे जोगी
कुन्डाबाः कुलमगा डोकोसीः ।

१४६३

मुईंग कायर ओनोएज, उबर ठंग ओनोएज ॥२॥
हो कायर महाकी बगैचा रे हांसा जोरी ॥२॥
मुईंग बेटा जन्मायोएज, बोरिया जन्मायोएज ॥२॥
हो बेटेंज डोकोकी सोनहोर रे हांसा जोरी ॥२॥
मुईंग बेटी जन्मायोएज, बोरिया जन्मायोएज ॥२॥
हो बेटींग डोबकोयोः कुटुम रे हांसा जोरी ॥२॥

१४६४

डुरू हुरू कनियाँ ॥२॥
कनियाँ ईघाय बदलाईंग ।
डुभा लाःको बदलाईंग
छीपी लाःको बदलाईंग
कनियाँ ईघाय बदलाईंग ।

१४६५

बुदनु लेखे आवकींग...मां जोई
 बेरजो उमोएँ जुंगो:...मां जोई ।
 भनडा डा: ओलोएज...मां जोई
 घोल कुटुम जुंगतेकी...मां जोई
 एकड़ी कुटुम जुंगतेकी ।

१४६६

केलोम केलोम बेटा जन्मायोब,
 केलोम केलोम बेटा जन्मायोब...हायरे हाय
 ईना ईना अपा सोना गीबनिंगतेम
 ईना अपा रूपा गिबनिंगतेम...रे ।
 बेटा ला:को सोना गीबनिंगतेम
 बेटा ला:को रूपा गिबनिंगतेम...हारे हाय
 ईना ईना अपा सोना गीबनिंगतेम
 ईना अपा रूपा गीबनिंगतेम...रे ।

१४६७

उमने महा पो:दाते
 बेरजो उमोएँ सभा डोकोता हारे हाय दईया ।
 दियोमा: जोल को
 दियोम ते आव गोडकी...हारे हाय दईया ।
 किया गा: सुन्दरोम किया ते आव गोडकी हारे हाय दईया

१४६८

झिल्ली मिली मड़ोवा ते डोकलो गे...मां जोई धुनु मुनु रे
 उमिंग जो गाम टुसी: तोमलेंग आ: गिनिंग ॥२॥
 तोमलेंग गिनिंग रे मां जोई
 डो:रेंग लुतुई रे
 पटी पटी, सुयेम रे मां जोई तोमलेंग गिनिंग लुतुई रे ।

१४६९

होमने तो: को मां जोई
 सेईरगा उला: लेखे गोच्छा २ उनोब ।

तङ्ग कोरे मां जोई
खोलडा: सुडुब लेखे
फेकाय नो गोठोब ।

१५००

चोलताएज बेटिंग चोलतैज रे
अलम डा: २ बेटिंग चोलताएज
गिडिंग २ बेटिंग चोलताएज ।
छुटेकी बेटिंग छुटेकी रे
आयो कुनडुम बेटिंग छुटेकी रे
अपा: कुनडुम बेटिंग छुटेकी ।

१५०१

केरा ते ओनतेकी पंति पंति
मुनुगा लेखे लभाईर ॥२॥
अपैज नो बिदाते
आयोईज नो बिदाते
बिदातेमोए पंच भाईया ॥२॥
दवैंग नो बिदाते, अजींग नो बिदाते
बिदातेमोए पंच भाईया ॥२॥

१५०२

कोनोन जो ओमपाय, महा जो ओमपाय
हाय दाईया ईंगते बेहार पाबरोए
हाय दाईया ईंगते बेहार पाबरोए ।
दवैंग जो उम्बो:डेज, अजींग जो उम्बो:डेज
हाय दाईया ईंगते बेहार पाबरोए
हाय दाईया ईंगते बेहार पाबरोए ।

१५०३

सीसी लो:ते संगोडकींग, मरचा लो:ते संगोडकींग
ददा जोई कटा लोयो ला:की ॥२॥
तुनबो:ते संगोडकींग, मो:भी तो:ते संगोडकीम
ददा जोई कटा लोयो ला:की ॥२॥

१५०४

बरोआय जशापुर ताय डेलताकी बरतिया ॥२॥
 हाय किःते डिसाःते ढेजांग नो सोधोमता ॥२॥
 अपा जोई उमने बरतियाते बेहार समढाये ॥२॥
 ईग को अपा डिन्डा गा आवनैज ॥२॥
 बेटैंग जीयोम नोमते आबु हेःजोयेम
 ईग बेटा कराईंग बिहा ।

१५०५

आयो आबाः कुनडुंम ते आवकींग गे आयो
 जोड़ा २ मुरली जोड़ा रतु गे आयो ॥२॥
 ओः भीःतर बाः रूमकुब
 बहेर ते ओरेज मेरोम
 दुरा ते ओसेल घोड़ा
 उते आतु डेरा रे, उते आते बासांरे
 रोएँ रोएँ मुरली, रोएँ रोएँ रतु आयो गे ।

१५०६

अतु ताय दुरंग आरेकीपे रे मनोवा
 अता बोःते अम्पाः जोरमें ठांडो ॥२॥
 रोःडाःपुर ताय आरेकीपे रे मनोवा
 हिरापुर ते अम्पाः जोरमें ठांडो ॥२॥

१५०७

ओहोरे हिरापुर, ओहोरे हिरापुर
 कुन्डुः नोमकी डेलकीले अमाः ते
 बेटनोम की तोंगोनकीले अमाः थोम ।
 ओहोरे हिरापुर ओहोरे हिरापुर
 कुन्डुः नोमते ओबयोयोब बिरू बेड़ा
 बेटनोम ते ओबयोयोब गोजलीः डांड ।
 ओहोरे हिरापुर ओहोरे हिरापुर
 कुन्डुः नोमते ओबयोयोब तेरोम तोमलेंग
 बेटनोम ते ओबयोयोब निरंग डाः ।

१५०८

ओले सेरे माँ जोई मोएँज चेपुड रुमकुब
 तुम्बा ते धोँग
 ईंग को माँ चोलतेंज बसाली गाय गुपाःना
 ईंग को माँ चोलतेंग भैंसी गुपाःना
 बसाली गाय चोलकीमोँए तोनडेंग डांडते
 तोनडेंग बेड़ा ते भैंसी को चोलकी मोँए कांसा दोरहोते ।
 ईना नो बेटेंग तमा जाऊ उम योःतम तमा जाऊ उम डेलतम
 उमने ओलेंग जाऊ बसाली गाय गुपाःतम
 उमने ईडिब जाऊ भैंसी गुपाःतम ।
 ई ईंग नो माँ जोई तोनडेंग केकेः उईजना ॥२॥
 बेड़ोः योलोः की
 बेड़ोः जो मुःसिंग की केकेः जो हेलायोएज
 मोएंगा भैंसी ते ओएजसी डिंग ।

१५०९

कोलेः लेखे रे जीयोम,
 लोःखा पिजिरा ते लिसाय लोसोए ॥२॥
 अले सेरे जीयोम गोएजना तेरे
 उ दुनियाः बाः रुमकुब, सोना रुपा
 भाड़ी तेगा मेलायेम ।

१५१०

ईंग को २ माँ जोई, राजा बिहा चोलतेंग ।
 अलीउ को तेजकी, अरगोः जो पिजकी
 माँ जोई एंग नेंग नो उम्बोः ।
 एंगनेंग लाः को माँ जोई
 रुअम नेंग ते योयेम
 गोएज नेंग लाः को शोरो समुद्र ते मिलेनेंग ।

१५११

कची बंगेला बयोब नोरे अपा
 कची बंगेला धासे गोडकी ॥२॥

बायना को बायईंग ॥२॥
पाईलकोःटाः निरंग डाः
दीयोम सलगेना दिनो बायईंग ।

१५१२

कोनोन जो ओमपाय महा जो ओमपाय
हाय दाईया ईज ते बेर पाबरोये ।
अपाईज जो ऊम्बोःडीज भाईज जो ऊम्बोःडीज
हाय दाईया, ईज ते बेर पाबरोये
हाय दाईया भाड़ी भाईगा पारोना नींग ।

१५१३

डेनेब डेब हिनते बाः रूमकुब रोःकी
किमीन की कायेबर आबुगा मेलयबर ।
मोएँज कोनचा नो ऊबर पथा होयना
किमिन की कायेबर आबुगा मेलयबर ।
बसाली गायते अंजोर ते ओनतेले
गोला ओरेज डेबना ऊम पालते
लुलूंग गा तूफांग गा ओडेब तेले
किमिन की कायेबर आबुगा मेलायबर ।

१५१४

उमड़ा बिरू ताय आरेकिम रे ददा
कोड़ी ते रूतुः नोम रे ददा ॥२॥
तिरियोः आः रूतु नोम
एरेन्डीयाः डांड़ाः नोम ओन डोडेम नोरे ददा ॥२॥
पाःटो गाया नोम बन्डी भैंसी नोम ते
ओन डोडेम नो रे दादा ॥२॥
डेडेंग ठोःता हारा पिजता
काटा ठोःता सोरेंग पाःता
ओन डोडेम नोरे दादा ॥२॥

१५१५

दोरोहो डा: मां जोई ॥२॥
 दोरोहो आ: डा: मां जोई
 भिली मिलायता
 दोरोहो: डा: मां जोई
 भाका मकायते ।
 पाईला: तुता ते कुल्लु रानी नो मां जोई
 डुंगडुंग राजा बोंग सुमांग की ।

१५१६

तोन्हेंग रारा: लेखे योकिम रे बोटिंग
 बड़ोम बेटी लेखे योकिम रे बोटिंग ॥२॥
 ससुराइर चोलकीम रे बोटिंग
 ईयाम गा तोरो: गा चोलकीम रे बोटिंग ।
 नहियार डेलकिम रे बोटिंग
 लेरे: गा लडा गा डेलकीम रे बोटिंग
 ओमपाया: धुड़ी ते एबो:गा डेलकीम ।

१५१७

तोरेज बोंग कुंडा: बोंग बुईयोज नोरे बोटिंग
 खिरोमा: भिला लेखे योकिम नोरे बोटिंग ॥२॥
 फोंगटा ते एनडु: खोएज रो योयोएज नोरे बोटिंग
 खिरोमा: भिला लेखे योकिम नोरे बोटिंग ।

१५१८

ओसंगाएजा: राजा ॥२॥ बोकोब ते बोकोबके: तोलोब
 कुम्बा नो डेरायोब कुन्डु: नोम भोरेकी मोंए
 हिरापुर ते बोरोल ओ:ना मु:की मोंए ।
 गोएजनापे सि:डनापे कुन्डु: नेंग हकोन की
 जांग धो: कोन रो: जांग ठांडो डेनापे
 कुन्डु: नेंग हकोन की ।

१५१६

नव राजा: नव पाढ़हा खड़िया भाईयारे
 डोकोकीम कुटुम्बा: दराबरा ते ।
 पोनोमोसोर अगुर ते गुपाते खड़िया भाईयारे
 डोकोकीम कुटुम्बा: दराबरा ते ।

१५२०

घिड़केता तिमसोंग आयो
 घिड़केता तिमसोंग रे
 हायरे दाईया बोनो जीयोम गेब गोडकी ।
 कोमांग गलेकी, लो:खाते मिलेकी
 जांग तेको डोठो: की
 भुंइयार पो:दाते ॥२॥

१५२१

घोल लो:खा कीनिर, एकड़ी लो:खा कीनिर नो माँ जोई
 मो:भी ते मनोवा की ईयामताकी ॥२॥
 घोल लो:खाते डा: एकड़ी लो:खाते डा:
 मो:भी ते मनोवा की ईयामताकी ॥२॥

१५२२

कनियाँ जुंगना चोलकीम रे अपा:
 कि:ते तो:ते एंग डेलकीम रे ॥२॥
 कनियाँ जुंगना चोलकीम रे अपा:
 घोल उबर लेरंग ते एंग डेलकीम रे
 घोल उफे लेरंग ते एंग डेलकीम रे ।

१५२३

हरियारडा: बा: माँ जोई
 हरियारडा: बा: रे
 हरियारडा: बा: माँ जोई
 कोले: की आरेतामोए रे ॥२॥
 अतकड़ा: ओ:ते आयो

महा आएजमोएँ बेटी रे
हिन कड़ा: ओ:ते आयो
लेबु की डेलतामोएँ रे ।

१५२४

गोहोम गोएजलो: ते, जावा गोएजलो: गे आयो
होडोमा: कोले: लीसाय लोसोए डेलता ॥२॥
ओगा: कोले: लेंग चोलकनकी
होडोमा: कोले: लीसाय लोसोए डेलता ॥२॥

१५२५

आतु: गोसोएँ बेटा दुराते डोकोसी: ॥२॥
तेर गोड़े मां जोई मुईंग पथा रुमकुब ॥२॥
ई ईंग नो आयो मुईंग पथा रुमकुब
ईंग को आयो डेलसी:डिंग कनिया: लोभ बोंग ।

१५२६

ओले से बोटिज डा:
ओले से बोटिज डा:
ढेइर डिसा: ताय डेलकिंग
बोटिग बेटोडडा:सोन ॥२॥
डोईर जो तेजकी
कुयु जो पा:की
आना अपा लोरेंग
डा: ऊड डेनाम ॥२॥


१५२७

लोरेंग बीरु तोबलुंग ते डा: नोडी गिमते
भोड़ी ते गिमते कोयो ते तपा: ते
हाय ईआ: अरबडु: कुन्डु: बारु बो:ते जपा: सी:
बारु बो:ते तोंगोंन सी: ।

ऊबर एकड़ी दिनो इडिब डा: नोडी गिमते
बेड़ो जो ऊम्बो: लेरंग जो ऊम्बो: हाय पोनोमोसोर
हाय गिड़िंग लेरंग, हाय ईजा: अरबडु: हाय
ईजा: तुरसडु: ।

१५२८

तेलमिंग बेड़ा ते ददा, कुरु कुरु, ॥२॥ दूरेता ॥२॥
तारे से ददा रूतु डंडा: बोंग अराई डंडा: बोंग
सिलो: सोंटी बोंग तारे ।



बुभौवल

1. The first part of the document is a list of names and addresses, which appears to be a directory or a list of subscribers. The names are written in a cursive script, and the addresses are listed below them. The list is organized in a columnar fashion, with names in the first column and addresses in the second column.

2. The second part of the document is a small, rectangular stamp or seal. It contains text that is difficult to read, but it appears to be a formal stamp or seal, possibly from a government or official organization. The text is arranged in a grid-like pattern, with some words in the top row and others in the bottom row.

- १ इचब कुन्दरी ओलकब । ई हेके ? = वंगरु ।
- २ फुचूंग रे सेलहोब अमअः लाएज ते ऊलुई । ई हेके ? = मुरुन सुंगा ।
- ३ अखड़ किनिर ते मोएंग ढुबनी कोबरिबाअः कोबरिब । ई हेके ? = ऊड ।
- ४ मोएंग बेटी ते जन्मे ना बोओतय गिलतेकी, मुदा मुन्दरोम लाःता लाः उमोए गिलते । ई हेके ? = कुईऊ ।
- ५ मुडु डेलकी गोतिया, तरोः की उबर ठंग खासी ओयोःना लेबुआः गोने ऊम्बोः, खासी यअः जांग उम्बोः । ई हेके ? = बालक कुण्डुऊ रो नुनुऊ ।
- ६ चोनाम लाः चोनाम कटिज इंगते, जीब टुईएः । ई हेके ? = सोनोँग, सिकरी ।
- ७ अमाः तक तुक, ईजांः जीयोम चोना आमाः कोमांग ओयोःगे की । ई हेके ? = चुटिया ।
- ८ कोन्थेड आः कुण्डुः कोन्थेड उम गाम डोमता, बुगाँम लेखे रेंगेता, किङोः लेखे खेडते । ई हेके ? = कोनडोए याः कुण्डुः तिजोः ।
- ९ मुईजडाः गाः कुण्डुः मुईजडाः उम गाम डोमता कोन्थेड लेखे लेंगता, बुगाँम लेखे खेडते । ई हेके ? = कुण्डुः (डांस) ।
- १० मोएंग कंडायबोः ओयोः कनते ईज कनते । ई हेके ? = चकरी, जाता, रहंटा ।
- ११ मेयाः ते ईफोन काटाः तोहोन बोःते उबर काटाः, ईडिब ईडिब ऊफे काटाः । ई हेके ? = कोनोन भेरे कुण्डुः की पागुड २ संगोडताकी, जुवान भेरे उबर काटाः, बुढ़ा भेरे डांङाः तूजी कोन संगोडता ।
- १२ मोएंग बेटीते चोना भेरे केटोंग डोडते की एँगना भेरेए को सेंधोर ओलते की । ई हेके ? = कुईऊ ।
- १३ मोएंग बेटा डांग गोडना चोलकनता मुदा एनेम ओल, डेना ऊम पालते । ई हेके ? = कोम ।

- १४ ओसेल गाय छिरीयायते, मोघेर गाय कबतिबते । ई हेके ?
=तुनबो: रो इडिब ।
- १५ मोएँग बेटी ओ:ना को पालते, ईजना भेरे को एनेम ओबिईज
उम इजते । ई हेके ? =सोंगडा:, कुमनी ।
- १६ मोएँग कुम्बा: उबर दुरा: । ई हेके ? =रोमोंग ।
- १७ गोला ओरेज: ओ:गा चोलता, मोघेर ओरेज: गिता:गा चोलता ।
ई हेके ? =तिमसोंग रो गसज ।
- १८ नैगोम ते किडो: खेथो: मरा: चोलता गोहाईर । ई हेके ?
=बन्सी, कडोंग, फुही ।
- १९ ओ: ते तिमसोंग ला: की, ओगा: लेबु धो: डोमकी मोएँ, ओ:
यारोओ: खिडकी २ । ई हेके ? =जाल, डाअ:, कडोंग ।
- २० माँ जो डुन्डी आपा: जो डुन्डी मुसनिगा: दिनो ईंग जो डुन्डी ।
ई हेके ? =केनडोड, डुन्डलु: ।
- २१ बेडो लेरंगा: कोलेएज ते कोतका मेडायते । ई हेके ? =तला:
रो कूजी ।
- २२ मोएँग बेटा बोकोबके: तारो जोरमेता । ई हेके ? =तिडेल ।
- २३ तोबलूंग जो कबटो, तुता जो कबटो मो:भीते कबरी पठरु ।
ई हेके ? =मोओड ।
- २४ छेपर छेपर डा: ते पोठा कडोंग पुडता । ई हेके ? =लाँग ।
- २५ मोएँग खासी तारो: की, उबर ठंग सोरेंग ते ऐंजाम होईकी ।
ई हेके ? =सेए: रो रमाड ।
- २६ ई चोलतम भेलोब, कोरोब सी:ना डीमसंग, कौगेकी ला: गीले
की । ई हेके ? =बुगाँम रो पोकपोको: ।
- २७ बा:छा: तोल तोल आईज केके: चोलता अरजा:ना । ई हेके ?
=बडोमकोए ।
- २८ मुरदरा: ई:फोन काटा, गो: गो: लेबुआ: काटा गा ऊम्बो:, योयो:
लेबुआ: बोकोब ऊम्बो: । ई हेके ? =केनडोड, बुगाँम, खँखडा ।
- २९ एनेम बोकोब बा: लेबु दुरा: बो:ते, डोको सी:ता । ई हेके ?
=खँखडा ।
- ३० लाँग पा: पा: तोमोड डेज डेएज होकड़ा कामू बोंग राईज
चोलता । ई हेके ? =पेन ।

- ३१... बोरोल कोमांग ते रेंगोल दारू पोडता । ई हेके ? = डेडेंग ।
- ३२ तोबलूंग ते थोका तुता ते आण्डा । ई हेके ? = तोमसींग या: थोका ।
- ३३ बिहातेम ला: बिहाय, ऊमेर चोना ईजा: पसतावा अवना अमा: ।
ई हेके ? = बिडा:, गाछी: ।
- ३४ ईफोन भाईतेगा ऊतबर घुसा । ई हेके ? = खाटी
- ३५ गाय घलते जांग, जांग घलते बछरू । ई हेके ? = कुन्डु:सिंग,
अण्डा ।
- ३६ मोएंग बीरू ते एनेम गंठा: कोंडेंग । ई हेके ? = ऊलुई ।
- ३७ ठाक ठाकुर बुढ़ा ठाकुर ओओ: आईज दुरा ऊम्बो:डेज । ई हेके ?
= कुसर कोवा ।
- ३८ अपडोम बेटडोमा: मोएंग गा जिमी, काठ बेटडोम आ: दोन्दो
जिमी । ई हेके ? = मुरुन दारू रो कुपुंग ।
- ३९ कोसोर दारू ते टेवा कुईजता । ई हेके ? = कोंडेज ।
- ४० अखड़ किनिरते मोएंग कँडायबो: कोंसडों पे: इबते । ई हेके ?
= कोने गुनु:ड ।
- ४१ लोरो: कोले: डेज डेज बेलेड । ई हेके ? = गुंगु: ।
- ४२ मोएंग कँडायबो:गा: कुन्डाब तीज गोने आवता । ई हेके ?
= भेनतु ।
- ४३ अखड़ किनिरते करहूनी बा: बेलोंगता । ई हेके ? = लारो:
बेलों ।
- ४४ मोएंग गोले बा: बोंग ओओ: भोरेना । ई हेके ? = बिजली
पतर ।
- ४५ कुब कुबी कँडाय बो: किनिर डेजते । ई हेके ? = गनअड ।
- ४६ मोएँज कँडाय बो: मोएँग कुण्डुम अनरगी ओंओते । ई हेके ?
सोंगगोल रो ऊ:छूंग, चलहा ।
- ४७ मोएँग पो:दा: बोकोब मोएँग गा । ई हेके ? = चुंगडा: ।
- ४८ मोएँग ओरेज मोएँग बीरूआ: घास ओं:ते, मोएँग पोखरा: डा:
ऊडते । ई हेके ? = कोनोय ।
- ४९ रोडकोंगना भेरे मोएँग ओरेज ला: काएजना भेरे उबर ओरेज ।
ई हेके ? = अनरगी ।

- ५० उबार ठाँग घोड़ोड लाः मूडूगा डेबडेबलेबू । ई हेके ? = नयगोमाः चेपूआ ।
- ५१ मोएँग कँडाय बोः किन्ने किन्ने इजते । ई हेके ? = चकरी ।
- ५२ अखड़ किनिरते एनेम जुःडआः पोड़ोब । ई हेके ? = पुडूब ।
- ५३ ठेब कोनथेड आः बोकोब ते कोमाँग । ई हेके ? = सोसो ।
- ५४ मोएँग वारूते डँडागाः डँडाः । ई हेके ? = बनायडेंग ।
- ५५ मोएँग वारू ते डेलकाः डेलकाः । ई हेके ? = कुलाब ।
- ५६ मोएँग वारू ते कानासी आः कनासी । ई हेके ? = कोरोँजो ।
- ५७ मोएँग वारू ते कुयू आः कुयू । ई हेके ? = लुवा ।
- ५८ लोरोः भेड़ी भाड़ी पोखरा आः डाः उडते । ई हेके ? = सोंगडा ।
- ५९ लोरोः भेड़ी डाः उडते । ई हेके ? = लूनडा ।
- ६० मोएँग पथा आः लेढा जाँग ते कोलना पालेम । ई हेके ? = सिन-कोम ।
- ६१ भाड़ीः आः डँडाः गेबता मुदा महरा डँडाः उम गेमता । ई हेके ? = गाय गोडभूँग ।
- ६२ तील तील रुपया पुर लड़ेना चोलता । ई हेके ? = पोड़ोब ।
- ६३ मोएँग कँडाय बोः बोकोब केए कोन डोको सीईता । ई हेके ? = गोगडीँग कुयू ।
- ६४ टीरी टीपीं गाय आः मोएँग भन्डा ओल । ई हेके ? = कतोर ।
- ६५ सुँग सुँग मेरोम ओओः बुलीता । ई हेके ? = पथा ।
- ६६ मोएँग बेंटी अदोड़ो भेरे कोपेड सीःते, लाः जवानता ताय आँग सीईःते । ई हेके ? = लनडाम ऊलाः ।
- ६७ अखड़ किनिर ते बछ्छा सुमडोम आः सुमडोम । ई हेके ? = कोलेड ।
- ६८ मोएँग बेंटी, पटी पटी लुलुई सुते । ई हेके ? = कोलेड ।
- ६९ ठुनठी जोनोओः कुडा बोएजते । ई हेके ? = मेरोम लेंडी रो पताः ।
- ७० तड तड बकरा तोबलूँग माँग सीःते । ई हेके ? = नरा ।
- ७१ रँग रूँग कबँज कुबूईज । ई हेके ? = ओलवा ।

- ७२ मोएँज तरंग डींगना धावे धाँइध गुरगुरायता । ई हेके ?
=चरखाः ।
- ७३ मुगाम मुगाम बँकलुई लाः कुन्डाब तीज ठोर, हिन कडाः
कुन्डाब तीज मुरुम । ई हेके ? =ओरेज, रो सिनी रो,
सिलोः लेबू ।
- ७४ गोडभूँग ते मोएँग ओखड़ी माड़ाय डोमगा चोलता । ई हेके ?
=हाथी पाँज ।
- ७५ चोनाम गुगुं, डेनाम गुगुं डाः ते बोतोंगता गुगुं । ई हेके ?
=जुता ।
- ७६ अखड़ किनिर ते मोएँग बाःछा तोलडोम सीईःता । ई हेके ?
=कुसर ।
- ७७ भोलय कोने दारू डेबता । ई हेके ? =कुरसाय ।
- ७८ ऊतेगा अवनाम रोद रोदो ईंग डाँग तोलना चोलतँग । ई हेके
=भूडोंग ।
- ७९ डाँगसी कोनसेलडूगाः इकुड कुन्डूः । ई हेके ? =कोमडोल ।
- ८० मुडू बेटी आः ऊःफे गोठांग नुनू आवता । ई हेके ? =ऊःछूंग
(चुलहा) ।
- ८१ मोएँग कोनघेर आः थाम एकड़ी भूनूर । ई हेके ? =
सोडोम लूकू ।
- ८२ रन रन घटी सोनाः पेटी । ई हेके ? =तेरोम ।
- ८३ बनसी डांग टीयूल नो काई पोडोम फू । ई हेके ? =ईजथांग ।
- ८४ मोएँग डेलका ने घाम गोठांग टोंका । ई हेके ? =मोड, लुतुर ।
- ८५ तेली याः गाड़ी रो तोमकुई याः बाड़ी रो चिःको याः बाड़ी
मोएँग बाड़ी । ई हेके ? =वियोम ।
- ८६ हाथी पाँज ते लेरंग गुरगुरायता । ई हेके ? =कोलोंग ।
- ८७ लिब लिबी ऊलाः केलपुर बुलीता । ई हेके ? =चिट्टी ।
- ८८ अपडोम अः बिहा ते बेटडोम कुईजता । ई हेके ? =सेरिगा
लूकू ।
- ८९ मनोम को बोई, मोएँग ते ऊबर बायना चोलसीः । ई हेके ?
=मासो दाईल पाःना ।

- ६० अपनोम को बोई, आपैईज को तुतगा: जे तोबलुंग ना ओडो:
तोबलुंगा: जे तुबता न चोलसी: । ई हेके ? = सिलो:ना चोलसी:
- ६१ ए तील, तील, ई लूकु, ढेंको गा: डेलताएज बेर गामतेज
सुढा: गोएजकी हिनकड़ । ई हेके ? = आरू, बड़ोम कोय,
बेंठी, भाँख ।
- ६२ ए लुर लुर ई एंज तोम, बोतोंग, बोतोंग, आम तेगा बोतोंग,
ईंगते ईङु: बोतोंग । ई हेके ? = बुगाम रो सिडिज ।
- ६३ रू: रू: चपाल करकरायगा चोलता । ई हेके ? = पेंडेड ।
- ६४ मोएंग दारू ते मँदड़ी या: मांदड़ी । ई हेके ? = कनठड़ा ।
- ६५ मोएंग कोनसेलडू: जन्मो कुन्डु:ते । ई हेके ? = लुवा ।
- ६६ ततंगा आ: लड़ांग लूङुंग याया आ: जड़ांग जूङुंग । ई हेके ?
= सीडीजू ।
- ६७ मोएंग दरंगा सितिलते लूलूंग पोडोब । ई हेके ? = नून ।
- ६८ चोना भेरे सोबरे सोबरे ला: डेना भेरे दीरोम बो:, अतु चोल
सीखो:ब भाई बाघन बीर । ई हेके ? = बुनूई ।
- ६९ अखाड़ किनीर ते रूसूंग ओरेज हांकन्देता । ई हेके ?
= मन्दड़ी ।
- १०० अखाड़ किनीर ते एनेम पोटा: किड़ो: गरजेता । ई हेके ?
= डेञ्जांग ।
- १०१ रेंगोल दारू ते पसाना गन्दरी कड़ांग कतीब ताकी । ई हेके ?
= डेञ्जांग रो लेबु ।
- १०२ अजेलूडा: कड़ांग हीड़ो कौंगते । ई हेके ? = चू:ची ।
- १०३ ओसेल गोएज लोम्रो: ते करहैनी बाअ: बीडते की । ई हेके ?
कागज रो सिहाई ।
- १०४ अखड़ किनिर ते मोएंग बेटी ईयामा: ईयाम । ई हेके ?
= रंहटा ।
- १०५ आपडोमा: ताय सेंग बेटडोम जोरमेता । ई हेके ? = तिमसांग
रो मो: ।
- १०६ जोरमेना भेरे मेतीब ते जवानना भेरे जिहार ताकियार ।
ई हेके ? = खपरा ।

- १०७ हें:ते याया गिता:ना ईंज हिले ताएँज । ई हेके ? =कुन्डु सोर
रो पा: सोर ।
- १०८ मुडुआ: जिरी एनेम तेड भाडीया: मोन ऊम भोरेता । ई
हेके ? =पेए: ।
- १०९ रानी बेटीया: माला तोयना पालेम । ई हेके ? =लेढा जांग ।
- ११० अपडोम बेटडोम भकूवा ला: चपल ते पोनयोर । ई हेके ?
=मुरुन खोंच ।
- १११ सीयू रे सीयू चपल ते जीयोम । ई हेके ? =घाँस ।
- ११२ ऊलटी चपल पलटी चपल ठेऊना चपल उसलोओ: चपल ।
ई हेके ? =गाय, बछरु, चुका, लेबू ।
- ११३ साय डोईर आ: मोएँज गा थोका । ई हेके ? =पेईठ ।
- ११४ मोएँज कडांयबोगा: भी:तर ते कोमांग बहेर ते पंजरी, बोकोब
ते चुन्दी । ई हेके ? =गुगुं: ।
- ११५ साय भाईया: चपल मोएँज गा । ई हेके ? =रोसडोम ।
- ११६ योयसे मां इंआं: अकील मेटा: तोमोड ऊमींग योसी: तेऊजो
डोंडा तेगा ३६० ठो कुन्डु: =कुम्हार ।
- ११७ सीलो:ना भेरे पांच भाई पटा कडना भेरे दाश भाई=
अनरगी रो अंगरी ।
- ११८ हान चोलकी हान डेलकी =नाजेर ।
- ११९ साय लरंग मोएँज का भोंम्पा । ई हेके ? =पेईठ ।
- १२० तुमसिंग अंगरीया: घोल ऊबर ठांग चरखा, ओडो: मोएँज
कोलह । ई हेके ? =तुमसिंग दिनो आ: घोल ऊबर लेंरग,
मोएँज मेमोन ।
- १२१ मोएँज बुढा साल ते मेसोनगा बरछा धो: के मु:ता । ई हेके
=फुटकल सा: ।
- १२२ मोएँज बुढा साल ते मेसोनगा बोकोब केए:तारो मुऊ:ता ।
ई हेके ? =कोरको:टा लुकू ।
- १२३ चोनम ला: चोनाम मेसोन थुडाय दुयेम । ई हेके ? =ताला ।
- १२४ मोएँज दाह ते खोता: खोता । ई हेके ? =खोंच ।
- १२५ घुसुर २ पोडोंग । ई हेके ? =लुतुई तँजना डोंगी ।

- १२६ मोएँज तोम्बा एनेम कोयोः हिलेता । ई हेके ? =सोलोः पत्ता ।
- १२७ सोब आः काटा गोबता मुदा चंची आः काटा ऊम गोबता । ई हेके ? =ओलेंगजुड ।
- १२८ ईज डेलताईज भेरे आम चोलतम । ई हेके ? =बेड़ो रो लेरंग ।
- १२९ भाड़ी याः जोल किआः ताय ईञाः जोल केलोम आएज् । ई हेके ? =तेरोम ।
- १३० ठींग बीरु ते राईचुनी वाः बेलेंगता । ई हेके ? =ऊलूई ।
- १३१ किनिर मोभी ते ओसेल ओरेएज् तोल तोलाः तोल तोल । ई हेके ? =कुसर ।
- १३२ मोघेर खासी ओसेल एजॅम । ई हेके ? =गोलंग ।
- १३३ मेयाः ता नो कोकोः योः कोकोः योः गामते । ई हेके ? = नधा पैना (तुर्मासिग लुबांग) ।
- १३४ मोएँज दाह ते लवाः लवा । ई हेके ? =राः राः ।
- १३५ मोएँग बुड़ा खरोम गोसोः के डोकोसिःता । ई हेके ? =रकसा ।
- १३६ मोएँग मड़ाते कौंसडों जॅंग आः कौंसडों जॅंग । ई हेके ? =तुयुईज ।
- १३७ मोएँग किनिर ते डुबनी मड़ल । ई हेके ? =लेरंग ।
- १३८ बरिया बेटा मुसनिगतेगा जन्मेता कियर मुडुः कोनोन भेरेगा भारो गोः ते, मूडू महाता ताए भारो गोःते । ई हेके ? =तरन ।
- १३९ रिसी सिकोयाः पेनेर ते अपडा तेरते । ई हेके ? =ऊमडा ।
- १४० लोरोः भेड़ी इकुड सेबोल । ई हेके ? =कोमडोल ।
- १४१ गोएज गोएज भेड़ी हुमसाएते । ई हेके ? =चपुआ ।
- १४२ दीर दीरी टुकूते मोएँज कन्डायबोः ओः वाय सीःई । ई हेके ? =रोमोंग ।
- १४३ तेनतेम पातर भांभी ते इडिब भेरे अमाः आपनोम योते । ई हेके ? =मुरुन रो बुगांम (महुआ और साँप) ।
- १४४ मोएँज रेंगार दाह ते डेजना कोन्डेज जो ऊम खूपेता । ई हेके ? =लॉगोय ।
- १४५ मोएँज केन्डोरबो जोरमेना २ बोकोबकेः सीःता । ई हेके ? =तपकार, जराः ।

- १४६ मोएँज कुवां ते ऊबर मोधे डाः अवता । ई हेके ? =अण्डा ।
- १४७ तोबलूंग ते ऊडछूंग तुता ते कुईऊ । ई हेके ? =हुका रो चिलम ।
- १४८ चोनम लाः चोनम ईज ते मेलय टुयेम । ई हेके ? =पाँज ।
- १४९ कोनोन भेरे लुतुई सुते महाता ताय उम सुते । ई हेके ? =कोलेड, कोडेग ।
- १५० जोरमेता भेरे मोलोय एकड़ी सोंगती, ओडोः जवानता भेरे ऊबर अंगरी, केन्डोरबोःता भेरे मोलोय एकड़ी सोंगती । ई हेके ? =लेंगोय ।
- १५१ पखा ते योता योता डाः पभरेता । ई हेके ? =तेनतोन ।
- १५२ तोबलुंग ते थोका तुता ते अण्डा । ई हेके ? =मुरुन ।
- १५३ इःफोन कुलम ते उनबार केँहड़ी तेरसीः मोंय । ई हेके ? =साँड़ी ।
- १५४ मोएँज ओगाः मोएँज गा खुन्टो । ई हेके ? =कुरुड ऊड ।
- १५५ मोएँग टुकु ते ऊबर ठांग तोरेंग डोको सीः । ई हेके ? =लुतुर ।
- १५६ लोरोः भेड़ी दुरा दुरा बुलीता । ई हेके ? =गाली ।
- १५७ मोःभी कुयु डाः छलकेगा चोलता । ई हेके ? =बहेर ते साधुगुड ओडोः भीःतर ते कपटी ।
- १५८ लोरोः टेदंगा इकुड सेबोल । ई हेके ? =कोमडोल ।
- १५९ सोबाः जीमी सुन्दर सुन्दर ईजांः जीमी लोरोः । ई हेके ? =पाको ।
- १६० किनिर चोलकींग लुकू ओंःखोएज राः राः ओंःखोएज, चेपटी कोनकुय ते मेलाय टूयोएज । ई हेके ? =पाँज ।
- १६१ मुडुःआः तीः धोःना बोंग गा भाड़ीयाः कुसु कोंगता । ई हेके ? =पेः (भात) ।
- १६२ मुडुः केन्डोर बोगाः मोःभी कुन्डाब ते चुन्दी । ई हेके ? =ताराजू धोःना केकेः ।
- १६३ मोएँज जीयोम अडीयाः ओः तेगा गोःते । ई हेके ? =घोघां
- १६४ जोलोड जोलोड दारू कोकों गूड लूकू । ई हेके ? =कोमडोल ।
- १६५ बेरोडना बूछा तुजे । ई हेके ? =जूता ।
- १६६ अखड किनिर ते मोघेर बाः बेलोंगता । ई हेके ? =लारोः लुकु ।
- १६७ मोएँग सोरेंग ते डाः पभरेता । ई हेके ? =ऊरुम डाः रो सोमोंग ।

- १६८ खसखसा सोलो: अनंत सेबोल । ई हेके ? = कनठड़ा ।
- १६९ मोएँज बड़ोम लुतुई एडते ला: को ऊम पालते । ई हेके ?
= गुडभूँग ।
- १७० नैगोमआ: लुतुई गेबता, अनिय: ऊमगेबता । ई हेके ? = चपूआ ।
- १७१ ठंवाठा लुकु गुरता भेरे मुडु बेटा बदके चोलता । ई हेके ?
= कायर ।
- १७२ रूसूम कुन्दरी ते कौवा: ठोठकायते । ई हेके ? = लूवा ।
- १७३ मोएँज कन्डायवो: मूडही रोओगा रो:गा डोडते । ई हेके ?
= मेरोम लेंडी ।
- १७४ मोएँज बेटा चंटड़ी ते किन्द्रेय: किन्द्रे । ई हेके ? = कंची ।
- १७५ एबना से ऊम कुईना, भा:पोना घावे ऊम इसिन ना । ई हेके ?
= ऊलूई ।
- १७६ मोएँज गा सुम्बो: सायगो लरंग । ई हेके ? = पेईठ गोडभूँग ।
- १७७ जवान कोनघेरआ: लेपोड दूरा । ई हेके ? = तरवाईर आ: खोली ।
- १७८ मुडू बुढ़ा मोएँज गा भड़िया बोंग ओ: बायते । ई हेके ?
= कुसर ।
- १७९ तुताते ओल्लोंग तोबलूंगते कांड । ई हेके ? = गुंगु: ।
- १८० मोएँज रानीया: हड़का युअ:ना ऊम पालता । ई हेके ?
= ओरतोना: लूकु ।
- १८१ मोएँज तपकार बार ते हाँथी ओ:ना ऊम पालो: भेरे कोतोबलूंग
ते ईज् गोथो: । ई हेके ? = दरंगा ते आवकी ।
- १८२ सोब गेबकी पोटीम ऊम गेबकी । ई हेके ? = जिमी ।
- १८३ मोएँज लेबू ओल्लोंग सायना चोलसिखो: ला: सायना भेरे रोमोंग
साय डोमकी । ई हेके ? = धंसना तोबलूंग ते आवकी ।
- १८४ गायते ओन गोथो: की गोंयठा ते राम ओलो: को । ई हेके ?
= तेरोम ।
- १८५ मोएँज बेटा कोनोन भेरे रा: रा: सुते, बुढ़ाभेरे तरवाईर
ओखोडते । ई हेके ? = कोडाएज् ।
- १८६ कायर दारुते रूसूंग लुतूई, योय से बुढ़ी ईजा: तमसा । ई हेके ?
= मरबी ।

- १८७ ऊलागा: पोडोम, मास आ: टांगना । ई हेके ? =ओड़ेग ।
- १८८ मांडोम, बेंडोम आ: मोएँज् का जिमी । ई हेके ?
=ईरिन ।
- १८९ ठाक ठुक बुड़ा दाशठो काटा तीन ठो बोकोब । ई हेके ?
=गाड़ी योनना रोसिलो:ना ।
- १९० बरो ठो भाईस छन्दे यअ: छन्दे । ई हेके ? =चरखा ।
- १९१ अम्पे दाश भन तेऊजो ईज तेगा बोतोंगतापे । ई हेके ?
=किड़ो: ।
- १९२ बाप रे बाप बोकोब बोंग फो:तींग ओ: दुरानाईज खिड़की ते
यारो: । ई हेके ? =जाल रो कडोंग ।
- १९३ बेटा बेटा भेरे एकला एकला, बुड़ा बुड़ीता मोंय भेरे भोता
भोता ई हेके ? =तुंजबोग ।
- १९४ मोएँज् लेबु आ: गोटा जीरी पोटा । ई हेके ? =तिआजा ।
- १९५ बेलोंग कुन्दरी ते कौवा ओ: ते । ई हेके ? =सांडसी रो कुटासी
लुवंग ।
- १९६ एब एब चुटिया लता गुड्ते । ई हेके ? =लुवांग ।
- १९७ कैंडोड् आएजते सोबगा ओ:तेकी । ई हेके ? =चकरी रो
मासो ।
- १९८ धसना सितिल आ: लारो: बुदा जाआना पालेम । ई हेके ?
=सोलो: पता ।
- १९९ ऊबर टांग आपडोम् मांडोआ: बतीस ठो जीमी । ई हेके ?
=कडोंग ।
- २०० मोएँज् कंडायबो: चपल ति: चाखना: ऊनते । ई हेके ?
=सोंगडा: ।
- २०१ रुट रुटू बकरा पे: ओ:ते डा: ऊम ऊडते । ई हेके ?
=घून, पिलवा ।
- २०२ आम ते योना चोलता ईज ते डोथो: की । ई हेके ?
=सोंगडा रो कंडोग ।
- २०३ पि:तोड़ो आ: लोटा भी:तर ते रूसूंग संग संग । ई हेके ?
=कुलाब ।

- २०४ मोएँज राजा लम लम डांगो: रो गामो: नो ई जनयार जो
अ:पे तारे मुदा मास ओलेपे, ऊम्पे ओले ला: बोरोल बोरोलगा
तिर्लिग। ई हेके ? =खाजर आ: अंडवाईर डोम ते
ओलो: की।
- २०५ बुडबक बुढा अजगर खेती डा: भी:तर ते तोलो:। ई हेके ?
सनई।
- २०६ मूड कंडायबो: डांग ते फूड़ी बायते। ई हेके ? =कूदरूम लूकू।
- २०७ काठ सोरेंग ते खेती, डा: तिमसोंग ते तोलो:। ई हेके ?
=कुम्हार आ: आवा।
- २०८ ओरी ते घाव ओरी ते कनला। ई हेके ? =जलो: हिड़ोआ भाव।
- २०९ लेंग डा: लेंग चोलता, टोटो डा: टोटो आवता। ई हेके ?
=ओमपाय आ: रोकेड।
- २१० रुसंग गुंज तूलूक तुम्बा। ई हेके ? =मरची।
- २११ मोएँज मांडोम आ: दास ठो कुन्डु:। ई हेके ? =रोसडोम।
- २१२ मोएँज बुढा तोबलूंग ते बान्धो कोंगते। ई हेके ? =धनुषवाण।
- २१३ गिड़िगता भेरे महाता, लोगोंयता भेरे कोईलता। ई हेके ?
=ऊरूम डा:।
- २१४ लोरो: जो बेस पिज पिज जो बेस। ई हेके पा: पा: जो
बेस। ई हेके ? =गोलांग, कोलेज उजु:।
- २१५ मोएँज बारू ते मिठाईया: मिठाई। ई हेके ? =लूबा, तिडेल रो
जरा:।
- २१६ तोबलूंग ते फीर, फीर, तूता ते ठाब। ई हेके ? =सेरिगा लूकू।
- २१७ मोएँज कंडायबो: खरोम आ: खरोम ईजते। ई हेके ?
=चकरी।
- २१८ छिक छिकी कोनथेड आ: पोटा सेबोल। ई हेके ? =पपड़ा लूकू।
- २१९ मोएँज कंडायबो: धांधके लोब लोब आवता तेऊजो डियरता।
ई हेके ? =करछुल।
- २२० मोएँज गूरता बारीया योते, पांच भन रामते की, मूडू जों:ते
ला: मूडूगा सेबोल कुईते। ई हेके ? =लूकू, मोड, अंगरी,
तोमोड लांग।

१५०८

ओले सेरे माँ जोई मोएँज चेपुड रुमकुब
 तुम्बा ते धोंगिंग
 ईंग को माँ चोलतेंज बसाली गाय गुपाःना
 ईंग को माँ चोलतेंग भेंसी गुपाःना
 बसाली गाय चोलकीमोंए तोनडेंग डांडते
 तोनडेंग बेड़ा ते भेंसी को चोलकी मोंए कांसा दोरहोते ।
 ईना नो बेटेंग तमा जाऊ उम योःतम तमा जाऊ उम डेलतम
 उमने ओलोंग जाऊ बसाली गाय गुपाःतम
 उमने ईडिब जाऊ भेंसी गुपाःतम ।
 ई ईंग नो माँ जोई तोनडेंग केकेः उईजना ॥२॥
 बेड़ोः योलोः की
 बेड़ोः जो मुःसिंग की केकेः जो हेलायोएज
 मोएंगा भेंसी ते ओएजसी डिंग ।

१५०९

कोलेः लेखे रे जीयोम,
 लोःखा पिजिरा ते लिसाय लोसोए ॥२॥
 अले सेरे जीयोम गोएजना तेरे
 उ दुनियाः बाः रुमकुब, सोना रुपा
 भाड़ी तेगा मेलायेम ।

१५१०

ईंग को २ माँ जोई, राजा बिहा चोलतेंग ।
 अलीउ को तेजकी, अरगोः जो पिजकी
 माँ जोई एंग नेंग नो उम्बोः ।
 एंगनेंग लाः को माँ जोई
 रुअम नेंग ते योयेम
 गोएज नेंग लाः को शोरो समुद्र ते मिलेनेंग ।

१५११

कची बंगेला बयोब नोरे अपा
 कची बंगेला धासे गोडकी ॥२॥

- २३६ गोतिया डेलकी रो उबर ठंग खासी तरों रो कोमांग तेको
ओ: गोथो: मोएँ, मुदा हो खासी अरओ:ना चोलकी ।
ई हेके ? =बकरा ते खबसी: यो:की ।
- २३७ मोएँग बटी कुईजकी २ रो ओगा: कोना ते लेडना चोलकी ।
ई हेके ? =एण्डी ।
- २३८ बिरुआ: पोडोब, डागा: ओरसिंग बुड़ा बुड़ी मोएँगा, कामु
ते कामु ताकियार । ई हेके ? =मांजाय कडोंग रो लेबु ।
- २३९ लुकु तोबलहूंग ते डा:, डा: तोबलहूंग ते तावा, तावा तोबलहूंग
ते तिमसोंग । ई हेके ? =हुका ।
- २४० डा: तोबलहूंग ते ओसेल बेलेड, मोएँग गा काटा, ईंग गामते
साधु लेबु, सर कामु डोम जीयोम तारना । ई हेके ?
=बंगकलुई ।
- २४१ केन्डोर बो: ते कण्डायबो: घिसडाय ते । ई हेके ? =ओ: लुण्डा ।
- २४२ राँची ते बिगुल पेएडतेकी, डुरुण्डा ते कोन्डेंग हिलेता । ई हेके ?
=सोलो: भभरु ते भैरे पता डोम हिलेता ।
- २४३ मोएँग कोनथेड पता डोम बींग डा: उडते । ई हेके ?
=ललटेन रो डिबरी या: साईरता ।
- २४४ रा:ता कदम, लुकु:ता केरा । ई हेके ? =पको: लुकु: ।
- २४५ उघाय जुघाय बेतोड बेर आईज बेरनो कहियो उम बेसोता,
ई हेके ? =तिमसोंग ।
- २४६ आपनोम ई चोलकी बोई, लो:खा ते लो:खा तेरना । ई
हेके ? =मुरदर तिलना ।
- २४७ आम ईतम बोई, मडोम ते गोरोड तिग कुन्डु: डोम ते डेंग
तिग । ई हेके ? =रहड़ी भा:टा वाईल डोम ।
- २४८ रूसूंग कुईयु रूसूंग डबनी । ई हेके ? =सुबडूर लुकु ।
- २४९ बोकोब ताय ती:, ती ते रोमोंग । ई हेके ? =हांथी सोंड ।
- २५० माडोम डोठो: चरा, ला: चरा ओ:खो कुन्डु: ते । ई हेके ?
=कनहार रो बिलोई ।
- २५१ तुम्बा पा:ता मुदा टांगना उम तेएजता । ई हेके ? =जिमी ।
- २५२ भुन्डु तोबलहूंग ते खुनटो, खुनटो तोबलहूंग ते खोता, खोता
तोबलहूंग ते अण्डा । ई हेके ? =हुका ।

- २५३ उलाः ठुमपु, लुकु भेलोब । ई हेके ? =मुनगा ।
- २५४ आता ओम्पाय हेके आते नो डाः उम लेंगेता आता बिरू हेके, आते नो दाहू उम पोडता आता गोडभूंग हेके, आते नो लेबु उमोए संगोडता आता सोमदोर हेके, आते नो जहाज उम चोलता उजे मोंएग कयोम बोंग बताय =नकसा हेके ।
- २५५ मोएंग कोन्थेड कुलंग कलेड ओम्पाय सितिल ते अरओःता होकड़ा सोंड सोनोराः, पता बोंग डाः उडते । ई हेके ? =दियोम ।
- २५६ जांग जोरोमता, राःराः उम जोरोमता । ई हेके ? =लोईन साः ।
- २५७ उलाः खस खसा, लुकु लाडु, बेर उम कोंगेः हिनकड़ा आप-डोम भकुवा । ई हेके ? =डाहु लुकु ।
- २५८ हारियार डाः आवकी, भोरे आवकी कमड़ा अंगकु कोन, लाल बाबुआः बाड़ी ते तोंगेन सीःखोः । ई हेके ? =जोनढरा ।
- २५९ ईंग उमिंग कोंगते, सीता पीता, ईंगते लाएजाः चिता । ई हेके ? =बेतोड ।
- २६० तोबडाः बुईडाः भोंईस, हो भोंईसाः टीबरू एकड़ी कुन्दुः । ई हेके ? =कनठडा ।
- २६१ मोएंग कंडायबोः अकाय सेलहोंग डाः ते डुबेता मुःता । ई हेके ? =बान्सी ।
- २६२ संग संगः रंग ओःना गट गट योःना बोंग पिईतोड़ो आः लोटा । ई हेके ? =कुलब लुकुः ।
- २६३ बेर कयोम लोःना लामते=पेईठ ते बंडिया ।
- २६४ बेर ते कोरोब आवना बेस लाता=सुरूम ।
- २६५ बेर लामते मुरडाः=माली ।
- २६६ बेर लामते गिड़ंग=घोबी, कुम्हार, रो चीःको ।
- २६७ रौनी डुरूंग ते सौनी कपिलते=गोने रो लांग ।
- २६८ ठुचुक ठुचा कोना ते लेड़ता=डुरूंग न एण्डी ।
- २६९ तुनबोः ते कुचटंग, ईडिब ते बेलडोम=भेन्तु ।
- २७० मुरदारयाः ऊःफे गोठांग काटा गोः गोः लेबु वाः काटा उम्बोः योयो लेबु याः बोकोब उम्बोः=टेटंगा, बुगांस, खांखड़ा ।

- २७१ बेरोड ना पातर की बोकोबके: ना। ई हेके ? = गोंगडिंग कुईऊ।
- २७२ चोना भेरे सोबरे सोबरे डेना भेरे दिरोम दिरोम महाबीरते
आतु मेलाय दुईयोब। ई हेके ? = लेबुआ: ईज।
- २७३ सेंगघोर ला: सेंगघोर, चपल तिईज केन्हेल। ई हेके ? = कुंवा
लाईठ।
- २७४ बहेर ते जांग भी:तर ते जांग। ई हेके ? = भाण्डा।
- २७५ हांथी या: ओ:ते मैना चेरे बेरे। ई हेके ? = आवना: ओ:।
- २७६ ठाप ठाप बोकोबते ठाप, जेलोंग ते बुलिना बेर अपनोम
ईडऊ: यो:ते। ई हेके ? = मुरुन रो बुगाम।
- २७७ कोनोन मोनोन डोभा बंगकुलुईया: सोभा:। ई हेके ? = वियोम।
- २७८ ईडिब मॅया डा: तेगा, होकड़ा जांग जो उम्बो: कोमांग जो
उम्बो: मुदा कामु डोम तार वाईरा: एडो: डा: तेगा आवता।
ई हेके ? = कुम्हार रा: लो:खा डे:ज २ सु:त्रोम।
- २७९ साधे लोभे सोंगोएज कुन्डबसितिइज खुटाय गोठोएज। ई
हेके ? = खोमसो।
- २८० थाम पेरोंबा थाम ठो इंग, ओ: भी:तर चोलके मोएँग गा
रंग। ई हेके ? = पान।
- २८१ कि:ते कोबसु ते, थोरेक डियारता भेरे किईजता ते बेस
ला:ता जब सोब डियारता भेरे। ई हेके ? = कडम (चुरी)।
- २८२ संग संग: रंग जो:ना गट गट, योना पि:तोड़ो आ: लोटा।
ई हेके ? = कुजब।
- २८३ गिता: नम ला: गिता: नम इंग ते लगाय डोड़े। ई हेके ?
= कबटो।
- २८४ छाव जीयोम उफे राग घोलबर मो:ड, एकड़ी गोठंग काटा:।
ई हेके ? = बिलोई रो मर गा: मोएँग राग, साँड ओरेज रो
किड़ो: गा मोएँग रांग, घोड़ा रो चीला: मोएँग राग, सोबा
मिले कोन घोल उबर मो:ड, रो एकड़ी ठांग काटा: होईता...
- २८५ रातो: आवकी उतना गोठो:, हिले न भेईर हिले गोडकी,
एडोओ राबतो: दुईयो: रो चोलकनकी। ई हेके ? = लेबु
पडसोर हिनते संगसंग रिठो:।

- २८६ उतना गोठोएज भेबलोबफोएज, चेपुडठोएज रो फोंगटा ,नोमते लगाए गोठोएज । ई हेके ? =दरजी लुतुई सु:ते ।
- २८७ बेरोड तैजडेम तेऊ चोनैंग, बेरोड गोडकीम तेऊ जो चोनैंग, बेरोड कोन डोको: सी:डेम तेऊ चोनैंग मुदा, गिता: नाम ला: उमिंग चोना । ई हेके ? =बेटीया: नुनु ।
- २८८ होकियार जो आपडोम बेटडोम, ईञाञार जो आपडोम बेटडोम उफे गोठांग कोलोंग ते ओखोले गोटा २ । ई हेके ? =आजाडोम, आपडोम, बेटडोम उफेया आवकी मोएँग ।
- २८९ उकड़ा कोनघेर ईञा: कोनघेरते आपा गामते । ई हेके ? =किनकर डोम रो आराम डोम आवकी कियार ।
- २९० ठुमपु, भेलोब, भोंम्पा उ:फे चा:खना । ई हेके ? =मुनगा रा: २ लुकु रो सा: ।
- २९१ चोना चोना ते घोल ऊबर काटा: उबर रा:गा मोएँग राग । ई हेके ? =खटनही ।
- २९२ तेनते तेनते गुचु ते तेनते, डा: भी:तर ते आपनोम ईडु: यो:ते । ई हेके ? =जता कडाँग ।
- २९३ बोकोब मडाय के आता मुन्नी डा: उड्ते । ई हेके ? =हुक्का ।
- २९४ रुसूंग डाँडा: उसलो: ते खुपे की, ओसेल डाँडा: साहेब बाँग लाड़े की । ई हेके ? =सकरकन्दा पोड़ोब रो रुपिया ।
- २९५ कोनोन मोनोन लुतुई कोसोर ना उम सोएजते । ई हेके ? =लांग ।
- २९६ कुईयोब ला: योतेम ईते । ई हेके ? =तो:भूंगना रो फो:ना ।
- २९७ मोएँग सुम्बो:, ईफोन गोएजलो: तिमसोंग ते तोलो: डा: बाँग सहिया । ई हेके ? =गाय तोमलेंग रो मोहीं ।
- २९८ उम जो लूकुता, उम जो रा:ता तेऊ जो सहार २ ओबसोंग डोमता । ई हेके ? =बिलूंग ।
- २९९ कोनोन मोनोन टुईया, उसलो:ते पाटकागोडना उम जो पा:ता उम जो पि:जता बाह रे टुईया । ई हेके ? =कसैली ।
- ३०० पुडछुड २ बेस पैसा कामु ना, आतु चोलतम पुडछुड, कलकत्ता थनी । ई हेके ? =बोरा ते रुमकुब चालनतेकी ।

- ३०१ तुता ते खुनटो, तोबलूंग ते तोलो: होते खेती, डा: डेलता ला: ईयामता किसड़ो। ई हेके? = कुम्हार आ: चाक।
- ३०२ उतर ताय डेलकीम बुढ़ा, चपल बोंग गो:तेम। ई हेके? = ईजथांग आ: लेबु (उरुआ)।
- ३०३ उबर काटा ते जुंग गोठो:, धो:ता २ फोंगटाते सजायो: घसर घसर तारो: बेरोड की रो चोलकनकी। ई हेके? = चकरी रो लेबु।
- ३०४ रुसूंग खासी जांग मोघेर, एआम डा: गुड आ:ना ईकुड सेबोल। ई हेके? = तरबुज।
- ३०५ रा: रा: मेहे, आमते आता रा: रा: बेस। ई हेके? = सिडि:ज रा: रा:।
- ३०६ बाजा मेहे अमा: घड आता बाजा बेस। ई हेके? = ओखड़ी बाजा।
- ३०७ कोनोन मोनोन दारू, छत्ता लेखे उला: बेर होकड़ा मोरोम कोंगते होकड़ गा के:जना पालते। ई हेके? = कुम्हारा: चाक।
- ३०८ ई डांग ओखोड़ डोम, ई तिल तिल, आना बेग कड़ा रेमा: तेज। ई हेके? = डांगबोदी रो आरू रो बोंईठी।
- ३०९ ओसेल घोड़ी या: चपल ते लगाम। ई हेके? = चु:ची।
- ३१० मुडु गन:ड रो डाली धो: धो: गा आवता। ई हेके? = घांस अरओ: तकी जीयोम।
- ३११ बेलोम बड़ोमकोय गोदड़ेगा गुरता। ई हेके? = ईईज।
- ३१२ ई:फोन मो:ड उबर ठंग ठुंगडु इडिब मेया: तारते। ई हेके? = ठोड़कोब।
- ३१३ कोसोर दारू ते बेलोंग आँखो:ले, डेना भेरे को उबार काटा बोंग बरिया डेल कीजर। ई हेके? = तेरोम छोड़ायना दारू डेब की ला: गुर गोडकी भेरेको सांगो डोम तेंगो: ओलोओ: रो डांड़ाआ: तुआ:गा डेलकी।
- ३१४ होडोम दारू होडोमाज: बकला होकड़ा: तोबलूंग ते बुढ़ा बन्दरा कुईजता। ई हेके? = नगेरा।
- ३१५ जाईत जाईत ते कोलेज, होडोम जाईताज: तोमोड कूंगता। ई हेके? = घना लुबंग रो चेपुआ।

- ३१६ सोबरे सोबरे चोर्लकिंग, डोको गोर्डाकिंग राम चन्दर गुर
गोर्दकी तब बेस लाःकी । ई हेके ? =लेबुः ईज ।
- ३१७ घोल उबर खजर उफे गोठंग काटा, अरञ्जोःताकी जुदा २ ।
ई हेके ? =लेरंग रो मेमोन ।
- ३१८ मंगरी डुरुंगते धंगड़ी कपिलते । ई हेके ? =गोने रो लांग ।
- ३१९ रूनु भुनु केन्डोर नंग कोमांग ओलना चोलकी, मोएंग चटकन
गिल गोडे की दाईया केन्डोर नंग लटके गोडना दाईया ।
ई हेके ? =गुजंग डाः ।
- ३२० जब आमः रोमांग नोमते, डेब नंग, ओडोओः उबर लुतुर
नोम ते धोगिंग लाः आम ते सोब कायोम ते बताय गोडिंग ।
ई हेके ? =चसमा ।
- ३२१ ईफोन भाई ईफोन पोडोब, ईफोन भाईगा उनबर ठांग ओःखोः
मोएँ । =खटी पावा रो गाता ।
- ३२२ मोघेर बाबु किनिरते आवता रूसंगडाः उड्ते नाबब बोंग
लडेता । ई हेके ? =सेएः ।
- ३२३ ईंग ते बदला ना आम ते सँग सोंग ते की । ई हेके ?
=बिलंग सोंग के साः बदला ते की ।
- ३२४ चिर चिट्ठी गोने गुमुल, हुँमपेर गोडना लिबरे बेरोड्ता ।
ई हेके ? =पेंडेड् ।
- ३२५ मोएंग जीयोमाः पता डोम ते पैसा । ई हेके ? =माराअः
भाईल ।
- ३२६ कातोर गुड् बोकोब, ईज डोम बिरू गुड् । ई हेके ?
=तोबडिर रो भुड् ।
- ३२७ तुता तोबलूंग पटी, हिनते ईंग, लेबु योयंगलाः कोठा डियार
नंग । =कुल्लु ।
- ३२८ कोकोड् मोकोड् बेलेड पंजरा डोमते मोओड । ई हेके ?
=खलडा ।
- ३२९ मडोम खेड खेड बेईटडोम बेस । ई हेके ? =एरीन ।
- ३३० राजाः कौसा ओरेज डेडंग बोंग तुजीगा मुःता =खलडा ।
- ३३१ कुडवांग डोभा ढंगुरा ते पासा गोडना बुदनु कडोंग फच फुच
मुःताकी =नगेरा ।

- ३३२ बेरोडना ठुंगकु आना कामू ना=पाथाः ।
- ३३३ लुपुंग गुन्डा ईकुड सेबोल=लेमेड ।
- ३३४ ए तिल तिल ई जुराः कुलूतर आना सूःढाः गामोएज जेएः । ई हेके ?=प्याज रो जुराः कन्दाराएज ।
- ३३५ तोबलुंग मांगते उसलोः हबकायते । ई हेके ?=कुदड़ी रो कोन्डेएज ।
- ३३६ बोरोल भेरे ओखोः ले जांग, बेलोंग भेरे ओखोः ले उसल । ई हेके ?=लारोः लुकूः ।
- ३३७ लुकू ना भेरे मोएँग २, बेलोंग भेरे भोम्पाः । ई हेके ?=क्यु आवा ।
- ३३८ दांवनाहा बाःछा दावं न उम पलता, अराई डांङाः रामना उम पलता=किडोः रो बुगाम ।
- ३३९ उडूल सितिल खोखसोः दारू, मोःभीते ढोढ़री । ई हेके ?=मासोः लुकु ।
- ३४० रूसूंग बाबु हाहा हूह । ई हेके ?=मरची ।
- ३४१ भेलोब केंगरा ईघाय डाः डेलता होमने गा तेज=डोंगा ।
- ३४२ एनेम ईसिन क्यु ओलेः=तुम्बा ।
- ३४३ ईःफोन डेडेंग भेड़ा ओलेः=(खटी) ।
- ३४४ कोनडोए याः तोमलेंग ओलेः=तेरोम ।
- ३४५ मोएँग दारूते चुःची याः चुःची=पुटकल साः ।
- ३४६ मोएँग कन्दाराएजाः देहटोम गा उम्बोः=अण्डा ।
- ३४७ बोरोल इकुड, गदरल लामना उम कुईता, बेलोम तेको बेर जो उम पुछायते=जुवान बेटी ।
- ३४८ ओसेल बकरा भीत पाटका । ई हेके ?=जोते ।
- ३४९ बारो मड़ोम तेरो तेली तेरो ठो कोलोंग ते गोटा २ ओखोः की । ई हेके ?=मोएँग तेली याः जिमी तेरो तेली आवकी ।
- ३५० बड़ोम बेटाः लाएज भीःतर ते कोन्थेड आवता । ई हेके ?=लुवा, जराः लाएज भीःतर ते लुती आवताकी ।
- ३५१ तार तोले तरपत तोले, तोलेरे खेःजा २, रो आना चोनाम सरोंगगा=चरखा रो पोन्थोर ।

- ३५२ उःफे चोलता घोल ईफोन काटाः बुःभीतमलाः केन्डोर आना गोनमेर नोम, ओडोः उम बुःभीतमलाः केन्डोर धाय एंगनाम नहियार । ई हेके ? = बुढ़ा बुढ़ी आवकी कियार (सौऊडोम, साऊडायडोम) रो मोएंग घोड़ी आवकी, रो सौऊडायडोम रो घोड़ी जिरी ते आवकी कियार, लाः अङ्किराः ईफोन काटा, कुन्डुऊगाः उबर, सोब जुमायना धांवे टिबर काटा होईना, रो घोड़ी रो लाएजाः कुन्डुः उबर ठांगा तोमसींग काटाः सोब जुमायना धांवे घोल ईफोन काटा होईता ।
- ३५३ मुडु लेबु गोड्भूंग संगोडना लाःकी, लाः दारु बोःते डामकी भेरे को छत्ता ओडेफोः, डाः बोःते डामकी लाः जुता सुईयोः, बताय ईना होघय करायोः = तोबल्हंगताय कोन्थेड् ईजे गामके लोंगोए नाः थोंग दारु बोःते डोकोकी भेरे छत्ता ओडेफोः, ओडोः डाः भीःतर ते जुराः ईडुः आवना गामके जुता सुईयोः ।
- ३५४ हजारो, हाजार सवांगिया कामू ताकी मुदा गोड्भूंग ते धुड़ी उम कुहूडता = गोंडलोः ।
- ३५५ तोबल्हंगताय गुरकी चोचा, लाः गुचुः डोमते नोचाः तेकी । ई हेके ? = तार लुकु ।
- ३५६ गुंजा ओःते मोएंगा खुंटो । ई हेके ? = छत्ता ।
- ३५७ लोबरोः डाः ते उडना धांवे कडोंग दुसर्मे खोरता = गोंलग ।
- ३५८ कोसोर दारु ताय डाः पभरेता = जोल तोनना पटाः ।
- ३५९ उसलोः डालडोमता लाः ओलेंग गोडता रुःडोमता लाः पातर गोडता = मोःड् रपीडना ।
- ३६० भाड़ी सिनी गोसोडता मुदा मुनगा सिनी उम गोसोडता = बुनुईयाः चोमले ।
- ३६१ बोरोल कड सुरुमते, लाः गोएज २ कड रेमाःते = ओरोज रो ठोड़कोब ।
- ३६२ मोएंग बेटा पुड्ता २ बोकोबकेःते = पेः उलुःता ।
- ३६३ रोकेड् लेखे एनेम भूस्ताः रुमकुब = बिलूंग ।
- ३६४ महाराजा अडियाः राईज्यते ऋड़ीयाः ओः बुलीता = रुपिया (राजा मुरुत) ।

- ३६५ मोएँग कोन्थेङ् उम आण्डा ते मुदा कुन्डू: ते = भदड़िब ।
- ३६६ रूसूंग ओरेएज कलोब ओ:ते मुदा डा: उडते ला: गोएज गोडता = तिमसोंग ।
- ३६७ ईआ: उबर ती: आईज मुदा रुमंग नंगते जीबना उमिंग पलते = घड़ी ।
- ३६८ टिबरू गोंठंग भाई मुदा मोएँग गा चपल = अलीङ् ।
- ३६९ मोएँग कान्दायबोगा: मजोंग ते गोने = खंखड़ा ।
- ३७० मुडु कङ् ईफोन गोठंग मुडुब मङायगा डोङ्ते = घोड़ा कोनकुई
- ३७१ रूसूंग, ओसेल बगा: भुस्ता: धुरलो: उम्बो: = पैसा रो रुपैया ।
- ३७२ तोबलूंग को चिकंडो: जोबना को रुद रुदु = बेलोंग कायर ।
- ३७३ मोएँग लोटा: डा:ते उङ् मोएँना उम पलता = कथोम ।
- ३७४ लेबडोम को जंग तिईज नो कोमांग तिईज मुदा ओओ रो: धौ धौ = काईया: ओओ (काईपोटोम) ।
- ३७५ वंग वंग बनाय हडुबते = कोने बभायना जाता ।
- ३७६ उडुल सितिल ठेंकुलंग सी:डेम मो:भी कुन्डाबते पता = तराजू ।
- ३७७ सोब पिईज् जोड़े डोमना, मुदा मोएंग ते जोड़ेना उम पलत = कुयु रो तुम्बा ।
- ३७८ भिबरी दारू आअ: लोंगोए उम्बो: = तरदी ।
- ३७९ थोम सींग डांटी, घोल गोठंग खुनटो बडोम ओनते जाल = लुङ्गी डोएजना ।
- ३८० ऋड़ी ओओ तेकी मासाला, धुड़ीया: मासाला रो तोबडा: बेर ओ:ते = लुवंग ।
- ३८१ मोएंग थारा: कसैली कोलना पलेम = सिनकोम ।
- ३८२ मुडुऊ कङ् ईडिबते बुमडिम आवता (तरिगन) तुनबो:ते लेमेङ्ता = सोलो: ।
- ३८३ मोएंग चुका:ते बोदो दाईल = गोने ।
- ३८४ मुडुऊ कङ् जोरमे तानो डोकोता = खपरा ।
- ३८५ मोएंग बुंगांमा: उबर ठंग बोकोब = अरगो: ।
- ३८६ तावा ते ओसेल रा: रा: कुईजना = लवा गाएजना भेरे पुंडूऊता ।
- ३८७ मोएंग महरा कोनसेल गोठयते भेरे को मोएंग रंग, काएजते । भेरे को कईक बरन = सिगंकोय अण्डा रो कुन्डुऊसिंग ।

- ३८८ मोएंग काण्डायबो: पातार तनो ओसेल सिंगकोए पटकाते= खरोम फेकायते ।
- ३८९ आतु चोलतमरे रूसूंग चपल, आतु जो उम्बो: रे बाना:- बन्दरा रो किङो: ।
- ३९० चट-लगन चट बिहा बेहार (जल्दी) तुरते ओओ बायते=तोबडिर
- ३९१ होडोमा: कुन्दु: होडोम कड़ ओंडेते रो बुईते=कोईला: कुन्दु ते कौवा: बुईते ।
- ३९२ बोरोल भेरे मोएंग जिमी, गोएजता ताय बरने बरन जिमी= कोन्डेगं ते डेएज के कईक ठो साजु बायतेकी
- ३९३ राटा: पटा: सोबते डा: तुडा: डोङ्ना पलते मुदा डाईना: चुका:ते तुडा: डोङ्ना उमपलते=केन्डोङ्
- ३९४ मोएंगा लाता ते उबर ठंग बुंगाम कुईजता कियार=ओखड़ी ते दोहा डुरूंग तेकी ।
- ३९५ डांडा: बोंग चहे चटकन बोंग किईजते गिलेम तेऊजो मोएंग ओरोएज उम बेरोङ्ता मुदा लतियाय गोडना धंवे तुरते बेरोङ्ता =ढँकी ।
- ३९६ जोंओना, उङ्ना धांवे सोबा: लाएज महान गोङ्ता मुदा मुङ्ऊ कड़ लाएज बेसू ओ: गोङ्ते मुदा लाएज डोम हो आ: हो गा आवता=तुम्बा रो कुईउ ।
- ३९७ सोबग एनेम खोदिया सुसु सेंधोरडा: संगोङ्ताकी मुदा मुङ्ऊ कड़ एनेम खोदिया सेंधोर संगोङ्ना उम सोएजते=कोम ।
- ३९८ तोबलहुंग ते लेंगता की होकी, उसलो: ते संगोङ् ताकी, रेंगे ताकी होकी सोबगा आङ्किया: कुन्दुऊ ते यो:तेकी, मुदा मुन्दु कड़ अडिया: कुन्दुऊ गा: रुमंग यो:ना उम पलते=बुंगाम रो टेडेंगा ।
- ३९९ पान्दरा भाई आईज मोए, मोए कोलोंग ते चौदा भून खन्डा, खन्डा ओ: तेकी मुदा चुटअङ् कड़ गोटा कोलोंग ओओते= लेरंग रो पान्दरा ठो दिनो चौदह तो: लेरांग खेन्डो आवता मुदा पुनियोम मुसनिंग गा आवता ।
- ४०० मुङ्: कड़ ओ:ते ईजते, मुदा होकड़ा लाएज गा उम्बो: डेज =राहटा रो जाता ।

- ४०१ ओःनाः घड सोबा तोमोड आईज, मुदा मुडुः काड़ाः तोमोड गा उम योःता=दारू की जूःड बोंग रसस डिंगतेकी ।
- ४०२ जहां जैः डेएजना धावे कोनोन ता रो बोंगता मुदा मोंएग ते डेएजना धावे ओडो महा ता=गःधाः ।
- ४०३ सोब बुगामाः बोकोब रो पता कोंगता मुदा मोंएग बुगामाः बोकोब रो पता आजै हेके उम कोंगता=अरगोः ।
- ४०४ मुडुः काड़ ते गिलतेकी तोब डाः उबुड तेकीउमलाः एनेम गिल डाः उमाएतेरते=लुबंग, अलसी, कोन्डेज कीते पञ्जाय कोन पनियाय तेकी ।
- ४०५ मोंएग मुःठी सोब बेलडोम आईज कोलना धावे ओईरगा उम कुईता=सिनकोम ।
- ४०६ भकुआः कुबड़ी घोड़ी, मुडुः डेबता लाः लंगड़ी, बरिया डेबता कियार लाः सेंघोर चोलता=अरगोः ।
- ४०७ राजाः तिजाः लाःधे न पलेम=अण्डा ।
- ४०८ मुडुऊ कड़ाः चपल ते ललटेन=भाग जोगनी ।
- ४०९ मुडुः कड़ पता डोमते चुःची उनते=बिछी ।
- ४१० योःए से मां ईञ्जा, आकिल, बेटाः तोमोड उमिंग योःसीः तेऊ जो डिन्डा तेगा ३६० ठो कुन्डुतिग=भीत कीते ओः बायते कुम्हार ।
- ४११ उबर उकड़ी कन्डाय, होकियाः मोंएगा कोडपुडुः=गोःभूग रो पेईठ ।
- ४१२ तोंगेन कोन्थेड ते डेएजतेकी, रो पेनएर डोमते उचड़ाय गोडते की, उसल डोमते जो फेकाय गोडतेकी, कोसोर ता ताय सोंगोल बोनेता मांस ठोमते जो फेकाय गोडतेकी, डाःते भेईर जोबतेकी=गुडोः कतारी ।
- ४१३ खोंडेएज जो गोटाः उम आवता, एनेम बुःभिगा दिनो धोःखो बोरे लाः तेरिंग ई, जुमगे लाः बतेंग ई=अडेल डाः ।
- ४१४ किईजता ते कोसु लाःता, थोरेक डियार ता भेरे, किईजता ते बेस लाःता सोब डियार मोंएता ताय=चूरी, रोकडम सुना ।
- ४१५ मोघेर आईज मुदा कीता उम्बोः पेनेर आईज मुदा बेलेड उम्बोडेज=भदड़ीब ।

- ४१६ मुडुः कड़ाः तीः रो गुन्डुः मोंएगा=कठखोली कोन्थेड ।
- ४१७ मुडुः कड़ाः कुदडी रो तीः रो तोमोड मोंएगा=किल किल कोन्थेड ।
- ४१८ मोएंग बेटी गोटा ज़ेरी सोनोर सुःते=पोठाः कडोंगाः चोएआ ।
- ४१९ लेंगताकी चाहे उमोएं लेंगता संगोडताकी सोबगा अपन २ कुन्डुः ते अलर दुलार बोः उनतेकी मुदा कड़ अडिया कुन्डुऊ ते कुईते लाः तार गोड़ते=अन्डरा मराः ।
- ४२० मोएंग छटका गिड़िग साहा तेको, भोरती आवता मुदा जेःरीब तेको तुर डोम गोडता=लुतुई उनना हड़का रो बोकसा ।
- ४२१ ठपु बुढा बहेर ते जांग भीःतरी कोमांग=कुलम लुकुः ।
- ४२२ मोएंग दार ते इडिब २ डेएज गोडना जनापतर तेगा तूंगलिईज गोडता=भुडुः ।
- ४२३ मुडु राजा एनेम दार एनेम खुन्टो भंडियाः ओः बायते=तोबडिर ।
- ४२४ मुडु कड़ मुसंग तिईज रो मुसंग तिईज लुवंग उनते=सोसोः लुकु ।
- ४२५ सोब ते डाः रो जोल बोंग ईबसिन तेकी मुदा बुंगांम चारा ते रोकेड बोंग ईबसिन तेकी=गंगाई लावा ते रोकेड बोंग गाएज तेकी ।
- ४२६ गुडगुड हुका गुडगुड चिलम बोरते बीजोम, सर चीःको काना =डाः गिमते, भेरे गोएजलोः बिजोम बोरते ।
- ४२७ संगीपुर ते सुरुम चोलकी, गातापुर ते धोःडोमकी उसलोः ते फैसला होईकी, लाईतपुर ते तारडोमकी=तोनकेड ।
- ४२८ जे मजा उम आवकी कामू न भेरे, हो मजा आवकी योःडोः न भेरे=कोललंस बेटा बेटी किराः अलर दुलार (प्रेम)
- ४२९ मोन ते दुःखो होईकी, मोःड ताय डाः गिमोः, डाः चोल की कानौजदुर=मोनाः फिकिर (दुःखोः) ओडोः रोमोडअः डाः ।
- ४३० लेबु ते लेरे होईकी, रातोः गुर की, सेंघोर गुरकी, तेऊ जो पोडता सोब बीजोम= बाः जहांगय गा गुरता मुदा पोडता ।
- ४३१ दुनिया ते आता पण्डित हेके, बेरनो तोमोड बोंग लुकु ते ओःते रो तोमोड तायगा ईजते=भदडीब ।

- ४३२ आव गोडकी चिन्हा, थोपी ठो:की, डोको गोड्की हनतिईज
उतिईज मुंएगर लाकी=थेथु लेबु ठो:डा: कयोम कुईते,
तेउ जो ला: सी:ता ।
- ४३३ दुनिया ते कुईना धांवे उम गोएजता=माईन मरजव ।
- ४३४ दु:खो ईते तारना उम पालते=जिमी ।
- ४३५ अवकींग इंग किनीर भांखो:इ ते परोकिंग जब सजन या:
ति:ते आठो आंग ते मचिया डोबको यो:की, हूरे इजां:
जीरीते सोलो: डिगते=सेइरगा ऊला: पतड़ी ।
- ४३६ खोता बेलते मगर अण्डा उम करायते=सो:लुइय ।
- ४३७ राजा या: गगरा बेबरोड्ना पालेम ?=चुंगडा: ।
- ४३८ मुइंग कोनसेल डु: भेततू भोरे कुन्दु: ते=पोढ़ो दारू ।
- ४३९ मुइंग कचीया या: गुड़ो रुमकुब, जोल सोंग ओले=गुड़ो
कोलोग ।
- ४४० मांडोम बेटाडोम ओमपाय लांघेना ला:की कियार, बेटडोम
सेग लांघे की, मां डोम गामो: आता ठाडो ते आपनोम
गोअसी: हिन ठाड़ो ते धो:के इगते लंघाय=जीमी ।
- ४४१ सए: अन्डा लेखे जाग दारुं बड़का महा=कदम ।
- ४४२ घोल उबार हाथ गोहार, एक हर घोड़ी उम से:ता=नुनु ।
- ४४३ लिमीट गुंडा बड़ा सवाद=लेमेड ।
- ४४४ सब चिज ताय ई चिज सेबोलला:ता=बेतोड् ।
- ४४५ घरती ते सब ताय बेरा: कुन्दु: सुन्दर=अडीया: कुन्द: ।
- ४४६ मांडोमा जीमी रो बिटडोम या: जीमी मुइंग गा बेटडोम
या: जीमी उमरु, ऊ कायोम ते गाम डोड़े बाबू तोबे बेबरोडेम
कंवह=कुपुंग तोबलुंग ताय बुन्द गुरकी उसलो: होयकी अण्डा
ऊ कयोम ते गाम डोड़े कोनसेल तोबे बेबरोडेम भान्डा=अडेल ।

APPENDIX

कबतीबकड़ कीते मदत तेरो:मोय हिन खड़िया किया: जीमी :—

| | | | |
|----------------|----|----|------------------|
| अंधु भगत | .. | .. | रकमसेरा |
| बुधु खड़िया | .. | .. | समसेरा |
| तोहा बिलुंग | .. | .. | ढेढौली |
| फिलिप डुंगडुंग | .. | .. | सलुबेड़ा |
| अगस्तुस सोरेंग | .. | .. | कुलुकेरा |
| जोसेफ केरकेटा | .. | .. | कोएम्बा |
| सनिचर भगत | .. | .. | उमड़ा |
| बोअस तिरकी | .. | .. | बघिमा |
| जोगी महतो | .. | .. | उमड़ा नोवाटोली |
| जोहन किड़ो: | .. | .. | कैम्बा मुरुमतोली |
| यकुब किड़ो: | .. | .. | लौवाकेरा |
| काटे खड़िया | .. | .. | कालेंग |
| टेवा खड़िया | .. | .. | बमलकेरा |
| इलियाजर कुलु | .. | .. | जरगट्टा |
| मघु खड़िया | .. | .. | तरलोया |
| जुनास सोरेंग | .. | .. | जोकाड़ी |



Cal
M.H. 3.74.

"A book that is shut is but a block"

CENTRAL ARCHAEOLOGICAL LIBRARY

GOVT. OF INDIA
Department of Archaeology
NEW DELHI.

Please help us to keep the book
clean and moving.

S. B. 145-N. DELHI.